



L E S
OE V V R E S

D E

BR V S C A M B I L L E.

Contenant ses Fantasies , Ima-
ginations, Paradoxes, & au-
tres discours Comiques.

*Le tout nouvellement tiré de l'Es-
carcelle de ses Imaginations..*

Reueu, & aügmenté par l'Autheur.



A L Y O N ,
POUR CLAYDE CHASTELLARD.

1 6 3 4.

GEORGE

1770

1771

1772


1773

1774

1775

1776

1777



LE LIBRAIRE

au Lecteur.

OUVRAGE, beaux Esprits:
 Voicy le resueille-matin qui
 vous doit tirer du somme profond
 qui vous retenoit au ceps d'une me-
 lancholie, dont les effects sembloient
 iurer vostre ruine. Voicy les Oeu-
 ures qui distillees par l'Alambic d'un
 cerneau entrelardé de diuerses Con-
 ceptions, vous presente autant d'a-
 greables contentemens, que de paro-
 les facecieuses. A ce sujet ie vous
 donneray aduertissement auant qu'en
 faire la lecture, de vous fournir de
 fil & d'aiguille pour recoudre vo-
 stre bouche, qui sans doute ne man-

quera de s'agrandir à force de rire.

Ie ne doute pas que quelques Prologue & Discours (simples modèles de ce Liure) ne vous ayent esté presentez cy-deuant, mais cōme vne masse confuse, qui maintenant venue à sa perfection (comme les petits à qui l'Ours peu à peu dōne sa vraye forme) semble autant digne du iour qu'elle meritoit estre condamnée.

L'augmentation qui se trouuera en ce Liure, illustree d'une rare nouveauté, & paruenue à son periode, doit tellement vous apporter de la recreation, que vous serez contraint de l'aduouër plus legitime que ses aïsez & confesser qu'en ce faisant, ie n'ay eu autre desir que de vous faire paroistre que ie suis,

VOSTRE AMY.



LES
OEUVRES

DE
BRUSCAMBILLE.

Contenant plusieurs Prologues,
Discours, Harangues, &
Paradoxes facécieux.

Premiere Harangue de Midas.

LA fresche & deliberee assistance,
ie vous apporte de la moliè de
Terre neufue: car vous sçauiez que l'e-
steuf vient de la main d'un bon iouieur,
l. i. cod. & ff. eod. tit. & vous ne veistes ia-
mais ces cœurs de lieure faire autre
chose que tirer la barbe, & passer sur le
ventre d'un Lion mort, vous sçauiez aus-

si qu'un fat de Therſites n'a pas la tron-
 gne aſſez bonne pour imiter vn Her-
 cule, quant à ces eſprits quinteſſenciez
 & rapurez, qui ont le ſoin de faire la
 premiere partie des Orgiades, ne vou-
 lant pas ſortir du logis, de peur de la Lu-
 ne qui court depuis peu de tēps les rues,
 & mord cōme vn chien enragé, comme
 nous dirons, *lit. ult. § paries*, ou de chop-
 per à la boutique de S. Coſme, & man-
 ger des bignets apres la Pentecoſte, hors
 de ſa ſon arriue touſiours quelque bon
 morceau de gibier, tant pour le corps
 que pour l'ame. Continuez nobles eſ-
 prits, en mangeant des chapons de Lou-
 dun ou du Mans, à lire les heureux, &
 admirables voyages de ce ſublime per-
 ſonnage Rabelais, mais ſi la fievre (qui
 vous puiſſe ſangler) vous prenoit, n'en
 brulez pas les Commentaires, comme
 fit ce niaiz de Paſſerat. Imittez-moy ces
 coureurs de fortune, qui commencerent
 & finirent leur chemin par boire, ſça-
 chant bien, que *beatus qui perſeuerauerit*,
 & vous trouuerez qu'il n'y a rien meil-
 leur que faire gotte chere aux deſpens
 de qui il appartiendra. Penſez-vous que
 le

le Pelerin du ciel, qui a oublié à raconter toutes les male-bosses des mariages d'Alençon, aye esté si caillette, qu'il n'aye pris avant que partir du vin blanc & cleret, hypocras de toutes sortes, *ad cyantos septem*, & outre vne bonne cohourde à son costé, comme les forciers apres estre bien graisiez, vont au labat avec vn baston entre les iambes, ce qui les fait aller à l'amble plus viste qu'au cheual de Pacolet, il a bien peu mettre son cul au vent sans mon cōgé, comme sans le vostre, ayant pris pour mieux exploiter, vne bōne & forte carreleure de ventre, monté sur madame des plantes, haquenee ordinaire des petits Cordeliers, puis que les grands vont à cheual, ainsi que ceux qui ont la podagre, ie suis transporté sās passer par le milieu malgré les Philosophes, en tous ces quartiers nouvellement descouverts par ces coureurs de fortune, curieux que i'estois d'en attraper vne bōne, & pour tirer l'elixir de la derniere partie du Catolicon d'Espagne ayāt esté trois ou quatre fois disposé de m'inscrire en faux contre son auteur, laquelle toutesfois plusieurs faux-

sauniers tiennent pour apocriphes, pour plusieurs raisons impertinentes, & faire vne ordonnance qu'on y croira comme aux cōciles ortodoxes & œcumeniques, & en la mesme façon qu'aux articles de foy, *sub pœna peccati mortalis*, & excommunication maieure & mineure, cōme il est nouuellement cotté en la s. pauline *can.4.* & pour executiō de ceste sentēce, ie vis plusieurs diables de moyē & gros qualibre, pour toutes sortes de personnes, comme Morlet, Catré, & autres, empeschez à faire fourbir leurs espees, & ferrer leurs males mules & les vostres comme les Sergens du Chastelet, pour faire mōstre le lendemain de la Trinité: apres les reuerēces faites, on me fit dire ma creance en Latin & en François, à laquelle sans rien innouer, ou chāger de son vieil bastiment, l'on me fit par force adjouster vne clause sur la fin, pource que, disoient-ils, le plus fort à escorcher, c'est la queuē. Ie croy la vie eternelle pour ceux qui ne douterōt du Catolicon d'Espagne, en attendant qu'on luy aye donē le rang qu'il merite, car quelques fantasques soustenoient, qu'il falloit
mettre

mettre deuant la Genese, encore qu'elle
 soit plus en vsage que iamais, attendu
 qu'en vn bon assaut, les enfans perdus
 vont tousiours des premiers, ie pronon-
 çay bien en grommelât de rage de faim
 contre ces petits grimaux nouuellemēt
 venus, qui faisoïēt tarder le vin, vn vail-
 lantissime *quos ego*, mais pour cela ils me
 cracherent au nez, cependat l'heure de
 mon ordinaire approchant, me vint cor-
 ner par le derriere, qu'il auoit fait ad-
 journer vn des habitans de Vinon qui a
 vsurpé à faux tiltre sa devise, *Natura se-
 quitur semina quisque sua*, que necessaire-
 ment il falloir chopiner, c'est pourquoy,
 de peur d'estre rebelle à Iustice, qui a fait
 adiouster à la *l.i. cod. null.* ce beau & su-
 blime §. *pro absentibus ossa*, ie me rangeray
 du costé des plus forts, à fin de repren-
 dre mes regles d'Astrologie. Estant donc
 rauy en extase & en meditation de bien
 disner, à cause qu'en bonne Logique,
venter pinguis nō gignit sensum tenuem, i'en-
 tendis vn grand bruit cōme des iambes
 rempuës, l'on me dit que c'estoit l'om-
 bre de Philoxene, avec l'Asne des bons
 Hommes. Gourmandin, qui iettoit des

pierres à ceux qui luy reprochoient le desir d'auoir vn col de grüe, & de faict ce pauvre Asne qui a long temps repeu dans les landes, de sorte qu'il en a retenu le nom, viroit ces cailloux avec vne telle impetuosité, qu'il en cassa la iambe à vn de mes amis, ce qui me broüilla vn peu la ceruelle, cause pourquoy ie le voulus mettre entre les mains de ces petits diables, pour le traïsnier entre les griffes des grands, lesquels s'y employerent: & pour n'auoir rien fait qui vaille, ie leur donnay quarante sols de pardieu, à fin qu'ils allassent piotter ensemble. Mais pource que i'estois bon drosle nouuellement drolifié, ils promirent, mettant la main au cul, serment ordinaire à tous ceux de leur robbe, de me faire voir merueilles, si ie voulois vn peu tarder: ausquels pour manger vn peu de poids verds, ie m'accorday fort difficilement, à cause que l'heure de disner se passoit. Qu'on ne me presche plus que les longues oreilles sont les Asnes. Car Maistre Guillaume eut bien fait tailler vne socquenie entiere, & de coudes-lons à ses chausses d'vne des leur, & toutesfois

tesfois ils auoient tous estudié pertinē-
ment en Philosophie , & spécialement
en Physique : car ils pratiquoient avec
vne galantise indicible les œuvres de
nature , veu que pour me monstrier les
grādes & admirables choses que ie des-
critay , obseruerent le maxime qui dit :
(*à notioribus nobis ad ea quæ minus nota sunt
progrediendum est*) in ca. 100. & ultra. Or
sus, me dit le plus aîné de ceste escoüa-
de diabolique , grand Chambellan de
Proserpine, elcuyer de Lucifer , & gen-
tilhomme volontaire sous la cornette
de Beizebub ; en ouurant vne petite fe-
nestre , regarde ce que tu vois , c'estoit
vne armee de telles gens que l'on voit à
la porte du Palais à Paris , qui cerchoiēt
la grande rue des nourrisles , de laquel-
le ils n'osoient approcher , à cause de la
Greue qui en est proche , parmy lesquels
i'en vid vn , qui pour auoir veu , dit-il,
vn certain quidan qui bouchoit ie ne
sçay quel trou avec plaisir , se vouloit
faire Chauderonnier , craignant qu'à la
poursuite de sa premiere fortune , il ne
luy mesaduint comme à celuy qui mal-
gré ce grand Baltazar , y a perdu vne de

ses pattes de deuant, c'est pourquoy au lieu de luy faire mettre le doigt au trou pour le passer maistre malgré plusieurs franc-taupins qui iestoient assistans à ce spectacle, luy fut donné vn petit soufflet avec trois petits mots de Latin, lesquels pour auoir la teste pleine de grez, il entendit assez bien, *caue ne in melampygu inoidas*, garde toy des bestes qui ruent. Je vis apres vne assez belle perche, bien qu'odorant vn peu la bourbe, ayât quatre ou cinq pieds de longueur, chacun en vouloit goustier, mais pour en torcher les babines à qui il appartiendrait. Ortelius fut esleu arbitre, qui nous dit, que elle auoit esté peschee au païs de sapience, que les fols n'en gousteroient point, c'est pourquoy, merueille que i'admire incessamment, on luy fit rendre l'espee & la dague, luy assurant que les poissons n'auoient pas accoustumé d'aller à la guerre, il me souuint du monde renuersé, où les Saumons conduisent les Chassemarees. Apres cela ie veis arriuer quatre grandes carcasses, ayant le vent au cul aussi bien qu'vn ballon, & qui meriteroient bien d'estre gallez de la

la façon, comme fait ces ballottes de cuir, carcasses à vray dire enflées du vêt d'ambition, dissemblables à celles - là dont est parlé en Ezechiel, *capit. qua.* ce fut alors où i'eus grád besoin de la lanterne de Diogene, ou de celle de Iudas, que S. Denys garde comme precieux reliquaire, pour en vser à son besoin, si i'eusse veu sortir les cornes de la teste de quelque veau comme vous, ie me fusse fait Escolier de Democrite, mais pour ce que i'ay tousiours esté fort curieux de tenir ma conscience plus nette que ces petits fratrez qui font de leur manche vne rotisserie, ie demanday que vouloyent dire ces pendants, lesquels me donnoyent la fièvre quarte, qui vous puisse ferrer : l'eloquence de mon conducteur fut grande en l'explication de ce passage, & m'en donna autant d'interpretations comme les reformez, sur les mots qui font l'essence d'une bonne Messe bien courte, ie chois la meilleure qui estoit ces quatre enfans de haute & puissante Damoiselle à virecul, Madame Mutinerie, nommez Midas, Paris, Atcon, & Polipheme accompa-

compagnez d'un homme de chambre plus meschant que tous quatre, qu'ils nommoient Sinon, avec un petit haire ou hargoulet de lacquais, lequel ie veis bien n'auoir pas vſé beaucoup de mandilles, veu qu'il ne pouuoit faire reuerence meſme à ſes miniſtres, ſans auoir les mains baſties comme le crochet que Rodomont oſta à Pluton, en preſence de tous ſes gardes, & pour monſtrer qu'il n'eſtoit encores aſſeuré, de quel pied il deuoit commencer le branſle double double, il retournoit ſouuent ſa calſique, ils ſuiuoient leur mere & maiſtreſſe en vne grande place ſemblable au marché de Beauuais, ſinon qu'ils y auoyent expreſſement fait baſtir vne boucherie & vne haranguerie, rodomontadant, créuaſſant, et cumaſſant grabouillaſſant, plus qu'un homme femelle qui feroit des œufs verjuſtez : de ſorte qu'on les croyoit à les entendre diſcourir, pour quelques Bourguignons ſalez, ou pour Eſpagnols du Havre de grace, & pour ce que leur valeur s'en alloit en veſſie de loup, ie les voyoit minuter vne alliance avec certains voleurs iſſus des

Guille

Guilleris, de peur que ce bon broüet ne se perdist, & pour estre vn iour petits saincts en Paradis, & de faict vn d'eux auoit quasi eu ses depesches en vne rencontre qu'ils firent auant que d'aller chez le Notaire, en laquelle Poiipheme eut le doigt escorché iouant contre eux à qui en feroit. Madame Mutinerie y auoit enuoyé deux de ses filles, Pistolerie, & Trenchetout, lesquelles se vouturent véger d'vne cause qu'elles auoient perdue contre les parens de S. Yves, en fin ils beurent tous en vne lechefrite, & espousant contre l'opinion du pelerin du Ciel, ces deux Damoiselles susdites, six qu'ils estoient, tant maistres que valets, firent paix perpetuelle iusques à la premiere occasion, avec Madame Mutinerie & ses enfans, ce fut alors que ie fis preuue de la maxime, *virtus vnus fortior est dispersa*, car rodant par la Normandie, de laquelle ils estoient issus par la Gascogne qu'ils auoient soustenuë, ils mirent tout en vn sac, comme celuy-là que l'on vouloit faire Euesque, ne pardonnant pas aux chefs, les vns desquels ayant la caque-sangue de bource, fie-

vres

vres de veau & autres droleries qui font faire des farces derrière les rideaux (mettez-y ces oysons) ne sortoient point hors leurs portes, de peur d'en perdre la veüe, en fin ils resolurent ce me semble de faire des estats, quoy voyât mon diable, que la faim s'augmentoît comme moy, me donna moyen d'entrer pour voir ce qui seroit resolu, si bien qu'il me laissa habillé à la Normande, & tât gentiment contrefait, que j'eus voix au chapitre, & autant de priuilege que ceux qui donnoient vn teston pour voir les Italiens sarabander en l'hostel de Bourgogne, car ie me mis à la gallerie. Au commencement, ie recogneu ceste vermine fort curieuse d'antiquité, & pour me prouuer que quelquefois la lican-tyopie prend aux hommes, & que les hommes de leur sorte sont le plus souuent bestes, firent chacun vn petit discours bien troussé de peur des crotes, desquels ie vous feray part, craignant que si vous disoit tout, la poussiere qui ne court point en tant de pluye ne m'alterast, & que me refusassiez à boire. Ils prindrent donc tous leur place, & pour
mon

monstrer que la religion les conduisoit tous en ce lieu, vn qui auoit tousiours le nom de Dieu en bouche s'estoit Midas, se plaignant de son chapeau à petit bord, qui ne pouuoit cacher ses oreilles, m'appella par mon nom, & me dit: Vlyssé prends place, i'obeys promptement, & apres m'auoir monstté, comme aussi à toute l'assistance, le tableau de l'enfer entouré dedans le Sanglier, d'Elephant & de Crocodile, plein d'hommes qui comme luy s'y precipitoient à perte de veüe, garny comme vn arsenal de toutes sortes d'armes en peinture, fit vne imprecation solemnelle, contre ceux qui ne voudroyent donner leur roquilles selon son intention, fut-il plus iuste qu'vn Aristides, & dit que s'il ne disoit librement son opinion il se donnoit luy & tous ses parens (*diabolis omnibus*) & alors comme le plus effronté & infame des assistans, commença sa harangue à cause que les autres auoyent vne pierre au bec pour l'heure.

Seconde Harangue de Midas.

MEssieurs combien que depuis long
temps ie sois deuenu tout meta-
graboulizé à chercher la profondeur de
vostre folie, ie n'ay peu par aucune rei-
gles des Matcmatiques, ny par aucun
axiome des Mekaniques, que nous sça-
uons tous dès le ventre de nostre mere,
la reduire à certain degré, ou à mesure
asseuree, car l'on m'a dit depuis peu de
iours en çà que le flux de l'Eurippe n'e-
stoit point si difficile à cognoistre, &
toutesfois, le pauvre haire d'Aristote s'y
n'oya, il fut donc puis que *abyssus abys-
sum innocat*, ioindre ma folie avec la vo-
stre, & en faire vn bon salmigondis, ie
vois toutefois que les rosses veulent de-
uenir bons cheuaux. Contenez-vous de
peruertir vostre raison sans ruiner l'or-
dre de nature, il n'y a recipé de Medecin
ny qui pro quo d'Apoticaire qui vous
puisse guerir du mal S. Auertin, le bon
homme Iaris qui est allé pour foment
vne des playes de Proserpine en a saué
plusieurs du mal saint Main: mais il n'y
a

a point de simparchie, vous estes fol par b
mol, par b carre, & par nature la folie
vous est vne propriété, *quarto modo*, & ce-
pendant vous voulez trancher du rami-
na grodis, les masques sont defendus
par arrest de Cour, ne contrefaite donc
pas les Catons, car ie n'entends pas que
vos droicts se perdent, & pour cause,
nous nous entretenõs tous par la quene
comme les renards de Sanfon, si le feu
estoit au cul du premier, le second pour-
roit bien galler sa teste avant qu'il en
eut enuie, iamaïs ce coyon Drance no-
stre bisayeul en droite ligne, n'eut tant
de baue que vous en auez eu depuis
huiet iours, qu'un sergent habillé de
rouge vous prit au collet, & vn peu plus
haut, & ces petits pedanteaux avec leur
martinets, vous quittoient desia leur
bonnet puant, & vous voulez vous mer-
tre du plomb en vostre teste esceruelee,
ie ne suis pas à apprendre que nous som-
mes vrays & naturelles grües nouvel-
lement imprimees, aussi veux-ie bien
que nous redoutions les Aigles. mais el-
les ne volent pas en ceste saison, elles
sont empeschees à pondre, nous vou-
drons

drons tantost estre plus sages que les cerfs, qui en passant vne riuiera soulagent les rames sur le cul l'un de l'autre, & maintenant si nos ennemis en peinture nous font mettre le doigt en la bouche, & tant planter de sentinelle, & marcher armez de pierre de taille comme les supposts de Loup garou, que sera-ce quand ils nous donneront des suppositoires, sans s'enquister si nous sommes constipez du ventre, & quand ils esuenteront nos vaisseaux de peur qu'ils ne creuent d'ambition, vous me direz que nous ne sommes pas plus vail-lans que Cassandre, qui geloit de chaud, quand il voyoit ce gentil Alexandre, tenant yn foudre en la main, il s'en faut beaucoup mes cousins, ie le confesse, mais aussi nous serons pires que Plane-tiades, nous fermerons par nos paroles braues la porte de deuant à la crainte, pour luy ouurir celle de derriere, qui vous met chez Guillot le songeur, veu que les vignes ont esté exemptees du tribut des marquets, philibets, & croi-fets, & que vous n'avez credit aux bons cabarets qu'en payant, viues par tout à fran

franche coudees, mon cousin Paris à les
luges en main, mon cousin Polypheme
dîne le plus souuent avec vn des plus
faux sergens du monde, & ce veneur
Acteon est pour reparet l'vsure de nos
souliers, si nous faisons quelque pour-
suite, car les heurtes ne luy coustent
qu'à prendre, ne vous souciez de vos
playes, mon pere est grand barbier du
Roy, tesmoin que dernièrement en luy
rasant le poil, luy vit tomber de la barbe
vne belle prairie toute preste à faucher:
le bon homme est desia vieil, il n'a pas
accoustumé d'aller à pied, voila pour-
quoy malgré luy il la laissë au premier
prenant qui auroit meilleure serre que
luy, vray est qu'il en retira à grand peine
le tribut du centiesme, inouy encor en
ce pays, vn chien qui a faim, prend aussi
tost vn petit os qu'vn gros, nous auons
mis deçà, delà, haut & bas, en Paradis, en
Enfer, que craignons, pour vouloir nous
faire sages, ie n'ignore pas qu'vn poisson
rendit à Policrates ce qu'il auoit ietté en
mer, si l'on ne nous rapporte les bagues
que nous auons engagees, avec vn seul
grain d'honneur qui nous restoit des
vieilles

vielles guerres, il ne faut prendre *ab hoc* & *ab hac*, c'est à faire aux grimelins à demander congé, nous sommes desia grandelets, nous auôs toutes nos dents, & encore que l'on nous crie garde l'eau de loin nous ne laissons point à pisser contre le mur, nous sommes tous Gentils hommes de bas aloy, il ne faut qu'une petite faction dehors, ou dedans Rome pour nous enuoyer en Paradis à force, il nous appartient legitiment, à cause que de réps immemorial il est dit: que (*idiota rapiunt cœlos*) avec vn beau chapeau de Cardinal, ou plustost vn cordon au col comme si nous estions au seruice de S. François, foyons donc fols tout le temps de nostre vie, ce bõ homme d'Horace nous en aduertit, disant: que (*dulce est decipere in loco*) la galantise des hommes est d'auoir force antidotes contre la sagesse. Tandis que nous serôs (*in loco*) folastrôs hardimét. Or Messieurs vous sçauiez que la quantité qui à toutes les dimensions ne peut pas estre que (*in loco*,) concluez avec moy *ergo eluc*, tandis que nous serons grossiers lourdaud & plus pesants que ces pecores d'Arca

d'Arcadie, ne parlons iamaïs de prud  ce que si l'on nous fait faire le saut du chat qui capriolle en l'air, s'il tombe de haut en bas nous serons emancipez de faire la mou      tout le monde, & de mon-
strer nostre ponant    ceux qui ne vou-
droient pas le regarder : mais ayant nos
lettres de relief au poing , on ne pour-
ra nous rien obiecter qui puisse preiu-
dicier    nos priuileges, voulez-vous que
ie fasse vne induction pour vous mon-
strer que nous deuons continuer nostre
manie. Aristote au plus fort de sa Phi-
losophie perdit toute raison , le pauvre
Platon ne valoit gueres mieux que son
disciple , quand il s'esgaroit parmy les
Idees. Pitagore parlant de sa Metempsi-
cose auoit la ceruelle mal timbr  e. Que
direz-vous de Fabritius qui estoit de si
petite c  plexion, que sous ombre de ra-
tisser des raues, il refusa l'argent que les
Sannites luy enuoyoit, ie n'eusse point
est   tant degoust   , ce me semble , i'en
quitterois sans me faire tirer l'aureille,
toute besongne , voyez comme tout le
monde n'est pas d'une mesme humeur.
Alexandre perdit iugement, en tuant
Clitus,

Clitus, les Sibiles estoient folles lors qu'elles Prophetisoient, chaussions-nous à d'autres formes que ces gens-là, si ce n'est que nous sommes plus bestes-que-elles n'estoient. Donc en l'affaire presente qui se doit decider par l'eslection canonique d'un chef, sacrifians souuent à la deesse Fatua, nous ne serons iamais si vaillans comme ont esté les Romains qui l'ont canonisee, & pour ce qu'une folie traine l'autre, ie vois bien qu'il en aduiendra quelque chose qui nous apprendra peut-estre à galopper, mais baste, si nous sommes autant habilles du pied comme nous sommes des machoires, ainsi que nous dirons plus à plain, nous courons plus viste que le diable. Vauuert, sommes nous pas Cheualiers errans, que craignons nous les hazards, quand on nous mettra la Croix en la main, une mauuaise aduenture sera bien tost prise, puis la cause des fols & des ignorans est tousiours fauorable, nous gagnerons la nostre si nous ne sommes bridez d'un distingo, ie ne sçay ce qu'il en aduiendra, mais si nous auons bon droit, ie ne serois pas icy, il y a tant d'autres

d'autres fols parmy le monde, si vous ne le voulez estre à double rebras, pour lesquels, ny mon espee, ny mō poignard ne tint iamaïs au fourreau, nous nous rendrōs demy-Dieux, ou à tout le moins le petit Prouerbe contrainct le Ciel à se rendre partisan avec nous, & solliciteur de nostre cause, car Dieu ayde tousiours aux fols & aux yurongnes; à plus forte raison à ceux qui sont l'un & l'autre, pourueu qu'ils crient apres boire, *A fulgure & tempestate*, c'estoit certes vn beau preambule pour mon cousin Pōlypheme d'auoir dit à l'entree des Estats, que dès Dimanche prochain on feroit chanter Messe pour prier Dieu que en tous cantons de la terre il arracha toutes les plantes d'ellebore de naturee, & autres herbes qui sont propres à conforter la ceruelle, i'en feray aduertir Clemen-ceau, il en dit bien de plus impertinentes, ne fut-ce que le sillogisme de (*crescite & multiplicami*) enni la presche qu'il fit touchât la maladie d'Ezechias qui mourut pour auoir esté trop sage, sur laquelle il confessa publiquement, qu'il auoit soufflé au cul de sa seruante pour ne con-

treuenir à ce precepte tant charitable, & de peur qu'elle n'acceptat pas le droit qu'il auoit de son costé, que le poulain qui en estoit venu à cause qu'elle est semblable aux iumens d'Espagne qui conçoient de vent, il l'auoit présenté & donné liberalement à vn Procureur pour le mettre en sauuegarde, & à fin qu'il fut participant d'un si bon œuvre. Excuse si la folie me retiét long-temps, car les febues estant en flur, ie caquerois volontiers comme les perdrix du deuant & du derriere *nam mihi maors ventosa in lingua semper eri pedibusque fugacibus istis*, non, non, ie ne m'enfuerois pas pour vne armée de fourmis, me deussent ils manger comme les souris firēt le miserable Hanno, à cause qu'il portoit vn timbre. I'en dirois dauantage n'estoit l'infortune qui m'est arriüée malencontreusement, i'ay bien appris que *omne violatum non durable*, Mais dents faisoient trop biē leur deuoir, il y a quelque gourmand de diable qui en a eu affaire, ie ny peux que faire, cela n'empeschera pas quē ie ne sacque mon espée, aussi sottement qu'un autre pour le moins, quand

ie cognoistré l'vtilité des supposts de la sotterie & non autrement, car sans doute s'estoit vn gentil garçon, & s'il auoit affaire d'un bon second pour disner cap à cap à la cloche perse ou aux trois pilliers, ie serois bien aise d'y porter mon sac, celui qui disoit brauement dans Virgile, *Arma mens capio nec sat rationis in armis*, c'est parler sans flater le dez. Quand le harpeur Timothée iouïoit vn assaut deuant mon cousin Alexandre, la quinte le prenoit, se faisoit armer tout à cru, car s'il eust esté cuit, n'en fut pas rehappé, pourueu que mon frere Promachus eut eu suffisamment à boire, que si vous croyez que ie puisse mettre mon espée au vent pour vne querelle iuste, vous me tromperiez fort, c'est vne chose qui ne m'arriuera iamais, la fleur de mon honneur pend à mon derriere, la valeur de ma ieunesse se cognoistra par mes dents comme celle d'un ieune poulain, & la generosité de mes dents vous doit estre cogneuë, puis que j'ay eu la conscience de bailler à monsieur du Sauzay deux ou trois pistoles

restees, si d'aduanture la fortune tombait sur les vieux habits, & comme mon grand pere Midas duquel ie porte le nom, changeoit en or tout ce qu'il touchoit, i'ay metamorphosé magnifiquement en merde l'argent que mon pere auoit tondue en tout nostre Pays, & toutesfois ie suis si fort affamé, que l'on me mettoit en plein pasturage, si me semble que sans ayde d'aucune genille ie brouterois bien toute l'herbe de la prairie d'Alençon. Je ferois encore toute autre chose que ces femmes anciennes lesquelles au rapport de Tertullien, portoient des metairies pendues à leur col au lieu de carcans, ie les rangerois bien dedans mon ventre, à fin que personne n'en eut enuie. Enfans nous sommes bien à Poitiers, l'air y est pur & serain, vray Alexipharmaque pour nostre punaisie, & si il rend les bestes Prophetes, l'Asne de Balaam en estoit sorti qui predict anciennement ie ne sçay quoy, & ce pendart de Cayphe, qui ne valoit vn potiron non plus que moy en auoit humé quelque peu : car il faut que vous croyez que i'ay deuiné plus de cent fois,

tant deuant , que depuis vostre arriuee,
souuenez-vous du refrain de ma balade
innouee diuinement de la derniere par-
tie, & contre mon gré, comme cét infame
Prophete benissoit les enfans d'Is-
raël les pensant maudire, vous n'y trou-
uerez point d'obscurité, comme à ces
responces de Dele ou de Delphes, tout y
est clair comme la matiere d'un foireux,
escoutez donc:

*Si nous tenons la vie que nous menons,
Nous tarirons bien tost nos bourses,
Si nous tenons la vie que nous menons,
Bien tost voleurs nous deviendrons.*

Aurolycus estoit trop scrupuleux , puis
qu'il n'estoit point Papiste , de prier
Mercuré, que tous les brigandages fus-
sent voilez du manteau de Iustice ; ie
voudrois faire de ce vœu cōme des par-
ties d'Apoticaire , en rabatre la moitié,
car ie serois prou content, si ie pouuois
rousiours estre à l'abry de la folie , &
quand i'aurois tué, pillé, massacré, ayez
pitié, diroit le monde , de ce pauvre Ia-
ques du Puys, qui ne fut iamaïs sage , &

n'a point encore enuie de l'estre. Que s'il estoit besoin d'indulgences, vous autres mes deux cousins, qui estes aussi asseurez Romains, qu'un pistolet des Esfars, poussez vostre fortune, s'il ne tient qu'à dire tornecul, vous pourrez deuenir Euesque & porter la croisse: quant à moy, qui comme les pourceaux ladres, i'ay le grain sur la langue, ie n'en vserois ainsi; mais i'en ferois vn bon estuy pour empescher que les bistories de mon pere ne prinsrent le rouil, s'il ne tenoit qu'à dire ie le veux estre, nous en serions des premiers, mais à la fin tant de petits os ne suffiroient pas à tant de chiens, ayons seulement le soin de dire l'un à l'autre, quand nous éternuerons, Dieu te fasse grand voleur, afin que le deuoir de nostre charge soit tousiours deuant nos yeux, comme le Ministre de Nismes a souuent le mal de S. Zacharie, s'il ne sent son esprit entouriazé par l'aspect de la diue lanterne, les bonnes femmes se trompent grandement, d'y appeler S. Jean, car il beuuoit plus d'eau qu'une cane, & voulut vne fois esteindre le feu que son maistre auoit apporté icy bas,

lors

lo's qu'il disoit, *Ignem veni mittere in terram.* Imitoas ces grâds boute-feux: nous sommes pour le moins autant ampoules d'honneur qu'Erostrate, & quand nous deurions perdre nos mules, ainsi qu'Empedocles, entretenons tousiours ce beau nom de voleur, vous ne cherchez pas ce preuue comme cette honorable qualité nous appartient, car les deux cens frans d'une part, quinze de l'autre, &c. d'un autre costé en font vn autre resmoignage. Et l'effronterie du bouffon Gauuelt n'est elle pas bastant pour nous donner droit de vendiquer sur tout autre ce tilre d'honneur: bref, il n'y a homme qui me l'emporte a si beau ieu, fust-il brigand originaire, car ie donneray pour saluations, ce que dit vn aussi grand volleur que nous.

Nam genus & prauos, & quæ non fecimus ipsi,

Vix ea nostra voco.

Puis vous sçavez bien que les enfans ne tiennent pas tout du pere, ils participent aussi aux defectuositez du ventre, mon

visage le monstre , & quelquefois arriue
que *Imbellem feroces progenerant aquila co-*
lumbam , & pour ce que nous doutons
que les Harpies n'ayent icy laissé des
œufs qui pourroyent en fin auoir meil-
leures griffes que nous , honorables fa-
quins, nous auons fait assemblée de tous
vous autres , pour faire continuer de ra-
ce en race, de pere en fils, ou fille , sans
auoir égard à la loy salicque, le droict de
tirer la laine, siipper le gaudeamus, em-
brocher les hommes par le derriere que
nous auons, comme disent fort bien nos
aduersaires, pratiqué vilainemēt à Tou-
louze, Angers, Orleans, & autres lieux
où nous sommes si bien respectez, que si
on nous y tenoit les plus foibles, l'on
nous enroolleroit sous l'enseigne du
preux Mandricard. Ne sçauiez-vous pas
la cause pourquoy nous auons fait nos
roupilles si larges, ce n'est pas pour cou-
rir maillez comme on nous reproche,
mais pour ce que bien souuent n'ayant
pas la maille, nous sommes contraincts
de chasser aux roupies, si nous n'auons
le bec iaune pour nous empescher la
cholique. Donnez-y bon ordre, Mes-
sieurs,

seurs , vous sçavez que ie n'ay pas accoustumé de dîner en blanc, ie m'en rapporte à mon hôte, lequel m'a voulu trocquer contre ce beau vilain paillard & truant, que nous voulons eslire Duc, disant: que ce bon Roy Pyrrus qui auoit les dents toute d'une piece, n'auoit pas les meules si fortes que moy, que sera-ce si vne fois elles repoussent, l'affaire est de consequence, pensez-y, Messieurs, & attendant vos resolutions, ie veux dresser vn solennel receu, pour haut & puissant Monsieur, Monseigneur Gruger, des hiet frâcs, desquels il nous a apaisez, sans lesquels ie craignois beaucoup le mal qui nous print au village de Chantelou, où apres auoir bien soupé, nous nous trouuâmes tous auoir la teste si grosse, que nous ne peûmes sortir hors le cabaret sans l'autorité du Roy. L'ay en outre deux pastez de requeste, le premier que nous ayons des chefs aussi bien que les Egyptiens, & des Cagoux pour dōner ordre à nostre merceloterie. Le second, que les oppositions qui seroient formees par la plus saine partie de ceste compagnie puante, puis que

à maiori pariete fit denominatio, soyent remises à la prochaine centaine d'annees, ainsi que la cause d'Achile, où cét autre qui fut plaidee par deuant Messieurs les Arcopages, & si ainsi faites, ie vous desire vn quartier de male bossé en ce monde icy, & vne entiere en l'autre.

Prologue facetieux.

A Propos, Messieurs, i'auois grand besoin de vos presences, & encor plus de ce que les Medecins prennent en refusant, & refusent en prenant: Car *dicendo nolo accipiunt pecunias*, & ce faisant empoullent l'aposteme de leurs gibecieres aux despens des creuailles & entrailles de vos bourses: en recompense de quoy aussi, sans employer sergens ny autres barboüilleurs de papier, ils rendent vos matieres toutes claires. Mais parlons d'autres choses plus serieuses. Nostradamus en ses Centuries nous chante (ie ne sçay pas s'il a menty) que les Escreuices courront ceste année la bague avec vne lance de beurre de Vanuë.

Vanuë , contre les harens fraiz : & davantage , que les nez de plusieurs courront pareille fortune que les oreilles en Gascongne. Mais en matiere de nez coupé, c'est le plus beau du visage. Vray est qu'on ne scauroit couper le nez à vn homme qui n'en a point. Aussi seroit ce vne chose ridicule de faire vn demy pied de nez à vn homme qui en a suffisamment. Or puis que nous sommes sur la matiere des nez , ne laissons pas vn si beau champ sans le cultiuer. Le proverbe si commun en France de dire, Voila qui n'a point de nez, nous y seruira beaucoup. N'est-il pas veritable que quand on veut mespriser quelque chose , on se sert de ce proverbe , si vn homme comme moy hazarde parmy le public quelque œuvre ou discours imparfait comme cestuy-cy, ne dira-on pas en le mesprisant, voila qui n'a point de nez? Tout de mesme d'un peintre , d'un orfeure, & generalement, &c. De sorte que tout ce qui n'a point de nez ne merite de voir le iour. C'est la raison pourquoy l'on cache ordinairement le cul , comme estant vn visage qui n'a point de nez , ou

au contraire la face est tousiours déconu-
 uerte, à cause qu'il y a du nez. Vn hom-
 me sans nez est rejeté des femmes. Pla-
 ton dit, que le grand leur semble estre
 noble, & de goust, le mediocre de con-
 tementement, & le petit de bon appetit.
 Souuent les plus grâds arbres ne rappor-
 tent pas grand fruiet : c'est pourquoy la
 mediocrité sera plus requise, mais pour
 penetrer plus auant, disons vn peu pour-
 quoy le sexe feminin n'est si bien pour-
 ueu de nez que le masculin ? *propter eius
 inobedientiam*, pour le peu d'estat que fit
 Pandore de l'ordonnance de Iupiter, le-
 quel luy ayant baillé la boëte où estoiet
 enfermez tous les malheurs, avec defen-
 ce expresse de regarder dedans, y vou-
 lut neantmoins mettre le nez, & par
 ce moyen remplit le monde d'une infin-
 té de miseres & d'encombres, *qua de cau-
 sa*, elle fut depourueë de ses principaux
 membres : car Iupiter indigné contre
 elle, voulant former l'homme avec plus
 de perfection, luy a donné deux yeux,
 deux oreilles, deux mains, deux pieds,
 deux iambes, pareillement il l'a accom-
 pagné de deux tefmoins (car sans iceux
 les.

les exploits de nature seroyent de nulle valeur) & pour le rendre beaucoup plus venerable, luy a aussi donné deux nez, *primum capiti secundus iacet in bragi- bus*: ce qu'il n'a voulu conferer à la femme, qu'il a neantmoins pourueüe de deux mains, deux yeux, deux oreilles, deux pieds, &c. Mais en matiere de nez, il ne luy en a donné qu'vn, *id est capuale, sel abost bragale*, ceste faueur ainsi con- cee aux hommes leur a tellement enflé le courage & l'audace, qu'ils ont en tout & par tout voulu depuis surmonter la femme. De façon que sur la plaincte qu'elle en a formée au bon homme Iu- piter, il luy a au lieu de deux nez donné deux langues, l'vne *in ore*, & l'autre *inter crura*, & si n'estoit vn miserable *ponc tuū nasum*, qui les rend recommandables, les hommes les auroyent bannies de leur cogregation. Elles se seruent encor d'au- tres artifices pour nous appaster & ale- cher: car leurs pompeux habillemens, fards, parfums, carquans, ioyaux, & leurs regards entrelardez de mille amoureux sousis, leur seruent d'arbaleste pour ti- rer à vostre nez, si quelque amoureux
les

les careffe & leur demande communication de leurs pieces, elles diront avec vne agreable mepris, Ma foy c'est pour vostre nez. Je croy que vous y voudriez mettre le nez. Elles desirent donc le nez en le refusant, & le refusent en le desirant. Pourquoy est-ce que les femmes des Suisses aiment les brayettes de leurs maris pour ce qu'il y a du nez. Bref il fait bon auoir du nez si peu que ce soit. Et de fait, ie trouue qu'un petit nez n'a pas moins de merite qu'un plus grand: Car si quelque soufflet tombe fortuitement sur un visage pourueu d'un petit nez, les ioues principalement, si elles sont enflées, le garantiront, & luy serviront comme deux bastions, entre lesquels il ne pourra estre offensé. Non pas que ie vueille blasmer les grâds nez, au contraire, par ce qu'un homme qui l'a long, large, & spatieux, est assure de boire fraiz es plus grandes chaleurs de l'esté, attendu que son nez ainsi ample & grand, sert d'ombrage à son verre. Au regard du nez camu & releué, il semble n'aspirer qu'aux choses hautes & releuees. Quant au nez plat, il n'est pas

pas moins loüable, & est certain que celuy qui le porte à la veüe plus pene-
trante que les autres, à cause que le bout
de son nez ne luy empesche point de
l'estendre de l'un à l'autre Polle, si faire
se pouuoit: Ce grand nez a beaucoup
d'auantage pour les odeurs: Conclu-
sion, il est bon d'auoir du nez en toutes
choses, car quelque peu qu'on en aye,
on dit, A tout le moins il a du nez.
Briaré avec ses cent mains rompit l'en-
treprise de Iunõ, qui vouloit déposseder
Iupiter son mary du celeste heritage:
Mais c'estoit vne entreprise qui n'auoit
point de nez. Le nez discerne de sen-
teurs, le musc, le bâme la ciuette, la pou-
dre de violette, & aussi generalement
toutes les suauës odeurs que produise
le mont Himere, sont en valeur par l'ex-
perience & iugement du nez. Et pour e-
xemple, l'aveugle iuge les senteurs & les
vës du pais bas qui soufflent à la courdi-
ne dans ses chausses, sont descouuers par
l'experiance de son nez. Vn homme qui
a du nez sent toutes choses. Mais vn
homme qui n'a point de nez ne se sent
point. soy-mesme, I & si r'auois vn pied
de

de nez dauantage, ie ferois vn discours
qui auroit plus de nez, mais par faute
de nez, ie finiray, priant tous les orifi-
ques nez, croutelez, burinez, Elephan-
tins, incarnadins, & rubicondins, se fai-
re moucher en temps & lieu, sur peine
de la roupie.

*Prologue autant sérieux que
facécieux.*

M Effieurs, ie suis arriué icy en poste
dans vn manequin, pour vous
maintenir teste à teste comme fourbis-
seurs, barbes à barbe comme culs qui
sientrebattent, & que toutes les sciences
soient dangereuses, voire du tout inuti-
les, & que ceux sont grandement à blas-
phemo qui par telle scientificallerie pen-
sent estre mblaz auirang des demy-
Dieux pour signer puis après la place
de tous les diables. En premier lieu
l'Histoire Platon nous assure que
ce fut vn demon qui inuenta les Arts &
les sciences & de fait les Grammairiens
exposent ce mon de Demon, pour sca-
uant.

uant. Tellement qu'il faut inferer que les sciences viennent des Demons, puis qu'ils les ont inuentees. Et bien qu'en dites vous, Messieurs les studieux? apres vous estre alembiqué l'esprit à la lecture de tant d'Autheurs? ne deuiendrez-vous pas sçauants en Diables? ne serez-vous pas eloquens comme beaux Diables? & fy, fy, vertu-goy i'ayme bien mieux manger salé que trouuer le vin de mauuais goust. Auourd'huy on ne fera plus estat des hommes s'ils ne sont du tout confits en eloquence. Qui fait que le plus souvent l'on dit: ah que cét homme est remply de science, vrayement il a le discours en main comme vne raquette à la bouche. Il parle mieux qu'un four, encor qu'il n'ayt pas la bouche si grande. Il dit d'or, encor qu'il n'ayt pas le bec iaune, & autres discours au vieil loup, qui ne me feront pas pourtant adorer les sciences. Et bien posons le cas qu'elles ayent esté inuentees par les hōmes & non point par les Demons. Les hommes ne sont-ils pas cauteleux & frauduleux comme diables. Car par exemple, si les sciences se logent en l'esprit d'un homme

me

me de bien, elles le feront deuenir meschant. Si elles prennent place en celuy d'un meschant elles le feront deuenir encor dire, & si elles s'arrestent en vn cerueau leger, elles le feront deuenir incensé. Car il n'y a rien qui trouble plus tost vn esprit solide & rassis que multitude de liures & des sciéces. Et qu'ainsi ne soit par les sciences vn Grammairien deuiendra malin, vn Poëte menteur, vn Historien mensongeant vn Rhetoricien flateur, vn Sophiste broüillon, vn Arithmeticien forcier, vn Musicien yurôgne (car il n'y a rien qui al ere plus que la Musique) vn Baladin paillard, vn Geometrien vanteur, vn Cosmographe vagabond, vn Physicien resueur, vn Marchand pariure, vn Meufnier larron, vn Medecin meurtrier, vn Apoticaire empoisonneur, vn Barbier deuiédra bourreau, vn Gendarme viura de proye, vn Gentil-homme foulera ses sujets, vn Alchimiste deuiédra affronteur, & imposteur, vn Cuisinier gourmand & vn Sergent affamé comme vn comedié de Carefme & de la nouuelle creuë. Et puis dictes que les sciences sont
bonnes.

bonnes. Dequoy donc se peuuent vanter les Philolophes, dont les Escolles font tant de bruit par l'vniuers? Tellement que le moindre Sauetier, pour esleuer son fils au degié d'honneur, l'enuoyera aux Escoles à Thoulouze, Poitiers, Bourges, & autres Vniuersitez, afin d'apprendre à estre rusé en routes sortes d'arts & de sciences, qui souuent font épouster leur maistie à double carillon & à découuert. Le vous prie, n'est ce point science que de desrober? n'est ce point science que de se mesconter à son profit? N'est ce point science que d'abuser de l'honneur d'une fille, par belles parolles, & luy crocheter sa ferrure du cademat de sa pudicité? Vous respondrez peut estre qu'il faut faire distinction des bonnes & des mauuaises: quât à moy, ie maintiens que tout n'en vaut rien: Car plus vn homme sçait de science, & plus il fait de meschanceté. Vous voyez fort peu d'hommes adonnez aux sciences qui soient gras, refaits & en bon point. Au contraire, vous les verrez ordinairement maigres, pâles & hideux, les iouës plates comme le ventre d'une

ne nouuelle accouchee, les yeux enfoncez en la teste comme le Cripsihen d'une nouuelle mariee le lendemain de ses nopces, le ventre flasqué comme le bagage d'un chastre, le viuandier de nature flestry & mal amanché. Aux sciences est faicte dissolution des esprits vitaux, & par exemple, considerez vn homme qui sera attentif à la lecture d'un liure, ne iugerez-vous pas que toutes ces humeurs & facultez naturelles se guident au cerueau. Tellement qu'il est à presumer qu'il n'en reste guere pour remplir les nerfs cauerneux, si bien que les pauvres femmes en sont souuent fort mal partagees, qui est cause de les faire diabler, & cracher milles iniures contre les sciences. Au contraire vn bon gros gras pitaut de vilage qui ignorera les sciences, ne sçaura lire ny escrire, si ce n'est avec la plume naturelle sur le parchemin velu, méritera d'estre mugueté, caressé & recherché du genre féminin. Telles gens suivent le Prouerbe qui dit: *pauco parlare, & bene bisognare*, & de faict pour en bien parler, les enfans ne se font point à coups de langue. La multitude

tude des paroles fussent-elles sucrées, ne seruent en façon du monde à l'accroissement du gère humain. Il ne faut point faire son cours en Philosophie pour coucher avec vne femme, toutes les sciences du monde ne la scauroyent contenter. Socrates eut fort bonne grace, lors qu'il confessa publiquement qu'il ne scauoit rien: Et le Philosophe Esope en dit vn iour autant à son maistre, pour mépriser vn certain qui se vantoit de scauoir tout. Voila pourquoy on ne doit blasmer ce grand Monarque Valentinian, pour auoir esté ennemy des lettres, ny vn Licinus Empereur qui les appelloit poisons, & pestes publiques, veu mesme que Cicéron sur la fin de son âge les a du tout abhorrees. Pour cōclurre, vn homme qui ne scait riē, ne fait de mal, vn homme, dis-ie, qui ne scait rien ne peut apprendre aucune meschanceté à vn autre. Bref, si nous ne scauons rien, ce n'est que par faute de ceste vaine science que nous aurons méprisée. Ce n'est que par l'abondance de ceste gentille ignorance dont nous sommes fournis, par le moyen de laquelle nous esperons

monstrer que beaucoup mieux vaut la simple ignorance, que la vaine science. Nous en touchons l'exemple du bout du doigt, au siecle où nous sommes.

Prologue de la Fortune.

VOus excuserez, si l'aspreté de nos langues n'a passé sous la docte & polissante lime de Suadele, & si nous ne sommes doüez de toutes les conditions qui appartiennent à l'art de bien dire, & de bien faire : attendu que ce defaut vous représentera la veritable forme de nos conceptions, qui ne sont point bastardes, ny prouenuës d'une semence illegitime, comme beaucoup se pourroyent persuader : m'asseurant que les chastes oreilles, ny ceux qui portent de la science dans les yeux, pour iuger de la beauté, grace, & mesures des actiōs, & de ce qui est haut & releué en la contenâce de l'Orateur, ne pourrons prendre en mauuaise part ceste auare influence que nous tenons de Minerue, s'ils cōsiderent les fascheu-
ses

ses difficultez , tant de la raison que du Poëme. Mais d'autant que ma delibération n'est pas de s'associer entieremēt aux excuses , & que la fortune regist aujourd'huy nostre Theastre sous l'organe d'un tragique subiect. Je prendray lettres de changement pour vous depeindre ce que l'art & l'experience m'en ont appris. Et pour toucher la corde de cent instrumens, il faut cōsiderer que l'inconstance & variable Fortune (bien que l'on celebre d'autres diuinittez) preside & à la souveraine domination sur toutes les choses humaines. Et comme disoit Solon à la vanité de Cressus Roy des Lidiens , l'on ne peut iuger de l'heure de la vie qu'après la mort. Et pour exéple, qu'elle plus grande & plus estrange Metamorphose sçauroit on ex-cogiter pour depeindre naïfument les mutations , que les victoires aduantageuses de Cyrus Roy des Perse: lequel apres auoir transferé le Royaume des Medes en sa puissance , conquiste toute l'Asie , & auoir heureusement regné 29. ans : En la bataille qu'il eut contre Toiniris Roynne des Scithes perdit deux cens

cents mille hommes , entre lesquels il fut pris & depuis executé à mort. Vn Hannibal encor ayant pour le commencement dompté quelques villes en Espagne , forcé les François de trauerser en Italie , ouuert les Alpes par l'artifice du feu & du vin-aigre, chassé, vaincu & presque destruit les Romains en plusieurs batailles, iusqu'à se voir desia l'vn des pieds dedans Rome: fut neantmoins reuoqué d'Italie en Carthage , vaincu du ieune Scipion : Et finalement contraint de se retirer par deuers le Roy de Bithinie: où craignant d'estre liuré au pouuoir des Romains, il huma le venin qu'il auoit dés long-temps préparé & enfermé sous la pierre de son anneau. Je laisseray à part Pompee , Mitridates, & plusieurs autres Romains , pour vous exposer , comme ce grãd Troyen , apres vn monde de felicitez, vit non seulement la ruine de son Royaume , destruction & sac de son Ilion , mais encor le meurtre de ses vertueux & magnanimes enfans. Mais d'abondant s'en peut-il trouuer vn plus infortuné que Denis Siracufain , second de ce nom, du com-
mence

menacement si riche, si heureux & puissant, tant par mer que par terre, qu'il se vantoit d'auoir réparé son Empire de pierres de diamant. Et lequel neantmoins fut spectateur du meurtre de ses enfans: veit prostituer & violer ses filles, & deuint en fin si ridicule, qu'il seruoit pour les boutiques des Barbiers, & dans les ruës de passe temps à vn chacun: & en fin mourut extremement pauvre & miserable. C'est en quoy nous deuons merueilleusement exalter la responce que fit le Philosophe Epictete à l'Empereur Adrian, qui luy ayant demandé quelle de toutes estoit la meilleure vie: Respondit conformément à S. Paul, la plus courte. Car puis que la fortune a bien le pouuoir d'attaquer les Royaumes & les Monarchies, à plus forte raison peut elle supeder & enuahir les simples populaires, semant des dissentiōs parmy les Republiques les mieux ordonnées & establies, & agitans les vaisseaux flotans sur le dos vouté de ce grād Amphitrite pour enseuelir l'esperance, & l'auancement des marchāds trafiquans, & cherchant les faueurs parmy la diffi-

culté des legers Aquillons. De façon qu'il est beaucoup meilleur comme disoit Denis après auoir perdu le Royaume de Corinthe, auoir esté si infortuné dès son enfance que de seruir en fin de passetemps à la fortune. Et viennent encor en memoire des Lacedemoniës qui furent premieremēt Seigneurs de Thebes : quelque temps apres chasséz, vaincus , & presque destruits des Thebains. Voire leur ville de Lacedemone eut esté prise sans la crainte qu'eut Epaminondas , que les Peloponesiens venus à son secours ne se reuoltassent : Mais pour estaller de diuerses contrarietez de ceste errante Deesse, nous cōsidererons qu'un Barbier, nommé Cinamus (ce me semble) s'esleua en peu de temps si heureusement , qu'il parangonnoit les plus riches Senateurs & Patrices de Rome : Ainsi que le rapporte Plutarque en la vie de Pelopidas, & Iuuenal en sa premiere Satyre. L'on vit aussi Marius extraict de fort pauvre lieu , & sept fois Consul à Rome, & neantmoins au sixième Consulat mandier sa vie dans Carthage , & toutesfois quelque temps apres fut reintegré

regré en ses premières autorités. Or sortant de ce Dedale confus de fortune, nous empieterons les traces de l'amour. Où nous retournerons comme vne brâche de la même tyge, parce qu'il est autant muable comme la fortune, & symbolise en beaucoup de ses parties: Car si nous considérons les effects qui comme escortés de toutes les merueilles ne peuvent enfanter que des estonnemens & des admirations, nous confesserons que s'il n'est proprement vn Dieu Cupidon qu'en tout cas l'amour est vne puissance diuine: Voyons donc vn peu ses charmes, & lisons ses aduantures, & nous trouuerons que d'humanité ne respire point de si grands auenemens. Qu'ainsi ne soit, nous voyons ordinairement que deux âmes reciproquement animées de la douce amertume d'amour, ne laisse pas de conuerser ensemble par les mutuelles pensées qu'une fauorable imagination leur offre, encores qu'il y ait vn grand esloignement entre elles. C'est en quoy l'amour descouure sa diuinité, puis que ce ne sont point les yeux qui voyent l'objet, la langue qui prononce, ny les

conceptions qui tesmoignent. C'est vn grand cas, que de faire trauciser à ces petits traits les airs plus lointains, les roches les plus dures & implacables, les plus espaisles & confuses forêts, les mers les plus estranges & incertaines, voire manifester sō pouuoir iusques au Roy Plutonique: mais combien da diuinité a elle suppedité de grands & notables courages? Nous lisons que le Philiste que Dieu auoit esleu selon son cœur, le constituant Roy sur son peuple, pratiqua la mort de son bon seruiteur Vrie, pour jouïr des beautez de Bethlabee, de laquelle il eut Salomon inspiré de ses diuinitez, & lequel neantmoins s'affecta tellement aux enfans, qu'il en auoit trois cens Princeſſes & neuf cens concubines, qui le firent desuoyer, & mesconnoistre Dieu. Ce grand Samson beny de son saint Esprit, estant en Gaja, laissa-il de s'engager à vne pailarde, & depuis à Dalide de laquelle il fut trompé, & liuré aux Philistins qui luy creuerent les yeux. Ce grand Alcide apres auoir deliuré le monde d'une infinité de hideux, horribles & detestables mon

monstres que la terre couuoit en son sein, & apres auoir esté le dompteur de tant de vainqueurs, se laissa-il tellement surprendre à l'amour d'Omphale Reyne de Lydie, qu'il la seruoit à plusieurs offices feminins, iusqu'à prendre la quenouille & le fuseau pour filer de la laine. Mais encores ne le faut estonner de ces grands personnages qui se sont ainsi laissé su prendre à l'amour, que de certains ridicules amoureux du temps passé, desquels les vns s'enlassent desbordément aux bestes brutes, comme le fils de Xenophon à vn Chien, Glauque singuliere jouieuse de Harpe, à vn Mouton, Semiramis à vn Cheual, Pasiphaé à vn Taureau, Aristo Ephesien à vne Asnesse: Et sur tous le plus brutal amoureux, fut ce ieune Athenien, lequel s'amouracha si desperduément de la Satué colloquee aux Pritanees d'Athenes, qu'il l'embrassoit, l'adoroit, & la carressoit selon les intentions des plus foles superstitions d'amour: Si que ne l'ayant peu recouurer pour argent du Senat, apres luy auoir entourillé les cheueux de fins rubans, & versé de ses yeux vn Ocean de

larmes, s'occit de duëil deuant elle. Toutes ces diuersitez diuerfement amassees, promettent que la fortune qui s'empare aujourd'huy de nostre Theatre, pour y représenter les plus furieux actes de Tragedie, décoche ordinairement les traits de son ire sur les choses plus hautes, plus patentes & solides. Enquoy, Messieurs, vous remarquerez s'il vous plaist, que de tout ce qui est compris souz l'archade celeste, il n'y a rien qui se puisse dire exempt des reuolutions & vicissitudes, puis que les choses qui semblent estre icy bas immuables, souffrent les secousses du temps, & l'inconstance de la fortune. Nostre Tragedie vn peu plus releuee que mes paroles, vous en donnera telle preuue, que ie n'allongeray point dauantage le fil de cét ennuyeux discours. Voicy desia l'vn de nos acteurs, qui ray de l'attention que nous tenons de vos courtoisies, vous vient apporter les arres de ma siromesse. Et moy ie me retireray content & redeuable à vostre fauorable silence.

Prologue Pedentesme , sur un
Plaidoyer.

O V sont-ils ces Parasites , ces mouches de Cuisine (ne vous estonnez pas Messieurs , car *sic mihi fas percepta loqui*) Où sont, dis-je ces importuns sycophantes , qui ont eu l'audace d'affronter celui qui *ad summam Thucididis & Hyperidis famam processit* : Sera-il dit que l'endure ce tort ? Ah ! ie iure sur les Buccholiques de Virgile , & par tous les Codes & Decretales , que ie m'en vengeray. Messieurs , ne vous estonnez pas si vous me voyez espris d'une haute colere , & vous representez quant & quant que ie ne suis icy venu que pour vous prier d'embrasser mon party contre certains podagres , comme dit Menotus en ses sermons, soufflé à tire-larigot, m'ont par brauade fait improuistement sortir de mon cabinet , pour appointer vn different de bonne maison, sans m'auoir voulu donner le loisir de mettre vne doze d'eloquence & de science dans ma gi-

beciere : Tellement que m'ayant représenté leur diuorce, qui estoit d'une consequence consequencieuse, & ayant perquisité, fouillé, & recherché dans tous les plis de madite escarcelle, n'y ay pas seulement trouué pour vn marauedis de doctrine. Ce qui les auroit esmeus à vomir mille imprecations contre ma capacité, me voyant immobile & muet. D'attendre donc quelque fruit de ma venue, ce seroit proprement vouloir pescher des Escreuices sur les Pyramides d'Egypte. Toutesfois m'estant encor resté l'idée & la fumée d'une infinité de bons argumens que cette mienne faculté a autrefois fabriquez avec le marteau de l'Alme sapience : Je ne laisseray en attendant que Pierre du Puy sera attaché, & qu'il aura pris ses pantouffles, pour aller chercher dans le iardin de ses imaginations toutes sortes des menuës herbes propres à recueillir l'esprit, de vous entretenir sur l'escalandre que m'ot fait ces vermisseaux. Or sus, or çà, or doncques, *in primis, & ante omnia*: ie vous diray succinctement en dix huit cens mille paroles ou enuiron, ainsi que dit

Scipion

Scipion l'alteré , au quinzième liure & de la Truye qui file , de la rue neufue saint Marry, que l'un d'eux se plaignoit à moy que son compagnon faisant semblant de luy dire un mot à l'oreille , luy auoit furtivement & de guet à pendu, contre l'ordonnance & regle bragueraie, pissé dans son escarcelle, & en ce faisant gasté tout le caractere de ses chausses, en ligne directe & collaterale: L'autre à l'antiquité Gauloise, se seruant de muraille pour mouchouer, soustenoit à fer esmoulu, qu'il n'estoit pas receuable, pour auoir realement & de fait abreuvé du fin fond de ses gregues toute l'assistance, & y auoir persisté avec despens, dommages & interets , a quoy il concludoit , & en augmentant , disoit qu'il auoit bandé sa ligne Equinoctiale, comme s'il eust voulu dire son ardeur naturelle , du costé du poñant de sa chere espouse , sans autre forme de procez. L'autre articulât ses raisons sur le bout de ses doigts par le menu & en detail, fort methodiquement: ainsi qu'il est rapporté par ce Britanique Orphee en ses contes & discours à dormy debout , &

allongeant le col seulement de la longueur de demie pique, protestoit à ventre déboutonné, que le dire de la partie aduerse ne luy peut preiudicier, & faisant vne parenthese releuee en bosse, aussi grande que la Ville de Paris, y cōprins les bons Hommes, mettoient en auant qu'il n'y auoit rien plus propre pour fomentier, conforter, & consolider les parties vmbiculaires d'une pucelle, qu'une dragme de quintesse vitale, appliquee tout chaudement sur la partie peccâte. Vn autre vint à trauers champ, & quasi comme à bride abatuë, les bras pendans, demander raison de l'excez que luy auoit fait vn nommé Thomas, pour luy auoir, *in modo & figura*, fait enfler son baston pastoral d'une telle sorte, par le moyen d'une chiquenaude qu'il auoit donnee de toute sa force contre le iambage de sa brayette, qu'il auroit esté contraint, au grand preiudice & inthe-rest de sa pauvre muliercule, de luy chercher vn autre estuy : Apres toutesfois qu'elle auroit protesté à cuisse ouuerte de le faire forclorre, à faute d'estre adroict, & de produire dedans le temps
de

de l'ordonnance, les pieces iustificatiues & non cucatiues Or comme ie rassemblois mes esprits, le deffendeur comparant en personne, & par Croquelardō, ouurant la gueulic d'un pied & demy de long, dit tout de bon qu'il me recusoit, & pour causes. *Primo*, Que i'auois les pieds plats comme vne tortuë, que ie portois mon escrtoire du costé du Soleil couchant, que i'auois entamé vn pot de beurre sans placet, *visa*, *ne pareatis*, que i'estois coustumier de pisser contre le vent, que ie ressemblois à vn valet de treffles, avec mès chausses faites en fourreau de pistolet, que i'auois le nez faict comme vn homme de par le monde, que depuis peu de temps ie m'estois ingeré de luy vendre des coquilles, encor qu'il fust nouuellemēt arriué du Mont Sainct Michel, que ie cherchois midy quand il estoit sonné. Bref, que i'estois incapable de toute incapacité. Tellement que me voyant comme dit est, le cerueau degarny de science, pour refuter toutes ces impertinētes recusations, joint mesmes que ie n'auois pas mes lunettes, sans lesquelles il m'estoit impossible de voir

clair en vne affaire de haute game comme celle-là, j'ay contraint remettre le tout à demain. Et par ce que c'estoit mon chemin de passer par icy, ie vous en ay bien voulu aduertir, afin que vous n'en pretendiez cause d'ignorance, &c.

Prologue sur vn autre Plaidoyé.

NOn, non, qu'on ne m'importune plus de tels incidens, retirez-vous de moy Praticiés en Cour Laye, & cherchez vn autre Arbitre que moy, qui n'ay l'esprit r'endu qu'à la decision de plus fins & deliez argumens de la Philosophie. C'est à faire aux fricasseurs d'eau claire à prononcer sur ce sujet. Voulez-vous sçauoir dequoy il est question au fait qu'on veut traiter deuant moy? La demanderelle concludoit contre le defendeur, à ce qu'il fust condamné par toutes voyes deües & raisonnables, à luy payer la somme de deux Carolus, pource qu'il auoit sans desarçonné, ny autrement débrider son courtaut, donné deux estocades naturelles, & esteint
sa

sa chandelle , par deux foix au lieu d'une, contreuenant par ce moyen à la paction verbale faite entr'eux, par laquelle l'assaillant deuoit payer pour chacun coup d'estrille vn Carolus, qui vaut autant à dire huit deniers & vn double, comme il est dit plus amplement au dernier liure des choux gelez du grand hyuer à deux testes dernier passé, ledit assaillant pour tenir bonne mine, rechi-
gnoit comme vn tourneur de bottes, & disoit que les raisons de Jacqueline estoient tres-mal fondees, attendu que ce n'estoit que *unicus actus*, vn seul exploit de soy indiuidu, dont il prenoit droit par ce grand & solemnel paragraphe Cato, persistant au congé de s'en aller, son hostesse payee. Mais ce n'est pas tout, il s'est basti tout à l'instant vn incident notable, car la toute vive grace deuenüe grosse, adioustee à ses conclusions, que le grand fust tenu luy faire prouision competente d'alimens, pour ce petit chef d'œuvre de brayette. A quoy il deffendoit de cul & de teste comme vne Corneille qui abbat des noix, soustenant en faux bourdon, qu'il ne
de

deuoit, comme dit est, payer qu'un Carolus ou vn sol, m'aque vn double, pour chaque fois qu'il jouïroit de la nauette, & qu'il n'auoit esté songé à la façõ d'aucuns enfans masles ou femelles, disant en ces termes, si le lait a caillé, *sibi imputet*, à son dam, & qu'elle ne deuoit pas mesler ses pacquers avec les siens, & son lard avec sa couïenne: tellement que, ioignant à ses raisons vne illiade d'autres considerations, i'ay renuoyé les parties chacun en leur village, sauf à la suppliante son recours contre le premier Iobelin, auquel par artifice elle attribuera la qualité de pere. Je me doute que quelque saincte mitouche, alongeant icy sa barbe & se fondant sur l'aduis de Menander Poëte Grec, dira que le recit de tels incidens sales & deshonestes, corrompt les bonnes mœurs. Mais ie respondray avec mouuement d'espaules, qu'il n'y a rien de laid en nature, pourueu que l'usage en soit legitime: & pour exemple, i'allegueray les sainctes lettres, où se trouuent des mots, ie ne diray point lascifs, mais qui feroyét rougir les plus effrontez, & hors lesquels les Prophetes

phètes mesmes n'ont peu s'expliquer sãs
cette viue expression de mots, pour fai-
re entendre leurs conceptions à la po-
sterité. Que si on regarde aux autres dis-
ciplines, comme la Jurisprudence, Me-
decine, Histoire, Poësie & Mathemati-
ques, il se trouuera qu'elles sont sechees
& flestries, si on les veut priuer & for-
clorre des propres mots significatifs de
l'imperfection ou laideur des choses hu-
maines. Et venez-çà, qui voudroit oster
l'impieté & dangereux termes contenus
au liure de Paute, Porphire, Lucrece, Lu-
cian, & autres qui ont guerroyé nostre
Christianisme, les polices de Platon &
Aristote, permettant de vilaines copu-
latiōs, chastrer vn Marcial, comme quel-
qu'un a fait, vn Terence, Suetone, Roc-
cace en son Decameron, & Poge Flo-
rentin, à vostre aduis, tels liures ne se-
roient-ils pas de vrays corps sans ame ?
vn banquet de diables où il n'y a point
de sel. Finalement, & pour retourner à
nos moutons, ladite suppliante voyant
qu'on luy auoit donné de la gaule par
dessous l'huis, protesta de se pouruoir
par deuât le Sieur de la Nigaudias, pour
plus

plus aisement obtenir à ses fins , extrêmement marrie toutesfois de ce que sa traisnee estoit esuentee , iugeant bien qu'il falloit rendre autre part, & à vn regard moins praticien que la partie aduerse , laquelle apres vne Bibliotheque de grand-mercis, m'a laissé en mon cabinet, resolu de ne me plus embeguiner le cerueau de telles matieres.

GALIMATIAS.

PVis qu'il a pleu à la Seigneurie de vos excellences , & à l'excellence de vos Seigneuries, de vous transporter en chair & en os iusqu'à nostre Theatre , ie penserois offenser *curiositatem vestram*, si ie ne vous faisois part d'un aduis qui m'a esté de feré d'Allemagne, *ex partibus Romanæ*, auoir que les medecins du Prestre qui ont ordonné vne estoue de marbre & de porphyre pour chasser les cruditez qui luy trauaillent ordinairement l'estomac, voila pour vn *secundo* que seize picquiers ont pris à iouer du baston à deux bouts & de l'espée à deux mains dans

dans la pochete du grand Turc, afin de se deffendre d'oresnauant plus d'extremement contre les gruës leurs capitalles ennemies, que le Roy de la Chine enuoye en poste à celuy des Tartares vne paire de tablettes de beurre frais pour escrire *sua negotia*, le porteur desquelles doit passer par la numidie de peur que la matiere ne se fonde.

Tiercemēt qu'un Bohemien de Nantes auoit depuis peu de temps predict à l'Afriquain que *haberet* tousiours tant qu'il viuroit *nazum inter oculos*, si on ne luy coupoit les oreilles avec vne canne de sucre, & qu'il sortiroit de ce monde aussi barboüillé qu'il y est entré.

Qu'il est permis au Colonel, à fesse-pinte, chef des Cheualiers de la Table ronde, d'émouuoir guerre contre Froide-mine, general des beueurs d'eau, pour les cōtraindre d'assister desormais aux Bachanales, & sacrifier comme les autres à ce bon Dieu de la treille, sur peine d'estre priuez, eux & leur posterité, du droit qu'ils peuuent pretendre aux bourgeons.

Dauantage, que les grenouilles qu'
sont

font sur le Mont-Gibel ont achepté chacun vn bas d'attaches de Milan pour assister au festin de *Dom brandy bouffalo*, qui est plus ieune que son frere aîné, les hannetons les suivront de pres, pour disputer l'honneur avec eux: leur mascarade est composee à l'antiquité, portans chacun sur l'oreille gauche vn bonnet de camelot ondé cramoisi turquin, à eux est le debat. Que ceux qui ont accoustumé d'aller sur des mulles, *Ad instar Alexandri magni*, n'aurent pas bonne grace cette année, d'aller à cloche pied, si *primum*, ils n'ont fait vn duel avec vn fromage d'Auvergne, ie dy *cum licentia*, parce que les duels sont deffendus, ie me rapporte de tout à *Pausanias*, lequel fut si melodieusement à la chaire percee, que les Driades antiques d'aïse en dancierent la Fessaigue, & la bourree des pieds, des iambes, & du cul, tant le verd est vne belle couleur.

Or çà, Messieurs, changeons de notre, n'y a il personne de vous autres qui ayt autresfois couru la bague dans vne huche, sur la butte de Mont-martre, avec vne lance de cardes d'artichaux, ie croy que

que non , puis que vous n'en dites mot ,
passons outre.

L'on m'a dit depuis peu de temps qu'il
s'estoit esleué ie ne sçay quelle secte
d'hommes de foin , qui maintiennent
qu'un chapon poreaux n'est pas propre
à l'entrée de table , vne capilotade de
perdrix à la suite ; & les poires cuites
sucrées au dessert : dauantage , que le
vin muscat n'est pas bon à desieuner :
Telles gens meriteroyent pour punition
vne diette de trois mois au pain & à
l'eau, mais n'y prenez pas garde , car ce
ne sont que des troublefeste, destinez à
porter le cotton à la garderobbe de Lu-
cifer.

Nous lisons sans luncttes en la vie de
Martin Gand , qu'il n'eust iamais creu
qu'Epaminondas eust faict le moulinet
avec vne lechefrite , si Maistre Guillau-
me ne l'en eut asseuré avec des sermens
de taffetas renforcé, c'est pourquoy vous
croirez si peu que vous voudrez , de ce
que ie vous ay dit , ie m'en rapporte à
vostre supplément , apres vous auoir
baisé l'ergot du pied gauche.

Prologue de l'Impatience.

VOus sçauéz bien, ou le deuez sçauoir, (*spectatores impatientissimi*) que quand les medecins, par ce qu'il y en a d'vns & d'autres, veulent guerir vn corps cacochime, ils commencent par la purgation de l'humeur peccant, tout ainsi vostre impatience qui m'indique vne grâde alteration de cerueau & que vous estes trauaillez la pluspart d'vne colique Saint Mathurin, seruira de matiere à ce petit discours pour voir si en attendant le voyage que vous y deuez, il y auroit moyen d'vser de quelque cure palliative par de belles petites remonstrances au vieil loup. Je vous dis donc que vous avez tort. Mais grand tort de venir depuis vos maisons iusques icy pour y monstrier l'impatience accoustumée, c'est à dire, pour n'estre à peine entrez, que dès la porte vous ne criez à gorge despaquetée, commencez commencez, nous auons bien eu la patience de vous attendre de pied ferme & rece-
voir

voir vostre argent à la porte, d'aussi bon cœur pour le moins que vous l'avez présenté, de vous préparer vn beau theatre, vne belle pièce, qui sort de la forge, & est encor toute chaude, mais vous plus impatiens que la même impatience, ne nous donnerez pas le loisir de commencer.

A-on commencé c'est pis qu'antan, l'un touffe, l'autre crache, l'autre pette, l'autre rit, l'autre gratte son cul, il n'est pas jusques à Messieurs les Pages & Laquais qui n'y veulent mettre le nez, tantost faisant intervenir des gourmandes, reciproquées, maintenant à faire plouuoir des pierres sur ceux qui n'en peuuent mais: Pour eux ie les reserve à leurs maîtres qui peuvent au retour avec vne fontentation d'estriuières appliquées sur les parties postérieures, esteindre l'ardeur de leurs insolences.

Je retourne à vous, foin, j'ay quasi oublié ce que ie voulois dire, toute-fois non, il est question de donner vn coup de bec en passant à certains peripatetiques, qui se pourmenent pendant que l'on représente chose aussi ridicule que
de

de chanter au liect ou siffler à la table, toutes choses ont leur temps, toute action se doit confirmer à ce pourquoy on l'entreprend, le liect pour dormir, la table pour boire, l'hostel de Bourgon-
gue pour ouyr & voir, assis ou debout, sans se bouger, nō plus qu'une nouuelle mariee, si vous auez enuie de vous pour mener il y a tant de lieux propres pour ce faire, prenez vos pantoufles & vous allez esbatre iusqu'à Orleans, vous ne ferez point subiet aux pouffades dans le grand chemin, il est assez large & spacieux, c'est la de pardieu que vous aurez beau decliner *pedes*, parler aux nuës discourir aux corneilles, qui s'y trouueront desormais, sans nous interrompre.

Vous respondrez peut-estre que le ieu ne vous plaist pas, c'est là où ie vous attendois, pourquoy y venez-vous donc que n'attendez-vous iusqu'à amen, pour en dire vostre ratelee, ma foy si tous les asnes mangeoyent des chardons, ie n'en voudrois pas fournir la compagnie pour cent escus, vous vous plaignez le plus fouuēt de trop d'aïse, qu'ainsi ne soit, si on vous donne quelque excellente Pa-
storale.

Horale, où Mone ne trouueroit que redire, cettuy-cy la trouué trop longue, son voisin trop courte:& quoy, ce dit vn autre, allongeant le col comme vne grue d'antiquité, n'y deuoyent-ils pas mesler vne intermede & des feintes.

Mais comment appelez-vous, lors qu'un Pan, vne Diane, vn Cupidon s'infèrent dextrement au sujet, quand aux feintes, ie vous entens venir, vous auez des sabots chaillés, c'est qu'il faudroit faire voler quatre diables en l'air, vous infecter d'une puante fumee de poudre, & faire plus de bruit que tous les armuriers de la Heaumerie, voilà vrayement bien debuté: nostre Theatre sacré aux Muses qui habitent les montagnes, pour se reculer du bruit deuendroit vn bande de charlatans: hélas! Messieurs, c'est vostre chemin mais non pas le plus court, s'il nous arriue quelquefois de faire vn tintamarre de fusees, ce n'est que pour nous accommoder à vostre humeur, apprenez la patience de moy, qui endureroit fort libremēt vn fer chaud en vostre cul sans crier, ce que ne voudriez pas faire toutesfois, *qui patitur unci*, c'est à dire

dire qui petre, il vesse seulement pour ceux qui n'entendent pas le Latin.

Si ie ne suis begue des oreilles, i'entens là vn cochon mal tué qui grongne, disant voila vn plaisât docteur, il ne nous conte que de baliuernes, & deust cōfirmer son dire par quelques notables exemples de l'antiquité, ie le ferois bien, si le temps le permettoit, & renuoyerois ce fermier de l'impatience au bon homme Socrates, qui se laissoit battre par sa femme: le pauvre diable apres auoir vn iour par elle esté frotté & estrillé à double carrillon, & d'auantage reçoit vn pot à pisser sur sa teste, ie sçauois bien, dit-il, qu'apres le tonnerre viendrait la pluye, patience vraiment remarquable, & digne que vous limiez comme celuy que l'oracle d'Apolon iugea le plus sage du monde.

Le pourrois coter celle du miserable Belissaire, lequel de grand chef de guerre ayant les yeux creuez, & reduit à demander son pain, se contenta de dire, donnez vn denier à celuy que la vertu esleua, mais que l'enuie & la mauuaise fortune ont aueuglé, voila parlé cela, voila

voila vn beau miroir pour les hipocondriaques qui troublent la feste, ie vous en dirois dauantage, mais ie ne sçay plus que deux mots de Grec, *anechon cai apechon*, c'est à dire, qu'il faut desormais deuenir patiens, ne vous dégouter de bonnes viandes, nous assister de bien en mieux; & cependant que ie me recroquebille à l'impatience de vos seigneuries.

Prologue d'un Pedent, & d'une Harangere.

O Miserable professian Pedetesque, ô que mal-heureux sont ceux qui *in vanum laborauerunt*, comme moy, il y a pour le moins vingt-cinq ans que ie suis enharnaché au limon de la doctrine, & apres tant de veilles, tant de compositions, d'annotations, & d'estoiles fixes: apres, dis-je, tât de sueurs & de trauaux, ie n'ay acquis autre chose que la qualité de Pedent. Que m'a seruy d'employer le temps à declarer les reigles de Despautere, m'escrire en Classe d'un Ciceron

ou d'un Virgile, comme d'une espee à deux mains, pour estre puis apres lavé & dechiqueté d'iniures à grandes balafres, & qui plus est, le plus souvent nous n'osons nous autres Pedens, porter nos espaules en la rue, de peur que quelque Escollier hors de page, prenant la cause de ses fesses en main, ne nous applique quelques ventouses, belle recompense.

Vn autre grief qui nous martelle, c'est que si les enfans ne profitent selon l'impatience des parens, ils s'en prendront à nous, & diront, *qualis Pedagogus, talis discipulus*, s'ils sont superbes, ils tiendrôt, dira-on, la matiere Pedantesque: l'autre dira, l'Enfant a bon esprit, mais le Maître n'est qu'un Asne: l'enfant apprendroit bien, mais le Pedent n'est qu'un lourdaud: l'enfant a bone memoire, mais le Pedet ne la labouré pas, il aime mieux s'amuser à luy cultiver les fesses avec un baston ferré à quinze pointes: l'enfant apprendroit volontiers, mais le Pedent n'est qu'un vaurien: s'il reprend amiablement ses disciples, ils diront qu'il est trop indulgent: s'il les aduertit gracieusement,

sement, qu'il est pitoyable, qu'il ne les sçait pas tenir en crainte, qu'il est trop familier, qu'il ne garde pas l'autorité d'un Maître: s'il les prend quelquesfois par les parties de derrière, comme les Cuisiniers font les grenouilles, & qu'il leue quelque éguillette de leurs gregues naturelles, ils l'appelleront Bourreau, & diront entr'eux, Ce poltron marquera quelque iour nos enfans aussi bien au visage qu'aux fesses, & puis adieu Fouquet, avec sa biblioteque sous son bras, laquelle se consiste en son Despautere imprimé du temps de Laurens Vale, au diable s'il demandera congé, *placet, visa, ne pareatis*, pour en aller faire autant ailleurs, voila pas vne miserable condition.

D'avantage, si un Petangorge, ie veux dire un Pedagogue, fait sortir quelque composition au iour, pourueu que l'on sçache que l'auteur d'icelle soit un Pedant, elle est rejettee & coupissée comme le coin d'une vieille porte qu'on n'ouure point, on ne la lit pas seulement, elle est vilipendee & déchiree, l'on s'en torche le cul, & la chose est aujourd'huy tellement pratiquée, que l'on cognoist vne

composition Pedantefque à l'odeur du nez, auffi toft qu'on l'a fentic, hō, hō, ie ſçay bien que c'eſt, ie tiens la choſe pour veuë : bref, les pauvres Pedans ſont taxez ſans ſubiet, déchirez ſans cauſe, reiettez & iniuriez ſans occaſion.

A propos d'iniures, ie ne ſeray point honteux de vous dire comme à ceux que j'eſtime en ce cas auffi ſecrets que moy meſme, l'eſclādre qui m'arriuā ces iours paffez en tournoyāt dans la place Maubert pour achepter quelque miſerable oreille de Moruë pour moy & mes diſciples, que ie traites comme ma propre perſonne, vne vieille Choüette, vne carcasse d'antiquité, vne Harpie, que diſ-je, vn diable habillé en femme: En fin pour mieux parler, vne Harangere, ce mot comprend tous les precedens, enragée de ce que ie ne luy offrois de ſon oreille de Moruë qu'un Carolus, vomit contre moy vne illiade d'imprecations, m'appellant tantost Aduocat crotté, tantost peſte de College, adiouſtant ces mots, va, va frippon, chercher au clair de la Lune tous les torche-culs qui ſont au priuez de ton College, pour faire boüillir

vn alloyau à la poiurade sur le réchault, afin d'épargner pour vn liard de charbón, secoüeur de roughtes en vn grenier, qui soupe dès le matin, de peur de chier au lit. Regardez, ie vous prie, dit-elle à ses compagnes, comme il se carre avec sa robe de pieces rapportees: ie voulus tirer vne grande beste de mes chausses, mais voyans qu'elle persistoit avec vne infinité de menaces, ie fus contraint de luy monstrier le talon de mes pantouffles, & me sauuer *in Gymnasio*, où estant arriué, ne laissay pas de faire soupper mes Escoliers, vray est à cause que c'estoit vn iour maigre, qu'ils ne mangerent qu'vne fricassée de herbes, avec quelques rognons deaux pour le dessert, viandes legeres, & qui n'engendrent point de cruditez en l'estomach.

Foin, ie suis fasché d'en auoir tant dit, toutesfois ce n'est pas chose nouuelle, que d'oüyr haranguer vne Harangere: mais il ressouuient tousiours à Robin de ses flustes, le subiet qui m'a fait entreprendre ce discours, seruira pour la conclusion, laquelle vous somme de prendre en main la cause des pauvres Pedés,

ie vous coniure par le fatal talon de Paris, par les couillons de Saturne, par les facecies de Pauge, par les Buccoliques de Virgile, par la malice des femmes, par le réveille-matin des plaideurs, par la table rase d'Aristote, par les fesses de Venus, par le *uiuum pecus* de Menaltas: Bref, par tous les Autheurs Grecs & Latins, & en recompense ie vous promets en leur nom, que s'ils ont cy deuant commencé à gaster vos enfans, avec le temps ils les rendront meschans tout à fait. *Valete.*

GALIMATIAS.

Deffence de *Meum*, & de *Tuum*.

PARADOXE.

F*Requentia vestrum incredibilis, Messio-*
res, concioque tanta quanta hodierno die
hic adfuit, me chatoüille les gensives, &
me pousse de prendre en main la cause
de nature, Quam plurimi Ganeones summa
que viri iniquitatis gemino mordent, & dente
Thlonino rodunt, mordicant, lancinant nec
archi

*archilologia carmina, aux hyponactum timet
præconium, se mocquét d'elle; naso inquam
suspendant, & non contents, cauillis & di-
sterijs mordacibus laceffunt : appellant ma-
raître celle-la de laquelle, singulis diebus
fœcunda premunt ubera; cuiusque ope & au-
xilio omnia succrescunt germina; ceteraque
uniuersim planta feraciter repullulant.*

Voicy la première piece du harnois
de ces marannes & malandres qui n'ont
rien que l'espee & la cappe, avec vne
trentaine de dents brauement fourbies,
il disent que nature *solitos prouidentia li-
mites & terminos est supergressa*, quand elle
a donné l'inuention de *Aleim*, & de
Tuum, au contraire, nouueaux dogmati-
zeurs, *affero*, & ie soustiens *pertinaciter
naturam eo iure maximè fuisse prouidam, &
unicuique hominum patere vos esse malitie
cloacas, & immensa sentinas iniquitatis* : &
quoy, maistre Aliborum, est-ce ainsi que
vous sapez les bases & colonnes de la
iustice, donnant licence à tout le mon-
de d'en prendre où il en pourroit trou-
uer, si vous retranchez ces pronoms, il
ne faut plus de gibets, de bourreaux, de
Geolliers, de serre-argent, Iuges, Cōseil-

lers, de Presidens, de Lieutenans Ciuils & Criminels , pour donner ordre à tant de Voleurs , regardez Messieurs qu'ils veulent casser vos estats , & en quelle peine ils s'efforcent de vous mettre. Le monde vniuersel ne sera plus que *prædonum receptaculũ*, chacun tirât à qui mieux mieux, *prætereâ si per vos licet*, que le mien & le tien se doiuent confondre , voila le Chaos renouuelé, le feu quittera sa chaleur, l'eau sa frescheur, la terre sa seiche- resse, l'air son humidité, & ne recognois- sant plus ce qui luy appartient , feront à coups de gourmades à qui en aura , & cependant adieu mes peaux , adieu l'or- dre, adieu la Pollice, *quod sanè maxime noceret* : la guerre apporte trop de maux, laissons en paix ces petits Gentils-hom- mes *Menum & Tuum*. C'est bien autre chose , *aliquis ex infima plebe & face vulgi*, rencontrant *aliquem vestrum nobilissimo- rum dominorum* , ce Sauetier , ce facquin vous fommera de jouïr à l'esbais, chan- ger de place , & de luy quitter *amplissi- mum domum, supellectilem ditissimum, vasa prætiosissima, antiquissima, stemmata, & hor- tos pulcherrimos* , pour vous loger dans
quel

quelque vieille cabanne enfumee, dans vne ratiere, où les punaises ne manqueroient de vous sacrifier force ventouses, n'aurez-vous pas tres-iuste occasion de dire, *O domus antiqua, quàm dispari domino dominaris* : on vous fera changer vostre cornette en vn foüet de Chartier tres-mechanique, vostre robe honorable de Palais en roquet de Païsan, vostre Code & vos Autétiques en vn baquet de Harangere : & Bref, on vous feroit deuenir le valet de vos valets.

Ergo, il ne faut pas abolir ces beaux pronoms *Meum & Tuum*, où autrement que pourrôs-nous excepter contre ceux qui diront que *arsuendus mendacij Aristoteles*, *quando decem esse cathegorias asseruit*, il n'y en aura plus que neuf, car la relation en sera bannie, tout le monde voudra estre Roy, où seront les subiets ? que deuiendront les valets, si tout le monde est maistre ? *Ergo*, tirez la consequence, *qui estis logici peritissimi*, & qui pour auoir bien goûté vos Modales, estes sçauans aux Analâtiques, tant prieures que posterieures.

Quant à moy, ie ne m'en soucie beau-

coup, car *ex hypothesi omnia communia*, comme entre bons amis: mes habits ne valent rien, les vostres sont bons: ma bourse est vuide, la vostre est grosse de pistoles: ie suis vn baudet & vous estes doctes, allons au change tout à ceste heure, & vous me verrez bien remplu: mé, vous me direz que tout le monde ne s'y plaist, que chacun jouë son jeu: *Transcat*, il y a donc *Meum & Tuum*, *ita est*. *Messiores*, illé que *summa me officeret iniuria*, qui *venerandas istas distinculas è medio raperet*, car tous les fils de putains vouldroyent changer de qualité; & feroient remesler les cartes, pour courre meilleure fortune. Et si vous auiez *fœminam vultus pulchri aut vultu pulchro*, & qu'un autre eust vne hecube, ou quelque remède d'amour, voudriez vous abolir ces petits mots de *Meum* & de *Tuum*, & qu'on vint engainer vne espee rouillée & mal fourbie d'as vostre fourreau tout neuf: nenny, Messieurs, bien que ce fust le droit, ce ne seroit pas pourtant la raison; *dicamus ergo naturam summopere fuisse prouidam*, quand elle a donné l'inuétion de *Mien* & de *Tien*: & que la confusion

qui

qui arriueroit si on cassoit ces deux soldats de leur monstre, estoit bonne, lors que *in agras dispersi homines, ferarũ instar vagabantur*, & qu'ils faisoient des loups garoux, que maintenant qu'vn chacun a de bonnes terres, pour garder le sien, ce seroit vne pure affronterie d'introduire de nouuelles coustumes tenez-vous en vostre place, & ie vay chercher la mienne, pour vous apprester vn petit plat de contentement.

P. A. R. A. D. O. X. E.

Nihil scientia peris, aut inutilius.

Messieurs, vous tireriez plustost de l'huyle d'vn caillou, ou vn pet d'vn asne mort, que d'eraciner de la caboche de certains hommes ce qu'ils ont vne fois mis en leur fantasie, tant ils se flattent en leurs imaginations, & tant il y a de difficult      les faire d  mordre, *E   tamen ob rem doctor   nullus munere suo deesse debet*, mais par viues raisons, *falsitati ac mendacio exitij finem debet prescribere*, & in-

tronizer la verité dans les terres que son aduersaire auoit occupees. *Ut ergo ordine praelectiones nostras prosequamur, paradoxum hodierno die assumpsimus explicandum.* Qu'il n'y a rien en ce monde de plus meschât, ny de plus vicieux que la science, pour les incommoditez qu'elle apporte, *tam corpori quam animæ, argumentor ab inuentione,* nous n'y comprendrons point la Grâmere: car comme vne piece de bas aloy, elle n'est pas de cours. La Rethorique se vante par ses persuasions, de faire deuenir le blanc noir, *sanctissimaque vita hominem attramento & meris carbonibus denigrare:* vn homme de bien voudra-il, *ingenti conscientia sua periculo,* apprendre à commettre des crimes, dont l'enormité feroit rougir & herisser le poil aux plus coupables: la Philosophie est vn gouffre de mille absurditez, & qui aînée de l'inconstance, retourne si souuent sa casaque, *ut quicunque illius amore pulsus, Philosophia, se studio dedit,* il faut faire voile sous le changement, *& incunstantia stipendijs militare;* & les tenebres desquelles elles enuoloppe nostre entédement, sont de beaucoup plus palpables que celles d'Egypte.

De se ranger à la Theologie, & d'un effort aquilain percer les nuës, pour entrer au cabinet de la diuinité, & esplucher les richesses du firmament, *quod super nos, nihil ad nos* : nos yeux sont trop peu vigoureux pour y penetrer.

Quant à la Jurisprudence, enfant legitime de chicane, *nihil aliud est quam compendium*, & vn abregé de toutes les melchancetez & supercheries, que la malice de l'entendement humain, nuées diaboliques, n'ayant eu d'autre lieu pour sa naissance que les tenebres, l'Enfer pour repaire, la trahison & l'auarice pour parrains.

Mathematica verò omnino inutiles, famenque nostram, fugatis voluptatibus, repleuit : & n'ont d'autre fondement que des pancz glacez, d'introduire en France le Grec, l'Hebreu, & autres langues estrangeres, c'est perdre temps & argent, de nous y employer, car l'õ droit que nous sommes empeschez à la structure d'une seconde Tour de Babel : *Ergo l'inutilité des sciences vous doit destourner de leur recherche.*

Secundò, sic argumentor, illud quod maxi-

mè vitiosum est fugiendum est, atqui il n'y a rien plus vicieux que les sciēces, *mò* sont la pepinniere des vices, *Ergo scientia omnis fugienda*: qui a inuenté les boucons & empoisonner les hommes, la Medecine, ou au moins la cognoissance des simples, & qu'elle est la source de l'ambition, la science: car où l'ignorāt passera son chemin à petit bruit, il faut que Monsieur le Docteur *gratuiā suam ostendet*, & deuit-il monter sur des échasses, il faut que pour mieux trancher du Raminagrobis, il monstre iusques à ses patins, *quod vero maius est, solum & vnicum sciendi desiderium*, a parlemé l'air, la terre, la mer, & l'enfer des Diables volans & nageans.

Gula vero & ebrietas alia origo quā a scientia dari non potest, car la science que l'on a qu'un estron n'est pas si delicate qu'une Perdrix, fait que pe sōne ne peut manger merde, & la cognoissance des lieux *in quibus venale est unum bonū*, nous fait boire à creue-sangle, puis adieu mō vilain, & dites moy, *Quis unquam sapientior Socrate*, qui *testimonio oraculi Delphici*, *sapiens solus est indicatus*, & toutesfois, *suo ipsemet ore fassus est*, qu'il n'auoit autre science.

science que de ne rien sçauoir, se fust-il vanté d'ignorance, si ce n'eust esté quelque chose d'excellent, & s'il n'eust cognu que le souuerain bon heur gisoit en l'ignorance, il sçauoit bien que la science *mille incommoda procrearet*, & travaille le corps, matté de veilles, de catharres, de maladies auxquelles *caput submittimus*, pour l'acquérir, & cependant la mesme nous enseigne, que d'une mauuaise cause ne peut issir vn bon effect, & que d'un sac ne peut sortir que ce qui est dedans : ou autrement, *Imbellem feroces progenerant aquila columbam*.

Pour conclusion, en toutes les fautes que nous commettons, la science apporte vne circonstance aggrauâte, *unde peccata affectata malitia*, & l'ignorance la reprime : Or est-il que, *nihil dat quod non habet* : Ergo, la science ne pourroit pas donner certe salleté à nos actions, si elle n'en estoit entachée. Donc, Messieurs, rendons-nous tous à l'Abbaye des freres ignorans, laissons resuer les Alchimistes, laissons ergotter ces Sophistes, laissons ces fantasques Philosophes, avec leurs *Ens rationis*, obeiect de leur Philosophie,

& symbole de leur vanité, & ne prenons d'autre couuerture pour nos actions, que l'ignorance.

P A R A D O X E.

Egestas nobilissima.

Mirum fortasse videbitur, Auditores, que i'ay si longue haleine à touffer metodiquement vn verre de vin, & à vous proposer tant de belles difficultez, mais la loüange de ce qui nous plaist chatouille nos sens, & nous les fait carresser d'une affection particuliere, à cause que comme dit l'Eticque Aristote, ie dis Aristote en ses Eticques, *trahit suamque voluptas*, vn aueugle est curieux de son baston, vn coquin de sa besace, vn Docteur de son chaperon, & ne se lassent iamais d'en raconter les loüanges, ainsi ie me plais à louer la pauureté, à cause que ie n'ay iamais peu estre riche, de sorte que si Timon estoit encore en vie, i'éprunterois vn de ses figuiers pour me pendre. Afin donc de ne point denigrer.

grer à nostre qualité, *probabo multis & validissimis rationibus*, que la pauureté est vn ample magazin de perfections, & que les pauvres, *dinitibus sunt longè excellentiores.*

Les Poëtes nous l'ont monsté tres-clairement en leurs fables, *quæ ut ait Lætantius, mendaci sub cornu veritatis aliquid continebant.* Ils disent donc qu'Aré richement emplumées, bien munies de serres & crochets, hieroglyfe & simbole des riches, *Omnia inferioris huius mundi ornamenta in frustra dissecuerat, quando Litta Iouis nare, lusca, & claudæ, types des pauvres & de la pauureté, ruinas omnes saturæ aduenerunt,* voila donc la pauureté de l'estoc des Dieux, fille de Iupiter, & les pauvres sont en ce monde pour brider l'insolence de Plutus, & de ses supposts.

Ostez-vous les pauvres de ce monde: faites aussi ployer les pacquets aux riches car ainsi que dit la Philosophie, *posito vno contrariorum, necesse est aliud poni:* retournez cecy comme vne belle paire de bottes, vous direz que, *sublato vno contrariorum, necesse est aliud auferri. Ergo.*

Vous me direz que ie parle pour mes

coquilles, & que, *ad instar lupi Esopiei*, qui ayant perdu sa queue, *socijs suadere volebat ut sibi caudam demerent*: j'ay beaucoup de peine à vous rendre gueux; *trā-seat*, mais la verité me contraint de dire qu'Alexādre tout Monarque qu'il estoit, portoit enuie *agestari & miseria Diogenis*, disant que s'il n'eüst esté Alexādre, c'est à dire ambitieux & plein de vanité, il eüst voulu estre Diogenes, voila desia vn fondement bien planté, allons au reste.

Nous devons louer les choses pour le profit & vtilité qu'elles nous apportent: *Atqui nihil est quod maiora pariat commoda*, que la pauvreté, car *necessitas artium inuentrix, & ingenij largitor*, & dites moy s'il y a quelque chose de plus vtile & profitable que l'invention des arts, & l'entendement, ce sont toutesfois les enfans de la necessité & pauvreté, *Ergo, paupertas laudabilissima & excellentissima*.

Les pauvres sont résolus comme Bartole, ils ne sont point subiets au Rends la bourse des Voleurs, à estre chicanez en Iustice, car ils manquent de toison, exempts de donner à ceux qui leur de-
man

mandent , puis qu'ils n'ont rien , licentiez de demander à tout le monde, on ne les maudit point, on ne les iniurie point, on ne les frappe point, au contraire , le bonnet au poing , *mellita & sacrata voce*, on les renuoye avec vn millier de prieres pour leur prosperité , *videte ergo paupertatem esse malorum refugium miseria azilum* , & la sauue-garde des incommoditez , vn pauvre n'a dequoy perdre , & trouue tousiours à gagner.

Voulez-vous encor vne marque plus signalée de leur prééminence , les presens d'un pauvre païsan qui porta au creux de sa main vn peu d'eau a Artaxerxes , furent plus estimez que les richesses de mille grands Seigneurs , *pauperibus enim nunquam deest bona voluntas*. Pour le respect de la pauvreté d'Aristide, qui fut estimé homme de bien, à cause qu'il n'auoit que frire , les Atheniens marient honnorablement ses filles, *sumptibus publicis & ex arario*. Et si ce Thobain Philosophe ancien n'eust cognu l'excellence de la pauvreté, eust-il jetté ses richesses dans la mer, avec cette parole heroïque, *margam vos ô diuitie, ne*

anergar à vobis, Fabritius eust il aimé mieux ratifier des raues, que prendre l'argent des Sannites; Bias s'en aller tout nud de sa ville de Priene, que se charger comme ses compatriotes, *minimè* certè, tant de doctes hommes & signalez n'eussent point embrassé, *strictam altum vivendi normam*, s'ils n'y eussent trouué plus de goust, & iamais Diogene n'eust rompu son écuelle de bois, s'il n'eust cognéu que nature nous auoitourny de tout l'attirail nécessaire pour nostre menage, les pauvres dorment en repos, & vont seurement par les rues, ne craignant ny les Voleurs nocturnes, ny les coupe-bourses, qui courent si souvent apres vos richesses.

P A R A D O X E.

QVUN PET EST QVELQVE
chose de corporel.

D*Ificilia que pulchra*, dit vn Philosophe de haute game, *sape que sapius euenit*, que les choses qui tiennent de
cette

cette beauté soit naturelle ou artificielle, *difficillimè explicentur, delphinum natura docerem*, si par vne induction *plurimarum rerum probare niterer*, que cette difficulté est comme seruâte de charge en la maison de cette beauté, n'estoit-ce pas vne belle entreprise au Limozins d'approcher leur villè de la Rochelle, pour la rendre plus marchande, avec des chables de laine, *quid vero maius ac difficultus excogitari vnquam potuit*, si ce n'est que *altioris erat animi milles ille*, lequel disoit que pour couper la broche au siege d'Ostande, il falloit que *unica manu*, prendre la ville au dessous des fondemens, & la renuerfer. Mais comme les esprits se quintessencient tous les iours, *noua & magis mira dogmata supullulant cuiusmodi*, est celuy duquel ie vous veux emboucher, c'est de l'excellence, beauté, préeminence, & dignité d'un pet, bouchez vos nez, & *arrigite aures, carmina non prius audita canto*, à vous autres, scientifiques peteurs & vesseurs, afin que doresnauât vous ne bourreliez les fruiçts de vostre derriere, que vous les organiziez, & bref que vous petiez, *in modo & figura. Agamus,*

mus ergo, & videmus in primis quid sit crepitus, car en toute bonne Philosophie, *A definitione omnis tractatio exordienda est, ex Aristotele*, donc *crepitus est flatus ventris*, lequel nature prudente & prouide, *sanitatis tuenda per podicem eijcit*, la matiere est vn peu grasse: Cette dffinition estant essentielle & quiditative, composee selon les loix, *genere qui est flatus*, ce qu'il a de commun avec toutes sortes de soufflemens, & d'une difference, qui est *ventris*, si vous ne voulez que l'ô pette aussi bien de la bouche que du cul.

Secundò, proposita & explicata definitione, faut tenir à la diuision, afin que *absint ambages*, *neue tandem in stirpo nodum querere cogamur*, leur diuersité est grande, les Canonniers pettent aux bonnes graces de tous, prenez en si bonne part, qu'il ne m'en reste rié: Les Damoiselles peignent leurs pets, & avec vne humble reuerence, vous les presentent à humer à cœur ieun, comme vn petit œuf tout frais ponnu, & pris au cul de la poulle, les pets des Massons portent leur mortier, ceux des Apoticaïres, *nihil aliud redolent quam unum aromatites*, où l'anis cōfit,

fit, les Espiciers n'ont que du Gingembre au cul, les Procureurs articulent les leur comme le fait d'un procez, les Advocats, *quos auris sacra famas exagitat*, n'entonnent rien que de l'or en leurs chaufses, fourrez-vous y, & *proculdubio*, vous y trouverez un peu de merde.

La bonne methode fait suiure les Docteurs, ie veux donc, *methodicè, optimòque cum ordine*, vous monstrier que les pets sont du nombre des choses bonnes, *Notandum tamen prius*, que le pet tient du corporel & spirituel: *ad prima sic proceditur*; Pour prouver, dis-je, premierement qu'il tient du corporel, afin d'ensuyure le precepte du Philosophe sans queüe au second des Physiques, disant que, *à notioribus nobis, ad ea quæ minus nota sunt progrediendum*, ie me serviray d'un autre axiome du mesme Aristote, au troisieme de *anima*, & en feray un syllogisme.

Ratio corporis organici consistit in subtilitate sensuum. Atqui il n'y a rien plus sensible qu'un pet, *Ergo crepitus est corpus organicum.*

Voicy encore une preuve tiree du profond de mes chaufses, & qui conclud plus

plus directement.

Ea omnia quæ constant ex 4. elementis, sunt corpora. Atqui, que les pets sont composez de quatre elemens : Ergo, les pets sont corps.

Il prouue facilement la mineure, en tant qu'ils sont secs & humides, froids & chauds, vous serez quittes pour l'expérimenter, *Ergo crepitus est quid corporeum.*

Vray Dieu, qu'il fait bon auoir estudié en Philosophie, elle ne nous quitte jamais au besoin, entendez cette autre raison.

Quæ suas habent dimensiones, longitud. latitud. & profund. corporea sunt: Ergo crepitus sunt corporei.

Veu qu'il s'en fait de gros, de longs, de courts, d'estroicts, de longs, de larges, selon la grandeur du pertuis : *Ergo,*

Vltimò, & pour conclusion de cecy, il me semble estre vray.

Quæ reponuntur in cathégorica substantia corporea sunt. Atqui, il n'y a rien de plus substantiel qu'un pet : Ergo, crepitus sunt corporei.

Vous pouuez y adiouster, que *simile*
gene

generatur à simili, si ce n'est qu'en ce petit Microcosme, vous y vouliez admettre vne nouvelle Lybie, ou diuerses especes, ayant communication ensemble, posons donc, *simile generatur à simili*, & nous trouuerons que les viandes & autres choses qui concurrent à la composition d'un pet, sont corporelles, & qu'en conséquence de cela, on ne peut nier que le pet ne soit corporel.

De vous charger la memoire de choses si diuerses, ce seroit assez pour vous empescher de ruminer vos viandes, ie remets donc à demain à vous prouuer que le pet est spirituel, pour apres vous prouuer par toutes les regles de la Philosophie, que le pet est vne chose bonne.

P A R A D O X E.

Qu'un pet est spirituel.

Hier, Messieurs, la conclusion de nostre Paradoxe fut que selon les principaux articles de Philosophie, le pet estoit vne chose corporelle, or il

faut que vous entendiez comment cet abrégé des merueilles est aussi bié compris sous le predicament des substances spirituelles que corporelles, pour marquer dequoy il a vne ame, laquelle comme le pet chante en mourant, & meurt en chantant, *qua vi in omni viuente forma locum supplet*, ainsi que le Coriphée des Philosophes l'a remarqué en ses liures *de anima* son ame ou sa forme, *idem quæ per idem resolu potest*, est ronde, argumēt de la perfection, *unde prouerbiū*, Rond cōme vn pet, *nisi asserere volitis*, que vous auez vn mouuement de fesse si bien cōpassé, que vous en faictes en triangle, quadrangle, pētagone, exagone, & beaucoup d'autres especes.

Sed transeamus, & entrez avec moy en la contemplation de cette matiere, & *primò noate*, que selon les Themistes, iamaïs vn corps n'est sans forme, *item* aussi-tost que la forme viuante a vuidé la place, *in illam mortuam carnis massam cadaverica introducitur*, *donec fiat resolutio ad materiam vsque primam*, tant disputé par les Phisiciens, par laquelle *quidquid est calidi, frigidi, sicci, & humidi*, reprend la route

route ; & cherche son lieu conuenable, Ainsi, depuis qu'un pet sort dehors sa taniere, il tiét du spirituel & du corporel. Mais puis que , comme la Pyralide , au premier poinct de sa naissance, il trouue le periode de sa vie , cette solution de continuë arriuât, Ce qui est de plus materiel s'attache à l'odorat , où il opere grandemēt, le reste, comme matiere subtile & spirituelle , *euanesceit* , cherche son centre, & le lieu propre à son naturel.

His posuis, sic argumentor, dign. D. Bachalaureus , & vous preuue que *igneus est illi vapor, & celestis origo*, puis que l'homme qui luy donne l'estre , est *diuina particula aura*.

Quæ inuisibilia sunt, spiritualia sunt. Atqui crepitus sunt inuisibiles, Ergo, spirituales.

La majeure est certaine, attendu que les actions de l'ame & du corps sont differentes en ce que celle-la opere sans obiet estât du tout spirituelle, & celle-cy cōte du tout grossiere, ne peut agir, *nisi obiectum moueat potētiam* *Ad maiorem ergo, Atqui crepitus sunt inuisibiles.*

le le prouue, & vous prie de peter aux bonnes graces les vns des autres, & me

dire de quelle couleur vous les faictes, mais mesurez m'en vne aulne cōme vne piece de drap, & *vobis ut in concursu lampada tradam*, j'ay donc raison d'inferer, *Ergo, crepitus sunt spirituales.*

Et en consequence de cette inuisibilité, ils ont vne agilité naturelle si grande, que *nullus hominum potest eorum ictus evitare*, & encore qu'ils prouiennent d'une cauerne, & naissent sans veüe, comme les Taulpes, si ne sont-ils pas palpables, comme les tenèbres d'Egypte.

Ergo, crepitus sunt spirituales.

Terrio Fides ex auditu: Crepitus sunt ex auditu & odoratu: Ergo, crepitus sunt spirituales.

Or Messieurs, pource que la varieté est plaissante, & que *crebra eiusdem cibi repetitio nauseam parit*, j'offencerois vos excellences, si l'heure de vostre souper approchante, ie vous retenois plus longtemps en l'explication & en l'anatomie d'un pet, ioint que cette matiere estant assez liquide, elle n'est propre que pour boire, allez-vous-en manger tout à vostre aise, & dites hardiment que ie vous ay faict pratiquer le precepte, *A potu incipe*

cipe coenam. A demain sera la conclusion,
& l'acquit de nostre promesse.

P A R A D O X E.

Qu'un pet est chose bonne.

MEssieurs, personne ne s'ennuye à
discourir des choses belles, & *qua*
innata sibi pulchritudine, animos nostros mes-
cant, & comme cét enfant de Sparte ne
pouuoit retirez sa veüe de cette image
de brônze qu'il adoroit: Le cœur me dit
que vous n'arrinez icy que pour enten-
dre le reste des loüanges du discours en-
commencé, mais certes, celuy qui entre-
prend ce de quoy il est question, deuroit
auoir *os humerosque deo similes,* & auoit
ouy par plusieurs fois peter Apolon &
les Muses, ce que ie ne fis iamais, le far-
deau donc deüroit estre remis sur les es-
paules d'un autre:

Sed si tantus amor crepitus cognoscere nostros,
Et podicis tandem supremos audire labores,
Quinquam animus meminisse salit, risuque
fugit.

Propter nimiam cachinnorum extensionem incipiam.

Mais pource que la belle connexité des mēbres fait la perfection des corps, *ut ea omnia* que nous auons auancé sur ce sub'et, *inuicem cohareant, incumbit hodierna* lectione probādi *munus & onus*, que les pets de telle condition & qualité qu'ils soyēt, sont *de numero rerum bonarum*.

Notandum tamen prius, que sous ce suprême vocable *Ens*, obiet de la Metaphysique, & qui cache toutes choses en sa gibeciere, est compris l'estre du pet, vous demandez caution de mon dire, ie vous le proue donc, afin que la matiere estant māschee, vous n'ayez qu'à l'aualler : *sic argumentor.*

Illud conueniunt quidditatiue proprietatis Entis & Ens. Atqui les proprietēz essentielles & reciproques à ce mot *Ens*, sont propres au pet, *Ergo crepitus est Ens.* Menons ces syllogismes defil en éguille, & montrons que nous auons veu.

Barbara, celarent, danti, serie, baralipton, Celantes, dabitis famesmo, frise somorum, Cesare, Camestres, &c.

Et disons que la maieure fondée sur les
prin

principes de Metaphysique, renuoye la negation à la mineure, *quam sic probo*:

Illud est Ens, quod est unum, verum, bonū.
Atqui, ces proprietez conuiennent au pet, *Ergo, est Ens. Probo minorem.*

Illud est unum, quod diuidi non potest: Atqui, vn pet ne se peut diuiser, en pourriez-vous bien partir vn en deux? Nenny: *Ergo est quid unum, Ergo est Ens.*

Ie prouue que *verum* luy conuient aussi bien que *unum*. *Illud est verum, quod nunquam mentitur:* Atqui, vn pet ne ment iamais, & ne trompe iamais, veu qu'il porte tousiours son musc, & frape tousiours en vn mesme endroict.

Ergo crepitus est unum & verum, Ergo Ens.

Reste donc à prouuer qu'il est bon, puis que *Eò usque nostra deuenit oratio*, vous direz que.

--- *Facilis descensus Auerni,*
Sed reuocare gradum, superasque reuertere
ad auras,
Hoc opus, hic laboret.

Vade, pourtant chose promise est deüe, ie dresse donc mon bataillon ainsi.

Cic.off. iudit que, *Illud censetur esse bonum, quod utile, iucundum & honestum est*, si ie

prouue donc que les pets sont vriles, plaisans, & honnestes, vous confesserez la debte & cōtraincts de vuidier le corbillon, vous chanterez la Chanson de l'Oublieur. L'vtilité donc du pet paroist en ce que, quiconque pette brauement, & avec courage, prolonge sa vie, comme dict le Prouerbe vulgaire, mais elle est bien plus notoire à celuy qui considerera, que du pet, & de la consideration d'iceluy, sont sortis plusieurs Arts & sciences, desquelles nous ne pouuons assez vanter l'vtilité. Premièrement, on peut dire que la Musique en a pris son origine, veu qu'elle ne dépend que de la varieté de tous; or comme on ne trouue point deux hommes qui ayent le nez façonné à mēme mōule, ainsi, *summa cum difficultate*, trouue-on deux peteurs qui s'entre-semblent, de sorte, qu'amaissant & choisissant cinq ou six methodiques peteurs, ils vous composeront vn air nouveau de leur derriere. Les vieilles augurent la pluye ou le serain, selon le ton & le son de leurs pets, voila l'Astrologiē qui en prouient. Les Allemans, pource qu'ils portent à creue-sangle, en
ont

ont tiré l'inuentiõ des Canons. Les François y ont trouué le jeu de l'Arbaleste & du Balon. Les Mariniers y ont appris d'un mesme vent aller en diuerses pars, pource qu'ils ont considéré qu'un pet tire aux talons, & frappe au nez: Hypocrate, Galien, Fernel, Auicence, Rasis, & autres, en ont puisé mille secrets de medecine.

Pour estre plaisant, ie vous ay dit qu'il chante en naissant, & naist en chantant: De plus, vn pet est suffisant de faire fondre en ris vne compagnie toute melancholique. N'est-il pas plaisant, quand pour le port d'un petit Chien, il dispense les Dames de peter à toutes heures, & les quitte pour vn Châlez de chiens, il a vesty.

Pour son honnêteté, il ne m'en chaut beaucoup, car au temps qui court, plus de profit & moins d'honneur, & l'on ne se soucie plus de l'honneur, pourueu que *lucrum accedat, & maior utilitas. Ergo*, apres auoir bien digéré cette matiere, ie vous prie de ne plus tant serrer les fesses, quand vous voudrez peter, ne faisant rien à demy: Et s'il y a en ce prologue quelque chose à vostre appetit, ne re-

tranchez de vostre portion, ains auallez
tour.

P A R A D O X E.

IE viens d'icy derriere par la porte interieure, Messieurs, pour vous aduertir que le Genie qui a la consuetude de gouverner mon cerebre, m'a dit, estre expedient pour la sanité de vos animes, vous faire certains de ce qui a tant meragraboulizé le derme cepiderine, & les deux meninges de ma scientificque caboche, & que ie ne laissasse attrimer aucune potence à la peur, sur la limite de ma iurisdiction, veu la consequence du negoce, & la faculté des axiomes de Rethorique, faire vne digression *ab equis ad asinos*, ce que i'ay promis de faire, & à cause que le Carefme approche, & vous donner vn plat de moulé de Terre neuue, & si vos repliques, dupliques, productions, griefs, saluations, & autres estafiers de Madame la Chiquane auourd'huy tant respectee, ne sont mieux espicee que les Ceruelas de Paris, ie vous
mon

mōstreray que cette petite estuuee d'in-
uentions fricassées au plus profond re-
coin de mes caliges, dans la pœsse de ce
discret & maiestatif *In charno*, est bastan-
te pour vous faire pratiquer la furieuse
incagade du Docteur de Flaquiroles,
tant bien décrite dans la caballe des re-
formez.

Car il n'y a cocu en cette frequence de
popule qui puisse assimuler les qualifi-
cations, proprietez, & autres vertus de
ses cornes, avec l'energie & fortitude
de ces miennes venerablissimes cornes,
qui, pour estre actiues, ont leur roide
beaucoup plus fort que les autres, & ser-
uent d'auantage de pied-destal, de fon-
dement, de baze, de colomne, d'arbou-
tant, de toict, de couuerture à l'edifice,
structure & bastimēt de mon Bōnet do-
ctoral & scientifique, & c'est vne chose
bien fondamentale & diaphane, cōme le
Soleil de minuiet, qu'elles ne sont rien
qu'égouts, cloaques, sentines, retraits,
sarbacanes, machecoulis, & alambics de
sagesse, de *modo quod*, si la fâtasie *me cape-*
ret, & si ie voulois désâgler les ligamens
de mon intellect, ie réplirois vostre cu-

pidie de maxime letice, & me deambul-
iant par la planice de la science raison-
nante, ie cannonnerois toutes les aller-
tiuncules, tant au primitif que deriuatif
de vostre opiniastrété. Mais ie veux icy
estre deuant vostre respect, & comme
Prodrome nouueau, vous déployer vn
pacquet qui m'a esté deſeré de Lutece,
ſans paſſer par le milieu, malgré les Phi-
loſophes qui diſent que *non datur tranſi-
tus niſi per medium*: à ſçauoir, que deux na-
uires ayans le vent en poupe, ont paſſé
par deſſus les Pyrenees, chargées de Pig-
mées, afin de laſſer de leur graine en
France, pource que les Dames ont les
grands en trop grande reputation, que
la caquesangue de bourse ſera commu-
ne en beaucoup de pays, qu'en Tartarie
il s'eſt trouué en vn treſor 50. mille cor-
celets de pierre de taille, de fine trempe
de Damas, de bon & loyal acier, achetez
par les mouches & tahons, leſquels ſont
en deliberation de faire la guerre aux
aſnes plus que iamais, à cauſe que la ra-
ce en multiplie, & qu'ils vont ſouuent
les vns ſur les autres, que les Genets
d'Eſpagne, & les Courſiers de Naples,
font

sont en debat à qui passera les premiers au Carnauai à Rome, tous prests à se porter sur le pré, & là ayant le ventre bien garny d'auoyne, faire trois ou quatre coups de fleuret en vostre presence, que ceux qui pettent sans ouürir le cul sont excommuniez, tant de la maieure que de la mineure, que le signe du Capricorne est beaucoup plus dangereux que les Caniculaires, qu'il ne faudra point aller en Arabie chercher des Monstres, puis que la pluspart des hommes naissent destineez au Cocuage, que les Coqs, oyseaux poltrons & Hieroglifiques d'imprudence, prendront leur origine des Faucons, combien que si nous voulions esplucher toutes les hypocondrons des Cirons, & couper les ailles aux Mörpiens qui sont estimez en certain pays Dragons volans, ce seroit assez pour anatomizer ma ceruelle, & faire vne saquelette de ma caboche, car vn Boucher aura plüstoit escorché & détaillé vn bœuf, que ie n'en auray mangé deux, & par conséquent, ie conclus en consequence de ce que nous n'auons iamaïs prouué, & que nous ne prouuerons
jamais,

iamais, qu'une bonne paire de bottes, un bon cheual, & cinquante ou soixante millions de pistolets à grand ressort, avec une lettre d'échange de vie, ou de billon aux plus fameux Banquiers Venitiens, sont les vrais nerfs pour faire un long voyage.

Prologue en faueur du Mensonge.

PVis que la fin de nostre vacation ne tend à autre but qu'à représenter les actions humaines, & que nostre Theatre est comme un abrégé de ce grand monde, auquel se void en grand & petit volume le principe, le milieu, & la fin de la vie de l'homme : j'ay pensé que vous m'honoreriez d'une fauorable audiee, si en peu de mots ie vous en disois mon aduis. Sans d'oc déguiser le subiet, & sans appeler une chose par un autre nom que le sien propre : le soustiendray que le mensonge est fort utile & necessaire à l'homme, & que l'une des plus belles vertus qui le rende aujour d'huy recommandable,

dable, est de ſçauoir mentir parfaitement,
Et pour appuyer mō discours de fermes
& ſtables pilottis, ie tireray mes pre-
mieres raisons de ceux qui depuis le dé-
broüillement du Cahos, ont le mieux, &
plus ſubtilement traicté cette matiere,
& qui depuis leur eſtre, iuſques à ce iour-
d'huy, ont eſté eſtimez les maiſtres en
cette eſcrime des actions humaines. Ce
ſont les Philoſophes moraux, qui diſ-
couras de la nature d'icelles, diſent que
comme elles tendent toutes à bien, cel-
les-la ſont les plus parfaites, qui appor-
tent plus d'vtilité à l'homme. Or il ſe
peut, par vne induction & denombre-
ment general, tant de toutes les nations
de la terre habitable, que de toutes ſor-
tes de conditions, facilement monſtrer
que le menſonge eſt celuy qui a illuſtré
la vie d'vne infinité de grands hommes,
deſquels encore auourd'huy nous admi-
rons les vertus, & en honorons la me-
moire. Tous les Anciens Chaldeens, les
Egyptiens, les Grecs, & les Romains, re-
cognoiſſans que la verité eſtoit par trop
foible, pour retenir la populace en bri-
de, ont forgé des Religions d'vne infi-
nité

nité de mensonges , ont feint vn Iupin avec la foudre à trois poinctes, Neptune avec vn trident, Cupidon avecques des sagettes, Vulcan avec vne torche ardante, & mille autres fictions, desquelles encores aujourd'huy nous admirons les Autheurs, pour par le moyen d'icelles se faire obeyr à leurs subiects, & les entretenir en vne perpetuelle concorde.

Aussi Numa Pompilius donna vn plus ferme establisement à ses loix, & à sa grandeur, par le moyen du mensonge qu'il inuenta, d'auoir accointance avec la Nymphæ Ægerie, qu'il n'eust sçeu faire par aucune punition des contreuenans, ny pour aucune apparence de verité, ou iniustice d'icelles : Autant en fist Minos en Crete, Solon à Athenes, Licurgie en Lacedemone, & Zoroastre en Babylone, tous lesquels non seulement se sont faicts craindre de leurs subiects, cherir & adorer d'iceux, mais encor se sont acquis vn renom de demy-Dieux, lequel n'aura iamais de fin. Et par semblable imposture, Mahomet du temps de nos anciens Peres, a jetté les fondemens d'un Empire, lequel de sa sourcilleuse

grandeur menasse presque toutes les autres souverainetez de la terre, de laquelle il semble mediter la totale conquête, par cette devise, qui avecques vn Croissant, porte *donec totum impleat orbē*, tant a eu de force le mensonge, au prix de la verité: Et si par degrez il m'estoit loisible, de descendre des plus releuez Monarques, iusques à leurs moindres subiects, ie ferois voir éuidemment qu'il n'y a pas vn à qui cette faculté ne soit extrêmement necessaire. Les Chefs de guerre, & les Financiers en leurs fonctions en ont grand besoing. Les Iuges en l'administration de leurs charges. Et Messieurs les Aduocats, lesquels soustiennent que le Preteur les permet de mentir, au §. *Nam si cui ex iusta causa, &c.* Les Marchands & Artisans, au lieu du fruit que leur apporte ordinairement le commerce, n'y trouueroyent que des espines & des chardons, s'ils ne scauoient mentir à fonds de cuue. Les Amoureux, sur lesquels ie pourrois estendre mon discours, mais vn grand Volumen'y suffiroit pas, ne mouilleroient pas si aisemēt l'ancre de leurs desirs au

Haure

Haure tant desiré de tous les Amans, s'ils n'employoyent le vent d'une infinité de méteries pour y paruenir. Auourd'huy tous nos Courtisans seroyét tenus pour vtays marioles, & pescheurs d'escreuiches, s'ils ne pratiquoyent ce beau stile, auquel par manere de Commentaire, ils ioignét la dissimulation, sa Cousine germaine en ligne directe & collaterale. Les Medecins, Chirurgiés, maque-reaux, mesmes les Arracheurs de dents, ne s'aident-ils pas du menfonge? Et qui en doute? Mais nous n'auons donné encores que la premiere touche au tableau des actions de nos Amoureux, passons y le pinceau pour y donner le lustre qu'il merite. N'est-il pas veritable que quand ils abordent leurs Maistresses, ils leur font des discours si esloignez de la verité, qu'il semble proprement que ce soyét des songes de malades? Quelque nouuel Adon imitant la fable du Renard & du Corbeau, & afin d'auoir part au fromage, persuadera à sa Maistresse, que sa beauté est incomparable, & elle sera beaucoup plus semblable à vne Meduse, les hydeux regards de laquelle meta-

mor

morphosoyent les hommes en roches. Il dira que ses cheveux anelez & crespe-
lus feront honte à ceux d'Apolon, & ils
seront desliez & frizez comme les brins
d'une espouffette, son front poly comme
une belle glace de cristal, & toutes-fois
ridé comme une chemise de Flandres.
Il dira aussi que ses yeux lanceront des
regards si brillans, que le moindre sera
capable d'eschauffer un vieux courage:
Mais ce sera donc l'escarlatte dont ils
sont bordezz, qui produira plus de cire &
de gôme, qu'il n'en faudroit pour four-
nir la meilleure parrôisse de France de
luminaire. Il dira que son nez un peu re-
courbé, ne se pourra comparer, & il sera
historié comme un macharron, & re-
troussé comme le chauffe-pied d'un pe-
lerin de Saint Jacques. Il dira que ses
joues sont pleines de lys & de roses, &
elles serônt vermeilles comme une folle
fritte. Elle aura de reste dans la bouche
cinq ou six dents rouïlles, & faictes en
cheuilles de Luth, & neantmoins il les
comparera à des Perles Oriëntales, & les
attestera telles à tous hazars. Il dira que
son sein recelera deux boules d'ynoire,

ou deux montagnes de lait, & les retins, ou plustost les retasses, ressembleront à deux bources vuides : Bref, il ne parlera qu'avec admiration de son corsage, & en fin, qui le considerera bien, le trouuera fait comme la valise d'un Postillon. Et bien, Messieurs les Amoureux, qu'en dites-vous? Est-ce point mériter reellement & de fait, & au Soleil & à la Lune, & si apertement, qu'il faut que vous passiez condamnation, sauf vostre recours contre l'amour. Mais, dira icy quelque carreleur de sabots, ou quelque Sauerier à courte alesne, Vous ne parlez point de vous, Monsieur le Comedien; vous vous tirez du pair, bien que vous soyiez des plus auant en la partie : vous vous vâtez le plus souuent de chatouiller de la mignardise de vos Poëmes, les oreilles plus seueres & difficile, de raur en admiration ceux qui vous escoutent; Bref, d'assembler le Ciel & la terre pour nostre contentement, & neantmoins le plus souuent vous nous renuoyez chez nous aussi peu edifiez de vos spectacles, que si en vn festin on nous auoit traité de quelque viande en taille-douce.

Ha !

Ha! vraiment ie t'en sçay bon gré, mon amy : Et quoy ? penles-tu que ie vueille exempter nostre Academie du mensonge ? Telles faussetez arriuant le plus souvent par l'insolence de quelques Auditeurs qui n'ont pas l'appetit disposé à goûter le fruit de nos labeurs, ou par l'impertinence de quelque veau de dixme, qui ne sçaura rendre raison que des gestes des Acteurs. Mais passons outre. Ne trouuerons nous pas que Iudith s'aida de mensonge pour ayder sa patrie du peril eminent qui la menaçoit ? Et encores par comparaison, si quelqu'un auoit tué son ennemy en lieu secret, & qu'il fust apprehendé de la Iustice, le voudroit-il confesser ? Tout de mesme, si quelqu'un estoit accusé d'auoir faict quelque Musique en fauxbourdon au fonds de ses chausses, le voudroit-il confesser aussi pour son honneur ? Ne prendroit-il pas le grand chemin de Niort ? Or reprenant le fil de nos auctoritez, le diuin Platon (bien qu'il le soit monstre assez grand zelateur de verité, ayant au second de ses Loix bany les Poëtes à cause de leurs menteries) neanmoins au 2. liu. de la

Republique il dit : *selectas fabulas matres ac nutrices pueris narrare hortabimur*, &c. c'est à dire en peu de mots , que la premiere chose qu'on doit enseigner aux enfans , c'est de leur apprendre à mentir, & commander à leurs nourrices de leur faire succer cette vertu au lait de leurs mamelles. Aristote au 7. cha. du 4. liu. de ses Ethiques, parlant de la verité & du mensonge, les met en égale balāce; Mais que sert de demander des preuues en ces exemples particuliers , puis que tout le monde d'un commun consentement aduoüe , reconnoist , & pratique avec tant de subtilité ceste vertu de mentir, que mesme on enseigne l'Art aux Escholes publiques. Car n'est-ce autre chose l'art de Rethorique , sinon l'art de bien mentir. La fin de l'Orateur, disent les Rethoriciens, est de persuader : Or il n'est point besoin de persuader la verité, puis que d'elle-mesme elle est assez forte , comme dit ce S. personnage , *Nulla eget auxilio veritas*, &c. Pour conclusion donc , ie diray qu'il faut mentir, & que si la verité n'a point de besoin de l'eloquence , il faut bien
par

par necessité que l'esloquence serue au mensonge, autrement, elle seroit inutile.

Prologue en faueur de la verité.

PArce que traictant cy-deuant du mensonge, i'ay mis en fait que l'art de Rethorique estoit proprement l'art de bien mentir. I'ay pensé qu'il ne seroit aujourd'huy hors de propos d'en discourir, tant pour me reconcilier avec ceux qui m'ont seruy de matiere pour rendre l'œuvre parfait en sa liaison, structure, & symmetrie : & particulièrement avec ceux que l'amour seigneurie, que pour adherer à mon naturel, qui n'a embrassé le party des menteurs, que pour les faire apres trespucher eux mesmes, dans le precipice que la feinte armonie de leur voix Acheloise prepare à ceux qui se laissent conduire sous le faux voile d'une infinité de paroles bien agencees. Et d'autant que i'ay tousiours estimé que la Rethorique estoit la baze & le seul soustien du mensonge, i'ay pensé que pour ruiner ce bastiment,

stiment, il en falloit sapper les fondemens. Ce que j'espère faire par la force de plusieurs belles auctoritez. Mais si mon stile se trouue trop foible pour esleuer vn si grand pois au point de sa gloire, ie vous prieray de m'excuser, & d'auoir la mesme patience qu'eut cét Empereur Romain, lequel fit faire alte à toute son Armee, pour escouter vne simple femme. Et le Roy Archefilaus, qui vouloit quelquefois oüyr des hommes enroüez, & ayans la voix rude & malplaisanté, afin de prendre puis apres plus de delectation à escouter ceux qui estoient eloquens. Et sous l'esperoir d'vne fauorable attention, ie suiuray le dessein que j'ay pris de ruiner le mensonge, & par consequēt la Rethorique, qui le soustient. En premier lieu, Socrātes maintient par viues raisons que la Rethorique n'est ny art ny science, mais vne certaine dexterité d'esprit, & maniere de flatter. Les Lacedemoniens l'ont du tout reprouuee, disans que le langage d'vn homme de bien doit proceder du cœur, & non pas d'aucun artifice. Les Romains ont long-temps tenu la porte
fermee

fermee aux Rethoriciens. Et combien que Cicéron se soit fort alambiqué le cerueau pour donner à entendre que la faculté de bien-dire ne dépend point tât d'art que de prudence: & si est-ce que le parfait Orateur qui l'a formé & façonné dans son liure, pour seruir de patron aux autres, n'a pas esté bien receu d'un chacun. Car en premier lieu il fut suspect à Brute, homme de singuliere integrité. Tellement que cette sentence s'est depuis souuent promenee par la bouche des hommes, que les reigles & preceptes de bien dire ont beaucoup plus apporté de dommage, que d'utilité à la vie humaine.

Et pour en parler sainement, toute ceste discipline de Rethorique n'est autre chose qu'un artifice d'amadouër, pour faire croire, sous le masque de belles paroles, ce que l'on ne scauroit faire vsant de la verité, & à decouuert, ainsi que disoit Arcidamus de Pericles & de Sophiste: Car Archidamus estant un iour interrogé lequel des deux estoit le plus vaillant, respondit: Encores que j'aye vaincu plusieurs fois Pericles au

combat, neantmoins, quand on vient à parler des effects de la bataille, il est si bien pourueu de langue, qu'il fait croire qu'il n'a pas esté vaincu, mais qu'il est victorieux luy-mesme. Quoy? ne lisons-nous pas que par cette faculté de bien causer, les plus puissantes Republicques ont esté troublées, & quelquefois du tout destruites? Les Brutes, Casses, Gracches, Ciceron, & Demosthene, ne nous seruent de preuue, lesquels comme ils ont esté les plus eloquens hommes de la terre, aussi ont-ils esté les plus seditieux de leur temps.

Caton surnommé le Censeur, fut accusé quarante fois en Iugement; Mais il intenta plus de septante procez criminels contre autres, ne cessant toute sa vie de troubler la tranquillité publique par harangues & plaidoyez enragez. Et Demosthene s'est-il pas plusieurs fois vanté entre ses amis, de faire tourner & de encliner les Sentéces des Iuges à sa volonté, charmez de la douceur de ses belles paroles: Toutesfois aussi-tost qu'il voyoit Phocion, il se trouuoit fort estonné, & craignoit celuy-la seul, aussi
l'ap

l'appelloit-il la coignée de ses oraisons. Cicéron estoit appelé Roy à Rome, pource qu'il manioit la Republique avec le frein de son eloquence.

Les Lacedemoniens chasserent Cresiphon, à cause qu'il s'estoit vanté en vne assemblée de pouuoir discourir vn iour entier sur tel subject qu'on eust voulu: car il n'y auoit chose qui leur fust plus odieuse que cét artifice & curieux arrangement de paroles, detestant ordinairement ceux qui avec leurs langues emmiellées, menoyét les hommes attachez par les oreilles.

Par ces raisons il appert donc que à Rethorique n'est autre chose (comme ie vous ay predict) qu'un artifice de persuader & bien mentir, propre à conduire les affections, rauissant les esprits par vne subtile maniere de parler langage fardé, & frauduleuse verisimilitude. Bref, cét art fortifie beaucoup le mensonge, l'un ne pouuant subsister sans l'autre: car pour estre parfait menteur, il faut estre bon Rethoricien; & se doit l'homme plustost munir de paroles propres, qu'elegantes; & suyuant la pro-

priété des choses, & non l'ornement du langage, faire paroistre la verité pure & entiere. Elle est simple, mais viue; & tient son principal siége au cœur. Seruons nous donc du benefice de la nature, laquelle nous enseigne à exprimer nos conceptions d'un langage naïf, & embrassant la verité en toutes nos actiōs, fuyons le mensonge, puis que mesme il appert par l'exemple de nos premiers parens, que ç'a esté le mensonge qui a ouuert la porte par laquelle sont entrez tous les mal-heurs au monde.

Courage, il me semble que ie voy desia le mensonge qui chancelle vaincu, mendier le secours de la Rhethorique: mais c'est vn foible bouclier: Car la verité toute nuë & desarmee, leur faict donner à tous deux du nez en terre, & les estouffe sous la pesanteur de leurs armeures.

Que me reste-il donc plus auourd'huy sinon vne fauorable reconciliatiō avec ceux qui m'ont seruy de matiere, pour fabriquer le mensonge. Il me semble que ie voy desia les chefs de guerre qui fourbissēt leurs Espees, pour me de-
cou

couper à grandes taillades, & à droit fil. Les Financiers & Thresoriers sans doute me retiendront mes gages, si aucuns me sont deubs. Les Iuges ordonneront qu'il sera passé outre, nonobstant l'apel. Les Aduocats & les Procureurs s'entendans avec ma partie aduerse, me laisseront tomber en deffaut. Les Medecins au lieu d'une simple saignée, m'ordonneront une diette d'un mois à Beaugayac & Salse pareille. Les Apoticairez au lieu de la Siringue, me donneront d'un fer chaud dans le cul. Les Maquereaux feront abbaissier le ventre à ma bourse. Les amoureux coniureront les Maistresses de me verser tous les iours un pot à pisser sur la teste en passant deuant leurs portes. Les Courtisans me donneront de l'eau-beniste de Cour. Les Chirurgiens feront la guerre à mes parties casuelles : Bref, ie cours fourtune d'estre fait Courtaut. Pour à quoy obuier, ie passe Sentence pure & simple, par laquelle, ie confesse ingenuëment, que temerairement, & contre tout droict, ie me suis aidé de leurs qualitez & actiôs, pour auçtoriser le mensonge, & qu'em-

porté de passion, pour auoir autres-fois esté mal traicté en Amour, i'ay faict la guerre à ses subiets: pour reparation dequoy, & pour y auoir esté particulièrement offencez, ie me condamne moy-mesme de cœur & d'ame, à porter tous les iours, ou tous les soirs, il ne m'en chaut le flambeau ardent deuant leurs Maistressés, lors qu'elles yront sacrifier au sommeil, ce fait, l'estendre selon l'exigence du cas: & pour le surplus, ie supplie les equitables Censeurs de trouuer bon que les parties soyét mises hors de Cour & de procez, attendu la qualité de la matiere.

*Autre Prologue, en faueur
du Silence.*

LA loüange de l'vne des plus belles & rares parties de l'homme, requise pour l'heure au contentement que vous esperez de ce spectacle, nous inuite, Messieurs, ains tres-expressement nous commande, par forme d'auant propos non point de la celebrer, qui est tout

ce que pourroit faire vn Demostene, ou son successeur en l'eloquence Latine, moins encores de penser par vne presumptueuse arrogance adiouster à sa gloire, veu qu'elle resplendit d'elle mesme, comme vn autre Soleil, n'empruntant que de soy: & qui par les rayons de viue lumiere, anime presque toutes les autres vertus.

Nous contribuons donc seulement vn foible hommage à sa perfection, ainsi que les grands fleuves que vous voyez se desgorger dans l'Ocean, & luy rendre vn tribut dont il se passeroit bien, n'en augmentant ny diminuant la large profondeur de ses ondes, l'estenduë de son Empire, ny l'effroyable monstre de sa puissance. Or donc, sans vous tenir d'auantage en suspens, sçachez que le silence doit seruir d'argument à ce discours mal limé, & indigne de vos delicates oreilles: c'est le Temple où i'apprends mes vœux, & le but de mon voyage.

Le silence, dis-ie, tant approuué des Pythagoriques, tant renommé par les plus serieuses sentences de l'antiquité, est celuy qui seruira de phanal, d'obelisque

d'Ourse, & de carriere à ce prelude.

Je maintiens de ma part (apres & avec tous les Doctes) qu'il est l'ame, le mouvement, & la cause premiere de toute science: Demandez- vous comment? Par le moien de l'oüie qui veut de nccessité que toutes les autres fonctions du corps disparoissent quand elle agist, & principalement la parole. C'est pourquoy nature nous a donné deux oreilles & vne seule bouche, c'est pourquoy les sages Egyptiens dedierent vn Téple au Dieu du silence Harpocrates: les Grecs à Sigaleon. Ce Dieu se representoit quelquesfois sous figure d'un enfant qui d'un doigt pressoit sa bouche, comme admonestant le silence: tantost & sans distinction de lineamens du visage, couuert d'un bonnet, & vestu d'une peau marquetee d'une infinité d'yeux & d'oreilles, pour monstrier qu'il faut beaucoup voir, beaucoup oüir, & peu parler qu'il est permis à chacun de dire quand bon luy semble, & non point de se taire. Les mesmes Egyptiens consacrerent aussi à ce Dieu vn arbre nommé Persea, par ce que ses feüilles estoient tres-semblables

blables à vne langue , & son fruit à vn cœur , comme voulant inserer la langue deuoit exprimer les passions du cœur, mais apres vne longue & meure deliberation , si l'infinité de tels autres exemples n'estoit plus ennuyeuse que profitable , ie vous en produirois vne iliade: Mais il vaudroit mieux passer outre & par quelques dicts des plus signalez Philosophes, vous affirmer mon dire.

Socrates conseilloit trois choses à ses Disciples pendant cette peregrination mortelle : sçauoir est y de porter la prudence en l'esprit, la modestie au vilage, & le Silence à la bouche. Democrite voyant vn certain qui se mesloit de faire du Philosophe , & qui disputoit de beaucoup de choses , où il n'entendoit que le haut-Almant, dit : Cestuy-cy me semble ne sçauoir parler ; moins encor quand il se faut taire. Demostene voyant vn certain à table, qui laschoit plusieurs paroles de neant : Comment , luy dit ce Phoenix de bien-dire , celuy qui t'a appris à parler , ne t'a-il par mesme moyen appris à te taire? Ce grand Chef Thebain Epaminondas auoit opinion que l'hom-

me se deuoit plustost rendre cupide d'oüyr, que de parler : d'autant que la doctrine naist de l'oüye, & le repentir de la parole. Mais à quoy plus d'exemples, pour fortifier vostre discretion si apparente, vous semôdre à ce dont vous auez le plus d'enuie, & incliner vostre vertueux naturel à vous prester vn favorable silence ? Il n'est pas icy question de celer quelque affaire d'estat ou conspiration publique, ny de vous tant peiner l'esprit, pour paruenir aux secrets d'une obscure & profonde caballe. Icy les parties apointees en contraire, n'attachent l'espoir de leur cause sur l'opiniastre bien-disance d'un Aduocat. Ce n'est qu'un exercice vertueux, vn plaisir serieux, libre, & volontaire, qui vous recree la veüe, réueille l'esprit, & tempere le soin domestique, acceptable toutes-fois d'un peu de patiente modestie. Bref, ce n'est qu'un appas, que vous nous ietterez, pour faire de bien en mieux, pour diuulguer le merite de vos courtoisies par toute la Frâce, pour recenoir les premices de nostre agreable labeur, avec vsure. Ce favorable silence conspire également

lement au plaisir des spectateurs, & à la gloire des Acteurs. A son deffaut nous protestôs d'executer alencôtre de vous, ce dôt Ciceron menassoit le peuple Romain, lors qu'il se portoit tumultueusement quand Roscie representoit.

O Cieux! quelle inutile passion m'emporte? de quelle maniere suis-je reprochable? Je veux auancer mon ombre, peindre sur la face des eaux, & enrether le vent. Chacun est en sa place, chacun escoute, & naue donne tant d'arres de sa prudente discretion, que ie ne feindray point de dire à nos Acteurs qu'ils sortêt, qu'ils se iettent, dis-je, courageusement dans la lice, pour receuoir de vous (leur coutse affranchie) un prix de louange, plus riche que toutes les richesses périssables, à quiconque fait profession de suivre le penible sentier de la vertu.

Prologue sur un Habit.

Messieurs & Dames, ie desirerois, souhaitteroïs, voudrois, deman-

derois, & requerrois desideratiuement, souhaitatiuement, volontatiuement, demandatiuement, & requisitatiuement, avec les desideratoires, souhaitatoires, & volontatoires, demandatoires, & requisitatoires, que vous fussiez enluminez, irredifiez, & esclarifiez, pour pouuoir penetratoirement, secretatoirement, & diuinatoirement, *videre, prospicere, intueri* regarder au trauers d'un petit trou qui est en la fenestre du buffet de mes conceptions, pour voir la methode que ie veux tenir aujourd'huy à vous remercier de vostre bonne assistance & audience, laquelle vous continuerez, s'il vous plaist, à vne petite farce gaillarde que nous vous allons représenter. Avant laquelle ie vous veux dire vne grande, petite, courte, large, estroite, & vieille nouvelle, qui nous fera rire, comme vn Microcosme de mouches, & vous donnera plaisir pour plus de cent portugaises, si vous auez l'esprit de l'apprendre, sans y comprendre la doubleure des chaussions de M. Pierre Fait feu, qui chia dans ses gregues en la Maison de ville, pour faire parler de sa vie. L'autre

tre soir comme le Soleil estoit couché, toutes les bestes (Messieurs) estoient à l'ombre comme vous estes, ie rencôtray vn grand petit homme rousseau , qui auoit la barbe noire , lequel venoit d'vn pays, où, excepté les bestes & les gens, il n'y auoit personne : Au reste, comme il estoit habillé, *sequens pagina indicabit*. Premièrement, *in capite*, il auoit vn chapeau faict en siringue d'Apoticaire, ou chauffé d'ypocras, le pennache d'vne vessie de pourceau , son pourpoint estoit d'vn fin acier de fine sarge de Florence , les gallons de crotte de Paris , les boutons de beaux oygnons , & les boutonnières bordees de moutarde, le rabat de maroquin de leuant, auec vn point coupé sur toile d'aragne, il auoit vn haut de chausses dechiqueté comme vn poisle à chastaignes , galonné de clinquant de fin lard à larder , le bas attaché de papier bleu escarlattin, surgeté d'huyle d'oliue, les jarretieres de six pans de saucisse de couleur de merde de Phenix, mesure de Tours, les souliers de foin teint en soye, decoupez à barbe d'escreuisse, les lacets d'vne belle andoüille incarnatte , façon
de

de Milan , & le manteau de toile blanche, teinte en couleur de lardoire, faißt en tabourin de Suisse. J'oublioys la myrifique brayette qu'il portoit , laquelle estoit faite en cornemuse , cousué avec des sains de pourceau. Voila en somme comme estoit habillé le compagnon, lequel pour en cracher mon opinion dans le receptacle de vos oreilles, ressembloit mieux à vn gardeur de vaches , qu'à vn Asne à vn quarteron de pommes, & parloit si bon François, que du commencement ie pensois estre en Allemagne : il arrangeoit ses mots avec vne si belle industrie, qu'au diable l'un que j'entendois. En cét entretiē j'eus plus de plaisir, qu'un galeux qu'on estrille, & n'eusse pas voulu estre pour toutes les cornes que j'ay au cul, mort à l'heure. Tant y a qu'il me dist qu'il estoit fort bien versé en la maniere d'oster les cirons des mains & des fesses , rongner les ongles , & escumer le pot. Aux citations des liures qu'il auoit leus , ie prins la mesure de sa memoire , qui pesoit enuiron six liures de fromage du pays d'Auuergne, sans comprendre son bonnet de nuict , qui estoit

encor

encor chez le Potier sur la contenance qu'il tenoit en se grattant derrieres les oreilles, comme vers le mitan du dos: Et de là ie me ressouuins sur les champs l'auoir veu à Paris, ramonneur de cheminee Son stil pour n'en mentir point, estoit fort ample, & d'une impression nette comme vn pot à pisser, ayât leu au trauers d'un petit trou qui estoit à la fenestre de ses yeux, ie feuilletay le commentaire des cōmenteurs, pour sçauoir leurs opinions, mais ie les donne à trauers tous les diables comme vne boule en vn ieu de quilles, s'ils ne sont obscurs comme vne bouze de vache, ie ne sçeu iamais rieu cōprendre, ie ne sçay si vous y pourriez mordre, l'un disoit que bran langage de Rouen, estoit merde au sens de ce pays, l'autre disoit que tous les badaux n'estoyent pas dans les boutiques, puis qu'il y en auoit tant icy: l'autre disoit que fleurs cartaines, selon l'opinion de maistre serre, estoit vn tresdigne colier pour prendre au col d'Angoulvent, si bien qu'il fut conclu & arresté, selon l'opinion de Gringalet, que paures gens qui n'ont ny pain, ny vin,

ny dents , sont bien empeschez de faire crouste. C'est pourquoy ie vous coniuire tous par les quatre fesses qui vous ont engendrez , & par la viuifique cheuille qui les accouploit, de nettoyer la poul-dre de nos imperfectiōs, avec les épous-fettes de vostre humanité, & donner vn clistere d'excuses aux intestins de vostre mescontentement. Ce que faisant vous nous obligerez à desboucher le trou du cul de l'occasion, pour cracher la matie-re que vous sçauiez dans le bassin de vos commandemens : que si vous faites autrement, le mau, fin-fio , de ricrac, aussi menu que poil de vache , renforcé de vis-argent, vous puisse entrer au fonde-ment, & que l'Estaffier S. Martin se pen-de à vostre collet (au hazard d'estre frot-té & estrillé) comme vn andouille à la cheminee.

Prologue contre les Temeraires.

LA Fable d'Esopé me semble de fort bonne grace, quand elle fait vne digression sur deux pots , dont l'vn estoit de fer, & l'autre de terre. Monsieur le
 pot

pot de terre ayant vn voyage à faire en vn pays qui n'a point de nom, est incontinent accosté de Monsieur le pot de fer: lequel luy ayant fait vne profonde & basse reuerence à trois pieds, & osté son couuercle en forme de bonnet, avec toute ceremonie, n'oublie rien de tout ce qui estoit requis pour paruenir à vne association: Et de faict, le supplie d'auoir agreable que leur trafic & cōmerce fust également partagé entreux. A quoy Monsieur le pot de terre respond en toute humilité, Ah! Monsieur mon amy, *pares cum paribus*: le suis vn pauvre compagnon, qui n'ay brebis, pigeon, n'oyson, & par consequent indigne de vostre alliance, pour auoir les reins trop foibles: vous, dis- ie, qui estes gros Bourgeois de cuisine, & moy simple Officier, tous les iours subiect à cassation, vous suppliant de trouuer bon que ie tienne quartier à part, sans me caresser, ou approcher de plus prez: car la moindre de vos accolades seroit capable de m'estropier de tous mes membres, ce qui causeroit ma totale ruine: Prudence admirable, & digne d'auoir l'exemple que
ic

ie vay mettre sur le tapis, pour fidelle interpreter, afin de descouurir ce qui est caché sous cette escorce fabuleuse : or disons donc quelque chose sur ce subiect. Tous les sages, tant anciens que modernes, penetrans iusques au fonds de la Philosophie morale, entortillent & enveloppent dans l'arriere boutique de la viuacité de leur intellect, vne si grande quantité de questions quolibetaires, que ie me sens tout constipé en la contemplation d'icelle, & ne se faut pas estonner si en ceste peregrination mortelle on fait moins d'estat d'un cerueau bien cultiué, & affiné, que d'une infinité de petits passe-volans, & *Saluta-libenter*, goderonnez, damasquinez, & porfilez en haute couleur, lesquels me font souuenir de ces petits hommes de plomb, qui le marteau en la main, ne seruent au haut d'un Clocher, qu'à nous apprédre quelle heure il est : & qui pour auoir seulement amadigualisé sur vne chaire percee, croient leur Rethorique imprenable & inexpugnable, bien qu'ils ne sçachent rendre raison de leur discours, non plus qu'un Perroquet appris en cage, ou vn oyson

oyson de la rotisserie. A ce propos, ie mettray vn exemple sur le bureau, en attendant que Iosias sera botté & esperonné, pour apporter en poste sur le traquenart de ses bricolles à rubriques salées & dessalées, fricassées, estuuees, boüillies, rosties, quelque paquet, l'histoire duquel vous chatoüillant l'oreille gauche, vous fasse monstrier toutes vos dents à force de rire, sans toucher à celles de vos voisins. Hola donc, fermez le cul, & ouurez les oreilles, & sçachez que i'ay aujourd'huy traicté en forme probante & authentique vn Escolier de la my Careme, aussi ambitieux de loüage que d'argent: Après plusieurs ripostes & coups fourrez tirez de part & d'autre, & sur la crise & catastrophe de la refection, ie luy ay dégainé quelques argumens saupoudrez, sçachant qu'en vne assemblée où il estoit tout seul, il s'estoit vanté qu'il en sçauoit vne trainee de neuf poulces de long, & autant de large: & m'estant apperceu par la sentinelle de mes yeux, que i'auois mis en embuscade sous mon bonnet, qu'attétif il me guignoit, & espioit avec vn souf-

ris entr'ouuert, composé de quelques vieilles dents rouïlles, ie luy dis, non, non, *Magister noster nostrande*, il n'en ira pas ainsi, vous déployerez vostre Rethorique tapissée, autrement, & à faute de ce, ie vous baniray cathégoriquement à la Cuisine, pour au nom de la cheminee, chambrières, souillons & marmittons, chenets & espinettes, deffendre les pots & marmites des alarmes, assaux & entreprises des pattes veluës. Lors se voyant si furieusement attaqué, & pour colorer son impertinence, il m'a présenté cinq ou six tranches de *cipro*, pour assaisonner son *cipro*, dont peut estre il auoit oüy parler en quelque college, à la porte duquel il auoit fait le cours de s^{on} aprétissage de preneur de loups, & gueur de Taupes, il adiousta quelques mots, dont il auoit fait prouision, à sçauoir, *Dominous magnont*, & autres Pronostications trassyluaines, & de haut-goust, m'œillantant en ce faisant, comme s'il eust voulu dire : Et bien, frere, qu'en dites-vous ? Y ay-je esté ? en suis-je à reuendre ? Toutesfois ne se resouuenant que le bon menteur doit estre riche en
me

memoire, il luy a eschappé de dire *Magnus & stultus*: ce que vdyât & recognoissant l'ignorâce à claire voye de ce *Magister bemus*, ie luy ay forgé sur le champ vn baragouin, que ie luy ay asseuré estre du plus fin & delié Grec, qui fust en toute l'Vniuersité de Gentilly, excepté le Chasteau de Bissexte, & où Homere *cum socijs suis*, auoit sué sang & eau, & *ibi Bartholus*, priant cette pecore (ainsi l'appelleray-ie pendant qu'il n'y est pas) d'en dire son auis: Mais le pauvre-diable est demeuré tout court, si tant est qu'il y en ayt de pauvres, comme on tient qu'au Royaume de Suede, il y en a qui pour viuoter, & gagner leur vie, sont contraincts de tenir Hostellerie, traittant & nourrissant les passans de noises & debats. Et cognoissant bien qu'il auoit le cerueau embeguiné de maladie & Philosophie de Sainct Mathurin, ie luy ay conseillé de faire vn voyage. Nous n'en vinsmes poinct pourtant aux mains, à cause du peu d'enuie qu'il auoit de se battre & moy aussi, ains auens ressemblé les Procureurs de village, la passion & alteration imaginaire desquels semble

ble en plein Barreau faire monter leurs propos d'eschelon , en eschelon : de degré en degré , iusqu'au siege de la colere: Mais bien qu'ils semblent y estre embourbez & plongez iusques aux oreilles, ils ny entrent pas seulement iusques à la cheuille afin de s'en pouuoir retirer , & *certare solent, & simul cernare patronis* , vous voyez aussi le plus souuent en recompense de ce deuoir & affectionné en peinture , le pauvre Client tout passionné de l'Amour qu'il porte à l'eloquence de son Orateur s'approcher de luy , & luy faire vne sesquipedale & fort bien mortifiée reuerence , se tenant droit comme vn ionc : puis ayant la teste aduancée , & le cul à deux lieuës loing de la monachallo , poser en toute fraternité vne once & demie de fine graine de fougere , poids de marc en l'escarcelle de son defendeur & combattant , en laquelle il faut tousiours mettre quelque chose , comme au loup de la iambe de Marbandus, pour participer aux suffrage du bon personnage. Je puis ce me semble assez à propos comparer partie aduersc

à

à ses Asnes à courtes oreilles, lesquels se curans les dents avec vne demie picque, & respondant que par gestes, engloutissent ordinairement par telle sourcilleuse taciturnité toutes les prerogatives attribuées aux gens de bien, & de sçauoir: Car si on examine le fond de telle semence Arcadique, l'on ny trouuera non plus que les Ægyptiens en leur Idole Isis qui fut vn gros chat gras, en bon poinct, & apposté par les agens de ceste belle Diablesse. Tant y à que mon Docteur en platte peinture à perdu sa cause à triple etage, & pour s'estre trouué sans replique demeuré forclos eternellement: Il sembloit pourtant quelques-fois en ruminant sous son bonnet, qu'il minutast quelque chose de haut appareil pour la deffence de sa cause: mais ie me doute bien que la force & vehemence de mes discours qui le recommandoient à vne hottee de Diables en chair & en os, luy cadenaçoit la langue. Que vous diray-ie d'auantage? Il s'est retiré tout colere, protestant toutes les Hierarchies de ne plus boire avec moy.

Non.

Non de l'eau luy dis-ie alors mis par le bauldrier d'Achiles, s'il si presente vne autrefois, au cas que ie ne le mette les quatre pieds contremont, marché nul: ie cognois le paroissien, qui pour son vin du coucher antonne assez volontiers vn pot de vin, mesure de Sainct Denis, se coiffant de cela comme d'un bonnet de nuict sans autre decret, autorité, ny conuocation destat: bref c'est vn homme qui n'a pas le nez decouppé comme la brayette d'un Suisse, & lequel apprendra dorefnauant à ne s'attaquer qu'à son semblable. Vne sienne amie scachant l'histoire, en fut fort irritée. Mais apres plusieurs contestations & debats, & luy auoir dit quelques mots substanciaux en l'oreille, il s'accorda avec elle par le moyen d'une transaction qu'il porte au fond de ses chausses. Luy voyant ainsi chucheter à l'oreille ie pensay en ma memoire ce que i'auois appris de Balde, qui dict: *Scola asticus loquens cum puella non præsuntur dicere Pater noster*. Mais il est à craindre qu'ayant perdu le bandage de son arbaleste pour en tirer trop souuent la suppliante n'arguë en fin son impuissance,

sance , comme vne certaine femme de ceste ville, laquelle voyant son mary vn peu trop long au fait de l'incarnation, luy dit par gabois , que gaignez-vous de tant sonner les cloches puis que les Paroissiens n'ont pas enuiè de venir ? Pour conclusion ie soustiés à basse notte, que la plus grande finesse qu'il y ait en ce monde est de parler son patois , aller rondement en besongne , & imitant la fable du pot de terre ne se prendre à son maistre , estre ioyeux & non troublé, & auoir le sein ouuert à boutons à queüe comme on les porte auiourd'huy à fin de faire voir à l'œil les pensees,proiects, & fantasies,qui se remuent au fonds d'iceluy,dont sont engendrées les actions, comme dict Lucien,de tirer ses moustaches, choquer les dents à vuide, mordre les leures , saluër bien bas d'vne façon ioyeuse & comique , grauant en l'ame infinis portraicts de trahison & meschâceté. J'allegueray à ce subiect pour abbreger ce discours la deuise de Paracelle , qui dict : *Alterius non sit qui suus esse potest.*

Prologue contre l'avarice.

TOut ainsi que le Ciel est l'ordinaire demeure des Astres & des Estoilles, & que le supernel Aripotent les à placés pour le commun bien de tous ceux qui habitent ce terrestre manoir. Tout de mesme il est à presumer qu'il faudroit plus d'une liure de beurre pour bien fricasser vne Balaine. Le Docteur à plein fonds Messire du Gras-mangebié, du pays de Pance pleine, en son liure intitulé la Corne d'abondance, & au poinct de la quarte qui signifie la cornouaille. Apres auoir encornifistibulé vn certain Caquarese Auaricieux, & prins subject de son Liure sur ses mesquines actions, dict que le vray Hieroglifique de la liberté est le Coq, pour monstrier, que tout ainsi que le Coq est gras & refaict en la saison des raisins, & fait paroistre des plumes qui le font marcher en Capitaine, & si bragardement, qu'il en est recherché & caressé en toute l'Academiaie gallinaire. De mesme aussi, il est à presumer que celuy-la qui vit nonchale

lement, & qui prend souuent du vermillon de Cuisine, ressemble à vn Coq de bonne maison. Toutesfois le Docteur Rincepot, *alias* Francatripe, nous enseigne avec bien plus de subtilité ; que le vray Hieroglifique est le Paon, non seulement pour la delicateffe de sa chair, mais encore pour la Majesté de ses plumes, qui nous figurent les vestemens de grand prix. Qui aura desir de puiser en d'autres sources, & d'apprendre vne infinité d'autres plus que belles contemplations, qu'il lise nos Docteurs sublimes, nouvellement imprimez en Coccagne, comme est Roger bon temps, *de utilitate prodigalitatis*, Gorge-salée, Grimouche, *de gloriâ abundanter viuendi vitelio*, de regnari *de modo cuisinandi saussas*, Mache-lardon, *de industria acquirendi amicos*, L'Éfant prodigue, de la maniere de gouter des viandes, ensemble ce celebre Personnage Monsieur Pille-mortier, de la maniere de faire tourtes & poupes, paste Royale, friquandeau, salm goudins, eschumes aux pix, *cum comen. o.* pour faire soupes de Leurier, & vne infinité d'autres viandes delicieuses : mais entre tous

ces Autheurs , il y en a vn inutile. La Quintessence des bons morceaux, qui en traicte depuis l'entree de table , iusques à la sortie , & qui donne des regles de viure entierement contraires à ces font-aiguilles, lesquels se voulât marier, choisissent ordinairement vne femme de petite stature pour espargner l'estoffe de ses vestemens, se rongnent tousiours les ongles des pieds iusques à la chair vifue, de peur de rôpre leurs bas de chaufses, se passent d'un œuf à leur repas, prenant le iaulne pour eux, & le blanc pour leur femme , & la petite eau qui en sort pour tout le reste de la maison , fussent-ils cinquante ou soixante, encore est-ce quand ils se veulent mettre en desbauche, où faire quelque festin : le vin qu'ils boient à passé dix fois par la riuierc. Et quand il enuoyent la seruante à la caue pour en tirer , ils luy emplissent la bouche d'eau, ou la font tousiours chanter, afin quelle ne puisse gouter de ce piot. S'ils ont froid , ils vient de ceste finesse pour s'eschauffer c'est qu'ils prendront vn coteret sur leur espaule , & portant au fesse de la maison le feront saulter
par

par vne fenestre du haut en bas, puis redescendront & remonteront comme deuant, & continuant ainsi vingt-neuf ou trente fois: font prouisiõ de chaud pour toute la iournee, sans qu'il leur en couste seulement vne seule vesse: Car il les gardent pour s'eschauffer les pieds, lors qu'ils sont couchez au soir. Et biẽ, quoy? que vous en semble? sont-ils pas assez bons mesnagers? Appellez-vous cela des Boutte-tout cuire? Vous les prenez pour d'autres. Ce n'est pas tout, si on les inuite à la guerre, ils s'y transportent à trois conditions: La premiere qu'ils seront aduancez de la playe pour cent ans seulement: La seconde, que tous les butins seront pour eux: Et la troisieme, qu'ils n'yront point à la bataille qu'elle ne soit faite. Hé bien, qu'est-ce? voila pas le moyen d'estre long temps soldats? Quand quelqu'un de leurs amis les va visiter, il trouuera vn escriteau contre la porte de sa chambre, portant ces mots en Espagnol. *guespes y peces allos tres dias biede*, qui vaut autant à dire, que le poisson & l'amy sont puans dans trois iours, si quelqu'un d'eux ayant estudié veut prendre

ses degrez de Doctorat, il aura bien l'esprit d'attendre vn iour de Vendredy saint, que tout le monde ieusne, pour espargner la collation. Au reste, ces pince-mailles sont tousiours extenuees comme la queue d'un merlus, & le plus souvent de peur d'vser les cizeaux, se font gaillardemēt la barbe, & le poil de leurs greges avec vn tizō de feu, & leurs yeux sont tousiours enfoncez cōme ceux d'une Guenonne, les oreilles leur pendent comme à vn chien couchant, & leur ventre creux, avec leurs boyaux desseichez, seruiroit bien à vn besoing pour faire vne bonne Basse-contre de violon, mais au contraire, tout galland homme qui n'espargne point les bōs morceaux, porte le visage coloré comme vne rose vermeille, ses ioües rebondies comme les fesses d'un Suisse, ressemblent à vn Printemps émaillé de mille belles fleurs, ses yeux reluisent comme deux estoiles ardantes, il a les oreilles redressees comme celles d'un Lieure, les dents lestes & affilées comme le rasoir d'un Chastreur, & son ventre est tousiours remply comme vne bonne Despense, *Iuxta illud, non dans vacuum.*

vacuum. Ne ressemblez donc point à ces pleure-pain, Messieurs, ains ayez toujours vos Cuisines & Despensés garnies & tapissées de bons Leureaux, Perdrix, Faissant, Chapons, & Beccasses : selon les iours, du meilleur poisson qui se puisse prendre, sans oublier le bon vin. Bref, qu'avec le cliquetis des machoires, on fasse vne Musique à gorge ouuerte, qui resueille l'esprit des plus endormis. Voila comme il faut passer son temps : *iuxta illud unusquisque debet esse diligens in munere suo.* Ce que faisant, & me prenant pour vostre Econome, ie vous assure que tandis que Monsieur d'Argenton sera logé chez-vous, ie ne reuoqueray iamais mon domicile, pour l'establir ailleurs qu'au pied de vos marmites.

*Prologue en faueur des Escolliers
de Thoulouze.*

Messieurs, ce que le Dauphin entre les poissons, le Lyon parmy les animaux, l'Aigle parmy les oyseaux, vostre los est par dessus la louange de tous

les Escoliers de l'Europe, la subtilité de vostre iugement, la force de vos raisons, la sublimité de vos conceptions, vous rendant Dauphins, Lyons, & Aigles, en tous lieux où vous monstrez que vous auez gousté l'air de Thoulouze, ie ne sçay quelles paroles auront plus d'emphase pour ourdir la trame de ce discours, comme si i'estois surpris d'une frayeur pannicque, partie de mes conceptions s'esuanouïssent, c'est le Cynthien qui m'a tiré l'aureille, & comme refueillé d'un sommeil lethargicque, me reprenant fort aigrement de ma negligence. Et quoy, dit-il: quelles notes t'ont faict oublier tes premieres parties de ton deuoir, quel breuusage stygieux à biffé la souuenance de ceux-là, avec lesquels tu as filé le plus delicat de tes ans, & leur consacrant encores le plus meur de ta vie, pourquoy ne chantes-tu pas leurs loüanges, cét éguillon me pousse à l'explication de vos merites, Messieurs, qui sous la qualité d'Escollier, cachez tout ce que l'esprit peut concevoir de sublime, & à vous conuier de prendre en satisfaction de tant de debtes, desquelles
ie

ie vous suis obligé, l'offre de ce Prologue. Il est vray que ce souverain potier, d'une mesme espeece d'argille, faict diuersité de pots, les vns à l'ornement, les autres reservez à des seruices, ou plus bas, ou mediocres, si est-ce pourtant que nous pouuons dire, qu'il a quelque petite masse de terre, reservee à quelque ouurage sublime, comme la nature fine des œures de ce grand maistre, reserve le sang plus pur pour la formation des esprits vitaux & animaux, dont la propre fonction est d'animer & donner le mouuement à ce petit abregé des merueilles de celuy qui n'opere que des merueilles. Que s'il m'est loisible d'apporter icy ma febue, ou ma coquille, ie diray que l'experience qui d'un premier essay nous rend tres-doctes, nous mōstre que cette terre de laquelle sont façonnez les Escolliers, est celle qui naturellement a cette grande pureté, & laquelle le Potier s'est gardee, pour bastir son Chef d'œure, prendre la qualité de maistre, & mōstrer la solidité de ses conceptiōs, & la subtilité de ses inuentions. C'est pourquoy, ceux que les Muses ont tant

soigneusement allaiçtez, sont tousiours estimez auoir quelque eschantillon de diuinité, qui les reſcue autant par dessus les autres.

*Qu'un chesne perruquier, ou le pin baise-
nuë*

Surpasse les tendrons d'une vigne tortuë.

Celuy-la dōc n'a point receu vne bonne œillade du Ciel, qui ne recognoist que Dieu a stringué dans l'amē des Escolliers tout ce qu'il auoit de perfectiōs en reſerue pour cōmuniquer à ses creatures, & qu'estant.

Popula calatūm diuini opus Alcimedontis.

Les Chassieux recognoistront qu'ils sont destinez aux plus honorables serui-ces du Prince des Princes.

*Puis que tout ouurier par tout bois & ſcul-
pture*

*Ne peut venir à chef de biē faire un Mer-
cure.*

Mais comme s'il m'auoit esté permis d'aller à Corinthe, ie veux quinteſſécier cette matiere, & dire que comme l'or est le coryphee & le Soleil de tous les metaux, vous deuez, Messieurs, estre Escolliers par antonomasies, puis que Tho-
loze.

Tan

---- *Tantum alias supereminet vrbes,
Quantum alia solent inter viburna cupressi.*

En laquelle le Temple de Themis est plus fameux que celuy de Diane en Ephese, sans craindre aucun incendiaire Erostrate, qui la puisse priuer de cét honneur.

Les Vniuersitez sont les iardins qui reuerdissent tousiours d'un beau printemps, & qui ne rougissent point pour la varieté de leurs fruits de confondre les foisons, mais vous me confesserez que,
---- *Non oranis fert omnia tellus,*

India nutritiebur, molles sua thura Sabai.

Je peux dire aussi comme si ces agens superieurs auoyent quelque symmetrie plus interne avec les patiens inferieurs de ce terroir Tholozaïn, ie peux, dis-je, sans redouter Nemeze, affirmer, que les entes prennent en ce pays plus forte racine, & plus delicate seue, si que les fruiçts qui en prouiennent, estans fermes par tout cét vniuers, ils nous donnent des Papinians, des Cujas & bref d'autres ames, (s'il est loisible d'vser de cette methaphore de la Iurisprudence.

Si la science qui quintessentie voire la quintessence de vos beaux esprits est vn iardin semblable à celuy des *Æsperides*, qui ne donnoit nul fruit sinon des pommes d'or, ie vous estime gardiens beaucoup plus à estimer que cét ancien tant celebré des Poëtes, puis que la liberté d'y cueillir les fruits n'est donnée qu'à la concorde, dont vous estes festateurs.

Vous estes donc, Messieurs, le relief de toute cette troupe, mais les Argonautes, qui contribuent leurs vœux & leurs efforts, à la conqueste de la toyson d'or de ceste diuine science, cette vniuersité le Soleil, l'ourse, & les gemeaux qui esclairent, & fauorisent le voyage, Messieurs les Docteurs, oracles qui desbondent à tous coups mille secrets & mille veritez sont les Iasons, & les Hercules, qui font surgir par leur genereuse conduite, vostre nauire à bon port.

Vous estes cette panacee, que Calimachus fait de couler du chef de son Apollon, propre pour guerir toutes les playes d'une republique vlcerée, vous dis-ie ce petit grain qui mis en terre prend

préd en peu de temps tant de vertu que ces branches n'ont point d'autres limites que celle de la terre habitable.

Vous estes encor ce grand Arbre de l'Ecriture, sur lequel & sous lequel toute espèce de creature se met à l'ombre, entant que les Jurisconsultes sont comme les dieux tutelaires de tout le monde. Le vent en pouppé, & ainsi la marée à gré m'encouragent de poursuivre, mais le trepignemét de nos Acteurs, bien qu'ils soyent dévouiez à vostre service, me conseillent de prendre de l'ombre sous le grand arbre de vostre faveur, & ne leur point dérober leur partie de vostre attention, laquelle & leur desir de bien faire, & l'excellence de ce qu'ils veulent représenter meritent: Il faut donc caler le voile, de peur que leur courtoisie, qui m'a seruy de Fauonius, pour nous apporter ces paroles, ne me rendent yne autre fois la mer autant animée, comme ils me l'ont donnée bonasse.

Prologue du Bonnet.

LE Genie qui a la consuetude de gouverner mon cerébre, m'a conseillé de vous aduertir à plein fonds, de ce qui a tergiuersé l'orifice de ma Cabare, depuis la derniere veüe, toutesfois, veu la consequence de nostre negoce ordinaire, & la faculté des axiomes de Rethorique fascetienses, ie vous feray vne bien petite digression *ab equis ad asinos*, & vos repliques, dupliques, productions, griefs, saluations, & autres Estaffiers de Madame de Gripe minaud, aujourd'huy tant respectee, & bien seruié à plat couuert, ne sont mieux espiçees que les Cerue-lats de Paris, vous serez contraincts de me confesser que cette petite estu-nee d'inuentions fricassees au plus profond recoin de mes caliges, dedans la poësl. de ce sublime & docte *In ehamo*, est bastante de vous enuoyer à la chaire perçee sans tabourin, ny sans lanterne, comme il est amplement porté à l'article des Ordonnances de la place aux veaux.

veaux. Pour preuue, se peut-il trouuer aucun en cette grande frequence de popule, qui puisse assimiler les qualifications & proprietiez qui reposent sous la rotondité de mon bonnet Doctoral, lequel sert d'arc-boutant, de toict, & de couuerture à l'edifice & à la structure de la galerie de mes conceptions. Mon bonnet dis-ie Diaphane comme le Soleil de minuiet, les circonstances duquel ne sont rien qu'esgouts, cloaques scentines retraicts machecoulis & alambics de sagesse. De mode que si la fantasie *me caperet*, & me contraignoit vne fois de desfangler les ligamens du marsupe de mon intellect, ie remplirois vostre cupedie de plusieurs drogues, composees dans l'arrière boutique de mes inuentions, & me deambulant par la planice de la science raisonnante: ie canonnerois toutes les assertiuncules tant au primitif que deriuatif de vostre opiniaistreté.

Mais ie veux icy offer deuant vostre conspect & comme prodome nouveau vous desployer vn paquet qui ma esté deferé *ex partibus Burgundie* sans passer par le milieu malgré les Philosophes
qui

qui disent que non *datur transitus, nisi per medium*, par lequel paquet ie suis aduertit de plusieurs choses.

A sçauoir que deux nauires de parchemin breton ayant le vent en poupe, ont passé par dessus les mōts Pirenées chargées de pigmées afin de laisser de leur graine en France, ialoux de ce que les Dames ont les grands en trop bonne reputation, que le flus de bource sera naturalisé par tout païs aussi bien qu'en France, qu'en Tartarie il s'est trouué en vn thresor cinquante mille corcelets de frize d'Espagne passez en fine trempe de Damas, qui laissent le noyau achetez par le general des mouches, lequel resolu de faire la guerre aux Asnes plus que jamais à cause que la race en multiplie tous les iours & que la plus part d'iceux se font porter en housse sur hacquenées, mules, & courtants contre l'ordre establi en la nature de tout temps & d'ancienneté.

D'auantage que les Genets d'Espagne & Courriers de Naples sont en debat à qui passera le premier au Carnauai de l'année prochaine tous prêts à se porter
sur

sur le pré au préiudice des Edicts faicts pour ce subiect, & là le ventre garny d'auoine tirer trois ou quatre coups de fleuret en vostre presence, que ceux qui perent sans ouurir le cul sont declarez roturiers au pays bas, tant de la maieure que de la mineure.

Que les oyseaux poltrons & hieroglyphes de l'imprudence prendront leur origine des faucons, combien que si nous voulons esplucher toutes les hypocondres des cirons, & couper les ailles aux morpions, que l'on appelle en certains pays dragons volans, ce seroit assez pour anathomiser ma ceruelle, & faire vn squelet de ma caboche, car il est certain qu'vn boucher aura plustost escorché deux veaux, Monsieur, que vous n'en auriez mangé trois.

Et par consequent ie concluds que vous ne deuez point doubter qu'il ne soit aisé à prouuer par raisons naturelles qu'vne bonne paire de bottes, vn bon cheual, & cinquante mil pistoles à grand ressort, avec vne lettre descharge de pareille somme adressante aux banquiers de Venise, soient les nerfs pour faire le voyage d'Italie.

Prolo

Prologue de la calomnie.

QVand ie viens à confiderer que ie n'ay que deux mains avec lesquelles il faut que ie porte le mouchoir à ma bouche & le torche-cul a mon derriere, que ie m'abille, que ie me testonne, que ie me cure les dents, & que ie manie l'abricot de quelque belle Nymphé, il me prend enuie de ne les plus employer à vous tracer vn tas de fadefes, puis qu'elles ne peuuent estre digerees par ceux qui ont mieux estudié aux plats nets qu'aux planettes, & l'humour desquels en quelque sés que vous la puissiez tourner ne vous monstre iamais qu'une anthipathie *pares cum paribus*, & à la verité telles gens ne sont estimez que parmy les freres ignorans, ô qu'ils sont aises de discourir à l'ombre de la bouteille, parlant tantost des mal chauffez, tantost des affaires de leurs voisins & d'une infinité d'autres choses qui n'appartiennét qu'aux Lauandieres & autres gens de peu d'estoffe, c'est là que leur ignorace se trouue sans contrerolle, mais s'il estoit que-
 stion

stion d'enfiler en bonne compagnie vn discours d'importāce, flus, & cependant ils veulent corriger Magnificat.

Certes le Prouerbe est veritable qui dit que l'homme est le Loup de l'homme: car si vous ouurez la bouche pour parler, ou s'apreste pour commenter sur vne parole, si vous ne dites mot vous estes representé pour vne beste si d'auanture vous n'aués dōné quelque preuue de vostre suffisance, car alors changeant de notte, on vous appellera fantasque, superbe, orgueilleux. Ce sont les lieu communs de ceux qui ont l'esprit arresté comme les roües d'vn horloge, & qui ne iugent des choses qu'à trauers la glace de leur insuffisance, voila pourquoy ie suis d'auis de contrefaire dorénavant le muet & le sourd & dire à mes mains quelles ne s'amusent plus à vous figurer avec la plume vne quirielle de fantasies puis que comme i'ay predict l'ignorance m'arquebuse, & me canonne de tous costez, quelqu'vn peut estre pour descharger la colere m'appellera misantrope c'est à dire hayssans les hommes, mais il ne m'importe pourueu que
mon

mon discours soit agreable aux sages. Tirons à main droite, nous trouuerons le plus court.

L'vn de ces iours passez comme ie m'en alois la teste baissée entre les deux espaules, le bras dās la manche, ma robe sur l'eschine, & mon cul dans mes chausse, ie rencontray comme par hazard le Seigneur Befabemy, les Seigneurs Tatepoule qui trouueroit à tondre sus vn œuf, & mordre sus vn estron: Fretillon Seigneur d'esperance perduë qui feroit palmer Heraclite à force de rire, Chapechute viconte de gesolient & quelque autres leurs consors, lesquels me demanderent si ie n'auois point veu passer Bon-temps, oüy leur dis-je alors, il ne fait que passer mais il escarpine comme tous les diables pour s'exempter des griffes d'une infinité de soulds d'ouurer qui le poursuiuent à bride abatuë, toutes fois si vous voulez courir apres, vous auez bonnes iambes pour l'attrapper, & mes gens de bander l'ergot: & de courir quand il fut cheut, ie ne sçay pas qu'ils luy vouloient dire, mais ie iugeay à leur mine alteree qu'ils auoient bien affaire

affaire de luy , ô que celuy est mesprisé pour le iourd'huy qui ne sçait pas le breuiaire du monde par cœur & qui sur douze ramene seize , faute d'un point, Martin perdit son Asne.

Il retourne à mon premier discours touchant ceux qui s'escriment mieux de la langue que de l'espadon , pour vous faire paroistre par vn petit exemple que ie vay produire sur le tapis, qu'il est fort difficile de se garantir des rigueurs de la censure, & conformer ses actions à toutes humeurs. Vn bon vieillard nommé Titius ayant vn voyage à faire , meine son fils fort ieune avec luy, monté sur sa iument & le laisse aller à pied , mais ils n'eurent pas fait longue traicte , qu'ils rencontrerent quelque coquillards couchez sur le ventre au Soleil qui luy dirent cōment n'avez-vous point de honte d'aller ainsi à cheual ce pauvre enfant estant à pied. Titius à ceste reprehension descend & fait mōter son fils tirant plus outre , mais à peine eurent-ils fait vn quart de lieuë le bon homme fut derechef attaqué par vne vieille plus ridée qu'une chemise de Flandres qui luy dit
qu'il

qu'il estoit mal aduisé de souffrir vn ieune galant frais & allaigne estre de cheual tandis qu'il battoit la terre de ses pieds ce que voyât Titius il fait descendre son fils & chasse la iument deuant eux, mais ils furent encor rencontrez par quelques passeuolans, & blasmerent le pere & le fils disant, ô vous estes de pauvres gens de laisser ainsi reposer vostre iument qui vous peut aisement porter tous deux. Infortuné s'escria le bon homme que feray-ie en chose discordante, lors luy & son fils montent sur la iument, mais voicy bien pis car passant par Vaugirard il leur fut prononcé haut, & clair comment n'avez-vous poinct de honte de fouller ainsi ceste pauvre beste, il est aisé à voir que vous l'avez desrobée, ie dis cecy pour nos seueres Carons lesquels ressemblans à ces grosses mouches qui grondent & bourdonnent entre deux chassis picquent tous le monde avec l'aiguillon de leur leure, l'un dira partant de comedians celui-cy est trop amoureux de sa personne, cét autre ne porte pas bien sa iambe, il semble que cét autre ayt

chié

chié dans les chaulles, voy, en voy-
cy vn autre qui faiet de l'attendu & du
dedaigneux, & vne infinité d'autres dis-
cours quolibetieres tendantes affin de
bestes.

Ie conseille donc à telle maniere de
gens de se despoüiller de leurs fantas-
ques opinions, sinon ie proteste de la
part de les faire appeller au Parlement
des sages, pour y estre leur procez faiet.
& parfaict les chambres assemblees ce
fait condâner à lauer tous les iours bou-
che d'eau de sapiëce pour la purger d'vñ
tas de calomnies qui à la fin pourroient
prendre vne si forte racine en leur na-
turel, qu'il n'y auroit que la mort qui
la peut extirper autrement & à faute-
de ce faire bannir de la congregation
des vertueux esprits si vertueux natu-
rel, lequel i'honore de tout mon cœur,
à condition toutesfois qu'en nous ve-
nant visiter ils reietteroient en arrie-
re l'exemple de Denis le Tiran lequel
promit à vn ioüeur de harpe que d'au-
tant plus il sonneroit harmonieuse-
ment deuant luy, d'autant plus il se-
roit contenté & satisfait neantmoins
ayant

ayant au iugemēt de Denis fait des merueilles sur la Harpe & demādē son payement il luy fut par luy. respondu en ces mots, & quoy mon amy si tu as pris plaisir à chanter & harper en ma presence, aussi de ma part ay-ie receu semblable plaisir en t'escoutant le plus attentiuement que i'ay peu, & par ainsi chou pour chou. Actes certes digne d'un tiran comme luy, & du mōstrueux naturel duquel ie me tairay de peur d'offencer vos oreilles. Persistez seulemēt de bien en mieux à nous visiter & cē faisant vous nous obligerez à bien faire.

Prologue en faueur de l'Asne.

PLusieurs ignorans les qualitez de l'Asne & le merite qui le deffend contre vne vulgaire medisance, pensent auoir arrachē vne esguillette de l'honneur d'un bon homme quand ils l'ont coiffē de ceste qualite Alinesque. Ne considerans pas que cēt animal pour les misterieux secrets qu'il porte quant & soy à ie ne sçay quelle marque (ie ne diray

ray pas d'humanité) mais qui participe
aucunement de la raison. Je dis cecy pour
seruir d'instruction à ceux qui portās sur
le front l'ignorance escrite en grosse
lettre, semblent vrayement tirer cette
espece d'iniure de la bouche de ceux qui
les surpassent, non seulement en l'intel-
ligence des affaires du monde, mais aus-
si en la cognoissance des bonnes lettres,
& vtilité d'icelles: Estant certain que
tout le mōde ne se chauffe pas à vn mes-
me poinct, & que ce seroit vne loy par
trop inique & seuerē, s'il falloit bannir
d'vne Republique ceux qui n'ont la lan-
gue propre & conuenable qu'à publier
& donner à cognoistre son impertinen-
ce, & qui ne possèdent autre benefice
que celui de la nature. Car de penser ti-
rer de la doctrine d'un esprit qui n'aura
pas jamais esté cultiué, ce seroit comme
si l'on vouloit tirer la science de l'igno-
rance de Socrates, la lumiere des tene-
bres d'Anaxoras: la prudence de la folle
d'Empedocles, la verité du puits de De-
mocrite: la pieté du tonneau de Dioge-
nes, d'Aristote, & d'Auertois impieux &
infidelles, la vraye sapience de la foy de

la superstition Platonique : A vostre aduis, ne seroit-ce pas errer, & se tromper lourdement ? Mais retournons vn peu à nos pauvres Aînes, pourquoy, ie vous prie, seroit-on si souuent relonner ce nom d'Asne à courte oreille, si ce n'est à cause de la grâde sympathie qui se trouue entre les courtes & les lōgues ? Vrayement i'en prendrois bien volōtiers l'aduis de cette honorable compagnie. Toutesfois Messieurs, ce seroit en ce cas vous rendre iuges & parties, ayant auourd'huy à soustenir ces pauvres estropiez de cerueau, contre tant de braues Cicerons qui sont icy, la doctrine desquels ne leur pourra, à mon aduis, permettre de fauoriser le party que ie veux embrasser, tant pour esleuer le merite de l'Asne, que pour rapporter du soulagement & de la consolation à ceux qui en portent les marques interieures. En premier lieu, les Docteurs Hebreux ont figuré par cét animal vne grande force, & vne grande patience, les mœurs & les conditions de l'Asne sont fort louïables, il vit premierement de petite pasture, & se contente de toute mengeaille qu'on
luy

luy presente, supporte tres-patiemment la faim, les coups de baston luy sont familiers, comme aux Seolastiques les Epistres de Cicéron. Il est simple d'esprit, vray ennemy de la delicateſſe, & qu'ainſi ne ſoit, ne voyez-vous pas que toute pasture luy est indifferente, & qu'à peine peut-il diſcerner les lactuës d'auec les chardons, il n'a guerre ny diſcorde auec animal quelconque, & supporte eſgalement toutes charges qu'on luy veut mettre ſur le dos, en reſcompence dequoy, il est exempt de poux & de graille, & vit plus long-temps que tous les autres animaux. Toute meſtairie & maiſon ruſtique a beſoin d'un Aſne, comme d'un inſtrument ou meuble neceſſaire. Auſſi l'Aſne a quelque iugement ou faculté diuinatrice, au rapport meſme de Valere parlant de Caius Marius, lequel ayant dompté le Midy & le Septentrion; en fin, eſtant declaré total ennemy de ſa patrie, & perſecuté par Scilla, il eſchappa le danger dont il eſtoit menacé, par l'aduertiſſement qu'il print d'un Aſne lequel par ce moyen fut auteur de ſa fuite & de ſon ſalut. Nous

trouuons en lisant plusieurs miracles de diuers animaux , Plutarque rapporte qu'un Elephant escriuoit les Caracteres Grecs , & que celuy-la mesme deuint amoureux d'une fille de la ville de Stephanopolis, & fut corruial d'Aristophanes le Grammerien. Le mesme Autheur rapporte que un Dragon aymoit une fille Etolienne. Nous lisons aussi es œures de Pline, qu'un Aspic auoit accoustumé de venir tous les iours à la table d'un certain homme , & que s'estant un iour apperceu que l'un de ses petits Aspicdeux auoit tué l'un des enfans de son hôte , il le fist mourir , estant indigné de l'iniure qu'il auoit faicte à celuy qui les recueillloit si familierement en sa maison, & oncques du depuis n'osa plus y retourner. Je passe sous silence les miracles des Dauphins, & l'humble reconnaissance des Lyons enuers ceux qui leur auoyent bien fait, ie me tais de Calabroise, & du Bœuf Tarcutin, appriuoisez par Pithagoras. Mais ce qui passe toutes ces merueilles , est l'Asne que nous lisons auoir esté auditeur & condisciple avec Origene & Porphire. L'asne

ne, dis ie, d'un certain Prophete veid le
Messager celeste que son Maistre n'auoit
peu voir, pour monstrier que bien sou-
uent vn simple & grossier void les cho-
ses qui ne peuuent estre veües ny com-
prises par les plus doctes. Sanson avec
vne maschoire d'Asne foudroya toute
l'armee des Philistins, & sa priere eut
vne telle efficace enuers Dieu tout-puif-
sant, que d'une dent molliere de cette
machoire, il en faillit de l'eau viue, pour
estancher sa soif, & d'auantage pour mō-
strer que la patience de l'Asne est infi-
nie, & son travail perpetuel, les baston-
nades le suyuent encores apres sa mort:
car au lieu de coups qui luy estoient
donnez durant sa vie par pause & par
mesure, Sa peau, de laquelle on fait les
tambours, est bornee de chamades, ren-
forcé d'allarmes, & autres batteries re-
doublees qui ont telle force & vertu,
qu'elles portent les cœurs les plus effe-
minez aux plus hautes & perilleuses en-
treprises. Et qui plus est, des os de l'As-
ne, la moëlle ostee, on en fait de tres-
bonnes flustes, lesquelles bien embou-
chees & entonnees d'un bon vent, ren-

dent vne melodie fort plaisante & agreable. Parce que dit est , vous pouuez donc cōprendre plus qu'en pleine clarté du Soleil, que l'Asne est la marque deuise & enseigne de pureté, cōcorde, & fraternité (Messieurs) que c'est par consequēt avec vn fort maigre subiect, qu'vn tas d'ignorans en veulent faire le jōiet des passions, puis qu'il appert par les raisons preallegees, que ce n'est point vne iniure d'estre appellé Asne, au contraire vne vraye marque de douceur, conseil-lant à ceux qui doresnauant en seront embeguinez par forme d'iniure, de respondre en trois mots à l'agresseur, que les offences sont supportable entre freres. Bref, ie peux dire avec verité, que l'humilité, patience, & douceur de l'Asne, le collocque en vn degré qui n'est pas petit, & qui luy dōne à tout le moins beaucoup d'auantage par dessus tous les autres animaux: Et pour finir, ie diray avec Panurge, en son patois latinizé, *Magis magnos clericos non sunt magis magnos sapientes*, qui vaut autant à dire en meilleur François qu'il ne l'à dit en Latin, que les plus grands Clercs ne sont pas

pas les plus sçauans, & ne sont pas les plus sçs.

*Prologue de Receptes, en forme
de Galimatias.*

TOut ainsi que les quatre saisons ne se rencôtrant pas en mesme temps: Aussi n'a-on iamais veu des pourceaux voler en l'air, à cause que trois Lieues de la Beausse ont quitté leur giste ordinaire, pour courir toute l'Asie mineure, iusqu'au Polle Antartique, montez sur des hannetons habillez de vinaigre, chamarez de verjus de grain. Et d'autant que les chapeaux de Castor ont tenu vne assemblée avec les bottes de marroquin tourné durâ le temps que les neiges, au mois de Juillet, couuroient l'orison des Pigmees, & le sommet des plus hautes montagnes. Il m'a semblé bon de vous faire part de quelques receptes que j'ay apportées du pays de Tirelirois, trois lieues par delà le monde, lescdites receptes assisteës, suyues, & accompagnées de plusieurs remedes fort souue-

rains, tirez de l'un des plis de l'escarcelle du Caliphe de Balda, que l'on tient n'avoir rien plus delicieux en sa refection, qu'une estuuee de marbre & de Porfire, afin d'estre puis apres plus dispos, sain, & alaigre, pour courir la bague sur un Harem foret, avec des patouffles de nattes, & une lance de Camelot bleu turquin de Geneue. Mais retournons à nos receptes, j'ay apporté de la graine de patience, pour guarir du cocuage: Plus, de l'huile de reputation, pour conseruer l'honneur des femmes entre deux plats. Item, une dragme de jus de gigot mortifié dans les vertebres, pour guerir de la jaunisse. Item, de l'essence des Perles & Diamans, avec un peu d'huyle d'Or, pour apprendre en peu de temps aux femmes à iouer au flux-virat & au reuerfis, & si besoin est, les faire tomber à la renuerse. De l'huyle de caillette, & deux Oliues du pays de Cunos destrempees dans le mortier virginal, avec le pilon de nature, pour restaurer une Nouvelle-mariee, la premiere nuit de ses Nopces. De l'essence tiree de l'Escarcelle d'un Chastre, pour engendrer
en

en taille-douce, & multiplier le monde par imagination. Item, de la graisse de potence, pour guerir du mal de gorge, & pour agrandir les hommes en vn instant, & les apprendre à frizer la cabriolle entre deux airs. De la racine de bonne-façon, pour ceux-la qui ont aussi peu de mine que d'effect. Item, de la salade de Gascoigne magée en haut d'un grenier, pour soulager ceux qui ont perdu leur argent. Plus l'armorie d'un carrillon de village, accordée à la melodie de l'enclume d'un Marechal, pour faire dormir les malades, & si d'auenture ils ont douleur d'estomach, leur appliquer tout chaudement sur iceluy vne meule de moulin, ce sera le plus souverain remede que vous puissiez pratiquer pour les guerir à l'instant de tous leurs maux. De l'essence de violon, avecques le suc de trois gaillardes, assaisonnees d'entrechats, pour guerir de la paralysie. De l'eau de Rethorique, pour dégraisser la langue. La coppie collationnée à l'original d'un Soldat d'Oiterde, au coing d'un buisson, pour faire rire vn auaricieux. De la poudre de linge bat-

tu au bord d'une rivièrè , avec tant soit peu d'huyle de moulin , pour arrester le cacquet des femmes. Pour Messieurs les Courtisans , j'ay mené vn grād Asne d'Arcadie tout chargé d'huyle de cameleon , que j'ay destrempé dans vn panier percé , avec vn peu d'essence de dissimulation , à leur estrener le premier iour de l'an. Et pour guerir les poules de la chaudepisse , & les grenouilles des gouttes , il faut prendre vne once ou enuiron de racine de Sphere , de la graine d'Astrologue , avec deux ou trois fueilles de sympathie , & le tout dissoudre avec vn espadon , dans le bonnet de nuict de Pierre du Puy , il n'y a rien de plus souuerain. Et en outre , si vous desirez sçauoir au vray les lieux qui recèlent la faculté de ces ingrediens , allez vous en tout de vollee sur les mōtagnes plat-tes de Beaussè , tout vis à vis des champs Elizees , vous les y trouuerez par bottes , comme fines alumettes. I'oubliois à vous dire qu'il faut prédre vne once ou deux de la racine de la Zone torride , avec de la poudre du mouuemēt de trepidation , pour dissoudre vos drogue. Et bien , que
dites-

direz-vous, gentils esprits, ne dois-je pas estre immortalisé au Royaume des Taupes, ayant tant sué pour la Republique, sous le harnois de la curiosité, ainsi qu'il est fidellement rapporté par Aristote, en son antiquité des jeux de Petengueule: Dauantage, ie sçay faire vne infinité d'autres choses, comme de faire rire les mouches, dancer les cheures, & discourir les Asnes, parlant par reuerence, & qui en voudra voir l'espreuue, il n'a qu'à me venir trouuer en mon logis, lequel est à la ruë du monde, à l'enseigne par tout: là se verront choses qui ne peuvent estre veües par les aueugles.

Prologue Galimatias.

TOut ainsi que les hommes ne sont pas tous d'un mestier, aussi les oyseaux ne sont-ils pas d'un mesme naturel: car sans représenter des comparaisons trop sauuages, & incogneües à tout le monde, j'entends de celuy qui est icy: Ne croyez-vous pas qu'en plat pays, si l'un prend des Grenouilles, vn autre

fait des sabots: si l'un fait des chapeaux, l'autre fait des cordons: si l'un couche au grand liét, l'autre couche au petit: si l'un seme des poix, l'autre les mange: si l'un va à pied, l'autre va à cheual: si l'un est sur vn Mullet, vous voyez l'autre qui est sur vn Afne: si l'un void de trauiers, l'autre regarde de costé: si l'un à des oreilles recoquillees, l'autre les à retroufsees: si l'un à des dents grandes, l'autre les à trop courtes si l'un est bien chauffé l'autre est pied nud: si l'un est de Vaugiard, l'autre est de Gentilly, outre vne Kyrielle d'autre diuersité.

Tout de mesme des oyseaux: C'est l'humeur des Corneilles d'abbattre des noix, & de parler gros: le naturel des pies, d'auoir la queuë longue, & aux Perroquets d'estre habillez de verd: C'est pour vous dire en cest endroit que ces petits Oyseaux noirs appelez Ironnelles, ont eu de tout temps bonne raison en la conuocation qu'ils font à la fin de l'Esté: de se tenir aux Regions chaudes d'où ie croy qu'ils sont enfantez: car si à ceste raison les Alloüettes de Beaufse & d'autres endroits de cent cinquante lieues.

lieües à la ronde, eussent eu tant de iugement que de faire le mesme complot de s'y aller promener tout le temps de l'Hyuer, elles eussent esté beaucoup plus estimees en leur delicatesse pour autant que durant tout ce temps-là on ne voit quasi autre monoye, dont il arriue soudement du mescontentemēt à plusieurs seruiteurs qui au lieu de faire grande chere, il arriue le plus souuent qu'après que les maistres, maistresses, & toute l'academie du berceau de la maison, & ceux qui sont inuitez ont soupé ou dîné, s'il ne reste ordinaiemēt autre chose que les testes, & les oreilles de ces petites alloüettes qui ne pezent pas bonnement vne liure & demie chacune, sauf l'erreur de la balance, lesquelles demeurent enfilées à la douzaine comme le chapelet de patenostre, ou comme marrons que l'on met dās la braize à la mode de Paris estant contraints faute d'autre reliqua de les plumer & faire griller ou rostir, l'un vaut l'autre, sur les charbons sans sucre ny moustarde, sans cōsiderer au preallable, le legitime interest que pretendent les chats d'un logis,

de

de toute antiquité & de temps immemorial cōme dit l'histoire : lesquels n'estant pas borgnes ny aueugles si ce n'est par l'armonie de quelques coups de bastons voyant qu'on les flatte ainsi sans leur laisser rien de gras pour leur gresfer le moustache que la plume qui sent quelque peu l'aloüette, conspirent, & entreprennent journellement en vertu du pouuoir à eux attribué par la coustume de les prendre & grider au crochet sans attendre qu'elles soyent plumées, sans respecter quelles soyent comptées : ce qui enfle tousiours les parties des gorges du Cuisinier, ou de la chambrière sans autre recours, que contre ces preneurs de rats & de souris, qui de leur patrimoine, ny leurs ancestres, ayeul ny bisaycul, n'eurent onques vaillant denier ny maille, & qui n'ont coustumièrement gueres de meubles ny hardes au logis, viue le pourpoint d'un cocq d'inde. Messieurs sans toutes-fois bouger les yeux du bonnet, il vaut mieux qu'un crochet d'une douzaine & demie de testes de petits oyseaux, qui ont autrefois à la verité cacqueté assez haut,

mais.

mais de ces chants-là autant en porte le vent.

C'est quasi à l'exemple des pigeonneaux, s'il vous en souvient, vous voyez tousiours demeurer sur le rempart de l'assiette, le cap comme disent les Gascons qui fait là le guet iusques au desert. Pourquoy, ie cōcluds à croquedent qu'il n'est rien tel que de se soir à table des premiers pour éuiter le hazard de viure de testes d'alloüettes, & pour ne rien celer, ie conseillerois volontiers à ces pauvres seruiteurs de s'amasser en grâdes bandes vers ceste saison que mes Damoiselles les alloüettes doiuent entrer en grade aux cuisines, de prendre chacun vn grâd chauderon ou vne poisle, & fricasser avec tant de bruit la Perronnelle en cent parties, que cela les puisse tellement effroyer, appelantir & alourdir, qu'elles soyent contrainctes de s'embarquer avec les irondelles, quoy faisant ils verront bien rire : que s'ils ne le font, qu'ils s'attendent de ne fripper autre chose durant ceste saison. Attendant laquelle ie m'offriray cependant tout mon interest de salüer vos graces.

Autre Prologue, en Galimatias.

LEs Poëtes, les Peintres, & les Cosmographes, Arpenteurs de l'Univers, mesmes les Mathematiciens, qui ont mesuré la distance de toutes choses, pour resoudre la curiosité des beaux esprits : Ces beaux esprits, dis-je, munis de literature, qui ne se paissent que de choses hautes & difficiles, & parce que la poste ny chevaux de relais n'ont peu trauerser les destroicts & obliques passages de l'air, ont esté ce iourd'huy esclarcis de la plus haute, de la plus sublime, voire de la plus incomprehensible difficulté qui scauroit iamais naistre en tout le monde. Ceste deliberation donc produisant le fruit d'une belle esperance à rendu preuue à tous ceux qui ont ignoré les degrez de la Lune, les qualitez des Astres, les effets des Planettes & Planets le siege des destins, le parquet des accidens, les Cercles des cubes, les pantacles, les figures ponisticales, & toutes les autres petites foutimasseries, des choses

les grises & noires , qu'il auoit distance pareille. Mais remarquez ceste decision, ie vous prie , du Ciel en la terre que de la terre au Ciel. Ne vous en'estōnez pas: Car les pilotis de ceste solutiō sont fondez sur tant d'esperance qu'aucun n'en doit estre douteux.

Et si ie n'ay point engendré de doute à la compagnie , & que l'exposition n'ayt esté introduitte que pour emprunter de vos courtoisies la patience ordinaire dont vous nous gratifiez qui n'empeschera (iugeant que vous auez suffisamment temporisé pour appareiller ce doux aliment de recreation facieieuse à vos esprits) de m'en retourner à l'office , pour vous laisser l'esperance de rire iusqu'aux larmes , & de ne pleurer qu'en riant, & vous fendre delicatement la bouche comme l'orifice d'un four Bannal. Par les doctes ruses de ceste prochaine farce.

Prologue Galimatias.

C'Est à ce coup que ie triompheray de l'ignorance qui auoit embeguiné
né

né mes competeurs , avec lesquels ie me suis alambiqué les intestins du cerueau , pour leur prouuer par viues raisons, tirees de la Fauconniere, où estoient enfermez les secrets du bisayeul de nostre premier Pere Adam, qu'il n'y a rien au monde plus propre à la femelle que le masle , le champ de bataille m'est donc demeuré , & comme victorieux ie viens icy desployer ma rubrique , & vous dire qu'un Elephant lardé en triagle , ne ressemble nullement à un escopette d'Allemagne , ainsi qu'il est rapporté en l'Iliade Polonnoise , qui fait mention des gestes memorables de feu de bonne memoire Geoffroy à la grand dent , à qui Dieu doint bonne vie & longue. C'est pourquoy ie serois d'auis, qu'aux flematiques & polmoniques qui ont l'esprit constipé , on donnast des clysteres auriculaires, *intelligo*, par les oreilles pour les purger de certaine billicuse, qui empesche que la science ne se puisse loger, heberger, ny pourmener dans la plaisante gallerie de l'intellect, & s'y exercer, afin de digerer plus aisement les bons vocables & destremper & dissoudre avec le
suc

suc de la doctrine, les argumens sophistes d'un tas de courtisans & tiers opposans esgarez du sentier & caractère des bonnes lettres. L'a legereté desquels fait croire qu'ils se passent de mêmes viandes que le Caméléon : avec lequel ils ont vne antienne sympathie. Nous autres oracles des Vniuersitez nous faisons plus d'estat d'une once de bon bien liquifié & effectué, que d'un boisseau de bonne volonté mortifiée. C'est pourquoy disoit vn Sage, *omnium rerum vicissitudo est*. Le ne parle pas du subiect qui fit esmouuoir guerre entre ces deux grands Capitaines, Cesar & Pompee parce que le Filou n'en fait point de mention au traicté qu'il a fait de la guerre des hannetons contre les papillons. C'est à propos de l'alexipharmaque, lequel sera ceste année fort propre à ceux qui peregrineront aux regions chaudes; mais il est aisé à croire en l'humeur rouge de ceux de Bauieres sur les terres desquels ils doiuent passer qu'ils y laisseront de plumes, & qu'ils ne reuiendront iamais de ce Pays là sans estre frottez & estrillez à tour de bras depuis les pieds iusqu'à la teste.

Cela

Cela fera peut estre cause au retour de les faire protester de ne plus marcher sous l'enseigne de Venus, sinon entant que le cas le requerra, ie veux dire le cas. Toutesfois ils seront consolez d'un certain anatomiste intendant des affaires de Cupidon, grand Operateur & general reformateur des brayettes estropiees à son seruice, lequel promet de les faire passer *visibilibum & inuisibilibum*, au trauers d'une estamine, & de-là en la terre ferme. Je leur conseillerois volontiers de passer par la Hôgrie Climat vn peu plus temperé : Mais vous sçauiez qu'à tous Sieurs tous honneurs *fortasse* que le Ba-uarrois se voyant frustré de l'hommage qu'on luy doit en passant, leur pourroit faire dresser quelque embuscade dans vn pré fauché qui les feroit tomber de siebure en chaud mal, & peut estre à la fin laisseroyent les bottes. Ce que ie vous en dis n'est pas pour en parler : Mais c'est pour vous asseurer que la perdrix est plus delicate que la rache, & qu'on va d'oresnauant tenir la foire de Sainct Germain dans la gayne du couteau de Gargantua, pour éuiter le desordre

fordre & la cōfufion qui s'y est trouuée l'annee derniere pour le trop d'espace: Ainsi qu'il est rapporté au sixiesme liure de l'Æneide, qui dit que ce n'est pas vne petite question de sçauoir qui à le tort des chats ou des souris, & quand ils serót d'accord, pource que le grand Turc n'en mande aucune chose sur les nouuelles de la naissance de l'Antechrist, qu'on dit deuoir accoucher de dix-huict Elephans incarnats & bleux, c'est pourquoy les Oysons chantent aussi haut que de coustume, & ne daigneroiēt se chauffer les pieds quand il se veulēt coucher. Je suis vn vray sot au respect de tous les Asnes, ie voy bien à l'heure qu'il est que si ie ne m'en vais l'on ne me viēdra pas querir, il faut donc resserrant ma doctrine pour vne autre fois que ie laisse la dignité du subiect que i'auois enuie sur la vailleureuse defaictte d'vn pain de seigle à quatre personnages, craignant que quelque rustre ne me vienne par brauade souffler au trou du cul, ce que ie ne pourrois supporter sans luy cracher *in oculos*, quelque mot de Latin qui seroit capables de le faire courir depuis Chartres

tres iusques en Beaussé , sans regarder derriere luy. Et peut estre qu'à force de courir , il se pourroit former quelques ampoul'es sur le bout de la langue , qui le rendroient defectueux & incapable de vous entretenir aussi facecieusement qu'il a accoustumé.

Prologue Galimatias.

AVparauant que le Soleil ait pris ses pantouffes , & qu'il ayt tiré le rideau de la voûte estoillée , ie vous veux entretenir suiuant ma coustume, & vous dire que si les Anciés ont fait tant d'honneur aux Comedies , que mesme Marc Antoine vn peu deuant la bataille d'Axia , ayant conuoqué tous ceux qui se mesloient de reciter sur le theatre, pour se rendre en l'Isle de Lesbos comme intimes & fidelles Conseillers de sa fortune.

Ce n'est pas vne chose nouuelle que le Prestreian soit noir, les Anglois blâcs, & les Espagnols bigarrez sans parler des grenouilles, qui le plus souuent sont habillees de verd, pource que les Truidtes,
selon

selon que dit Hypocrate , en vn grand liure qui ne s'est iamais veu , semblent auoir assez bonne grace en dançant sur la corde , au son du Luth des quatre fils Aymon.

Les Arabes, qui sont les Medecins les plus excellens, se sont souuenus de ceste propriété de la Chicoree , qui est fort bonne aux aueugles pour ne voir goutte, ny en Hyuer , ny en Esté , à cause des cimbares organisees, avec vn sifflet diametral , pour prendre au col de l'Estoile poussiniere.

Je vous apprens que l'Arc en Ciel qui s'est apparu à tout le monde cette nuict, lors qu'ils estoient endormis , n'est pas encore prest de mettre pied à terre, si les huitres à l'escaille ne portent vn bas à attache, pour dancer vne gaillarde nouvelle, & commencer la fissaigne, à l'imitation de l'Aristote.

C'est dequoy parlent Virgile, Barthole & Rabelais , pour vous instruire de ce que vous auez à faire , en attendant que les choux cabus se viennent ouurir à la douce rosée de vos bonnes graces. Cependant , tenez-vous tousiours
sur

sur vos gardes , & ne vous eschauffez point l'esprit à pésar desseicher les crottes de Paris, de peu que vous n'ayez aussi mauuaise grace que l'escargot qui jouë de la Cornemuse : Car ainsi l'ont enseigné les plus excellens Philosophes lesquels ont discouru sçauoir si l'espinette estoit propre à réueiller l'appetit , la raison de cela fut trouuee par Pithagoras, en sonnant les clockes, lequel en fait vn discours ample en vn sien petit traité non encores imprimé, toutes-fois le Latin en est , *Tuire tu patule* , pourueu que cela soit faict en temps & lieu, sous l'horizon d'une Perdrix , accompagnée d'une orage , comme vne espce de sa dague , & vne garce de sa bouteille. *Fuit enim rex maximè horribilis* , de qua rescribit Plato , videlicet de nauetis cum venatione comedēdis, avec la question spirituelle, sçauoir si le bœuf sallé avec la moustarde n'offence point l'estomach d'un Amoureux , pource qu'elle offence la veüe, & l'amour n'aist des yeux, comme dit Propertius. *si nescis oculi sunt amore duces*. A propos des passions de l'ame, on dict que les Turcs n'ayment pas le son d'une vielle,

à cause que ledict Pithagoras jouïoit mieux d'un sabot percé, qu'une Escrueice ne scauroit faire d'un manicordium. Je vous baise les mains de loing, de peur de vous dōner la peine d'oster vos gans ny vos caneçons.

Prologue Galimatias.

CE n'est pas le moindre peruertissement de ce siecle, que de voir la ieunesse mesconnoistre ses Precepteurs, auxquels elle doit autant d'obeissance qu'à ses peres mesmes, d'autant que l'esprit est tousiours plus cher que le corps, & qu'une botte de vache de Russie ne sied pas trop bien à ceux qui veulent apprendre l'Espagnol, si les prunes de Damas jointes avec un cabas de figues, & une paire de soliers de la premiere age de maroquin de Flandres, ne se trouue au temps qu'Aristote descendra des nuës, dans un Carrosse de papier doré, pour aller à l'escarboulette, & courre la bague sur le grand Cheual de Pollux. Toutes-fois j'ay peur que parmy tant

de troupes de Licornes , que l'Imperatrice de Triquedondaine veut enuoyer en la Chine , d'où elle est partie , quelques papillons ne prennent les bœufs à la pipee , *sed sapiens dominabitur astris*. Il n'y a qu'une chose qui m'en pourra faire douter , c'est que le vol d'un oyseau de Paradis a cette propriété de rendre la mer humide & salée, le feu chaud, & le pain d'espece fort propre pour le cœur. C'est la creance des anciens Druides, qui se faisoient la barbe avec une espee à deux mains, en attendât que les melons eussent engendré une douzaine & demie de lanternes , pour chanter la Peronnelle sur un instrumēt de cuyr boüilly. Mais puis que les corneilles sont noires , que les rats courent aussi fort que les souris , & mesmes que le Pelican qui tourne à la broche un Faucon violet, n'a pas le ramage d'un mulet d'Auvergne, ie vous asseure qu'il sera cette année force perles & rubis, dont l'Amour fera part à ses domestiques seruiteurs , selon les vs & coustumes de Naples. *Omnes enim liberi nascimur liberi*, c'est à dire enfans. Voila pourquoy, comme des bons
en

enfans, deüons tous iouïr les vns avec les autres, en tout bien & en tout honneur, toutesfois suyuant l'oracle de la Sibille tourné en François par Auicenne, en ces mots, *Et le filon tourelourette, &c.* Je ne me lasserois iamais de vous entretenir sur ces discours serieux, scachant que l'œil n'est iamais las de voir, l'oreille d'ouïr, ny la femme lassée du masse, n'estoit que ie suis pressé de mon deshonneur, & qu'il faut que ie me retire pour ceder à vn autre, comme le iour faict à la nuit, le Samedy au Dimanche, & le beau temps à la pluye.

Prologue sur un Chapeau.

LE Temple de Ianus commençoit à se fermer, la sanglante Enion se retiroit des cantons de nostre France, & la Deesse Astree de ses anciens hōneurs: Bref, la Paix estoit generale, & la Guerre precipitée dans les tombeaux, Quand ie quittay la bourguignotte, pour me vestir à la pedantesque, & ainsi comme les choses presentes à nos yeux ont plus

d'efficace de persuader nos affections, & d'allumer nos desirs, que leur imagination, entrant dans le Palais de Iupiter percé à iour, comme dit ce grand Genie des Latins, *Confidunt recti bipatentibus, Iupiter incipit*. Mais regardez vn peu ce qu'il leur vouloit dire? moy donc plein d'en-
uie, traficquât par les Galeries etherées, entre vne infinité de bagatelles, fagatelles, & briguenazilles que les Marchands forains du Chasteau de Biffexte y auoyent apportez, or il fut veu de mes yeux, ô rare merueille, vn Chapeau formé en la maniere qui s'ensuit: c'est à dire en premier lieu, afin que les sourds le pussent clairement entendre, les lardres le sentir, les borgnes & les aueugles le voir, les punais l'odorier, & generallyment, &c. Ce venerable Chapeau, dis-ie, miracle souverain des chapeaux, auoit d'vne part trois coudées de haut, si bien que le Crennium n'en pouuoit approcher qu'à la longueur de demie picque, & le Pericrane tout de mesme, il estoit rōd comme la partie exterieure du Puy de Democrite, où il auoit caché la verité. Et pour vous bien faire mention de
ses

ses aduentures, & des bons endroicts
ausquels il auoit eu l'honneur de paroi-
stre : A la premiere conference des
Troyens, Hector le portoit, pour se pa-
rer des coups de tonnerre, & puis le vë-
dit & reuendit, ceda & transporta à Ce-
sar Auguste, qui du depuis en conquesta
toute la terre, & ne l'ay pas veu depuis :
toutesfois les Bourgeois de l'Olympe
reconoissans la deïfique fatalité qui e-
stoit en cët admirable reperteur de con-
ceptions, le transporterent par delà le
Ciel, où ie l'ay trouué estalé, säs l'y auoir
veu neantmoins, à cause que ie n'ay ia-
mais esté iusques là, & reconnoissant que
si rare piece a esté cizelee dans l'airain
de memoire, pour y lire ses exploicts, ses
aduentures, & ses conquestes : sçachez,
graue & honorable assistance, que l'a-
yant acheté d'un Reistre, qui en auoit
eu droit par transport du Dieu Mercu-
re, quand il alloit abusant la carolle des
Nymphes boccageres de son admirable
Caducee, pour la somme de trois cens
mille drachmes Polonnoises, reuenant
à vingt-cinq mil bezans Sarrazinois, &
l'ayant porté quelques annees contre

les horions de Mars, i'engeay son repos sur la teste d'un clou, pesant environ vingt quintaux, sauf l'erreur du calcul. En ce doux receptacle mon chapeau se repose quelques anneés, & cüsse rendu son repos eternal sans vne reuolution ciuille, assistée de quelque rhumeur populaire, qui me somma de r'endousser le harnois, & le reprendre, pour la deffence des poulets de nostre pays, qui sont regardez de costé chaque iour par les orphelins Renards, qui n'ont pas mille escus à despendre par semaine. Voicy l'epilogale conclusion de mon discours, ie l'approche ceremonieusement, & cōme ie le pensois tirer de son giste ordinaire, pour m'en coiffer, ie trouuay qu'il s'estoit introduict entre la coiffe & le feurre vne nichée de charderonnettes, lesquelles m'ayans donné l'espouuente, s'enuolerent à tous les diables, me laissant le pouuoir escrit en l'air, pour vous en faire l'histoire quand vous serez sortis, de peur de vous en estourdir les oreilles.

Prologue en forme de discours.

S'Il est vray-semblable que cette illustre ville figure iournellement en elle des traiçts si hardiment & industrieusement tirez , que l'ingeniosité mesme s'en estonne plustost que d'y trouuer à reprendre: qu'il n'y ait rien en tout cét Vniuers, qui ne prenne iour en sa splendeur, voire qu'o y recognoisse des marques qui semblent naïfvement-differer de l'humaine puissance. Les Historiens me semblérôt fabuleux, d'auoir opinion qu'elle en procede, veu que la grandeur de l'entreprise ne s'y peut accortement apparier. Non, non, c'est vn diuin ouurage, auquel le Ciel a tant enfanté de merueilles, que la gloire n'en peut legitimelement appartenir qu'à luy seul. Et à la verité, Messieurs, aussi n'auons-nous pas quitté les fleurs du Parnasse, pour cultiuer les deserts d'Arcadie. Le Ciel ne nous a pas fait naistre pour pallir aux yeux de la science, & ne respirons pas comme l'Echo, qui mouroit en son si-

lence, sans la misericorde d'une voix empruntée, nos esprits enfantent d'assez belles conceptions, & auons assez de credit aux Muses, sans mediter les graces d'autrui.

Nos organes ont trop de sympathie avec l'éloquence, pour implorer le secours de personne, & l'intégrité de nos actions n'inuite rien. Toutesfois, tout ainsi que la terre produisant yn petit arbrisseau, ne le peut pas decorer d'une grandeur si belle & si parfaite, que celui dont l'age le gratifie en son periode: & que nature n'est pas assez forte pour le preserver des iniures & calamitez du temps, qui regist & seigneurie toutes les parties inferieures de ce monde: & que partant il ne peut estre maintenu que sous la tutelle & protection de fortune imperatrice de tous les mouuemens, tant celestes qu'humains.

Ainsi nostre petite troupe ne faisant que se joindre, & esclorre des flancs de la destinee, qui l'auoit amoureusement couceue du propre germe de nos desirs, ne vous pourra figurer au berceau de naissance vne tant admirable & excel-

lente

lente forme, que si elle estoit desia heritiere du futur, qui comme pere & possesseur de sa legitime esperance, luy promettent au moins vn rang assez notable, pour brauer par effect ce que la France adore selon l'intention de ses legeretez : Car si le merite est plus digne de louange que la folie, l'on quittera à la mignardise Italienne Espagnolle grauité, & la curiosité Angloise, puis qu'apres cela rien ne reste plus, que le silence ne soit capable d'exprimer, afin de voir d'un œil amoureux l'eloquence Francoise, comme sur vn Theatre plus esleué fouler le gazon du Parnasse, & triompher en toutes sortes de merueilles, que le Ciel, comme son geniteur, si le delecte d'offrir à son aduantage. Reconnoissant par là qu'il appartient d'immortaliser la Vertu, & que c'est leur coustume de s'abiller de volupté, pour représenter le general de tout vice, dont l'honneur est autant interessé, que cheremēt maintenu & exalté en tous nos comportements, & pource qu'il vous pourroit sembler, Messieurs, que nous voulussions tirer yne gloire du mépris des autres,

nous nous en rapporterons à vos beaux iugemens, qui ſçaurent trop mieux deſcouvrir le ſecret de nos ames, & n'emprunterois rien de l'artifice, pour perſuader nos conceptions à la ſimplicité, en reſervant toutes-fois la deciſion à voſtre prudence, ſoubs laquelle nous eſperons conſerver la reputation deuë à nos labeurs, en faueur du contentement que nous vous promettons, & du ſervice que vous nous iurons en toute humilité.

Autre Prologue & diſcours.

IE ne trouue rien plus aiſé ny plus facile à vuidier qu'un differend duquel on eſt du tout d'accord, auſſi n'y a-il rien plus difficile à terminer qu'une choſe où n'y a aucun commencement n'y apparence, le plus beau reſpit que puiſſe deſirer vn homme fort aſſiegé de debtes, c'eſt qu'on luy donne terme iuſques à quand trefues ſeront entre les chats & les rats, pour autant que ie me ſuis apperceu depuis hier au ſoir qu'un bon

bon chat matois qui estoit assez mal habillé ayant vn costé de ses gregues galloñnees de roux comme à couleur de brulé, lequel tóut tard apres souper sans chandelle, hoñton ny hallebarde, & mesmes sans autre bonnet de nuict que ses oreilles, pieds nuds sans sabots ny pantoufles, dressa vne ambuscade à vne bõne trouppes d'honnestes rats qui nous font l'honneur de se loger chez nous en chambre garnie, à raison de tant par moys, en mōnoye de Baugency, lesquels ne pensant point à luy, regardent passer librement leur petit chemin sans faire gueres de bruit : Mais le miton faisant semblant de n'estre pas là, ne daigneroit allumer son fuzil pour s'esclairer, a engripper tousiours quelqu'un si bien que les pauvres gens, ie dis les rats & les souris, sont comme miserables, & n'ayāt pas seulement le loisir de prendre vn mauuais repas à la cuisinē car Bon diroit à voir ces escarmouches là qu'il y auroit quelque gageure à qui aura plustost gaigné le haut. Vous me direz si vous auez loisir, que celuy ou ceux de vostre maison en font autant ie vous en

croy: mais ce n'est donc pas le moyen de les mettre d'accord, l'intérêt que i'y ay ne m'en fait parler, mais c'est pour vous dire que les grosses escreuilles pignent plus fort que les petites: & que l'Hyuer n'est iamais si chaud comme est l'Esté & pour cause, c'est qu'il n'y a mulles en ceste Ville ny aux fauxbourgs, qui ne descoupe à la poiurade ou autrement vn trochet de pieds au premier qui luy fera present d'un boisseau d'auoyne, fute elle à grand marché: Aussi que ie trouue les ceremonies de ce pays de meilleure grace que les coups de bastons d'Allemagne, la maxime en est que selon Brinquenazille le raconte en vn liure tout blâc, qu'un Crocheteur ne se trouueroit point tant chargé d'un don de deux mil escus qu'il emporteroit sur son dos, que d'une capilotade d'une demie douzaine de coups d'une branche de cotterets de Picardie sur les espaulles. La consideration ny le iugement n'en est point par trop sot. Pour le tēps qui court, & mesme selon le cours de la Philosophie. Comme il se lit sans lunettes au premier pannier de Mardy gras en ces mots, pa-

ta, pata, pon, la peur que j'ay que quel-
qu'un d'entre vous me regarde de costé
me fera enfuyr sans bouger de ma pla-
ce: Car comme disoit vne vieille femme,
vrenmis le bon vrenmis; si ie n'en sca-
uois point plus, il y à demy quart d'heu-
re que ie me fusse caché de peur du has-
le sous le voile de la cuisine pour en
apprédre & estudier les tours & retours
pour m'en seruir en toutes rencontres,
soit deçà, ou delà l'eau. Le voy desia le
premier de nos Autheurs qui est tout
prest de monstrier ses oreilles à Claudin
son Compagnon qui porte le fourreau
à tous les iours où il se pourra cacher le
nez de peur de la roupie, qui me fera
faire trois pas en arriere, & vous dira
bon soir iusques au reuoir.

Prologue des Fols.

IL semble à vous voir arriuer vous au-
tres en ce lieu queue à queue comme
cheuaux de chassémaree, que vous ayez
enuie d'auoir vn plat de mon mestier, de
receuoir du plaisir de moy pour vostre
argent.

argent; mais ie vous aduise que vous seriez bien trompez si ie voulois, car si ie mettroit ma caboche en cōtrouerse avec la rotondité de mon entendement ie ne pourrois parler de plus de demie heure, que feriez vous donc en attendant bonnes gens? ie vous conseillerois de vous promener de peur des auues & de vous entretenir à boire, du plus bas percé, les vns aux autres par charité fraternelle. Orçà, terme d'Aduocat, commençons à boire & à parler, dequoy traicterōs no⁹, ie ne sçay, pour moy ie ne me suis iamais qu'intessentié ny metagrabolisé la ceruelle des idées de Platon, des Athomes d'Epicure, ny des Induidus de Democrite. Or ay-ie ouy dire à ma grand mere que ce qui est plus haut que nous ne nous touche point, & que le Laboureur doit parler de sa charuë, le Cordonnier de sa pantoufle, le Menuisier de son rabot, & le Cuisinier des faulces & capilotades, rosty, bouilly, frist, potage, grillade, hachis, & de tout aptre chose dependante de son exercice. Mais à propos, par quel bout commencerons nous, ie ne sçay: car pour la Theologie ie n'y entens rien,

rien, pour les Mathematiques aussi peu, pour la Philosophie, il y suis vn second ignorantissime, & aussi pour toute autre science ie n'y cognois rien Dieu mercy.

Car pour la Iurisprudēce, autrement le doiēt, vos femmes y ont mieux estudié que moy, & vous en pourront bien apprendre quelque chose: tellement que i'en'ay rien digne de vos seigneuries, ny dequoy vous discourir que de ma pure profession, tēsmoignée en mon habit qui n'est pas de Philosophie, mais de tres-fine folie, & si vous me desdaignez, doiūt discourir de ceste ample matiere, ce vous donne à rous congé & quitte pour des arres: mais puis que ie vous voy les oreilles ouuertes comme la gibeciere d'un Aduocat, ie vous en diray deux mots ou plus. Or là donc, leuez la main, & iurez en Saincteté & sincerité de bonne conscience pensez-vous estre plus sage que moy? si cela est, vous estes desja atteint & conuaincu du premier point de folie (car la presumption en est la premiere branche) n'avez-vous leu dans Salomon & autres, que le nombre des fols est infiny, que la sagesse des hom-

mes est vne pure folie deuât ceste source de sapience eternelle , respondes si vous auez enuie de payer , auquel il y a plus de folie à moy de vous entretenir de badinerie, ou à vous de m'escouter, à moy vendre des paroles, & à vous de les acheter, à moy de me chatoüiller pour me faire rire , ou à vous de rire apres moy : ie trouue que nostre different cōsiste en la deuise des Romains , non pas *Senatus populus que Romanus*. Mais aux capitales de chaque mot. S. P. Q. R. pour dire si peu que rien , & bien pour estre tous compagnons de folie il ne s'en faut pas desesperer, prenez que trois carollus valent six blancs, ne croyez vous pas que caillette , de qui sont sortis les Roys de Castille l'estoit au quatriesme degre : puis quel fut Corebe, ce gendre de Priâ, les Curettes & Menades, (à quiconque voudra examiner leurs gestes & ceremonies) que representoient ils anciennement qu'une pure simple folie. N'est-ce pas vne grande folie aux locatifs de ce Siecle de se tuer le cœur & le corps pour amasser tant de biens par toutes sortes de moyens illicites, pour empor-

ter

ter de ce monde vn miserable linceul, & laisser leur bien à des heritiers qui ont beaucoup plus d'esprit qu'eux, car ils en vuideroût beaucoup plus en vn iour que l'on ne leur en sçauroit amasser en vn an. N'est-ce pas vne mesme folie au Marchand trafiquant sur la Mer de hazarder son bien, & sa vie tousiours à deux ou trois doigts de la mort, pour espuiser toutes les mines du Perou, & s'enrichir d'un metal qui ne sçauroit prolonger sa vie d'une minute? Le sage Sineas ne representa-il pas à son Prince en quel erreur il estoit de se faire percer, comme vne poële à chastagne, pour conquérir vn monde de delices qu'il possede desja? ne me trouuerez vous par ceux cy bien capables d'une marote, qui sous l'ombre d'un meschant desmenty s'en yront de gayeté de cœur entreuër hors vne Ville, ne considerant pas qu'il vaut mieux auoir six Escuelées de potage au trauers du corps qu'un seul coup d'espee dans vn bras, & ceux qui pour auoir la cognoissâce de toutes choses, travaillent leur esprit, & l'alterent iour & nuict à feüilleter diuers Auteurs, n'en remportent

tent pour tout fruit que le tiltre de folie & en sortent hors de leur entendement: pour vous & pour moy, ie conseil-
le que nous fassions plus prouision d'argent que de science, toutes-fois ie me trompe, & craindrois d'estre escorché comme Marsie si Appollon m'atrappoit vne fois, d'autre part vn homme sans argent, c'est vn aueugle sans baston & vn vray corps sans ame, considerant que les bestes bruttes ont beaucoup d'auantage sur nous principalement les pourceaux, car ils ont leur viure & vestement tout acquis, leur viure est beaucoup plus delicat que le nostre, car il est tout masché, ils n'ont qu'à l'aualer. Or sus changeons de propos, car c'est trop parlé de la folie deuant ceux qui en ont plus acquis en vn iour, que ie ne leur en scaurois apprendre en vn mois, puis ce subiect est si fecond, qu'il me plongeroit en vn labyrinthe, d'où ie ne sortirois aisément.

*Prologue des parties naturelles des
Hommes & des Femmes.*

OR entédez, vous autres Auditeurs, sans conte que ie vous apprenne pourquoy vous auez le ventre cornu, & vous femelles pourquoy estes vous sans queuës: si les hommes ne vous en fournissoient deuant sans le derriere, vous deuez sçauoir, ouyr & entendre, qu'au siecle premier, de la creation de vous & de moy, que tout le monde alloit tout nud, & marchoit tout ouuert, sans fraude & sans malice, & si nous n'estions point subiects à aucune maladie, il ne falloit que visiter & regarder nous mesmes nos intestins & les mettre chacun en son lieu, & ie vous prie de croire cōmémoy, que les Medecins en ce temps, auoient maigre pratique, pource que nous nous pensions nous mesmes, mais apres la faulte de ce mangeur de pommes, le temps se changea & deuint plus rigoureux, d'autant que nostre printéps se changea en nostre hyuer, de telle fa-
çon

çon que nous ressentions vne extreme froidure en nos tripes & en nostre conscience pour estre trop ouuerts, si bien que pour euitier plus grande peine, les plus sages tindrent le conseil, & arrestèrent qu'il falloit presenter requeste à Iupiter, pour nous fermer le ventre, ce qui fut executé, & chacun en sa chacuniere commença à prier en ceste sorte, Je te prie Pere Iupiter, qu'il te plaise si tu veu, comme nous le voulons, si tu l'auois agreable ainsi que nous trouuons bon, de nous refermer vn peu le ventre, afin que nos pauues tripailles ne soient plus atteintes de la froidure, ce *bonnissime mes-*
ser Iouyo leur accorda, & leur dist: Je donne charge à vn homme qui demeure à Paris sur le pont aux muniers, qui s'appelle sauue toy, qui fut le premier ferreur d'eguillettes, qui vous fasse à tous des lacets pour vous boucher le ventre, or les femmes plus subtiles que les hommes, & plus curieuses, qui allerent des premieres, & d'autât que l'ouurier auoit eu la ieunesse en recommandation, il auoit trauaillé pour eux, mais les femmes ne s'enquestans point pour qui c'estoit,

Estoit prindrent les lacets, & commencerent à se lacer le ventre, & commençant en haut, descendans petit à petit vers le bas, mais le mal-heur voulut pour eux, que le lacet se trouua trop court, & leur demeura vne grande ouuerture au bas du ventre, qui contient bien vn empam, ou bien la forme & longueur de la Nauette d'un Tessier: par apres les hommes s'en allerent trouuer ce maistre ouurier, qui leur bailla leurs lacets, & lors commencerent à regarder l'excessiue longueur de l'ouurage, mais ils ne laisserét de s'en seruir comme les femmes, & ayàs tout fermé, ils trouuerent du reste de leur lacet bien vn bon demy pied, ou plus, selon ladite forme du plat de fromage, ie veux dire du personnage, qui le porte, de façon que ce bout deferré se transmua en chair, si sauoureuse & necessaire pour l'entretien du monde, que Iupiter ordonna qu'il demeureroit pendu au ventre des hommes, pour seruir en temps & lieu à quoy bon leur semblera, & que les Femmes demureroyét ouuertes, pour leur trop grande curiosité, s'il ne leur plaisoit d'employer les
hom

hommes , pour de leur lasset boucher l'ouuerture de leur ventre. C'est pourquoy les femmes sont si friandes, de dire hommes, prenez-moy vostre bout, pour boucher mon trou , ce qu'ils accordent facilement, pour monstrier que l'ingratitude n'a point de place en eux.

Prologue des Cocus, & de l'vtilité des Cornes.

EN bõne foy ie disois bien, qu'il nous arriueroit aujourd'huy malécontre, que ie me suis leué le cul deuant, & le nez derriere : voila vn de mes gens qui se vient rompre le col sans chādele, l'autre est allé querir le Chirurgien , mais j'ay grand peur que ce ne soit apres la mort le Medecin , & de moy, ie suis deputé pour vous semondre de l'enterrement , à chacun vne bouteille en vne main, & le verre en l'autre , & le tout à cause que le deffunct autant vaut, aimoit naturellement le pior. Ie croy neantmoins si aucū espoir de guerison luy reste, que ce sera par ce tres-noble moyen,

com

comme vous verriez les poissons demy-morts se rauigouter dedans l'eau quand on les y reiette, pendant vous en aurez-bien les lettres, d'assister à de funerailles, au lieu de vous resiouir pour vostre argent. O la grande fortune quand on pense disner, & que le pot tombe, encore cependant que le preparatif des obseques se fera, i'estois bien assureé qu'aucun ne print la cheure : le ne sçay quel petit discours nouuellement passé, & peluté par le crible de ma ceruelle, ie ne sçay pas que ie ferois, vous ne dites mort : c'est bon signe, c'est vn arc à moy d'assurance pour passer outre : ie m'en vais voir s'il m'en resiouuendra bien, ie l'ay oublié, i'ay vne memoire de Connil, qui se perd en courant, allez vous en, si bon vous semble, & dites que vous n'avez rien veu, faites, non faites, reuenez, i'ay trouué ce que ie cherchois, leués la main, & iurez apres moy, qu'à peine de trois déjeuners consecutifs d'amende, scellez & bridez, vous prendrez en bonne part tout ce que ie diray. Mais la grande folie, qui se sent rongneux, si se frotte, ie m'en soucie bien, mon discours se doit faire

faire

faire sur l'excellence des Cornes, & de ceux qui les portent, combien d'utilité, priuileges, prééminence, honneur, prerogatiues & dignitez sont annexez au Domaine du Cocuage: qu'elle beatitude c'est, & combien de parties en dépendēt. Pour commencer donc l'antiquité d'icelle, vous dériuer leur vraye genealogie, iusqu'au plus prez de la source, encore que possible vous l'ayez trouuee deuant moy: sçachez qu'au temps d'innocence, que les bestes parloyent il n'y a gueres, les Cornes estoient tellement respectées, que chacun en vouloit auoir, à quelque prix que ce fust, la ialousie ne couroit point, tous biens estoient communs, principalement les femmes: le vous prie, qu'il eust fait beau voir de ce tēps-là vn homme seul posseder vne femme, & y auoir vne telle faute de monde! O l'heresie, ô la grāde absurdité de ne croire rien, où en serions-nous à cette heure, bonnes gens, au fin-fonds des vaisseaux spermatiques d'une infinité de bōs compagnons qui cultiuerent *in illo tempore*, le champ, de la nature, & le défricherent à force de reins: mes drolles alloient

loyent priuément & par charité frater-
nelle, à celuy qui auoit vne belle fem-
me, montoyent dessus, & l'emmenoyët,
à la charge d'autant: ne pensez pas que
ie parle par cœur, lisez les Loix de Li-
curgue, & si celle-cy n'y est grande, la
premiere lettre capitale, ie perdray
Coq & Poule. Ha! quel heureux sie-
cle, qu'il auoit grand besoin de me ré-
contrer, & moy de le trouuer, voyez
mes bons amis, que la fondation de no-
stre Confrairie est antique, aprenez ce
qu'ont vallu les Cornes aux Lacede-
moniés, rien ne les pourroit arrester en
bataille, car ils foudroyent tout deuant
eux, estans armez de teste & de bras,
vous auez iusques auourd'huy de leurs
descendans, ces Cocas ombrageux,
qui tueroient à la chaude vn peigne
pour vn Mercier, mais differents d'in-
tention, & me'cognoissans du bien &
de l'honneur qu'on leur fait, de tels
ingrats ne m'en parlez iamais, ie les
hays, ie les deteste, ie les abhorre, ie
les mets au rang des pech z oubliez.
Mes loüanges ne s'adressent qu'à ceux
que i'ay recognus dignes du titre, qui

sont vn vray patron d'humilité, de modestie, & de patience, sur lequel vous deuez-vous mouler: Ouy, ie vous maintiens derechef, que toutes ces vertus sont inseparables au Cocuage, outre vne parfaicte beatitude, vn contentement indicible, & vne influence d'honneurs, pour preuue d'vne extrefme charitable patience, il aduiendra que le bon homme surpris en volonté de bien faire, cedera librement & gratuitement sa place à vn autre, prendra le pot, & s'en yra au vin, sans penser ny mal dire, tandis qu'en recompense on fait sa besongne. Et bien, que trouuez-vous à mordre là dessus? sommes-nous pas naturellemēt obligez de faire l'vn pour l'autre? Est-ce pas bien vescu, si pour la modestie & l'humilité vous luy verrez au sortir, remercier Monsieur de la peine qu'il a prise de visiter là luy & sa femme, avec vne profonde coniuration de n'espargner chose qui soit en son pouuoir, au regard des honneurs qu'on luy defere. Je ne veux que le proverbe commun, pour verifier mon dire, *Que quiconque a belle Fem-*
me,

me, tout le mōde est son Cousin, combien aura-il tous les iours de coups de chapeau, de recommandations, & submissiōns, de caresses, & de reuerences. Pour les biens de fortune, iamaïs la Corne d'Amalthee n'en respandit tant que celle d'vn homme de bon iugement, & qui sçait bien mesnager, les siennes luy en produisent, c'est vne Vachē à laiēt, qui ne tarist point, c'est vn prē de perpetuelle fenaison, qu'il peut tondre cent fois le iour, c'est vne miniere qu'il tient en sa maison, que plus on fouit, & moins on vuide, c'est vn jardin qui chaque iour esclost de nouvelles fleurs, que diray-je plus, c'est vne Repinniere infinie, & vn tresor inestimable. Or voyons d'auantage si les cornes attribuees à Messieurs les Maris, representent quelque marque d'infamie, rien moins, rien moins, i'en appelle pour eux, comme d'abus; les Cornes entre les anciens Cabalistes, sont prises pour puissance souueraine, selon les Poëtes, elles representent vne audace genereuse, telle que des Gots, lors qu'ils vouloyent desloger,

Messer Iupiter de la case, en memoire de quoy il les metamorphosa en Limaçons, que vous verriez encore pour le iourd'huy grimper au plus haut des arbres, & menaçans le Ciel avec leurs Cornes. En Perie, celuy qui deuoit succeder à l'Empire, portoit par special priuilege vne pointe ou Corne esleuee à son bonnet, au moins ma grand' mere me l'a fait accroire. La Lune est-elle pas cornuë, & la plus-part des signes celestes? Comment, y a-il rien de plus precieux que celle de la Licorne? Allez-le demander à la Seigneurie de Venize, qui dernièrement offroit cent mille escus de celle qui est à Saint Denys. O que ne suis- ie Cocu, à peine d'en auoir deux telles, l'une au front, l'autre au cul. Les Cornes des plus vieux animaux sont applicables & necessaires à nostre vsage ordinaire, on en emmanche les canquets & les couteaux: avecques la Corne d'aucuns on en compose des medicamens, avec les autres on en garnit des arcs, on en fait des Damiers, on en faict des iouets aux petits garçons, pour les y accoustumer de bonne heure,

heure, on enterre ceux de mouton, afin que de leur pourriture naissent les bonnes asperges, on en fait dix mille autres petites diableries, que ie vous raconteray vne autre fois, d'autant qu'une matiere si profonde merite bien deux Prologues. Quant au nom du Cocu, ie le trouue tres-honneste, comme approprié d'un oyseau qui nous est messager du Printemps, excellent de plumage, & de rien inferieur à tous les autres. Or n'en desplaise à Iobert, l'Epithete de Cocu est tres-bien adapté aux maris qui font un amoureux commerce de leurs femmes, d'autant que leur nid est plein, ils sont cōtraincts d'aller pondre en celuy des autres. Voila mon Ethimologie, voila mon opinion, voila le Pont aux Asnes, il vous est deffendu de passer plus outre, d'en croire autre chose, & de plus reuoquer en doubte la dignité, preference, honneur, loüange & reputation, deuës à ceux qui portent & porteront les cornes patiemment, comme restauration du siecle d'or, bonne coustume, & de la vertueuse discipline Laconique:

enjoint à vous de leur rēdre tout hom-
mage & reuerence à la pareille, avec
expresse inhibitions & deffences de
vous opposer à la bonne fortune, &
moins la refuser, si vous la trouuez, aux
charges que toute la compagnie sera
tenuë dans quinzaine me rendre com-
pte du profit qu'elle a fait de mes bons
& beaux preceptes, apportant chacun
son papier de recepte & de mise, afin
que cela luy soit aloüé en la Chambre
de nos comptes, ainsi que de raison.
Mais St. escoutez le Barbier, qui dit que
la derniere cheute de nōstre homme ne
sera pas si tost guerie, qu'il ne se porte
bien, & ne laissera de iouer son rolle, ie
vay voir que s'en est, pour vous en rap-
porter certaine nouuelle. Attendez-
moy icy vn doigt en bouche, & les oi-
reilles ouuertes comme la gibbeciere
d'vn Aduocat.

Prologue de l'Estuy du Cal.

MEssiores, placet v̄stras reuerentias. E-
moy, ie m'en vay placer la mien-
ne,

ne, pour vous prouver *in Barrocho*, qu'il n'y a habit si venerable, que l'Estuy de mon cul, sçauoir est mō haut de chaufses. Or sus donc, *commençamus Messiores*, & par vne autre parentaise, Voicy vn drolle qui a mangé sa soupe, il en est maintenant à la chair; mais non, il faut que tout le monde viue maintenant: s'il y auoit quelque drolle d'entre vous autres, qui voulust mettre son nez au centre de mon haut de chauffe, pour en sauouer les douceurs, & en lecher toutes les loüanges, il trouuera, comme dit Brandoüille, qui auoit estudié aux Loix en Medecine, en la Cure d'où est le liure dernier des Vivolans, Chapitre premier des Vilbrequins, que Mydas fut le premier inuen-
teur des bonnets, pour cacher ses oreilles d'Asne, & Midas premier inuêteur des lōgs chapeaux à la fluste & de mesme Hebe qui preceda Ganimede au Ciel, fut la premiere qui inuêta le haut de chauffe pour cacher ce qu'e versans à boire aux dieux elle auoit descouuert sçauoir est Monsieur son cul. Mais ceste Déesse ayant vestu ce haut de chauffe

elle se trouua fort estonnée qu'ils dis-
sēt les naturalistes de la derniere four-
nee l'on ne peut faire monter l'eau
plus haute que la source , or le Canal
de la Fontaine naturelle tēdoit en bas,
& l'ouuerture de son haut de chauffe
estoit en haut, si que venant à leuer l'e-
cluse de ses eaux les fosses de son haut
de chauffe n'eurent tardé à s'emplir, ce
que voyant ceste Deesse le renuoya à
Thetis Deesse de la Mer qui luy auoit
fait faire & de qui ie l'ay receuë com-
me ie vous racōteray par cy apres: mais
venons à l'antiquité de mon haut de
chauffe, & disons qu'il est plus antique
que les Antiques mesme, car les pre-
miers hommes qui en firent faire à l'i-
mitation de ceste Deesse, ne les por-
terent comme le mien, & comment
donc? à fourreau de pistolet, ce qui
ne se voit au mien ne voulans pas que
les filles de nostre pays iugeassent mon
essence par la grandeur de ma brayete,
mais disant en mon endroit. *Ad
formam nasi cognoscitur ad te leuani.* Or
ie vous veux dire de quelle estoffe est
ce mien haut de chauffe, il est tiré de
la

la quintessence de la chemise de Venus, quand elle fut trouuee couchee avecque Mars, laquelle chemise fut desfrobee par vn singe qui estoit dessous la couche, qui pour n'estre descouvert s'alla cacher dessous les fourneaux de Vulcan ou rencontrant vn grand Cyclope qui dormoit luy coupa les bources naturelles, & prend les deux noix qui estoient dedans pour en aller iouer aux noix avec les femmes de son pays, & comme il s'en fuyoit vn vent s'entonne dans ceste chemise, & l'enleue par de là les Mers, & lors fut gardé par Thetis comme vne des Reliques les plus anciennes de l'antiquité: Mais il arriua l'autre iour que me baignant dans la Mer, i'entens à la nouuelle mode, sçauoir la teste dans l'eau & le cul dehors, incontinent voicy les Sirenes qui viennent se mirer à mon cul, Thetis mesme le voyant demeura en si grande admiration sur les beautez de mes fesses; qu'elle m'enuoya ce haut de chauffe, avec telle ceremonie voicy deux gros maquereaux qui tindrent ce lan-

ge , car les Maquereaux de ce temps cy parlent , Monsieur , Thetis vous enuoye cest estuy pour conseruer vostre cul du halle, vous le voyez dehors c'est Satin , & cheneuiere dedans , ce n'est rien qu'or, c'est vn bastiment nouveau il y à Salle en haut , Salle en bas , & Sa'le par tout : c'est vne iatte à Tripiere, il y a des andouilles, des rognons, des trippes, des caillettes, c'est vn auge de maçon, le mortier ny manque point, c'est vne bourse d'Orloge , on void d'vn costé le cadran , de l'autre l'aiguille , & les deux contrepoids , ou la fourniture est *femini generis* , elle ressemble à la boulle de gros Orloge qui represente la plume l'vne d'vn costé & le croissant de l'autre , ie vous discourirois d'auantage de ce haut de chauffe , n'estoit que ie suis pressé de l'aller porter aux Merciers de ceste ville, pour en faire des masques de velours aux Damoiselles qui en auront besoin par cy apres.

Prologue du Priué.

Messieurs, Je viens du Priué, afin de discourir en priué, avec vne priuauté priuée de la matiere du Priué, circonstance & dependances de sa priuature priuation, ou pour parler priuément en vous autres priuez, il est question priuer en priuant quelque priuant priué qu'il soit digne & capable de mettre son nez en ceste cause priuante. Mais quelqu'un me repliquera. Que nous veut discourir celuy-cy de son priué? Il est bien priué de nous repaistre d'un priué: Ne scauroit-il parler de choses plus releuée, Je luy respondray priuément qu'il n'y a matiere plus excellente qui priuée le rendant en son estat & priué. Il me repliquera (peut-estre) que le priué est inferieur du grenier, comme estant le frontispice de la maison. Rien moins, celuy respondray-ie comme par exemple? Abbatez les chambres du milieu de la maison:

voila Monsieur le Grenier à bas : Mais abbatez le grenier , chambre , salle , cuisine & caue, Monsieur le Priué, comme fondement & pilotis de la maison, demeure ferme , stable , & immobile en son lieu Priué. D'auantage pour vous monstrier que le priué est beaucoup necessaire à beaucoup d'affaire de priuez. S'il y a quelqu'un qui desire deuenir Mathematicien, Philosophe, ou Astrologue qu'il aille à Monsieur le priué, il entendra la pluye les Eclipses, tant lunaires que solaires : Là il entendra vne roondité orbiculaire, avec les influences qui en dependent, la bize qui souffle par derriere, le nord qui sort de son trou oculaire. Vn Soleil qui respand des rayons de tous costez , la platine dis-ie la planete de Venus , l'esguille & le Cadran pour voir quelle heure il est. Là il trouuera vn printemps qui produit des fleurs en abondance, courrises d'un Zephir musical. D'auantage s'il y quelqu'un qui desire apprendre que c'est que la Pratique , qu'il vienne à Monsieur le Priué, il y trouuera toutes sortes de pieces , comme
adiour

adiournemens , deffaux , coustumaces ,
procedures , affirmations , inuentaires
de biens , addition , iugement , senten-
ce , & autres choses semblables. D'a-
uantage s'il y a quelque iouuenceau
qui desire d'apprédre que c'est de l'art
Militaire , qu'il porte son nez à Mon-
sieur le Priué , il entendra les canon-
nades , petarades , arquebuzades , fu-
zees batteries , amonitions & magazins
de guerre. D'avantage s'il y a quelqu'un
qui vueille apprendre la Musique qu'il
viene à Monsieur le Priué , il trouue-
ra un son musicalement observé. Le
dessus , le plein chant , la raille , haute-
contre , & basse , avec un ieu d'Orgues ,
garny de ses tuyaux , souffleurs , & souf-
flets. Aussi s'il y a quelque marchand
qui desire faire son profit , qu'il aille
à Monsieur le Priué , tousiours la foi-
re sera favorable pour luy. S'il y a
quelque Cuisinier qui desire sçavoir
que c'est que la cuisine , qu'il aille à
Monsieur le Priué , s'il y trouuera
toutes sortes de viandes bien prepa-
rees , comme composts , capilotades ,
tourtes & tourteaux & sauces de tou-

tes façons. S'il veut sçauoir que c'est d'estre sommelier, qu'il aille à Monsieur le Priué, il y trouuera les bouteilles enflées & flacons a vits.

Bref, Monsieur le Priué est si priué entre les plus priuez qu'il se laisse mettre le cul sur la bouche. Si bien que la plus belle Dame & Damoiselle en porte ceste armoirie empreinte aux fesses. On vient de toutes parts rendre hommage, & honneur à Monsieur le Priué: Mais en quel respect? Le cul descouuert en signe d'obeissance. S'il y a quelque bon morceau au logis, c'est pour Monsieur le priué. Si bien qu'il ne faut en parler qu'en vne substance indicible. Si vous ne le croyez, esprouuez ce que ie dis.

Prologue du Cul.

MESSIEURS ie ne doute point que vous n'ayez beaucoup de nez, aussi vous deuez croire que nous auons du cul assez suffisamment pour vous

vous entretenir de discours , principalement moy qui suis , *Doctor Doctorum in utroque iure calorum* , & *galantissimus Bacchalaureus* , en l'vne & l'autre yrongerie , sçachez donc que l'autre iour fueilletant mes plus doctes liures ie trouuay entre autres le Callepin à deux fueillers du sexe féminin où sont contenus trois chapitres de l'origine des cocus , plus vn autre intitulé l'antiquité des dances de l'Hospital , dont les trois premiers Chapitres parlent de la deffaicte de cent mille poux , composé par vn Soldat d'Hostande , que ces Cavaliers vestus de gris , auoyent enuoyé *ad gallatas*. Plus vn autre intitulé le cul autrement la Maiestueuse rotondité orbiculairte , tenant son siege au ponant pays natal de la bise , du Sens & de la Mort , dans lequel liure i'ay trouué les loüanges de Monsieur le Cul , la substance duquel ie desire vous faire fauourer , estant contrainct de dire qu'il n'y à vertu qui ne soit en Monsieur le Cul , *Primo* , *loco* , ne porte-t'il pas barbe comme vn Philosophe , il est

ex

excellent Aduocat, car en moins de rien, il rend les affaires si claires que les autres n'y oseroient mettre le nez par apres. Et pour monstrier que Monsieur le Cul preside sur tous les autres membres, si quelques-vns d'entr'eux ont quelque affaire à vuidier avec luy, ils n'y vont iamais sans placet, ce Monsieur le cul n'est-il pas excellent Capitaine, il faut confesser que ouy, & qu'il à tant de courage qu'il veut tousiours ou vaincre tout ou estre mis à mort. C'est vn laboureur fort charitable, car il ensiente souuent les terres de ses voisins. Il est excellent Peintre, car (parlant de la chemise) la toile n'est si tost estenduë deuant luy qu'il n'y iette quelque traict de peinture, broyee souuent entre ses deux marbres. Monsieur le Cul, c'est vne maison de mesnage, il y a tousiours à boire & à manger pour les escornifleurs de haute cuisine. Il est excellent Medecin: car en deux coups il guerit le mal d'Amour, ce qui n'est en la puissance des plus vieux Medecins. Il est excellent Apoticaire, & faconne de mieux le Diamerdis.

merdis. Les Barbiers ne gagnent rien avec luy, car il est trop venerable pour faire raser sa barbe. Il est admirable Musicien, & si j'oseray dire qu'il n'y a Musique comparable à la sienne, car la Musique si excellente soit-elle, il faut que vous me confessiez qu'elle ne contente que l'ouye, mais celle de Monsieur le Cul contente l'ouye, la veüe, le goust, l'odorat, & le toucher, lors qu'il y arriue vne figure qu'en ceste Musique nous appellons pet de Maçon, qui apporte son mortier quand & soy: car alors il y a dequoy sentir, dequoy voir, dequoy toucher, dequoy ouyr, & dequoy guster. Or ça vous autres Messieurs, me confesserez vous pas que si vous estes en vn festin & qu'il y a des chaires de Tapisseries d'un costé, & de Veloux d'un autre, l'on ne fait que dire Monsieur le Cul icy, Monsieur le Cul là, Monsieur le Cul decà, & Monsieur le Cul delà, & d'autant que vous sçavez qu'il n'y a rien qui tienne si bonne morgue que Monsieur le Cul, comme vous estes venus avec vostre Cul, & que vous estes encor là plus
bas

bas avec vostre Cul , demeurez là en-
cor avec vostre Cul , & moy ie m'en
vay avec mon Cul.

Prologue de la Pauvreté.

EGESIAS NOBILISSIMA.

M*Irum fortasse videbitur auditores que*
i'ay si longue haleine à trourer
methodiquement vn verre de vin & à
vous proposer vne traisnée de belles
difficultez , mais la loüange de ce qui
nous plaist chatoüille la delicatesse de
nos sens iusqu'au fin fôds de nos chauf-
ses , nous fait dis-ie caresser nostre in-
clination d'vne affection particuliere à
cause que comme dit l'eticque Aristo-
te, ie veux dire Aristote en son eticque,
trahit sua quemque voluptas , vn aueugle
est curieux de son baton , vn Docteur
de son chaperon , & vn coquin de sa
besasse , le Docteur ne se lasse iamais
de raconter le merite de sa bonne va-
cation , ainsi ie me delecte infiniment
à donner les loüanges innumerables
à la

à la pauvreté y estant d'autant plus obligé, qu'elle m'a toujours tenu bonne cōpagnie iusqu'à présent, de la grace de Mademoiselle fortune, de sorte que si Timō estoit encor en vie, ie l'importunerois de son figuier, pour iouier à la fausse enigme, toutesfois ie suis d'aduis de ne m'en precipiter, le pïot me semble toujours de bon goust, pour ne desroger donc en rien à cette qualité, *Probabo multis & validissimis rationibus*, que la pauvreté est vn ample magazin de perfection, & que les pauvres, *dinitibus sunt longè excellentiores*, comme si ie voulois dire que les riches le doiuent ceder aux pauvres, comme à ceux qui en vertu de leur qualité gueusesque, les font releuer d'eux en plusieurs articles. Vous meritez icy en balançant, & haussant vostre teste comme le contrepoids d'vn Horloge, que j'en parle pour mon interest particulier, & comme vn des supposts de cette fourmilleuse Republique, & qui plus est, *ad instar lupi Esopici*, à l'imitation du loup d'Esope, qui ayant perdu sa queue, *Socijs suadere*

dere volebat ut sibi caudam demitterent, leur vouloit, dis-je, persuader de se faire escourter, afin d'estre sans queue comme luy.

A propos de queue, escoutez, ie vous prie, la plaisante & facecieuse solution que ie fis ces iours passez à vn argument de vin-aigre, qui me fut proposé par vn Coquefredouille, trois fois plus fal que Sibilot (ce vray magazin de sottise) discourant des bestes, Messieurs, & de la propriété de leurs queues, il me demandoit pourquoy les femmes en estoient depourueues : A cette mysticque question, ie luy dis en deux mots, Mon petit loup, mon amy, la Nature y a pourueu, car elles se seruent de la queue de leurs maris, ou de leurs voisins, il ne m'en chaut, pour s'émoucher les fesses, quand l'équillon de Nature les picque : Raison pertinente, & qui ne veut point de replique. Je suis sans y penser presque sorty des gonds de mon dessein, crachons doctoralement, & puis nous ouurons la porte de nos inuentions, pour nous remettre sur la

cadence des gueux. Les Anciens tiennent la Pauvreté estre de l'estre des Dieux, fille du bon homme Iupiter, & que le mesme Iupiter l'enuoya pour brider l'insolence de Pluton, & de ses supposts. Voulez-vous oster les pauvres de ce monde, faictes quant & quant plier les pacquets aux riches. Car comme dit la Philosophie, *Posito uno contrariorum, necesse est aliud poni*. Retournez cecy comme vne paire de bottes, vous direz que *sublato uno contrariorum, necesse est aliud auferri*. Qui vaut autant dire, qu'ostant l'un des deux, il est necessaire que l'autre bande sa caisse: Foin, foin, ie voy bien que vous n'avez point d'enuie d'estre gueux: *Transcat*. Il vous faut donc d'autres ingrediens pour nous émouuoir, vous avez l'estomach par trop constipé. Croyez vous qu'Alexandre, tout Monarque qu'il estoit, portoit enuie à la pauvreté de Diogenes, disant que s'il n'eust esté Alexandre, il eust voulu estre Diogenes, voila des ià vn fondement bien courcté, bridé, & olanté: Entor trois eniambees, nous deuons louer les

les choses, pour le profit & vtilité qu'elles nous apportent, *Atqui nihil est*, il n'y a, dis-je, rien qui apporte plus de commodité que la pauureté, car *Necessitas artium inuentrix, & ingenij largitor mater videlicet*, la pauureté, ou la nécessité, comme vous voudrez, est mere de toute science, *ergo* est nécessaire, profitable & vtile à la Republique, puis que les enfans de misere se peuvent vanter de cultiuer des sciences, tandis que les riches employent le temps à sacrifier aux delices & à la volupté. En rescompense, voicy le profit qui leur en vient aussi: En premier lieu ils sont exempts de Tailles, & autres impôts, leur franchise est émologuee par tout le Monde, où ils ont droict de Bourgeoisie. Les Roys, Les Princes, & consequemment tous les Citoyens incognus luy sont redevables, contribuables, leurs droicts ne déperissent iamais: vray est qu'ils ont vn peu de peine à les recouurer: mais il ne s'en faut pas estonner, veu que les Aduocats & Procureurs, & généralement toute la triballe & gripeminaud

naud est couchee sur l'estat de leurs rentes : Or est-il , que poursuivant les droits des gueux , ils se rendront eux-mesmes condamnables, & seront contraincts d'entrer en compensation, tellement qu'à faute de postulans , ils perdent la moitié de leurs droicts, se rapportant pour le payement d'icelle à la conscience de leurs creanciers, qui souuent sont contraincts de cracher au bassin , pour reparer l'importunité de leurs estocades. D'ailleurs, ils sont resolu comme Barthole , & peuuent librement passer , en vertu de leurs priuileges , parmy les voleurs , & sans y laisser de leurs plumes. Outre ce, ils sont en signe d'humilité , tondus de si prez , & leur toison est si courte, que la Chicane n'a aucune prise sur eux , exempts de donner à ceux-qui leur demandent , licentiez de demander partout , Bourgeois du monde , au lieu que vous ne l'estes que de Paris, pretendans droict iusques dedans les marmites des grands Seigneurs. Que voulez-vous que ie vous die , telles gens ne sont point suiets à l'vsure, bref

per

personne n'est ialoux de leur fortune. *Ergo videte paupertatem esse malorum refugium, miseria asillum*, & la sauuegarde des incommoditez, vne marque signalée de leur preeminence. Le present de ce pauvre Payfan, qui porta dans le creux de sa main vn peu d'eau à Artoxerxes ne fut-il pas plus estimé que les richesses de mille grands Seigneurs, *Pauperibus enim nunquam deest bona voluntas*. Et si ce Thebain Philosophe Ancien n'eust cogneu l'excellence de la pauvreté, eust-il ietté ses richesses dans la mer, avec cette parole heroïque, *Mergam vos ô diuitia, ne mergar à vobis*. Je vous noyeray richesses, afin que ie ne sois point noyé de vous. Fabrius eust-il mieux aimé ratisser ses raues, que prendre l'argent des Sanites : Bias ce grand Philosophe, s'en alla tout nud de sa ville de Prienne, sans se charger de richesses, comme ses compatriotes: *Minimè certè*. Tant de doctes hommes n'eussent embrassé la pauvreté, s'ils neussent trouué quelque bonne odeur en icelle.

Iamais Diogenes n'eust rompu son escuelle

esquele de bois, s'il n'eust consideré que nature nous auoitourny de tout l'attirail nécessaire pour nostre mesnage. Et pour abreger ce discours, les pauvres dorment en repos, ne craignent point les coupeurs de bourses, ny les voleurs nocturnes. Bref, il ne leur faut point de Suisses, pour garder leur Thresors. Et pour finir, ie diray que l'homme qui se contente de sa petite fortune, se peut dire parfaitement riche, voire plus heureux que s'il estoit comblé de toutes les richesses de Cresus, & possesseur de la Monarchie d'Alexandre, le pauvre n'a dequoy perdre, & trouue tous les iours à gagner.

Prologue de l'Amitié.

A Dieu mon credit, ô pauvre Bruscamille, par quel bout commenceras-tu tous les regrets que tu dois aujourd'huy sacrifier à la perte d'une si chere amitié, que dis-je, de l'amitié, d'un personnage qui m'estoit

plus chere qu'une capillorade de nerfs de bœuf à un forçat de Galere, plus rare, plus belle, voire plus transparente qu'une lanterne sourde en plein midy, ou qu'une piece de pain bis au clair de la Lune, & pour laquelle contracter, ie quitray la chaire percée avec une telle diligence, que ie n'eus pas le loisir de r'attacher ma brayette, ny gratifier d'un placet le frontispice de mon derriere.


Que n'ay-je la façon de Demosthene, pour vous exprimer icy le merite d'un tel personnage, il estoit lié & garotté avec moy, & moy avec luy, d'un plus estroit lien que ne furent iadis Thesee & Pyritous, Pisse & Puriale Pilades & Orestes, Lælius & Scipion. Vous voila desia en rhumeur, vous avez enuie de sçauoir quel il est, ne vous fâchez point, ie vous le vay dire, mais quoy, ie dérogeray à la promesse que j'ay faite de ne le manifester, l'on m'en a conjuré par les entrailles de ses ancestres, & par l'ame de son grand Pere, qui fut Cheualier rustique. C'est pourquoy il se dit,
pour

pour ne degenerer , *aurei velleris eques*,
mais ie pense qu'il veut mieux dire
equus , & au lieu d'Escuyer ou Cheua-
lier , cheual. Vous n'estes pas content
de ces indices : & bien par la croupe
du mullet de Maistre Guillaume , ie
contenteray vostre curiosité sur ce
subjet Il s'appelle Va le chercher. Pour
ne faire donc tort à son nom , ie vous
prie de l'aller chercher si vous en auez
affaire , ie vous presteray ma lanter-
ne pour cest effect : mais ie croy que
vous aurez bien de la peine à le trou-
uer , si vous cherchez de ceux que
le bon Diogenes alloit cherchant de
iour avec vne lanterne & vne chandel-
le allumee par le marché. Car il n'est
pas de ceux-là que le bon homme de-
mandoit. Or puis que vous n'estes
encor assez amplement satisfaiçts , ie
vous le dépeindray plus amplement:
Premierement, c'est vn *Domine*, qui ne
parle gueres s'il n'est saoul tousiours,
vne main sur sa bouche , & l'autre
preste à prendre , si ce n'est quand il
est à table , vn œil au plat , l'autre sur
l'assiette de leur voisin , vne oreille ou

uerte au carrillon de la Cuisine , l'autre fermée aux prieres de ses amis , ie le voy tout le iour stipulant , present & acceptant , il s'alambique ordinairement la ceruelle apres certaines chimeres, qui se peuuent à peine comprendre par la sophisterie phtisque , il va quasi tousiours seul par le chemin de ses humeurs , & par les Galeries de ses fantaisies bigarrées , faisant tantost vn dessein de faire bastir vn Palais sur la pointe d'vn rocher , tantost vn Cabinet sur l'aisle d'vn Moulin à vent. En somme, il entreprend tout, & n'execute rien, *Diruit, ædificat, mutat quadrata rotundis.* Il y a quelque temps qu'il sert vne Nymphe pouruenë de l'art , duquel Demosthene & Ciceron passans par toutes les voyes des humaines affections, se rendroient maistres des volontez d'autrui. Il ressemble de statuë à Pierre du Puis , il peigne souuent sa barbe , qui est cause qu'elle n'est pas du tout si pauueuse , il est estroit de ceinture, haut d'espaules , il a de belles oreilles, & ressemblans (sauf vostre respect) du iour à celles d'vn Asne , sa bouche se

se peut cōparer à vn four , encor' qu'elle ne soit pas du tout si grande, son nez à vne trompette , il regarde tousiours de vers les nuës , augure certain qu'il fera quelque iour vne cabriolle entre deux airs, ie ne vous sçaurois bien descrire ses yeux , car l'vn est borgne , & l'autre n'est pas à luy , ses dents sont sēblables à celles d'vn Courtaut d'Allemagne. Je vous pourrois bien ramener icy vne illiade de ses gallanteries, comme il a esté plusieurs fois vané, receu de bons horions de pots à pisser sur sa teste , & de pilules en forme de confitures, mais ce ne sont que traiçts de soupplasse , pour exercer sa patience. Au reste, il auoit tant de soing de ma santé, qu'il m'empeschoit le plus souuent de dormir en plein iour , & avec ie ne sçay quelle fantastique musique, corroboroit ma ceruelle inquiētée & trauaillée. Bref, ses excellentes vertus sont en vn si grand nombre, que les mouches en Automne , les saucisses à Paris , & quoy que l'on en puisse dire, il sera tousiours, pour ne flatter, *tanquam equus & mulus, in quibus non est intellectus.*

il a toujours tenu pour maxime , que l'homme bien aduisé se deuoit donner de garde de l'enuie des Courtisans , de la rapine des Soldats , de la plume des Notaires , des subtiles pratique des Procureurs , du Prelat qui ne banquette, & des Marchands qui ne repettent. Dauantage , qu'il ne falloit iamaïs refuser à dîner avec les Abbez, soupper avec les Aduocats , gouter avec les Commissaires , faire collation avec les Seigneurs , Pasques en son logis , & Carefme-prenant en tout lieu. Voila le venerable Prosoppopee de ce gallant homme , ie vous pourrois dire plusieurs autres choses de sa vie , mais cela seroit superflu. C'est pourquoy, ie me recommande à tour de bras , en attendant mieux.



LES

IMAGINATIONS DE BRUSCAMBILLE.

EN SUITE DE SES
Fantaisies.



'On dit que la statuë de Memnom insensible & sans ame, s'animoit aux rayons du Soleil, & que touchée de quelque di-

uin Apollon où d'un Terpandre, elle attiroit les passans sous l'accorte mignardise des fredons entre-coupez, par les Serennes qui y estoient enclosés, la charmante voix desquelles pipoit & rauissoit les esprits des plus cauteleux vlisses qui tant soit peu prestoient l'oreille aux doux accents de leurs voix. La comparaizon de ceste bronze, Mes-

fieurs , ne se raporte point mal à nostre sens , laquelle esclaire de tant de beaux esprits , semble aujourd'huy s'animer aux doux rayons de leur bien-veillance. C'est de sa splendeur qu'elle doit tirer son lustre , & que guidez sur les aïles de vos vertus elle emportera la palme ordonnée à ses labeurs , l'affection particuliere dont vous l'auez tousiours honorée , luy inspire l'ame & le mouuement , & semble desia luy tirer l'oreille pour l'esueiller du somme l'etargique où elle estoit plongée. Ceste mesme bien-veillance nous donnera, des-ja, autant de langues pour exprimer l'humble description de nos vœux, qu'Argus auoit de sentinelles : Mais quoy , l'excessiue ardeur de tant de Soleils qui brillent parmy ceste honorable assemblée : la splendeur & modeste grauité de tant de Demosthenes & de Cicerons qui esclattent de toutes parts, la presence de tant de Cattons qui semblent des-ja aiguïser leurs langues , me retiennent Pantois : & par maniere de dire , me contraignent à faire vn pas d'escreuisse, me recognoissant trop foible

ble de reins pour embrasser vne si forte luitte que celle qui se presente. Il faudroit pour crayonner au vif vn dessein de telle importance, vne main industrieusement subtile, & vne cervelle quintessenciue de plus grand relief.

Quoy donc s'arrester au milieu de la course & mettre le bras de mon deuoir en escharpe, non, ce seroit au besoin manquer de courage, & comme l'on dict, ietter la teste apres le bonnet. L'entreray donc paillarde auette dans l'aymay parterre de vostre merite, & d'une poncette animée, ie vous en figureray vn petit tableau parlant, crayonnant aussi par mesme moyens quelques traicts en faueur de ceste florissante ville, qui se peut dire avec vn bon droict l'œil du monde: Bien qu'à la verité ce soit vne entreprise sans limite & sans fonds, & capable non seulement d'une Illiade nouvelle, mais où les Thuycidides, Salustes, Plutarques, & autres historiens perdroient leurs escrimes. Aussi mon dessein n'est-il pas d'abandonner le port de ses per-

fections , ny de voguer trop auant en la mer de vos loüanges , de peur de m'exposer aux rudes secousses d'une tourmente.

Il me suffit donc de dire que vostre fauorable accueil , courtoisie & humaine douceur , renouvellee ce iourd'huy en l'honneur de vostre assistance , nous sommant à cesté premiere course , de ioindre tous les efforts de nostre puissance , pour vous tesmoigner le desir que nous auons de contenter vostre vertueuse curiosité , laquelle receura s'il luy plaist de bonne part , les premices de nos labeurs à ceste nouvelle ouuerture de Theatre, avec l'offre d'une honneste recreation, d'un modeste passe-temps pour tromper l'oisiueté d'un exercice delectable qui inuite les plus rustiques ames à cherir & caresser la vertu , & que les plus seueres & fascheux seront contraincts de gratifier & approuuer d'un commun consentement.

A qui, ie vous prie, pourrions-nous plus meritoirement dedier & rendre cest office , qu'à la generosité de tant de
beaux

beaux esprits, qui par l'excellence de leurs merites, rendent ceste illustre ville capable d'estre appellée meré des exercices de la vertu, siege des graces & de l'honneur, Paris, dis-je, perle de l'Vniuers, Princesse de l'Europe, port de franchise, domicile d'honesteté, Parnasse & refuge des Muses, & par consequent de ceux qui les cherissent, où se peut dire à bon droict le vray cique des sciences, le Theatre de l'Academie des langues.

Toutes ces belles parties ioinctes aux vostres, ont inuité les enfans de Minerue à vous venir rendre l'hommage deub à vos vertus, & offrir à vos courtoisies le plus pur de leur intention, qui bien que limitée en effect, & terminée en puissance, est toutes-fois infinie en volonté: Esperant que vostre magnanimité associée d'une fauorable douceur, receura les fructs de leur Parnasse, non comme ceux des Hesperides, d'Amathonte, de Cypre & de Babillon: mais comme produits du jardin d'une saine affection, qui ne respire, vous souhaitte ou desire autre chose, que d'un accroissement

perpetuel de prosperité de biens & d'honneurs.

Mais où m'emporte mon affection, en vn dedale de loüanges, de vœux, & de complimens, où i'aurois plus de besoin de la langue de Mercure, que du fillet d'Ariadne pour en trouuer l'issüe. Pardonnez si la verité à extorqué quelques vnes de vos loüanges d'une bouche indigne, ie confesse ingenuement qu'un tel dessein appartenoit à la mesme eloquence. Mais en cela i'ay à me plaindre, ou de la sterilité naturelle de nostre langue, ou la feneantise de nos deuanciers qui l'ont si mal cultiuée: Ou bien ie dois dire apres vn docte moderne, que les Estats, & Empires ayans leurs grandeurs terminees à certaines bornes & limites qui ne leur permettent pas d'exceller en toutes choses. Ce Royaume ayant eu en partage l'honneur des armes, n'a peu qu'ad- & quand s'acquerir avec perfection ce- luy des lettres, vrayes nourrices d'elo- quence, si ie n'ay donc peu satisfaire amplement à mon deuoir, vous accuse- rez, s'il vous plaist, le nombre infiny de
vos

vos perfections, qui surpasse le pouuoir de tous arts.

Ces raisons plaines d'escuses s'adressent à vous, Illustres protecteurs boucliers & fauoris des Muses, à vous, dis-je, fauorables Arions que les dauphins du firmament portent au trauers de la mer de ce monde, pour meriter vn hommage du Ciel & de la terre, Nestors jadis tant desirez par Agamemnon, voyez si elles sont de poids & dignes d'estre abisnez. Donnez nous vn œillade gracieuse pour nous en asseurer. Animez nous de vostre iournelle assistance, & ie souhaiteray en recompence que vos vertus soient semblables à des vignes qui rapportoient deux fois l'an, à la roseraye du Roy de Phrygie, qui estoit en perpetuelle fleur, & à la Pommeraye du Roy Alcinoüs, qui jadis abondoit de fruiçts en toute saison, outre le seruice que ie vous vouë dès à present, au nom de toute nostre Academie, laquelle se promet de meriter avec le tēps, l'entiere faueur de vostre bien-veillance.

Des Pitagoriens.

LEs Pitagoriens & ceux qui ont admis la transmigration des ames, ont estimé que comme en ce monde; l'un change son cheual contre vn asne sa mulle contre vn veau, sa selle pour vn bast: que l'autre vend son bois en Hyuer pour auoir du charbon en Esté: que l'un perd aux Dames, ce que l'autre à gagné aux eschecs. Bref, que comme toutes choses sont vn flux & reflux, change commerce & mutation perpetuelle: ainsi ces bonnes gens estimoient que les ames changeoient de corps, & que tel d'Empereur estoit faict belistre, que l'ame d'un chat passoit au corps d'un subtil chicaneur ou praticien, celle d'un Singe ou d'un renard au corps d'une Femme, & que tel estoit Docteur, qui par apres se contentoit de la peau d'un asne. Que les Philosophes estoient sots en leurs temps, & les prodigues, vsuriers, & qu'ainsi les autres ames par succession, estoient rele-

releguées en quelques corps qui auoiēt moins d'antipathie aux vices & aux vertus de la forme changée.

Ceux ont moins menty qui ont asseuré que ce monde estoit vn theatre, & les hommes par consequent les acteurs. Que l'un representoit le personnage d'un Prince, d'un Roy, Empereur, l'autre d'un President, d'un Conseiller, d'un Aduocat, d'un Marchand: Cestuy-cy d'un laboureur d'un forcier & d'un maquereau: c'est autre d'un cuisinier & d'un marmiton, & qu'en fin de jeux ils se trouuoient tous esgaux. Democrite n'estoit point sot de se rire de tant de folies, & se mocquer de la condition des hommes, lors qu'il voyoit les vns planter des choux sur le sable, les autres conter les estoilles, les autres vouloir espuiser la Mer, les autres disputer si le Ciel venoit à tomber, combien il faudroit des pieds de mouches pour asseurer la terre, se moquant de telles autres inuentions de ceux qui ont le cerueau faict en giroüette.

C'est vn grand contentement de voir

voir vne infinité de personnes qui pensent estre arriuez au de là de la sagesse, & qui neantmoins en sont esloignez de plus de dixhuiet mille postes. Celuy cy pense que tout soit compris dans la cage de son cerueau, l'autre pense que ses actions soient hors d'escalade, condamne toutes choses indifferemment, & tous ensemble ne peuuent empescher que leur censurie, seruent de jouet aux petits enfans : Tel donc s'estime sage qui doit vn tribut à la Lune. Combien se trouue-il d'hommes aujourd'huy qui estiment la condition des autres mal-heureuses, & combien y en a-t'il qui pensant estre naiz le sceptre en la main & l'espee au costé, meurent l'ordre au col : Tel pense auoir de bons parens qui seroit bien empesché d'en faire preuue. Que seroit-ce, si tous les Asnes portoient grandes oreilles, tous les fous ne courent pas les ruës, si tous les niais chassoient aux mouches, elles ne tourmenteroient pas tant l'Esté. Tous Maquereaux ne se peschent en la Mer, ie sçay qu'il y en a beaucoup qui sont fils de bonne mere, car toute fem-

me

me ne se chauffe pas à mesme point. Quelle confusion si tout cadran s'accommodoit à toute esguille, l'Orient & l'Occident s'assembleroient si souuent que plusieurs en auroient mal à la teste.

Laiſſons ce poisson, & parlons de la faulſe, seront tousiours au monde tels galans, qui combien qu'ils ayent la berlüë en leurs affaires, voudroient voir clair en celles des autres, qu'elles viandes leurs sont propres. La femme de nostre voisin preste son Mardy gras le lendemain des cendres, vn tel preste cent pour cent. Cestuy-cy prend son vin de coucher dès le matin: vne telle Damoiselle à perdu son pucelage au triſtrat: vn tel à la barbe faiſte en queue de pourceau tondu. Cestui-cy ſçait ioüer des goblets & de la harpe, cest autre est bon chicaneur, grand alchimiste, & chaque doigt porte vne montagne d'aymant pour tirer le fer d'autrui: ce sont les discours ordinaires de tels reformateurs de Magnificats.

Mais les Comediens qu'en diront-

ils

ha, ha, ie sçauois bien qu'on leur donneroit vn coup de gaule par dessus la porte, garde la veüe, les ruades des mulets sont dangereuses. Mais à propos, quelles gens sont-cé, des libertins, hé quelle liberté d'estre en vne seruitude perpetuelle, pour practiquer ceste partie de Rethorique, sçauoir, l'action tant vantée des Grecs & des Latins, pour laquelle Ciceron à tant pené, & Demosthene tant sué. Ce sont donc bouffons, ha ceste emplastre conuient mieux au mal de ceux qui l'ordonnent, qu'à celui de ceux à qui il est ordonné, si cela estoit il faudroit condamner des Grecs, Euripide, Sophocle & Aristophane : des Latins, Plaute, Seneque, Terence: des François, Ronsard, du Bellay, Baleau, Garnier, Auray, & toute la troupe des Modernes qui n'ont pas voulu que l'actiõ soit perie. Quoy? appellerons-nous bouffons ceux qui representent au naturel tât de beaux enseignemés, de vertueux exéples qui ne nous ont esté laissez qu'en peinture, & qui ne profitent qu'à mesure qu'ils sont representez & mis au iour.

On

On dira encor qu'ils sont passagers & bien cette vie est elle autre qu'un perpetuel pelerinage où l'on ne doit trop s'arrester ? Le mouvement des Cieux & la mort mesme nous enseigne, que nous ne sommes autres que passagers, le pire de tous est l'infamie: mais l'infamie prend son fondement de la vie desreiglée, des actions corrompues, ou directement opposees aux loix & à la nature. A quoy ie vous prie, repugnent nos actions, ny à la nature ny aux loix: les loix ont distingué deux sortes de spectacles, les vns sanglans, les autres non: les premiers sont abrogez avec raison legitime, les autres sont en partie approuvez, & en partie reprouvez. Ceux sont approuvez, ausquels on n'exige rien du peuple. Deux sont reprouvez qui requierent quelque salaire des spectateurs; voyons maintenant la cause de l'infamie, c'est la deffence de recueillir le fruiet de ces espines.

Qui seront ceux qui pour donner du contentement à vne Republique, voudront exposer leurs biens, leurs

per

personnes & leur trauail ? Que s'ils ont la volonté de le faire , & qu'ils soient despourueus de moyens, il faudra accuser la nature , qu'elle les ayt si estroitement barriquez, qu'ils ne puissent faire paroistre leur affection au peuple , & d'autre part accuser la loy qu'elle ayt tellement bridé le peuple, qu'il ne puisse disposer d'une estincelle de ses moyens, en une recreation si honnestes , & luy soit permis d'en abuser en une infinité d'autres choses moins licites & honnestes. Ces discours sont les principaux promenoirs de ces Asnes desbastez : mais pour le salaire , j'espere qu'en la grande catastrophe du monde , nous les verrons reputer des personnages de badins , de guenons , de finges , de bouffons , pour apprestes amplement à rire à ceux qu'ils ont estimé estre nez en exercice de semblables actions , chacun son tour c'est le jeu du monde.

De l'Yrongnerie.

CE Misanthrope Thimon, au lieu de donner quelque consolation aux affligez, pour les mettre du tout au desespoir, les inuitoit à se pendre, pour gagner leur procez, comme si c'estoit quelque grande charité ou courtoisie, de dresser l'eschelle à vn desesperé, ou prester vn cordeau à quelque mesquin vsurier, estimant que telles gens n'auoyent assez de vertu & d'inuention pour faire vn sault sous la corde, & prendre la poste en l'air, pour se defaire de leurs estats & moyens, au profit de quelque bon entonneur, qui ne s'estrangleroit à les faire passer par Angoulesme.

Je ne veux, suyuant le stile de cest ennemy du genre humain, ny comme les mauuais Medecins, precipiter le salut de ma partie, & luy donnant vne deffiance de sa cause, l'induire à prendre le reagal pour la rhubarbe, ou jeter la teste, comme l'on dit, apres le bonnet,

bonnet, vostre équitable iugement servira comme le fillet d'Ariadne , à conduire le droict de ma partie hors du labyrinthe de Cour & de procez , & espere que la pluspart du monde interviendra en la cause, comme y ayant vn notable interest. La reigle du droict fait pour nous, qui veut que les deffendeurs soient plus fauorables que ceux qui agissent.

C'est donc pour les biberons que ie plaide, gens de tout temps priuilegiez , & qui en plusieurs cas ont droit d'exemption , de tailles , subsides, imposts, pour estre francs comme maque-reaux (i'entens de ceux qui peuvent dire comme le sage Bias , nous portons tout avec nous.) Quelques beuveurs d'eau-fresche & froide , mines fondees sur le pied d'un ciron, ont pris occasion de troubler l'eau , & de mesler les cartes , voulant accuser telle sorte de personnes qui ayment à boire du bon & passer l'Esté au frais, disans qu'il y a de l'excez & de la prodigalité en leur vie. Mais si l'on considere que tels reformateurs de Gaudeamus, n'ont au-

tre

tre droit icy que la crainte qu'ils ont de demeurer la gorge ouuerte comme vn poisson sur le sable, ou qu'il n'y ayt assez de vin aux plus fertiles regions, ny d'eau en l'air, pour esteindre la soif de leur Hydropisie Tantalique: ils se trouueront dignes d'estre declarez non receuables en leurs pretentions, renuoyez aux Kalendes Grecques, condamnez à trois mois de Carefine, & l'amande arbitrairement, enuers qu'il appartiendra.

Or pour fondement & confirmation du bon droict de nos biberons, ils me font icy remonstrez qu'ils sont fondez non seulement sur l'antiquité, mais aussi sur la prescription immemoriable sur la coustume introduicte & interinee par l'expres ou tacite consentement des peuples, voire encor sur la possession, & quasienterie iouïssance de leur droit. Qu'ainsi soit, les anciens ont tant reueré le vin, & honoré ceux qui combattoient à l'enseigne du Goubelot, qu'ils ont proposé des Couronnes & Palmes à ceux qui remportoient le prix de de ce tournois. Pour la coustume de

de boire, & l'usage du vin, personne ne doute que les plus celebres & releuees nations n'en ayent esté en possession, voire avec telle religion & reuerence, qu'ils ont mis son autheur au nombre des Dieux.

Quant à la bonté, effect, & operation d'iceluy, les Grecs ont affermé que la verité logeoit en quartier avec luy, & à ceste occasion on peint Bacchus nud & ieune, comme tousiours prest de decouvrir la verité des choses, sans malice & tromperie. Platon assure que le vin est seur & ferme fondement de l'esprit humain, & que les Muses, estant aymé d'icelles, on a logé Bacchus vis à vis d'elles, sur l'un des coupeaux de Parnasse.

L'antiquité s'est tousiours seruie du vin aux sacrifices, qui, comme chose diuine, pouuoit appaiser les Dieux, & les rendre doux & placables.

Que si l'on s'en seruoit anciennement à nettoyer & purifier les corps morts, combien à plus forte raison nous en seruirons nous maintenant à lauer & nettoyer ceux des viuans? A

cette

cette occasiõ, ie puis dire vie de l'homme estre la lampe, mais le vin estre aussi l'huyle qui entretient la lumiere. Hypocrate & Galien le tiennent comme vn medicament souuerain, pour reschauffer & fortifier les nerfs fousez & refroidis, recreer les yeux lassez & trauaillez, purger la meiancholie, réchauffer l'estomach, prouquer l'vrine, estreindre le vomissement, déchasser les ennuis, & faite esmouuoir les hommes à entreprises hautes & genereuses. C'est vn Antidote contre le poison & maladies, & pour cét effect Hesiodé ordonnoit que vingt iours auant la Canicule, & vingt iours apres, on beust du vin pur. Et Celse Medecin pour le regne de la santé, asseuroit qu'il estoit besoin de boire quelques fois outre mesure, contre l'opinion de Calihene, qui refusa de boire à la santé. d'Alexandre, de peur, disoit-il, d'auoir besoin d'vn Esculape.

Ie sçay que partie aduerse voudra icy ietter de la pould e' aux yeux des Iuges, afin d'obscurcir le droict de nos Biberons, par quelques inconueniens

que l'on attribué au vin. Il dira peut-estre que le Ciclope estant yure, fut esborgné par Vlysse, que Troyes fut prise pendant que les Citoyens ron-
floient enseuelis de sommeil & de vin:
Qu'Atree en vn banquet fit manger à son frere Thieste ses propres enfans:
Qu'Alexandre plein de vin tua ses amis:
Que d'un banquet sourtirent les querelles & inimitiez irréconciliables des Lapithes, & des Centaures: Que ce fut en vn banquet que le ravissemēt d'Helene fut conclud & proietté, & pour ce regard, la preuoyance des Legislateurs deffendoit fort l'usage du vin aux femmes, comme estant le premier degré ou eschelon pour monter à la bresche de leur honneur. Que Romule condamnoit à mort celle qui auoit beu du vin, comme ià conuaincuë & atteinte d'adultere.

Mais pour respondre à telles objections, disons que ces effects ne se doiuent point attribuer au vin, ains au mauuais naturel de ceux qui en abusent: Car toutes choses, pour bonnes & salutaires qu'elles soyent, sont conuerties

uerties en venin, n'estans deuëment appliquées à la vertu passible, selon le naturel de l'argent.

D'où vient que nous voyõs des corps qui pour leur mauuaise disposition couuertissent les aliments non en bonne substâce, ains en corruptiõ & humeurs peccantes : De sorte que si pour tels & semblables accidens, il falloit condamner l'vsage du vin, il faudroit par consequent dire, que le feu pour auoir embrazé quelque ville, & l'eau pour auoir fait quelque rauage, sont deux elemens pernicioeux & contraires, & ainsi des autres ; Car le sage se seruira d'vne espee à son costé, pour la deffence de sa persõne, ou le fol en fera quelque meurtre, ou s'en égorgera soy-mesme. Pour les Loix anciennes allegues, elles ont esté meritoirement abrogees, comme donnant plus d'occasion d'abus, que de reformation, ou pource que les Anciens vsoyent d'vne trop grande cruauté enuers leurs femmes, les empeschans de participer à leurs delices ordinaires, ou du moins auoyent fait telles loix, crainte que le

vin leur faillist ou encherist, (auidité certes intollerable) ou que leurs femmes ayans l'vsage ordinaire du vin, ne descouriroit le pot aux roses, & donnassent communication de leurs pieces pendant qu'elles seroyent empeschées à iouër au reuersis & au flux viral, & leurs mignons au trou Madame: mais leur seuere ialousie n'a empesché que dès ce temps là ne se soyent faits autant d'accords par nature, qu'il s'en faict maintenant par beccarre.

Mais pour passer outre, c'est chose indubitable que les plus fameux & illustres personnages, voire mesmes les Prouinces & Regions ont cultiué la vigne lors qu'il estoit question de faire quelque coup de partie. Bacchus pere, & protecteur des biberons, conquesta les Indes, & fit de merueilleux effects apres vin boire.

Alexandre son successeur, apres auoir nagé en la mer rouge, s'en estre donné par les yeux, iusques à se faire emporter de la table au lict, & y auoir passé les iours & les nuicts routes entieres, ne laissa pourtant de faire de mesmes
con

conquestes, & se rendre souuerain d'un Empire: Noé, Agamemnon Marc-Anthoine, Tibere, Alcibiades, Mithridates, Homere, Heraclite, Anacreon, Horace, & plusieurs autres de la famille de Mars & des Muses, ont fait de beaux exploits, tant aux armes qu'aux sciences, apres auoir dormy à l'ombre de la treille. La Grece sur toutes autres, s'est renduë illustre aux armes & doctrine, par le moyen du vin qui y estoit tellement en pratique, que l'on cōtraignoit ceux à boire, ou s'en aller. Les Allemãs, Bohemiës, Polônois, Flamans, Picards, & Bretons, n'ont esté ignorans en cét exercice de beuuerie. Les Italiës (comme tesmoigne Pline) de son temps, ils contraignoient les ieunes hommes à boire outre mesure. Cyrus le ieune fut declaré digne du Sceptre, pour boire beaucoup, sans perturbation d'esprit. Denys le Tyran pardonna à vn qui apres vin boire, auoit mesdiët de luy, & fit mourir celuy qui estoit tombé en semblable faute, le recognoissant boire sobrement. Pisistrate aussi Tyran, remit l'iniure faicte à sa femme par certains

qui auoient fourré leur chaperon du meilleur, considerant l'un & l'autre, que ce qui procede du vin est ioyeuseté & gaillardise, sans malice & tromperie.

Pour ces considerations & plusieurs autres à suppleer de vostre office, ie conclus pour nos Biberons, à ce qu'ils soyent maintenus en la possession, & au droict de boire du meilleur, & d'autant, & ce faisant mis hors de Cour & de procez, avec despens, & outre, Que desffenses & inhibitions expressees soyēt faites à parties aduerses, de ne les inquieter, troubler, ou molester en la iouissance de leurs priuileges, à telle peine qu'il vous plaira arbitrer.

De la creation des Femmes.

O La plaisante rencontre d'un pigmée qui portoit sur ses espaules le Geant Briarée dans la Coquille d'un Limaçon: & du Seigneur Panthaleon dict Besongnosi, habillé de rouge comme

me les poux de luilliers la Brayette duquel estoit si exorbitamment grande, qu'il portoit dans icelle vn Philosophe de la deuxiesme pepiniere nômé Pierre du Puy, armé de pied en cap à la guesayque, lequel Pierre dn Puy (parlant par reuerence) apres auoir mis pied à terre, & fait deux caprioles, tant pour môstrer la disposition de ses pieds tortus, que pour saluër la compagnie, c'est adressé à Pigmée, & luy à demâdé quel il estoit: quoy ce personnage à petit volume, à fait responce (en se haussant sur les ergots) qu'il estoit fils de son pere, frere de sa sœur & neveu de son oncle, & d'auantage, *Doctor omnium* en ce qui touchoit, de *natura*.

Nostre Philosophe de la derniere fournee s'est trouué de ceste responce, aussi estonné qu'vn escolier à qui la faim rongeoit les entrailles, & qui venant pour disner & remuer les mandibules à scolastique, ne trouueroit rien que la carcasse d'vn *nihil* entre deux plats, avec les intestins d'vn caillou fry. Toutesfois pour les sonder & foüiller plus auant dans le corbeillon de sa

science. Il luy a demandé s'il sçauoit bien commét la premiere femme auoit esté cree: Monsieur le Pigmee aussi subtil en ses responcez que le Philosophe Pierre du Puy importun en ses demandes, au rapport mesmes de ceux qui le cognoissent, respondit plus gros qu'il n'estoit grand, qu'il les sçauoit dix ans auparauant que son pere eust couché avec sa mere.

Et d'auantage que *Secundùm Aristotem libro primo de habitu hominum.*

Il tenoit pour certain que la premiere femme auoit prins son estre d'une charette, alleguant pour preuue, que comme le premier homme se faisoit traifner sur icelle en vn chemin, pour le moins aussi vny que les montagnes d'Auuergne, & se voyant porté aussi rudement que durement: Il supplia les Dieux de metamorphoser ceste charette en vne chose plus douce, de sorte qu'au mesme instant la charette se dressa toute droite, & chose mirande, premierement: les roües se metamorphoferent en bras, le haut en teste, le milieu & l'essieu en ventre, les petits bastons

stons en costes, & les limons en cuisses & iambes, voila la raison pourquoy les femmes ouurent aujourd'huy si librement les iambes en forme de limons pour y receuoir le limonier de nature.

Le bon homme Pierre du Puy apres auoir secoüé quelques roupies qui luy pendoyent au bout du nez, & esluÿé sa barbe baueuse (sauf vostre grace) avec le derriere de sa chemise, ouurit la gueulle aussi grande qu'un four banal, pour refuter l'opinion de Pigmee: Et de fait, se seruât de l'autorité de Martin l'enrouillé, *Doctor in vtroque*, aua leur d'enclumes, fourbisseur de verres, & rotisseur de poignards à coquille, avec lequel le ieune homme Gargantua s'ebastoist le plus souuent à iouer de l'espadon & du baston à deux bouts dans la pochette du vertugadin de sa grande mere, soustenoit fort & ferme que telle solution estoit erronée. Et qu'au contraire, la plus commune opinion des Poëtes, tenoit que la femme auoit esté fabriquée d'argille par Promethee, lequel Promethee, ayant par le moyë du feu qu'il auoit dérobé au ciel,

composé vn certain flambeau, s'aduifa pour rendre sa femme d'Argille plus parfaicte & accomplie, de luy en percer le bas du ventre, ce qui fut à peine executé, quelle receut vie & mouuement.

Et c'est la raison pourquoy les femmes se trouuans debilitées, sont si curieuses de rechercher ce flambeau entre les iambes des hommes, où il a esté mis & colloqué, tant pour suppleer à la debilité de leur naturel, que pour les rendre plus souples & allegres des parties de derriere. Et de fait aussi tost quelles ont pratiqué la recepte, elles commencent à remuer, trepigner, aller à bonds & à courbettes, & bricoller, tant du cul, que de la teste, si bien qu'en vn moment elles se recollorent, & reprennent leur premiere force & vigueur.

Le valler de chambre de Pierre du Puy y voulut mettre son nez, disant que la premiere fême auoit esté créée de la coste de l'homme, & que c'estoit le subiect pourquoy elle auoit la teste plus dure que tous les mille Diabes.

Mais

Mais la raison du Philosophe Pierre fut iugée la plus forte par le Seigneur Pantalon : de sorte que le pauvre Pigmee se voyant vaincu, tant par mer, que par terre , de despit chargea ses iambes sur ses espaules, & s'en alla tout de vollee sur la butte de Mont-Martre où il est ordinairement employé à pescher des estrons au clair de la Lune pour le Seigneur Pantalon dict Besongnosi, apres avoir reintegré le Philosophe Pierre du Puy , dans l'un des replis de sa braguette, il à pris la poste sur un rosignol d'Arcadie , pour en aller conter les nouvelles à la confrairie des grandes oreilles, laissant la compagnie aussi estonnée qu'un homme qui auroit perdu l'une de ses bottes en courant poste.

En faueur des Dames.

C'Est le propre des Serpens de convertir toutes choses en venin , & le naturel des Corbeaux de respirer l'air infect & s'attacher au charognes.

C'est encores le propre des Cantarides de fleurir le vermeil de la Rose & le transformer en poison. On dit que l'avaricieux tient du pourceau, qui n'apporte profit qu'après que le cousteau de la mort luy a passé sur la gorge. Mais l'euieux n'apporte aucun fruit, ny après sa mort, ny beaucoup moins deuant sa vie. C'est ce Serpent, ceste Vipere qui change en Aconit ce qui est bon de sa nature; c'est encor ceste Cantaride, qui flectrit les roses & les lys de l'honneur, & succe la beauté de ses fleurs: c'est, dis-ie ce Corbeau qui suit les mauuaises odeurs, & se delecte en la charongne des vices.

Mais si nous considerons que les Jardiniers plantent des aulx, oignons, & autres semences de fascheuse odeur auprès des Roziers, afin de rédre le musc de la rose plus odorant & agreable. Tout ainsi dirons-nous qu'il est expedient, voire necessaire, que cette peste se retienne parmy le monde, afin que la vie, la grace, & les vertus des viuans paroissent avec plus de splendeur & maisté, selõ l'axiome des Philosophes, qui

qui disent qu'un contraire opposé à son contraire, paroist avec autant de lustre, que l'autre a de difformité.

Les partisans de l'enuie se sont forcez avec leur noir, & de fumee tiree du fourneau de l'enfer, & par leurs propos picquans & iniurieux, de noircir prophaner & fletir la Candeur, excellence, & reputation du sexe feminin, secóde piece & ioyaux neccessaire à l'é-tretien & conseruation de la famille humaine. Et combien que leur droit ayt esté cy deuant suffisamment debatu par vne infinité de braues champions, tant aux armes qu'en l'eloquence, toutes-fois pour satisfaire au de-voir auquel la nature oblige ceux de nostre sexe. Je ne laisseray d'estendre mon discours sur quelques vnes de leurs loüanges, afin de fermer la bouche à ces hermafrodites & serpentaux de l'enuie Mais auparauât ie seray contraint de rapporter par le menu leurs propos iniurieux desgorgez contre les femmes, afin de les refuter par le moyen des vertus qui seront produites de leur part.

Ils diront donc en premier lieu que la femme a esté la porte par laquelle sont entrez tous les mal heurs au monde:& que Pandore apporta la boüete à Epimethée, en laquelle estoient encloses toutes sortes de maladie. Quand à la femme par sa lubricité fut le flambeau qui embraza ceste grande Monarchie Troyenne. Que Salle trahit son pere , que Clytemnestre esgorgea son mary , que Phedre attenta sur la vie & pudicité d'Hypolite, qu'Ariadne abandonnant ses parens , fit banque-route quant & quant à sa virginité, que Progne fit manger ses enfans à son mary Theree , que la femme de Tarquin fit passer son Carosse sur le corps de son pere, qu'une femme trahit Sampson, que Hercule perdit sa reputation entre les femmes , & qu'une infinité d'autres, tant du siecle present, que des precedans , ont comme vne Iliade d'actes meschans, horribles & detestables, fait de parricide, de meurtre, d'adultere & que partant ce sexe est pernicieux & dommageable , voire perturbateur du repos public.

Mais

Mais pour premiere responce à ces obiections , il faut nier la conclusion pour n'estre en forme probante : d'ailleurs si nous venons à examiner les choses de plus pres, nous en trouuerons vne partie des susnommees , auoir eu iuste occasion de vengeance , pour auoir esté prouoquees par le moyen des excez commis en leurs personnes , ou en celles des leurs : les autres induictes de persuasions , & seduities par les apasts , piperies, tromperies, & allechemens de ceux qui les ont poussees à telles entreprises , l'ignominie desquelles retombe plustost sur l'autheur, que sur l'executeur d'icelles.

I'obmets icy ce qu'un Grec en a dit, que le feu, l'eau, & la femme, sont trois grands maux , & que suyuant ce proverbe , il est difficile de trouuer vne bonne femme. Philemon assure qu'une bonne cheure , vne bonne mulle, & vne bonne femme , sont trois mauuaises bestes. Simonides luy fait prendre sa naissance, tantost d'une belette, tantost d'un Singe , ou d'un Renard: vn autre assure que sa beauté est vne
rose

rose enuironnee d'espines , ses paroles vn pipeau , ses ornemens la queue d'un Pan , son amour vn Serpent , qui estrangle son masse en ses embrassemens , & que la femme en tout , & partout, ressemble à ce coffre qui fut trouué au temple d'Apolon, lequel à son ouuerture, pour estre remply d'un air pestilentieux, infecta plusieurs Prouinces.

Mais si nous considerons qu'une partie de ces iniures a esté dite en ieu, l'autre par animosité & calomnie : Il faudra par consequent , inferer que telles iniures ne peuuent rien faire au prejudice de l'excellence & reputation du sexe feminin, outre que le nombre des vertueuses excède de beaucoup celles qui se seroyent oubliees & fouruoyees du sentier de la vertu.

Opposons la vertu aux vices , quelle plus grande pudicité que celle de Lucrece , qui ne voulut suruiure apres la perte de son honneur ? de la femme de Regule , qui tua celuy qui auoit voulu attenter sur elle ? de Iulie, fille de Cesar, qui voyant la robe de son mary Pompee ensanglantee, mourut de tristesse.

stesse? de Porcie femme de Brute, qui aualla des charbons ardans, ayant entendu la mort de son espoux? Quelle plus grande pieté que celle de ces deux filles, d'ôt l'vne allaitta son pere, l'autre sa mere, condamnez à mourir de faim en prison? Les Anglois, comme rapporte Tacite, estimoient tellement les femmes, qu'ils ne faisoient point de difficulté d'aller en bataille rangee sous leur conduite. Les Allemans ysoient de leur conseil, estimant qu'il y eust quelque meslange & participation de Diuinité en elles. Les femmes mesmes Argiennes repousserent Cleomenes qui pensoit surprendre leur Cité.

Les Belliqueuses Amazones ont produit vne infinité d'actes merueilleux de leur valeur. Les François ont esté reestablis en leur liberté, par le moyen d'vne Pucelle: les Sabines appointerent les querelles irreconciliables d'entre leurs parens, & leurs maris tous prests à s'entr'esgorger.

Et pour ce regard, Plutarque rapporte en la vie de Romule, que plusieurs priuileges leur furent concedez:

En

Entr'autres, l'on leur cede roit le deuant, lors qu'on les rencontreroit par le chemin, que l'on ne se despoüilleroit à nud deuant elles, qu'elles porteroient leurs robes bordees de pourpre, comme participantes au Consulat & à la Royauté, qu'elle ne seroient appellees par deuant Iuges Criminels, que leurs enfans porteroient au col vne certaine bague appelée Bulle. Je ne veux d'auantage entrer en la mer de leurs louanges, de peur que le temps, la parole, & la voix ne me deffailent plustost que le subiet, seulement ie diray que la fême ayant esté donnée pour compagnie à l'homme, par ce grand Architecte de nature: Il faut croire qu'il l'a voulu doüer de toutes sortes de perfections, n'estant à presumer qu'il eut voulu surcharger l'homme son mignõ, d'vne roüe, ou d'vn fardeau inutile & fascheux, attendu mesmes que ses oeures sont en tout & par tout parfaites & admirables.

Il faut donc conclure par necessité que la femme est vn animal participant de la raison & diuinité, doux, amiable,
secoü

secourable, traictable, & autant requis à l'entretien & conseruation de la famille humaine, que le Soleil mesme, puis que sans l'vn & sans l'autre, les effets de la puissance generatiue cesseroient par consequent, que l'homme priué de son Androgine ou moitié, ne seroit qu'vn demy corps, sans soulas & contentement: & sans la cause efficiente de la conseruation de nostre espeece, le monde demeureroit desnüé de ses plus belles parties, sçauoir de l'homme & de la femme, qui sont la cause finale de la production d'icelles.

Des Chastrez.

C'Est vn maxime qui s'observe de pere en fils entre les Asnes de porter grandes oreilles.

Ceux qui ont feüilletté leurs coustumes, rapportent qu'il se trouue au Chapitre de leurs Menus plaisirs, en leurs Hieroglifiques, escrit de la propre main Asinique, du grand pere de celuy, de la
ma-

machoïere duquel Cain tua son frere Abel: vn certain article par lequel il est permis à la communauté des Asnes de s'entregratter l'vn l'autre, sans scandale, au retour du Printemps, en ceste premiere. C'est aussi l'ordinaire des gueux, de iouer au Roy despoüillé, & sous la faueur des rayōs de Mars, exercer leurs ongles à la chasse des mistodins, pour s'elgayer apres tout à loisir au ieu de la fossette, aux noyaux, vn dedans & deux dehors.

En cette agreable saison, le Pelerin commence à planter son bourdon, le Berger à iouer du flagecollet de nature, & de la cornemuse sourde à l'ombre du tertre moussu de la bergere.

Bref, en ce temps tout rit, tout dance, & ne respire que la conionction orbiculaire. Il n'y a par maniere de dire, trou qui ne desire sa cheuille, lardoire qui ne cherche son lardon, balet qui ne cherche vn manche, cousteau qui ne demande sa gaine, pistolet qui n'apette son fourreau, lanterne qui ne desire sa chandelle, & cul qui ne respire vn nez pour luy seruir de bouchon.

C'est

C'est vne diligence fort methodique de porter demie douzaine de verres de vin au pays bas, sans bouger de la table. C'est encor vne belle commodité aux aueugles ; de se pouuoir passer de lunettes.

Mais ie trouue que c'est vn grand creue cœur aux pauvres émasculés ou chastrez, il n'importe, de ne pouuoir en signe de resioüissance carillôner & sonner les cloches à l'entree de ce doux Printemps, & qui plus est, de ne pouuoir faire couler la nauette entre quatre fesses à l'astelier de nature, comme ceux à qui elle a donné deux records pour exploicter reellement & de fait, certes il faut aduoüer en se grattant l'oreille du costé de Septentrion, qu'on a traité ces pauvres gens avec beaucoup de rigueur & d'iniustice. Mais vous me pourrez dire, quel tort leur a t'on fait, de descharger leur escarcelle d'une monnoye qui n'estoit pas de mise? Commét, Monsieur, leur raur subtillement les principales pieces du sac, lors qu'ils estoyér, peut-estre, sur le point de produire ; & que leur procez estoit prest à
mer

mettre sur le bureau, estimez-vous cela peu de chose? N'est-ce pas d'un seul coup leur retrancher le plus grand plaisir qui se puisse gouter en ce monde?

Car quand on leur auroit donné cent ans, ou davantage, de delay pour recouurer leurs pieces, voire mesmes quand ces pauvres diables de Cliens les auroient remises dans le sac, elles ne seroyent plus admirables: grief certes capables de les faire desesperer. Encores si pour un temps ils les pouvoient tirer dehors, & apres les remettre, ce seroit à faire à une douzainé d'escus, pour graisser la main du Clerc, qui leur auroit fait cette courtoisie. Mais quoy, leur sac doit estre clos & scellé, que s'il appert qu'il y ayt eu ouuerture ou infraction, les bonnes gens sont renuoyez delà l'eau, & declarez non receuables, encor que leur production soit dextrement & finement recachetee, attendu que l'on tient pour maxime, que l'information ne doit iamaïs estre veüe que par le Iuge. Mais puis que nous sommes sur les Messieurs de *non sunt*, touchons en deux mots,

mots , en gardant toutes-fois le droit aux Dames.

Que direz-vous d'une certaine femme de Vaugirard, à laquelle on vouloit donner un personnage léger, seulement de deux grains ? Quel plaisir, disoit-elle, en tournant la gueulle en S. Ferme, aurois-je avec cela ? il n'en a non plus que sur la main, il fourgonnera assez il mettra le feu aux estouppes, l'esteigne qui pourra : le n'en veux point, & puis adioustoit la desgoustee : le suis de trop basse estofe, pour épouser un Capitaine Hongre. Telles femmes, disoit Margo l'esuëillée, en son liure de Basse dance, ne sçauent ce qui leur est propre, comment on se sert à plat couuert, & de quelle façon on se iouë de la seigneurie, sans enfler le balon. Combien y a-il qui se creueroiët de fromage-mol, s'ils n'auoyët peur que la presure ne leur caust vne enflure de vêtre ? C'est donc le plus seur de s'esgayer avec nos chappons, puis qu'ils ont l'outil propre à chatoüiller Nature, sans enfler le bas.

Et qui fortifie encor leur bon droit,

La

La glose, au second chapitre *De frigidis & maleficiatis*, Est d'aduis que le Mariage veut valider *cum eo qui-habet virgam erectam*, parce, qu'encor qu'il soit tout à fait desgarny de boules, si peut-il neantmoins iouër à la fofsette, & donner quelque refrigerere à la partie enflammee, contre l'opinion de ceux qui les appellent souuent Coigne festus.

C'est trop s'arrester sur vne matiere de legere taille, sans parler de boire. Ié suis d'aduis que Iean Farine vous apporte ses fesses, pour faire son premier pet à vostre santé, afin de rafraischir la moustache de vostre patience. Je le viens de laisser fort empesché apres vne farce au verius: Les ingrediens de laquelle promettent de purger les cerueaux les plus contristez de melancholie: Bref, tous les supposts de la faculté facerieuse, sembloient à qui mieux mieux, pour l'assaisonner delicieusement. Les vns espluchent les herbes au clair de la Lune, les autres allument le feu avec vn sceau d'eau fresche, les autres se seruent de

de leurs fesses pour le souffler , autres
essuyent la poëste avec le derriere de
leurs chemises, pour la fricasser, les au-
tres broient du cul certaines gringue-
naudes en forme de cloux de girofle.
Les raminagrobis de la bande, assis à
la monachalle, la barbe esparpillée, &
cordelans leurs moustaches à l'Espa-
gnolle , ordonnent ces fausses , & avec
certains mouuement, formez au moulé
de la grauité, contemplant au trauers
d'un papier percé , tous ces braues of-
ficiers retroussiez iusques au colide.
Les officiers de la seconde table font
rôler le larigot sans remuer les doigts,
les autres fredonnent du cul sur la
chaire percée. Ensomme, ie vous as-
sente de leur part qu'ils sont fort em-
pêchez à préparer cet aliment récrea-
tif. Contez donc toutes vos dents,
de peur qu'il ne vous en tombe quel-
qu'une à force de rire , & remuer les
mentibulles à vuide. Fermez la bou-
che , & ouurez les fesses , pour éviter
la cholique.

Prologue des Galeux.

Que demandez-vous, Messieurs ?
qui vous amaine icy ? Est-ce pour
quelque pet faict en public, au preju-
dice des Sentences interuenues sur ce
faict, en faueur des nez : ha, non, ie
voy bien que c'est, vous attendez que
quelque discours vous charoüille l'o-
reille : Et bien, l'on mettra au pied de
vostre requeste, Soit faict comme il est
requis ; Mais au préalable, ie veux
sommer le plus Galleux ou la plus Gal-
leuse de la compagnie de respondre à
vne petite questiõ freschement esmou-
luc. Parlez donc Galleux, où estes-vous ?
Quoy, personne ne respond : Est-il pos-
sible qu'il n'y ayt pas seulement vn ga-
leux en si bonne compagnie : Ha, i'en-
tens, ce me semble, vn disciple S. Main,
avec ses fesses chamatrées de galon,
enrichies de broderie naturelle, qui
rumine entre ses dents, à qui en veut
cestuy-cy : vrayement il est aisé à voir
qu'il

qu'il n'a gueres estudié en matiere de galle : Car s'il auoit mis le nez dans les priuileges de Messieurs les Galeux, il se gratteroit tant , qu'à la fin il seroit enroollé en leur Cathalogue comme moy.

Tu te trompes , mon amy , ie sçay qu'en vaut l'aune , & ne suis icy que pour embrasser le party de Messieurs les Galeux , contre vn ras de feneans, qui ne sçachans à quoy employer le temps , deuroyent s'amuser à former leurs actions sur le patron des Galeux, dont les mains ne sont iamais oysies, & lesquels en quelque part qu'ils aillent , ne laissent iamais leurs ongles à la maison.

Tirons à main droite, pour sortir de la fange , nous nous pourrions embourber. Il me souuient d'auoir autres fois ouy dire à ma grand mere , qu'elle auoit appris d'un racoustreur de bas d'estame , qui tient le bureau de ses guenilles au coing de la rue aux Ours, que le bas le plus cicatricé & rompu, n'estoit pas le meilleur. A vn Apoticaire , que le cul plus furieux n'estoit

pas le plus net. Et à vn Medecin, que le plus Galeux n'estoit pas le plus honneste : Mais ils ont tous menty l'un pour l'autre, & vn seul pour le tout, principalement pour ce qui concerne le galon : Car il est certain que les Galeux ont plusieurs beaux priuileges, que les autres n'ont pas.

Qu'ainsi ne soit, contemplez vne troupe de galeux (Messieurs) au Soleil & vne troupe de galeuses, mes Damoiselles, à l'ombre, vous verrez qu'encor qu'ils trauaillent tous à vn mesme mestier, ils auront neantmoins diuerses postures, l'un se grattant la paulme de la main, leuera les yeux au ciel, comme s'il vouloit remercier la planette qui l'a faict naistre Galeux. L'autre en se grattant la nucque du col, grincera les dents comme vn constipé sur la chaire percée, vn autre se grattant le jaret gauche, d'aïse, pensera faire seulement vn pet dans ses chausses, & y chiera tout à faict, drogue que les Apoticaires de nostre pays appellent *Diamerdis*, fort expérimentée pour le mal de nez.

Dauantage, qu'il y ayt cinquante personne en vn festin, & qu'entre ce nombre là il y ayt vn Galeux bien reconnu & approuué, & qu'il n'y ayt que deux verres sur vne table, il y en aura vn pour Monsieur le Galeux. Bref, son priuilege luy permet de boire seul, chier seul, manger seul, &c.

Vn autre exéple, supposez que vous soyiez arriuez dix de compagnie, en quelque Hostellerie, par la poste, ou par les cheuaux de relais, & qu'apres auoir galopé de trente-six dents à souper, vous postuliez pour le coucher, l'hostesse (si d'aventure c'est en quelque maison mal meublée) vous dira, Messieurs, vous estes dix, & ie n'ay que quatre liëts, il faudra, s'il vous plaist, que vous couchiez trois à trois, car Monsieur doit coucher seul, parlant du seigneur Galeas empesché à gratter ses fesses au coin de la cheminée, à la faueur d'un petit tison de feu. Alors quelque Fantassin de la compagnie prenant la parole entre bond & volée, pourra dire, pourquoy, Madame couchera-il seul? ie veux coucher.

avec luy , ou s'il ne le trouue bon qu'il aille coucher à l'escurie, il y a de la paille fresche ? Ah Monsieur , respondra l'hostesse , vous ne cognoissez-pas Monsieur , son priuilege porte en termes exprés qu'il doit coucher seul , car il a l'honneur d'estre plus galeux qu'un chien : & qu'ainsi ne soit , visitez luy les parties du derriere , vous trouuerez vne infinité de Carracteres Galatins imprimez sur le moule des fesses.

Alors tous ceux de la compagnie, les vns la main au bonnet de nuict, les autres au pot à pisser , ne manqueront point de dire d'une voix vnanime , avec plusieurs reuerences à hanche desnoüée : Ah ! Monsieur le Galeux, excusez, s'il vous plaist: ah ! Monsieur le Galeux , que ie vous embrasse, ah Monsieur le Galeux , que vous estes galant. C'est donc vous , Monsieur le Galeux , vrayement vous le deuiez dire plustost , on vous eust mis en vne petite estable à part. Quoy dauantage , on vous eust traicté comme vous meritez. Voylà vne partie des honneurs

neurs attribuez aux Galeux, les autres sont sans nombre.

Je me doute bien que quelqu'un de la compagnie, plus net qu'un ladre verd, se formalisera de ce que j'ay dict en faueur des Galeux, & que c'est à dire que ie suis de leur Confrairie, & bien, ie le veux, pour éviter à procez, mais c'est à condition que ces Zoyles achepteront chacun vne paire de lunettes de dixhuit deniers, pour me venir visiter les parties du derriere: A la charge aussi que pour leur salaire, ie leur donneray d'un vent qui ne sera pas de Bize: Resioüissez-vous donc Galeux, l'estrille est retrouvée.

Des Allumettes.

A Vous voir, freres, en troupe comme brebis qui ont veu le loup, il semble qu'ayez enuie d'oüyr quelque Prologue, mais il y en aura de bien trompez: car comme dit le Picard, A tou dy pere, & ne rien ouai-

gner, le grand diable n'y fourniroit mie. Vous vseriez vne ceruelle d'acier à vous conter iournellement de ces fornettes, desquelles on peut dire, *Et nuga seria dicunt*. Pour moy, ie m'en desiste dès à present, comme pour lors, & dès lors comme dès à present. Le fesse qui voudra, ou qui pourra, ie suis desormais *ad metam non loqui*: Ioinct que tout le profit que i'ay receu iusques icy de vostre assistance, ne vaut pas vne allumette, vne allumette? ah, ce seroit beaucoup, si vous me voulez promettre de recevoir pour payement vn beau petit Encomion en faueur des allumettes, ie m'en vay vous faire confesser que leur valeur surpasse tous les thresors Persiques & Indiens, que les allumettes meritent l'eloquence de Nestor, l'inuention d'Homere, & la Majesté de Virgile, pour estre dignement celebrées, descrites & magnifiées.

Sommes-nous d'accord? Qui: touchez-là, il n'y a rien de faict vn silence general me sert d'un commun consentement. Il y a assez de faux, ie veux dire

dire de bons tesmoins en la compagnie. Pour verifier nostre marché : escoutez donc se panegyrique d'Allumettes sans vous estonner , si de Docteur ie suis deuenue Marchand d'Allumettes. Cela se faisant. *Lucri gratia*. Car maintenant vn Banquier d'Allumettes avec de l'argent , est mieux receu en compagnie qu'un Platon destitué de ce maudit metal , dont le Poëte dit , *Quid non mortalia pectora cogis, auri sacra fames?* &c. Vous m'aduoüerez d'ailleurs, & selon le dire d'un Empereur Romain, que , *Odor lucri bonus est exire qualibet* , Il n'y a soulfhre qui tiennie.

Mais venons à la chose. Or sus, tout de bon , sans pour neant , & sans remettre. *Imprimis*. Ie diray que l'Allumette en sa substance & accident, participe à trois elemens: pour le moins le bois & le soulfhre de nature terrestre requis à sa forme essentielle, le feu à l'allumer, l'air agité immediatement, conioinct à la cause de sa lumiere. Ce nombre de trois , duquel sa consistence dépend est l'un des plus parfaits, com-

me nostre sacrée Theologie, que ie ne vouldrois prophaner icy vous le prouuera. Si nous voulons curieusement rechercher ses vtilitez, ressemblences & hieroglifiques, *Ante diem clauso componet Vesper Olimpo*. L'allumette, entre les meubles nocturnes tient le premier lieu de la maison, tous luy cedent par la necessité de l'vsage. Qu'ainsi ne soit, le soir arriué, faut-il allumer du feu où de la chandelle? vne Allumette avec trois où quatre coups de fuzil frappez à propos en feront la raison, sans importuner ses voisins, sans se consumer en fraiz, & entretenir vn brasier allumé le long de la journee.

Voilà pas vn notable secours que ce petit instrument faict aux pauures gens? bien plus, il en rempare vne infinité contre les assauts de la pauureté, qui ne vit que d'Allumettes qui les conuertit en bon alliment, voire les transforme en corne d'abondance. C'est à dire, en toutes les necessitez de vie. Desirez-vous vn autre exemple de charité? le voicy: aduenant que
quel

quelqu'un la nuit se trouue surpris de quelque syncope où apoplexie, recours aux allumettes, qui seruent (la chandelle allumee) à aller querir les Medecins, Apotiquaires, Chirurgiens: à faute d'allumette, & de fusil, cela s'entend, car ils sont inseparables, voylà vn homme mort.

O Dieux, & en consideration de tant de rares qualitez, ne ferons-nous pas vn huitiesme miracle du monde? referable aux allumettes, & à leur celeste inuention: Mais en conscience, qui croyez-vous estre inuenteur de ce bel art de faire des allumettes? Minerue, Apolon & les Muses y ont mis la main. Minerue en donna la forme, Apolon y contribua la lumiere, les Muses en firent vn present aux hommes studieux, pour la conseruation de leur science, pour s'esueiller à minuit, & en faueur du silence, faire rage, d'estudier, d'escrire, composer, apprendre, mediter, ruminer, lire, & tout ce qui s'ensuyt.

Dites maintenant que vous en auez, & qu'il n'y ayt mastin de Censeur qui

m'ose répliquer là dessus, pour voir si ie ne luy donne *drono* & chaperon de mesme. On me dira peutestre que les allumettes ne sont pas bien receuës chez les foireux & les larrons. Chez les premiers, à cause d'une certaine impatience de fesses qui les porte à bride aualée & en plein minuiet, sans tabourin ny sans lanterne à la chaire percée, sans auoir loisir seulement de penser, ny aux allumettes, ny au fusil: chez les larrons, à cause qu'elles sont infiniment contraires à leurs nocturnes desseins, mais se sont deux ennemis aisez à mettre les quatre fers contre mont.

Hô ho, i'ay affaire à la vefue & aux heritiers, i'entens ce me semble des femmes qui ruminent sous leur affiquet, & disent que pour le faire à rasons il ne faut point de chandelle, ny par consequent d'allumettes. Elles ont quelque peu de raison: Mais ce n'est pas de la bonne. Je leur demanderois volontiers, si lors de l'eclipse, & que les petits pieds veulent sortir, on leur ostoit la chandelle, où se trouueroient les

les bonnes Dames, à qui elles en rescriroyent, & comment on yroit querir les sages femmes? *Si credere fas est*, qu'il y en ayt, hélas, qu'elles donneroyent volontiers alors vn escu d'vne allumette accompagnée de sa chandelle? Qu'elle desireroyent, dis-je, *Tu ne temporis*, que leurs marys se fussent amusez à fueiller d'autres fueillerts que ceux de leur librairie naturelle? Toutes-fois, ce desir violent comme le mal n'est pas de duree, on se resoult là, qu'il ne meurt de cette maladie que les plus malades.

Qu'est-cecy: le flus de mon éloquence m'emporte, & où à vostre aduis? vers vous autres seueres, qui portez le nord de mon aiguille, trois mots donc & puis la fin. Apprenez, mes Dames, que toutes vos bonnes graces, beautez, perfections, ne representent que des allumettes pour espandre la chandelle de l'homme, principal organe de vos contentemens, & laquelle vous scauez esteindre avec vne merueilleuse dexterité de fesses, qui vous obligent de conclurre en faueur des allumettes, & si d'auanture ma chandelle

delle s'offroit bien ardante, la loger en la lanterne amoureuse de vos courtoysies, à fin que la douceur de telle recompence, m'aiguillonne à vous fabriquer quelques nouveautéz extraordinaire, qui vous fassent plus rire qu'un tas de pierres. Bon soir & bonne santé.

Conculcauimus.

O Que c'est chose lucrative, *In hoc seculo* d'estre *versiplex*. C'est à dire, d'auoir vn manteau à plusieurs rebras, où pour parler plus clairement, se transformer en toutes sortes de couleurs comme le Caméléon? L'un de ces derniers iours, passant sur le Pont neuf entre chien & loup, avec ma robe à trôper pauvre homme, trouffée pour lors de peur des crottes, fendant le vent en deux doubles avec mes manches consulaires. Je fus arresté de pied ferme par vn certain Ciquofante, qui à ma graue demarche, & à la forme de mon chapeau

peau moulé , à l'instar du bouclier de Minerue , me prit pour quelque consultant, combien que ie sois de profession pedantesque, ayant pouuoir, *fouetandi pueros , & quaquandi magnas latrinas , quandocumque libuerit.* Et de-faict, ce bourgeois de la place aux veaux, apres plusieurs reuerences à la rustique, me demanda, artédu, disoit-il, qu'il n'auoit iamais seruy de valet de chambre aux mulles du Palais:& par consequent, *Nouus Arpinas in hac parte.* Comment il se deuoit comporter en vn petit different interuenu dans la famille de son haut de chausse, entre son cul & sa chemise.

Le subiect estoit tel , que sa chemise , principalement quand elle estoit blanche, se plaignoit de l'importunité de son derriere, lequel avec ie ne sçay, quelles couleurs broyées entre les fesses : s'exerçoit ordinairement apres plusieurs prospectiues confuses , sans ordre, & non sans ordure, voire du tout incogneuës aux plus excellents peintres des pays bas. Ce Peintre en couleur merdiforique , & de nouvelle impres

impression , soustenoit au contraire, que la chemise luy estoit subiette en tout & par tout , mesmes *usque ad latrinas*. Lequel estant le garde-manger de l'homme , il deuoit estre soigneusement couuert d'icelle, de peur des mouches. D'ailleurs , que chemise vaut autant à dire , que sur chair mise. Ie ne vous veux pas dire quelle sentence ie donnay sur celà. Mais si d'auanture tel differend interuiét dans vos chaufses , mesmement en si bonne compagnie ; ie vous conseille de vous boucher le cul avec vne cheuille d'un pied & demy : & si d'auanture la force de la pituité d'embas vient à chasser le bouchon , & barbouïller vostre chemise. Le plus expedient pour vous sera de la faire secher à vostre plus prochain voisin , pour éuiter à p. Mais laissons le suc de cette Sentence pour les dégoustez , & parlons d'autre maniere. Qu'on me selle ma mule , qu'on me l'ameine, garçons , *subito* , sans oublier la houïe brodée à l'antique de fines crottes de Paris , Ie m'en vay , *In collegio magistri aliborum* , où ie suis mandé
comme

comme vn des plus apparans des sup-
posts de la faculté grimandienne, ou
grammaticalle. Je me suis pour cét
effect, muni d'une infinité de propo-
sitions richement belle. Je vous en di-
ray quelques vnes en attendant que ma
mulle soit sanglée. *Primo*. Pourquoi,
crepitus, qui veut dire vn pet, est du
masculin genre, veu qu'il appartient
plustost à la femme qu'à l'homme?
Vous autres qui estes *nasuti*, dites ce
que vous en sentez. Venez çà, n'est-il
pas veritable, que les Romains firent
la loy, de *Crepitus*, à cause des femmes,
pour ce que serrans ordinairement les
fesses, elles estrangloient, suffoquoient
& metamorphosoient leurs pets en
vesses, abreuvant par ce moyen toutes
les compagnies où elles se trouuoient
sans mouiller les leures. Il n'en faut
point rire, recouirs à l'Autheur.

Secunda propositio, comment on peut
dire en vn mot de Latin, cinq bestes
portans poil, le voulez-vous sçauoir,
c'est ce beau mot, *Conculcaninus*. La
premiere syllabe que nous représente-
elle à vostre aduis? Elle nous figure la
porte

porte de nature, où le Pelerin s'arreste pour planter son bourdon, où bien la grotte mouffuë, où certains aueugles vont le bonnet sur l'oreille faire penitence, & pleurer leurs vieux pechez. Il faut dire qu'ils sont enfans de bonne maison : Car ils ne vont pas sans compagnie, comme ceux des Quinzevingts, ils ont tousiours à leur suite deux Lacquais qui les attendent à la porte de la grotte. La deuxiesme syllabe de *Conculcavimus*, n'est que trop aisee : il ne se faut représenter qu'une grosse femme, de laquelle les fesses seruiroient bien de vertugadin, & qui d'un pet feroit tourner vn moulin à vent en raze campagne. La troisiéme, *cat*, qui en Picard, signifie chat en François. La quatriesme, le Laboureur de nature, & la cinquiesme, *mus*, en Latin, qui signifie vne Souris en François, voilà pas ce beau mot interpreté tout au net?

Quarto, pourquoy *Mantula*, qui signifie le plus beau membre qu'ait l'homme, pour perpetuer & faire fourmiller nature humaine, est du femenin

genre,

genre, veu qu'il est propre à l'homme, & luy appartient ? Responce sur le champ. Ce beau & digne membre appartient veritablement à l'homme: Mais à cause qu'il est employé à travailler pour la femme de iour & de nuit, on l'a fait *fœminini generis. Per quē regulam? Esto fœmineum, &c.* N'estoit la cloche qui m'appelle, ie vous en dirois bien davantage, mais nous remettrons le reste à vne autre fois : *Tintinnabulum ferit aures, non morandum est, valete.* Ma mule, ma mule. *Infantes mulier.*

Du Loisir.

PArce que certains facquins de la racaille du peuple, se sont émancipez de dire, voyans cette honorable compagnie affluer de toutes parts ceans, en voylà qui sont bien de loisir, i'ay pensé qu'il ne seroit hors de propos d'en discourir pour refuter l'iniurieuse calomnie de ces indiscrets qui conçourent vn vertueux passe-temps,

temps, & ceux qui en sont par consequent, comme l'ame & le mouuement. Je diray d'oc en premier lieu, qu'ils sont portez d'une extresme malice, d'une supresme ignorance, ou de tous les deux ensemble, qu'ils ne sçauent non plus comme le loisir est permis, qu'en quelle sorte il est defendu.

On repliquera peut-estre, Cestuy-cy luytte contre les ombres, s'escarmouche contre le vent, & s'en prend à ceux qui n'en peuvent mais : Nullement, car le iuste blasme de leur impudence seruira de lustre à vos merites, & puis qu'absens, ils detractent de nous en la sorte, par la loy de l'equité, il nous sera permis de leur rendre en bonne & legitime monnoye ce qu'ils nous ont presté en fausse & descriée. Possible aussi qu'entre tant d'abbeilles, quelque frellon des leurs se sera jetté icy à la trauersé, & que nostre reprimande (s'ils ne sont plus éuergongnez que la vergongne mesme) forgea vn mot à leur medisance, & charmera ces mastins d'un sort de silence éternel.

Marchons donc encor vn pas , & taschons à dénouer le nœud de la matiere. Ce mot de *loisir* , ne signifie autre chose , qu'une intermission de labeur , & differe autant de l'oyssiueté , que le plaisir de la volupté. L'oyssiueté estant vne certaine nonchalance qui abastardist la vertu de l'homme : le plaisir se prend pour les fruiets que nous receuons de la bonté liberale de nature , comme pour exemple , de la clarté du iour , du viure conſumier & moderé , & ainſi des autres. La volupté n'est rien autre chose , que cette liberté forcenee , qui nous faiſt croupir en toutes ſortes de delices , à l'imitation des beſtes brutes. Le *loisir* est autant requis que le travail , puis qu'il luy est immédiatement conjoint , & qu'il luy inspire la vigueur , & que ſans luy , la continuation du travail nous emporteroit. La terre (creature inanimée) ſi on ne luy donne quelque reſaſche , devient ſterile , & trompe l'eſperance du Laboureur. Les plus beaux eſprits ſ'attiediront à la longue de cē qui leur est plus agreable , & le miel

miel és leures leur deuiendroit amer, s'ils ne desfroboyent quelque heure d'un honneste loisir, tel que cestuy-cy à leur estude.

Je me doute bien que quelques partisans de nos Censeurs, repliqueront icy en eux-mesmes, Cestuy-cy parle pour le profit de sa Republique, il n'a garde de despriser sa marchandise. Il faut voir si cela est, & examiner nos actions de plus prez. La vraye pierre de touche de nos actions, bonnes où mauuaises, est l'experience qu'ores vous touchez du bout du doigt. Dites-moy en conscience, & ie vous en fay les arbitres, quel temps est mieux ordonné, & quel loisir mieux appliqué, que celuy que vous donnez à la Comedie? Iadis pour visiter quelque pyramide du Nil, ou bien quelque autre oeuvre morte, plusieurs ont peregriné la moytié du monde au hazard des brigandages, & au partir de là, s'en retourner aussi sçauans comme ils y estoient allez. Si dauenture ils ne vouloient rapporter ce contentement de pouuoir mentir asseurément à leur retour,

tour, & faire croire aux bonnes gens, que vessies sont lanternes, vice familier à ceux qui ont accoustumé de voyager, & que l'on est contrainct de croire, à faute d'y aller voir, vous n'avez pas icy tant de peine, & ne voyez vne image muette qui arguë vostre folie. Mais bien apres auoir donné ordre à vos affaires domesticques, vous transportans depuis vostre logis iusques à nostre Theastre, vous le trouuerez disposé tantost à la representation d'une Tragedie, pourtraict veritable & animé, de l'inconstance iournaliere des grandeurs, à la loüange des sages, & par consequent, au vitupere des fols. Maintenant vne Comedie vous produira aux yeux la frenaisie d'un vieillard amoureux, les astuces d'un valet, les ruses d'une maquerelle, l'artifice d'un jeune amant, pour donner dans le noir de ses desirs, & la simplicité de quelque pauvre fille qui laissera aller le chat au fromage, & qui par le moyen d'une pluye d'or, admettra Iupiter en son lieu du haut d'une lucarne. Chacun se sent là pin-

cer

cer sans rire , se faict sage sans scandale , aux despens d'autrui , & s'en retourne beaucoup plus content chez soy , que s'il auoit obtenu le vœu du Phrygien.

Reste à considerer , si en cela nous vsions de prodigalité , vous d'auarice. Bons Dieux , quel apparent mensonge de l'inferer , qui ne sçait que les Comediens sacrez aux Muses , & à Bacchus , n'eurent oncques l'ame infectée de telle contagion ? Que ces bonnes gens ne laissent gueres de procez à leurs heritiers , pour l'amas du superflus des richesses , & que les secousses du temps, bien qu'ils en eussent enuie les en empesche bien. Pleust à Dieu (pour dementir cette sinistre opinion) que nous eussions nous mesmes le moyen de fournir aux fraiz , sans mendier vostre secours. Mais quel besoin, ces vœux sont inutiles.

Vous ne nous sçauriez seulement prester le petit coin de l'espaule , que nous ne soyons totalement allégez. Et ie croy que si vostre bonne volonté respondoit à vostre puissance , nous

ne

ne serions que trop riches , bien que nous ne nous en plaignons, pas, & que cela soit plustost dit par maniere d'acquit, que de mescontentement.

Receuez donc nos raisons de bonne part, fermez l'oreille à l'enchantement de ces maranes, croyez que vostre loisir tient icy le lieu d'une serieuse occupation, & que nostre profession noble ne s'allie que d'esprits de mesme metal, affinez au fourneau de la Philosophie, & la lecture de tant de bons Auteurs. Protestant que s'il aduient iamais à ces Asnes de braire, nous leur ferons tant manger de chardons, qu'ils n'aurent plus enuie de regimber.

Des Accidens Comiques.

QVelle difference y a-il entre le contemplateur & la chose contempee, entre l'Auditeur & le Harengueur, entre l'attendant & l'attendu ? La difference est grande, par ce que vous qui me contemplez, qui m'avez

long tēps attendu, n'estimez rien moins qu'une bonne estuuee panurgique de ma venuë. Et moy tout au contraire, faute d'ingrediens, suis resolu de vous declarer non receuables, avec despens. Vous ne le croyez pas Messieurs, Si cela n'est, que le nez de mon plus proche voisin puisse servir de bouchon à mon derriere, au peril de cinquante petarades, pour luy frizer la moustache.

Toutesfois poussé d'une fureur Platonique, ie vous rapporteray fidellement ce que les idees de ma ceruelle me dicteront. Qui est le franc-taupin qui oseroit bien *Suspendere nazum*, à l'encontre de mes propositions? Si ie iure une fois par la moustache d'un Morpion, j'enuoyeray ces Momes droit aux Olympiques de Monfaucon, avec ceste devise, *Rident aui pedes*. Mais laissons cet honneur cholerique: C'est sur les preferences que ma doctrine veut aujour-d'huy augmenter, & maintenir qu'entre toutes les vacatiōs, la Comedie doit tenir le premier rang: & de fait, que trouuerez-vous de plus curieux qu'un Comedien, de plus popin, de plus frizé? qu'y-a

qu'y a-il au monde d'incognu au Comiques que l'oisiuete? le n'entens comprendre icy vn tas de petis Basteleurs qui vsurpent la qualite de Comedien, & qui n'ont pas si bonne prouision de science, que de rubens iaunes, blancs, ou rouges, entrelardez de leurs moustaches, & de brasselets, composez ou tissus de ie ne sçay quel vilains cheueux qu'ils auront pris au peigne crasseux de quelque pauvre chambriere de village: Et qui pour auoir esté tant seulement regardez d'une Dame, ne s'imaginent rien moins que luy sauter en croupe à la premiere rencontre. Au contraire, i'entens parler de ceux qui representēt en leurs actions le pur & vray microcosme de la nature Comicque. Retournons donc à eux, & laissons là ces Cameleons, qui ne se repaissent que de vent & de fumee.

La premiere proposition du Comique, c'est *Intra*, le m'en rapporte à nos hostes, quand nous allons par les chāps, que demandez-vous, Messieurs? qui estes-vous? nous sommes Comediens Fiacre. Le moindre desquels est pour-

ueu de trente dents, lestes & affilees, comme le rasoir d'un chartreux. Alors d'une voix organisee, & principalement si c'est en Languedoc ou en Provence, on vous respondra, *Intras, intras*. La seconde preference ou proposition du Comique, nos hostes l'appellent, *po-ne*, celle-la gouverne le tourmentatif: car à faute de munition de bource, nos espauls courent fortune d'estre demantelees, & mises au clair de la Lune, mais nous n'en sommes que plus legers, & dispos pour mieux courir à la pelette.

Les sages d'Egypte esleuoient les hommes laborieux entre les demy-dieux, & leur consacroyent l'oliue, pour signifier que les trauaux sont enfans legitimes de la sapience, qui merite auourd'huy ce rameau, que le Comedié s'entend le bon: mais il s'en trouue bien peu apres le trauail du Comicque, luy succede le plaisir. L'on parle des fausses de Cleopatre & d'Atilie: Mais ie soustiens qu'il n'est soppicquet plus friant que celuy que le labour apreste aux Comicques: qu'ainsi ne soit, figurez-vous de nous voir en la rue d'éfer, embour

bourbez iusques au cul battus de quatre vents, dont l'un nous souffle la gresle, l'autre le froid, & l'autre la pluye, s'as autre monnoye pour payer nostre hoste, que quelques fleurs de bié dire, dans vne bource bordée à la Rethorique. Se peut-il imaginer à nostre arriuee à l'Hostlerie vne escarmouche plus furieuse ? quelles estocades franches entre l'espee & le poignard ? On ne s'amuse point à prendre des lunettes pour choisir les bös morceaux chacun à bon pied & bon œil, au diable l'un qui mettra ses mains dans ses pochettes, & à la verité aussi personne n'est admis en cét exercice qui ne soit bon limier de taverne. Que ce peut-il alors trouuer de plus persuasif pour faire la dissection d'un membre de mouton, de plus resolu pour estriller vn alloyau sur le ventre, & par tout, *qui laborat quescit*.

Après auoir releué la moustache à quatre estages, chacun se met sur le merite de sa qualité. L'un se dira fils de Baron de nullieu, l'autre fondera sa fortune sur le sable d'Olonne. Quelqu'un engendré d'un pelerin de S. Iac-

ques, à l'ombre d'un buisson, se fera appeler Monsieur de l'Espine, Monsieur de la Violette : quelques autres fils des eaux, Monsieur de la Seine, Monsieur du Viuier, Monsieur de l'Estang, les autres engendrez en raze campagne, Monsieur du chemin, Monsieur de la route, Monsieur de la Place. Les autres trouuez en quelque marché, Monsieur de la Potence, Monsieur de l'Eschelle, & c'est alors que l'antilefine les fait chacter à cinq parties le globlet en main, *Liberalitas optimum vectigal*. Puis à l'issuë du repas & en se curant les dents, l'on discourt des circonstances de la braguette, *peculis libatis*. Les vns mettent en ieu la Cornelia de Venise, la Flamina de Rome, la Francisquine de Naples, la Victoria de Florence, la du Moulin de Paris. Mais elle est allée en poste en l'autre monde : La Gabaude d'Angers, la Bardoüe du Mans, la Beluiette de Poictiers, la Sabatiere d'Aix, la Brette de Bordeaux, la Charlotte de Thoulouze, la Suisse de Bourges : *Iuxta illud absque Baccho friget Venus*. Baste, la Comedie est vne vie sans soucy,

soucy, & quelquefois sans six sols. Terrence sert de cul de lampe à nostre Theatre, Senecque de chandelier, pour supleer aux soltices d'Hyuer. Ouide d'Arc-boutant, Roscius de Portier, pour recueillir le fruiet des marmites estrangeres: Et Maistre Guillaume de Hallebardier pour la manutention & deffence de nos droits. Ce discours, selon mon aduis sera en partie loué & en partie reprouué: mais il faudroit estre vn Prothee pour plaire à tout le monde. Donc pour conclure ie finiray par les vers de Iean Pelisson, dit Despautere: *Delectat atque innuat dat quarto & oportet.*

De la Mexique.

BOn voyage, bon voyage, heureuse nauigation, traffic inestimable peregrination qui me rend aujourd'huy possesseur des plus riches & precieux meubles que l'antique curiosié nous ait gardez & conseruez. A la Mexique,

à la Mexique, qui a enuie de profiter & s'enrichir. C'est de ses Isles fertiles que j'ay apporté vne infinité de choses, rares & singulieres, desquelles ie vous veux estrener le premier iour de l'an, afin qu'au reſtabliſſement des ballets & maſcarades, la nation Françoisẽ emporte le pris ſur toutes les autres tant en la ſumptuoſité des habits, qu'en la ri cheſſe des inuétions. Il ne ſeroit hors de propos de vous deſployer icy toutes les pieces cõtenuës en vn ſi riche theſor, afin de n'eſtre reputé menteur deuant ceux qui ont plus menty en leur vie, que ie n'ay iamais dit vray. Mais vous vous contenterez pour le preſent, de les oüyr deſpeindre & figurer par le menu.

Premierement il y a quatre chemiſes de Venus, faites de la main d'Aracne, & empeſées par Mars, leſquelles, du toucher ſeulement, rendent les nouuelles matrices hardie & courageuſes, entre deux draps la premiere nuit de leurs nopces. Cinq marteaux à l'antique façon Athenienne, tiffus & brodez de ſentences Diogeniques, avec
le

le collet à barbe d'Escreuices, qui monstre au naturel ce *Planto hominem*. Vne brayette à deux estages pour loger Messer Piape avec sa faux, laquelle est fort aperitiue prouoque les conuulsions de fesses sans lesion, attire les matricales & descharge les reins.

Un manteau d'Agamemnon, auquel en forme de prospectiue, se voit toute la guerre des grenouilles & des Rats descrite par Homere: Cinq capes qui s'eslargissent & reseruent à discretion, selon le dos de celuy qui les porte.

Deux robes lidianes parfumees d'odeur si penetrante, qu'elle resueille & esmeut merueilleusement les apetits de concupiscence, corrobore & releue le nez des courtaux reccuz & trauaillez au combat de Cypris. Les armures d'Eaque & de Rhadamante, qui ne se peuuent penetrer que par l'vrine des Mules.

Item, vne petite mule de la race de celle d'Auicenne, laquelle d'une merueilleuse dexterité, sçait donner des clisteres, la copie collationnee à

L'original de l'instrument de Nabuchodonosor , l'ombre duquel à ceste vertu de desalterer les femmes , eschauffees du desir de la brayette. Le Luth d'Iopas Crinit, monté de septantes cinq cordes , qui rendant vne telle harmonie, qu'il faut confesser que quiconque les entend sonner n'est pas sourd , & n'en mange pas moins pourtant : vne paire de merueilleuses lunettes , desquelles le bon homme Saturne se seruoit pour choisir vn torche-cul blanc allant à la chaire percee.

Plus , vne medaille tiree au vif d'un bedeau de College , ayant la vertu d'apprendre les lettres Grecques & Latines , à celuy qui prendra la peine d'estudier seulement vingt ou trente ans vne fiolle de la fumee que Hercule garda quand il tua ce meschant Cacus , aussi verde comme si elle y eust esté mise hier. L'vrinal duquel se seruoient Mars & Venus , avec vn grand desplaisir de Vulcan , de telle mesure & iuste proposition , qu'il enflamme les cœurs des regardans de luxure insupportable ; & fait bander l'arbaleste
de

de nature, pour tirer apres la beste fauve qui n'a point de nez.

D'auantage, vne esguillette musquee que Demosthene desroba vn iour aux calleçons de la belle Laïs, quand le Paillard pour espargner l'argent quelle luy demandoit pour carrillonner du cul, se contenta seulement de fredonner des doigts sur ses tetins. Et finalement vne paire de brayes de cest homme de bien de Senecque, remplies de sentences morales dignes de profonde consideration. Si d'aduéture quelqu'un en veut auoir la veuë qu'il me vienne trouuer en vne telle ruë, à vne certaine enseigne, chez vn racoustreur de verres en taille douce, tout vis à vis de la barriere des Medecins, en tirant du costé de Septentrion, il y sera le bien venu. Meismes les aueugles curieux, desquels ie ne prendray pas plus que des autres: là ie resoudray aussi plusieurs questions qui m'ont esté proposées par vn certain orfeure en cuir. Elles sont telles: Premièrement. Que l'opinion de Socrates en la Republique de Platon, de faire que les femmes

foyent communes , est meilleure que celle d'Aristote.

Qu'une femme est d'autant plus belle qu'elle, & la les mamelles du derriere fessus & rebondies : laquelle est plus digne d'estre aymee la maigre ou la grasse ? Si les galans hommes peuvent sans scandale enfiler les Chambrières ? Que les femmes deuroyent requerir d'amour les hommes , leur monstrier la mortaise afin d'estre cheuilles.

Que les femmes sont plus liberales & larges que les hommes contre l'opinion d'Eustache, qui les appelle auares & reserrees , & plusieurs autres choses à dire & declarer en temps & lieu. Venez & nous en resoudrons.

Des cinq Cens.

INter Scholare hoc est familiare, de faire courte Messe & long disner. Ce qui me feroit enuier leur bonne fortune, n'estoit que quelque-fois leur Callepin à deux fuëillets est contraint de soutenir

stenir les rudes attaques de Martin baston armé de quinze pointes, l'autorité duquel fait fléchir les esguillettes, fussent elles de soye renforcée, & mettre les hauts de chausses bas. Et n'estoit que leurs mains avec lesquelles ils ont accoustumé d'anatomiser les petits pasteurs à la gueule du four, en reçoivent quelques fois cinq ou six coups entre bonds & volées, puis tirent les rideaux des fesses ils auroient à supporter de piquant assaux.

Hoc scio, fresche & deliberee assistances parce que *Olim*, ie me suis trouué, *In his periculis*, lors que *in Classe*, l'on nous lisoit l'institution de la brayette du bon homme Rabelais, au premier chapitre de laquelle est fort amplement traicté du procez intenté entre les membres & le cul, lequel cul nous semblera peut-estre du prime face trop foible pour resister à si grande puissance. Mais ie vous assure que si vous auiez pris la peine d'y mettre le nez, vous confesseriez qu'il ne manque point de sentiment pour se défendre.

Or afin que vous en parliez dorenavant, *cum cetera cognitione*, Je vous veux amplement rapporter les raisons alleguées en ce procez. *Primo*, le Seigneur *Culo*, *in sua cythedra*, & les autres membres *in suis*, Les yeux commencent & mettent en fait, qu'ils sont la plus noble partie de l'homme, & la lumiere d'iceluy. A ceste premiere objection, le cul respond qu'il n'y auoit rien au monde de plus rare que la rotondité orbiculaire, laquelle paroissoit comme vn Soleil de midy sur le cadran de Nature. Or tout ainsi que les yeux, les parties aduerses, ne pouuoient supporter l'ardeur des rayons du Soleil, tout ainsi opposez aux rayons dorez qui brillent au tour de Monsieur le cul, ils estoient comme forcez de se destourner avec la pronontiation, d'un honorable *fy*. Les yeux vaincus par ces raisons culistrides, se retirent pour faire place au nez. Lequel s'aduance & soustient qu'en luy seul gisoit & reposoit tout le sentiment de l'homme. Ce qui est vniement debatue par le Cul, disant que si le nez auoit quelque sentiment,

ment, il en estoit pourueu par le cul, & partant qu'il ne s'en pouuoit preualoir.

Les bras se presentent, & disent qu'en eux consiste toute la force, & partant preferables à tous les autres membres. A quoy le cul respond succinctement, qu'il les surpassoit en force & en sentiment, comme estant le vray Arcenal où estoient encloses toutes les munitions, tant de gueule que de guerre, & que comme vne forte Rochelle, il auoit vne petite porte enuironnée d'un fort gazon, accompagné de deux bouleuarts, entre lesquels sortoient souuent force canonades, petardes, balles ramées, sifflantes & faites en façon de saucisse. De façon que les bras se voyans mal fondez, se retirent au petit pas pour faire place aux iambes nouvellement arriuees en poste, pour représenter leur bon droit.

Ce qu'elles font en peu de paroles, disant que le cul leur estoit inferieur, & dépendoit de leur volonté, & n'auoit aucun mouuement, ny moyen de se pourmener sans leur permission. Le cul
respond

respond que le contraire se verroit par vne preïgnante raison qu'il auoit exagerée sur le camp, & qui est telle. Si les iambes, dit-il estoient séparées d'auec moy, elle seroient inutiles, & ne pourroient plus où aller: ou ie puis librement subsister sans elles, establisant mon throsne sur le cul d'une iatte.

En somme tous les membres ayans perdu leur escrime voulurent recourir à la force: mais Monsieur le Cul leur faisant la mouë, leurs opposoit la mort. Et qui plus est, pour les châtier il ferma sa porte de derriere seulement pour deux ou trois iours: Si bien que les membres commençans à affoiblir, furent contraincts de deputer le nez pour aller trouuer se Monsieur le Cul, lequel estant arriué à sa porte, & apres y auoir frappé deux ou trois fois le portier se presente, appelé en langue vulgaire, Estron, surnommé maschez, lequel en auertit le Cul, qui ayant entendu la commission du nez, & esmeu de pieté, la larme à l'œil, ouure sa porte comme auparavant, & leur pardonne à tous: or-
don

donnant seulement pour marque de ceste reuolte, que la main gauche porteroit le flambeau deuant Monsieur le Cul, lors qu'il se voudroit mettre en chaire pour y fredonner à l'accoustumee: & l'autre main, le mouchoir pour le regard du nez, qu'il seroit tenu enuers luy à vn hommage perpetuel. Voila sommairement ce qui s'est passé sur ce subiect, qu'il vous plaira gouter d'aussi bon cœur, comme ie vous baise l'ergot.

De la Folie en general.

SI pour tracer quelque rime saupoudrée & sophistiquée, i'estois iugé capable de seruir seulement de Gouïart en la compagnie d'Apollon, ie m'y alambiquerois la ceruelle, mais l'ayant assez mal propre pour loger la Damoiselle de Fantasie, mere nourrice des Muses, i'y ay renoncé: ioint mesme l'insolence qui s'est de tout temps remarquée en ceux de la suite:

te:

te : les vns aymans le mol , les autres le dur. Aucuns seruans sur la carcasse , les autres sur le croupion , partie des Lacquais habillez à la vin-aigrette , & l'autre partie ie ne sçay quelle couleur bizarre , qui n'est point encores en credit à la Cour. D'ailleurs, me representant plus de compagnons qu'il n'y a de syllabes dans le Calepin , i'ay creu que le bois de Boulongne, (quand il seroit tout de lauriers) ne suffiroit pas pour en couronner la moindre partie.

Vn certain Sommelier d'Helicon m'apporte dans vn liure imprimé en l'Vniuersité de Gonnelle , que servant vn iour d'eschançon aux Muses , il luy fut dit tout bas en l'oreille par l'vne d'icelles , *Stultorum infinitus est numerus* : qui vaut autant à dire , afin que les sourds l'entendent , Que le nombre des fols est infiny. Et de fait , nous voyons ordinairement que ces esprits tous succez & confits en science , sont les plus mal timbrez & solfiez. Car pensans embrasser toute la doctrine , ils n'estreignent rien que l'arbre de la sainte

saincte Folie. Si le temps me permettoit d'en discourir, ie vous prouuerois qu'il y a des fols de toute qualite, & qu'il se trouue peu de personnes qui ne portent vne branche de cest arbre en leur chapeau. Toutesfois nous en dirons trois mots, & puis la fin.

En premier lieu, le prouerbe ne dit-il pas que, Qui ne faict les follics en ieunesse, les faict en vieillesse: Il est donc necessaire que soyons fols en vn tēps ou en vn autre. Voulez-vous voir vne folie manifeste, regardez en temps de Carême-prenant, que de veaux à Cheual, que d'habits de fols, que de matacins, que de balers & mascarades: les vns auront perdu le repos d'une nuict à s'atinter, godronner, friser, & damasquiner depuis la teste iusques aux pieds, les autres se seront broüillé l'entendement apres la composition de quelque baler. Les autres pour s'estre demonté les fesses en courant la bague de nature, & se trouuans ineptes au dedit, retiendront leur place trois iours auparauant; où vous les verrez paroistre aux fenestres, assis
cha

chacun dans vne chaire à la Monachale pour iuger des coups. Je ne vous dy rien de la bizarre façon de mes habits: car puis que chacun s'abille follement, comment me dois-ie habiller, moy qui suis l'Empereur des fols?

Quant aux femmes, ho, ho, leur folie paroist assez sur leur visage. Telle aura cinquante ans, qui se fardera le museau en telle sorte, que la vieille chair ne se verra non plus à trauers le fard, que l'orde couleur d'une vieille muraille, qui est vn peu blanchie. Les Amants sont-ils pas fols aussi, & à double carat, quand au danger de leur vie, ils escaladent la nuit la maison de leur Maistresse? C'est vne chose estrange de les voir presque en vn mesme temps, rire, pleurer, chanter, detester, danser, frapper la terre de rage & despit, & faire vne infinité d'autres grimaces, qui découurent amplement leur folie.

Les Poëtes n'entreront-ils point en cadence, lesquels transportez hors d'eux-mesmes par vne fureur maniaque, disent choses extrauagantes? entre

tre autre, que le Soleil se couche en la mer; que la Lune est ombragée d'un fagot d'espines, mesdisant tantost des vns en leurs deuis familiers, & piequas tantost les autres de leurs vers satyriques: Mais le plus souuent pour recompenser leur folie, on leur prend la mesure d'un pourpoint par derriere: Mais passons outre, ce n'est pas le moyen de guerir le mal des reins.

Les Escolliers aussi ne font-ils pas hors de leurs bons sens, quand ils ioient iusqu'aux fers de leurs esguillettes, voire leurs iaretieres, & dorment iusqu'au son de la cloche, allans quelquesfois en Classe quand la leçon est à demy faite? Renient la patience apres leur quartier, lequel n'est pas plustost arriué, qu'ils l'enuoyent en poste à Angoulesme, les liures suiuent quelques-fois le quartier en croupe: & à la fin, pour toute recompense, outre vne galle de Chié qui les accueille, ils deuient aussi fols que les autres: ils me renuoyeront peut-estre à Pierre du Puy, & diront qu'encores qu'il n'aye pas fouillé dans les sciences

comme eux, il ne laisse pas neantmoins d'estre four à chaux & à sable : mais *distinguo*, en matiere de folie, car ils sont fols par beccarre, & Pierre du Puy l'est par nature.

Les Medecins ne sont-ils pas fols aussi, lesquels au lieu de baume aromatique, contentent leur odorat de la senteur d'une fiolle pleine de pissat, qu'on leur presente, avec vn bassin plein de merde, & vn petit baston pour la remuer, la considerant de prez avec leurs lunettes entrauees sur le bout du nez ? Les marchans sont-ils moins fols que les autres, quand au peril de leur vie, & à la mercy d'une mer courroucee, ils s'embarquent esperât faire quelque trafic au Levant: mais ils vont prendre part en l'autre monde. Les yurons & les ioueurs desquels la France est remplie, sont-ils pas fols aussi en toute game, & en tout sens que vous les puissiez prendre.

Il y a vne espece de fols qui n'ont l'esprit appliqué qu'à la Cuisine, discourans tantost de l'excellence des saulces, tantost de la bonté des vins, ceux

ceux-là ne sont pas des plus fols à mon aduis. Il se trouue aussi d'autres fols sages, qui se mettent à considerer ces autres fols : Mais ie dy quant à moy, que s'estimans sages, ils sont plus fols que les autres. Ie seray doncques l'Empereur des fols, me direz-vous, puis que discourant si librement des folies d'autrui, ie laisse à part les miennes, qui sont presque infinies, & bien, ie n'y contredis pas: ie me suis desia qualifié tel.

Pour vous, Messieurs les Lecteurs, nous n'en dirons rien, puis que les folies qui vous poussent à la lecture de ces discours, si telle curiosité se doibt appeller folie, sont autant de pieces de dix fols, ou testons en la bourse de l'Imprimeur, ie me garderay bien de dire ce que i'en pense, car i'ayme trop son profit & vostre contentement. Toutes fois ie concluray que le monde est vne cage de fols, & qu'il n'y a autre difference du fol au sage, sinon que l'un exerce ses folies manifestement, & l'autre en secret, & ceux qui s'estiment les plus sages
en

en ce monde icy , sont de la premiere Classe en matiere de folie.

A la loüange de la nuit.

A La loüange de la nuit , ie vous veux aduertir faire bonne provision de chandelle : car voicy le temps que l'on verra la nuit. Or la raison ratiocinante & raisonnable, pour laquelle en raisonnant , ie veux arraisonner, & vous entretenir d'une matiere si obscure , c'est que ces iours passez, sur le midy , ie songeois en beuvant que le vêtre inferieur me faisoit si grand mal, que j'auois vne sueur vniuerselle, voire mesme , que le canal du frontispice de mon derriere estoit si oppressé, qu'il distilloit vne liqueur de beaucoup plus douce que le miel : si vous ne le croyez tastez-y doucement. Sur ces entrefaites ie me resueille , & voulant en dormant esprouuer si cela estoit vray , i'y glissay ma main sur mon derriere, où ie sentis ie ne sçay quelle matiere qui
me

me confirma l'effect de mon songe. Sortant tout d'un sault hors du liect, ie me trouuay si estonné d'une telle desconuenue, qu'allant deçà delà, au milieu des tenebres de la nuit, & ne pouuant trouuer de la chandelle, pour allumer du feu, contrainct de donner de l'air à mon cul, pour le faire sentir à vos nez, tout eschauffé de cholere, & voyant que la nuit estoit la principale cause de ce mal-heur, ie commence à detester, maudire, iniurier, blasmer, & mesdire de cette pauvre nuit : mais tout ainsi que la matiere qui estoit au milieu de la chambre, en attendant le iour, commença à se refroidir, de mesme ma cholere commença à s'appaiser, & mes sens à se moderer : lors de sain entendement, ie commence à cognoistre que la nuit n'estoit aucunement coupable de cecy, mais que i'en estois la principale cause, pour auoir vn peu trop mangé le lendemain d'au-parauant.

Le me proposay deslors, que pour reparation d'honneur, dommages, & interests des iniures par moy crachées

contre ladiète nuit, ie ferois vn discours à sa louange, & de ses admirables effects, publiquement & en vostre présence. Mais c'est assez parlé de mon subiect, encor trois pas, & puis venons au point. Pour doncques vous monstrier euidemment, que tant s'en faut que la nuit soit pernicieuse, & dommageable : mais au contraire, tres-vtile & profitable. Combien pensez-vous qu'il y en ayt en la compagnie qui ont esté faicts & forgez du marteau naturel sur l'enclume de la nature en vne seule nuit ? Combien pensez-vous qu'il se faict de bós coups la nuit ? vos femmes en scauroyent bien que dire. Voylà desia qui est capable d'exalter la nuit par dessus le iour mesme : en apres la nuit est favorable à toutes sortes de gens, de quelque qualité ou vacation qu'ils soyent. Aux bonnes gens pour dormir, aux Amans pour courtiser leurs Maistresses, aux Cosmographes, Derographes, Astrologues ; Philosophes, & aux Mathematiciens, pour voir les Planettes : aux Yarongnes pour faire les plats nets :

nets : aux Magiciens pour faire leurs charmes : & aux larrons (Messieurs) pour desrober. Dauantage, la nuit est le vray repos, & l'oubliance de tous maux. C'est pourquoy le Poëte Latin dit.

*Catera per terras, omnes exim alea montes
Laxabant curas, & corda oblita laborum.*

Il n'est pas iusques à Jean des Espauls, qui parlant de la nuit dit, *Glix faux, nix, nox, &c.* Ouy, mais il me semble que ie le lis dedans le cœur des femmes, qui disent elles-mesmes, qu'est-ce que ceux-là nous racontent du repos de la nuit ? c'est à l'heure que nous trauaillons le mieux, certainement, *concedo maiorem* : Mais ce trauail, mes Dames, est si plaisant, & l'endurez d'une si bonne affection, qu'il vous est comme vn agreable repos, & partant il ne doit estre cause que la nuit soit aucunement desprisee, veu que la nature mesme l'a instituée. Or ainsi comme ie vous ay doctorallement prouué l'vtilité, commodité, & profit que nous peut apporter la nuit, ie vous veux semblablement monstre

quelle incommodité ce seroit s'il n'y en auoit point. Premièrement, viençà, puis que ie m'eschauffe en parlant, vne chose n'est aucunement belle ou agreable, qu'au regard de son contraire, & doncques, que diable seroit ce iour sans la nuict? & s'il n'y en auoit point, comment conterions-nous les heures, les iours, les sepmaines, les mois, les ans, les siecles: certes il ne faudroit point de supputateur ou Cosmographe, il faudroit conter ablatiuo tout en vn tas, & comme ie vous ay dit, qu'elle apporte de la commodité à toutes sortes de personnes; Combien y en a-il qui auroient le nez bien petit sans la nuict? Pour exemple, les Chandeliers, & ceux qui portent la decoction de vostre derriere, quelle heure prendroyent-ils plus commode pour exercer leur office? il faudroit qu'en plein iours ils menassent leurs Chariots de triomphe à vos yeux, & à la senteur de vos nez: Et apres ces Marchands grossiers, vendeurs d'Allumettes, que feroient-ils sans la nuict? s'il ne falloit point de chandelle

le

le il ne faudroit pareillement point d'allumettes pour les allumer : Certes si cela estoit , toutes ces manieres de gens pourroient bien passer le reste de leur vie à la Cour de miracle , & avec les Cagoux , manger honnorablement dans des escuelles de bois. Je sçay bien qu'il y en aura qui diront la nuit est vne grande incommodité, l'on ne sçauroit marcher sans chādelle : Abus abus, qu'ils viennent à moy , ie les osteray hors de scrupule , & voicy ce que ie leur diray , Venez çà mes amis , vous dites que vous ne sçauriez aller de nuit sans chandelle , qui vous contrainct d'y aller ? ce n'est pas la nuit ; ouy , mais i'ay vne affaire d'importance , attendez qu'il fasse iour : mais elle est pressée, & si l'on ne trouue ces gens là qu'au soir qu'il faict desia nuit , attendez qu'il fasse clair de Lune , il n'y a point de meilleure chandelle , car elle est naturelle , ou bien si par nécessité necessitante , vous estes contraincts d'aller de nuit , & que vous n'ayez point de lumiere , rompez-vous le col si vous voulez pour aller à tous les

Diablen, il ne faut point de chandelle. Vn autre me dira, on ne ſçauroit manger de poiſſon la nuit ſans chandelle, car on aualleroit les areſtes, & mon amy pourquoy en mange tu? ſi tu te fais mal c'eſt pour ta friandiſe, ce n'eſt pas la nuit qui en eſt cauſe, ou bien ſi vous autres eſtes auſſi friâds que vos femmes, qui veulent en manger la nuit & le iour, & à toute heure, & ſi elles auallent tout, quand bien elles s'en deuroient eſtrangler. Si bien donc que vous m'accorderez, que la nuit eſt tres-vtile & profitable, & inuentée pour le bien de l'un & l'autre ſexe.

Que le iour ne ſeroit rien ſans la nuit, & que la nuit ſans le iour ne vaudroit gueres mieûx. Or de peur de vous nuire, & qu'en naiſſant la nuit ne vienne, ie vous baiſe les mains, baiſez moy les feſſes.

De la misère de l'Homme.

L'On peut rapporter à quatre traicts principaux, toutes peintures & descriptions que les Sages ont crayonné de l'homme, sçauoir à la vanité, à la foiblesse, à l'inconstance, & à la misere, les vns l'ont appellé despoüille du temps, jouet de fortune, image d'inconstance, exemple & monstre de foiblesse. Les autres l'ont appellé le trebuchet d'enuie & de misere, rose du matin, Fleur aussi-tost flestrie qu'espanoüye. Bref, la plus miserable chose du monde.

La vanité de ceste esponge de misere, entr'autres tesmoignages & preuues, se demonstre assez és pensees & entretiens particuliers des hommes: l'un se pourmenant en vne sale, se plaist à compasser ses pas d'une certaine mesure & simmetrie sur les carreaux & tables du plancher. Cét autre s'alam-
bique le cerueau d'un discours esgaré,

sçauoir comme il se comporteroit s'il f estoit Prince, Roy, ou Empereur : chose à quoy l'humilité de sa foiblesse, ne le pourra esleuer. Cestuy-cy rumine comme appertement il composera son corps & sa contenance pour complaire à sa maistresse. L'autre considerant ses gestes dans vn miroir, se promet de rair toutes les Dames courtoisanesques en admiration, avec vn seul clin de teste, vanité qui s'engendre & prend racine alors que l'esprit est engourdy, d'oyssiueré.

Venons au second chef de nostre discours, & disons que la foiblesse de l'homme se remarque és choses où il se glorifie : que l'on luy baille la carte blanche, que l'on le mette à mesme de choisir, tailler & prescrire, vous le verrez despourueu de iugement & de consideration, à faire choix de ce qui luy est propre : Mais beant apres les choses incogneuës & aduenir, il ne se peut saouler des presentes, estimant les absentes de plus grand poids & merite.

Laissons à part ce qui concerne la

specialité, & prenons ce qui regarde la Police & le publicq. Combien de choses mauuaises & pernicieuses sont licites & en vsage public, non seulement par conuiuence ou permission, mais encor par approbation des loix, dont elles sont particulièrement autorisées ? Le Legislatteur de Spartes pour instruire à temperance & honneste moderation de vie, faisoit enyurer les Ilotes serfs, pour par ce brutal desbordement, faire prendre en horreur ce vice trop coustumier. Que direz-vous, Messieurs, si ie m'emancipe tant de dire, que la Iustice ne peut subsister & estre en exercices sans quelque meslange d'iniustice ? Platon permet, & le style en est en plusieurs endroits, d'attiltrer par fraude ou fausses esperances de faueur ou de pardon le criminel à descouurir le cas duquel il est accusé.

Vn autre argument qui presse viuent l'homme à recognoistre sa debilité, est que la verité l'estonne par son esclair, & l'atterre par son esclat, comme la viue clarté du Soleil offusque &

aveugle l'œil du nocturne oyseau ? Tellement que pour luy donner quelque air & quelque goust, il la luy faut desguiser, temperer & couvrir de quelque ombrage.

C'est assez parlé de sa foiblesse, son inconstance vient en jeu, laquelle se verifie clairement en ce que la plupart de nos actions ne sont que bouffées & saillies.

Ce ne sont que pieces rapportées, & à vray dire, l'homme est l'animal de tous le plus difficile à sonder & cognoistre. Il y a chez luy tant de cabinets & arriere boutiques, dont il sort tantost homme, tantost satyre : tant de soupirails dont il souffle, tantost le froid tantost le chaud, & d'où il sort tant de fumée. Bref, en toutes actions si plein de diuersité, que l'on le peut comparer au Cameleon, qui reçoit toutes especes de couleurs qui luy sont opposees, tout son branler & mouuoir n'est qu'un cours perpetuel d'erreurs, il est content & mal content, il veut & ne veut, & ne sçait en fin ce qu'il veut. En fin son esprit flot-

te

re au milieu de la tempeste de ses passions ny plus ny moins qu'un vaisseau exposé à la mercy des vents.

C'est un Ocean sans fonds & sans rive, que de penser amplement despeindre la misere de l'homme. Nous auons dit qu'il est en vain, foible, inconstant au bien, à la felicité & à l'aise, mais il est fort robuste, constant, & endurcy à la misere, & hors de luy, il n'y en a point au monde. Considerons sa production & son entrée, elle est vile, honteuse & miserable. Comme à l'opposite, sa sortie, sa mort, & sa ruine, glorieuse & honorable: voicy de quoy payer contant. Il n'y a aucun loyer ou recompense assignée pour ceux qui sçauent multiplier & conseruer l'humaine nature: Au contraire, tous honneurs, grandeurs, & trophées sont deferez à ceux qui la sçauent affliger, troubler, & destruire, & pour exéple, les deux plus grands Capitaines du monde ont desfait (s'il faut en demeurer à l'autorité de l'Historien naturel) plus de deux millions d'hommes en guerres & batailles, & n'en ont sçeu engendrer un seul.

D'ailleurs, voulons-nous vn plus évident tesmoignage, & plus frequent argument de la miserable condition de l'homme, que de le voir né à la douleur, qui luy est autant naturelle, que l'ombre au corps, la chaleur au feu, l'humidité à l'air, la froidure à l'eau, & la seicheresse à la terre? Que diray-je plus, l'homme est si passionnément amoureux de son mal, qu'il luy va au deuant, & d'une curieuse recherche, le prouoque à venir, semblable à ceux qui se tuent de peur qu'ils ont de mourir.

Voilà donc l'homme miserable, & naturellement & volontairement, en verité, & par imagination, par contrainte, & de gayeté de cœur. Le voilà le but où la misere décoché tous les traicts & poignantes sagettes de sa cruauté. Luy pourrions-nous pas donner vn cinquiesme & dernier traict de sa peinture? Ouy à la verité, mais ce seroit abuser de la faueur de vostre longue patience, par le recit superflu de ce qui vous pourroit plustost attedier que contenter, veu mesme que c'est chose

chose si notoire, qu'un chacun à part soy en peut sainement & meurement iuger par l'experience de soy-mesme.

C'est pourquoy, pour ne vous entretenir plus long-temps d'un discours importun, ie vous coniureray de nous vouloir continuer l'honneur d'un favorable silence en la representation de la piece promise, laquelle produira les veritables effects de l'inconstance qui vous a esté figurée en l'abregé de ce Prologue.

De l'excellence de l'Homme.

Combien que ie vous aye cy devant figuré la misere de l'homme tres-grande, & que les Philosophes Grecs & Latins, apres auoir diligemment contemplé toutes sortes d'animaux curieusement recherché leur maniere de viure, & conferé leur naturel avec le nostre, se soyent escriez qu'entre tous ceux qui respiroyent l'air, & se traïsnoient sur la terre, il n'y en auoit aucun

aucun plus miserable que l'homme. Ce neantmoins ie ne laisseray , targué du bouclier de vostre patience, de discourir de son excellence, & subtilité de son esprit, pour vous monstrier & faire voir à l'œil, qu'il est plus diuin qu'humain, resmoing l'ordre qui fust gardé en sa creation.

Parlons en premier lieu de l'excellence qui se remarque en la teste de cest animal , qui est la tour & rempart de la raison & sapience. Qui ne s'esmerueillera de sa memoire , laquelle (ainsi qu'escrit Platon) est le greffier qui tousiours demeure au dedans de la tour. Mais quel miracle y a-il en la subtilité inexplicable de ses yeux, lesquels ont esté mis & collocquez au plus haut de la Tour, pour estre speculateur des choses hautes & celestes : Au dessus desquels sont les sourcils faicts en arcade , pour empescher que la sueur ne les offence. Quel spectacle digne d'admiration , trouuerons-nous en la fabrique du nez ? n'est-ce pas vn petit mur esleué pour la deffense des yeux ? & combien qu'il soit petit, il

il est neantmoins propre à trois offices : l'un pousser & retirer son vent & haleine, le second pour odorier & sentir, & l'autre afin que par les trous ou tuyaux d'icelles, les superfluitez du cerueau soient purgees & euacuees.

Puis par quelle meilleure ordonnance sont taillees les leures, geollieres de la langue, laquelle par ses mouuemens conuertit la voix en parole, interprete, & donne à entendre l'intention de l'esprit? Qui ne s'esmerueillera, dis-je, de ce petit morceau de chair, lequel, bien que par maniere de dire, soit la plus petite partie de l'homme, dispute neantmoins du Ciel, de la terre, & de ce qui est contenu sous les quatre elemens : le menton decoré d'une tant honneste forme, enrichy de barbe, qui sert de truchement pour faire cognoistre la maturité du corps, & la difference du sexe. Quant aux oreilles, elles sont colloquées en un lieu haut & éminent, afin de receuoir le son qui naturellement est porté en haut : Les ordures & immondices qui s'y arrestent, seruant de glus pour ar-
rester

rester les petits animaux qui pour-
royent offencer l'ouïye.

Mais laissant à part la merueilleuse
fabrique de toutes les parties de l'hô-
me, parlons de ses effects. Combien
nous doit sembler admirable la ma-
gnanimité & generosité d'Alexandre,
lequel en l'aage de trente ans, auoit
subiugué tant de peuples, que ne trou-
uant plus de resistance, il fut contraint
d'aller iusques aux extremitez d'Afri-
que? Puis de là, se recordant des paro-
les de Democrite, il fist cauer la terre,
pour combattre les Antipodes. Je pour-
rois mettre en jeu vn Iules Cesar, vn
Pompée, mesmes vn Marcus Sergius,
lequel apres auoir perdu la main droi-
cte, & receu vingt-trois playes en di-
uerfes rencontres & batailles, com-
battit quatre fois de la main gauche,
de laquelle ne se pouuant facilement
ayder, il en fit faire vne de fer, dont il
combattit vaillamment deuant Cre-
mone, defendit Plaisance, & prit dou-
ze places en la Gaule.

Laissons les armes, & parlons de l'ex-
cellence de la Peinture, practiquée par

vn Apelles , lequel par l'espace de dix ans , employa toute la vigueur de son esprit à pourtraire vne Venus , qu'il façonna d'vne si excellente beauté, que les ieunes hommes qui s'amusoient à la contempler , en deuenoient esperduëment amoureux , comme de quelque viue image. Plutarque discourant de l'excellence de l'homme , asseure qu'Archimedes traïsna vn iour d'vne seule main , & d'vne seule corde , au trauers du marché de Siracuse, vn grãd Nauire chargé de marchandise, comme si c'eust esté vn cheual qu'on eust mené par la bride , ce sont par là science de Mathematique.

Galien Auteur digne de foy , escrit que le mesme Archimede fabriqua vn miroüer qui brusla en pleine Mer les Nauires de ses ennemys: ce qui ne semblera estrange à ceux qui ont veu vn Espagnol si adroict en la composition & fabrique des miroüers , qu'il en faisoit qui representoient deux images, l'vne vifue , & l'autre morte ensemble. Pline tesmoigne qu'vn autre forgea vn Nauire si industrieusement accompli, qu'vne

qu'une mouche à miel le couvroit de ses ailles.

Nous auons, ce me semble, suffisamment traité de l'antiquité, il faut un peu discourir de ce qui s'est passé es derniers siecles, afin que ne laissant la gloire des Modernes enseuelie, nous ne donnions tout l'avantage & prééminence aux autres. Quant à moy, ie ne trouue rien parmy les merueilles des anciens, qui puisse esgaler l'admirable inuention, vtilité, & dignité de l'Imprimerie, laquelle surmonte tout ce que l'antiquité a peu conceuoir d'excellent : Attendu qu'elle garde & conserue toutes les conceptions de nos ames; & combien qu'on puisse adjoûter quelque chose à tous les autres Arts, cestuy seul a faict son entrée au monde avec tel heur & perfection, qu'on n'y peut rien adjouster ny diminuer, qui ne le rende defectueux ou difforme. Pour l'Ecriture, on escriuoit anciennement en cendre, ou en escorce d'arbre, en pierre, en feuille de laurier. La premiere encre estoit de liqueur de poisson, puis de jus de meures,

*A luy est inuention
de l'imprimerie*

meures , de fuye de cheminée , de vermillon , & apres de galles, gomme , & couperose.

Alexandre & plusieurs autres Histo-riens , raportent que de leur temps en Sicile , il y auoit vn homme qu'on appelloit le Poisson Colas , pour ce qu'estant aquatique , il demeuroit quelque-fois l'espace de cinq ou six heures entre deux eaux , sans qu'on le veist non plus qu'un poisson. Que reste-il donc plus à l'homme , si ce n'est l'air , qu'il ne penetre tous les eslemens , & ne se rende familier d'iceux? Encor se trouue-il vn Leonard Vinciùs , lequel apres auoir long-temps cherché l'inuention de voler, est presque heureusement sorty de son dessein.

Ie reserve pour quelque autre discours , à parler de la merueilleuse beauté de l'ame , craignant de vous ennuyer , pour vous dire , r'entrant en mon premier discours , touchant l'excellence de la face de l'homme , que combien qu'elle soit infiniment belle & accomplie , elle ne laisse neant-moins d'espouuenter tous les animaux

irrai

irraisonnables , & les faire trembler à son aspect. Je rameneray aussi en ligne de conte Alexandre le Grand , lequel se voyant en l'extresme peril de sa vie, mesmes abandonné des siens en vne bataille qu'il auoit aux Indes, s'alluma tellement de cholere , qu'il sua le sang par tout son corps, & sembloit aux Barbares qu'il fust tout encerné de flammes de feu ; qui fust cause que prenant l'espouuante , ils le laisserent échapper.

Il s'en est trouué d'autres qui estoient si bien composez , que le poison ne les pouuoit offencer , tesmoing le Roy Mithridates , qui se voyant vaincu par Pompee , se tua de sa propre main, voyant que le poison ne le pouuoit offencer. Tesmoing Exagon Ambassadeur d'Afrique, que les Romains mirent dans vn tonneau plein de serpens & de Viperes, lesquels le caresserent au lieu de l'offencer. Bref , le temps defaudroit plustost que la langue , qui voudroit plus amplement discourir de l'excellence de l'homme. C'est pourquoy , pensant auoir assez faict pour
mon

mon particulier, & que l'excez n'est nullement agreable en toute matiere: ie me retireray sous mon enseigne, pour vous laisser escouter nos Acteurs, que ie croy preparez à s'acquitter de leur deuoir.

Procez du Pou, & du Morpion.

Messieurs, tout ainsi que le Ciel roulle perpetuellement autour des Polles Artique & Antartique, que le Soleil & la Lune font vn perpetuel voyage par les douze maisons du Zodiaque: Ainsi ma ceruelle, par Anthomase ou par Cathacresse, se trouue fort empeschée à la resolution de certaines autentiques questions dans les Gires, Meandres, Dedales, & Labirinthés de plusieurs difficultez qui la broüillent, ainsi qu'un Cuisinier faiët des œufs verjutez: Vade pourtant de mon reste, deusse-je perdre la partie. J'employeray la sublimité de ma doctrine, pour terminer vn different de
haute

haute matiere, qui s'est meu depuis peu de iours entre Messer Morpion, Gouverneur pour luy-mesme és pays de la Basse-Marche, demandeur en reiuendication, contre vn certain Poux de haute graisse, Escollier estudiant, & faisant son cours en l'Vniuersité des fesses, defendeur. Mais afin que mon iugement serue d'vne loy irrefragable à la posterité des cliens: ie rapporteray par le menu les raisons proposees de part & d'autre. Les conclusions du demandeur sont telles, qu'ayant baillé à tiltre de ferme au defendeur, certaine terre & Seigneurie, consistant en maison forte, garnie de Canon, & autres munitions, tant de gueule que de guerre, Moulin à vent, Moulin à eau, Garenne, & autres appartenances & dependances, size au valon de Humevesne: Il s'en estoit par succession de temps rendu maistre & proprietaire, & s'estoit emparé de ladicte place, au preiudice des Droicts dudidict Seigneur, qui l'auroit faict par plusieurs fois sommer de la remettre entre ses mains, comme à son legitime Seigneur, qui
allegue

allegue la difference qu'il y a entre *Conductor fundi*, & *Dominus fundi*. D'ailleurs, que la terre de question seruant comme d'alambic au Nectar de la vie, elle ne pouuoit endurer vn Seigneur sanglant & mordicant, comme partie aduerse, qui ne visoit qu'à estendre ses limites depuis le Leuant, iusques au Ponant. Que cette vsurpation auoit esté faicte de guet à pends par le deffendeur, lequel ne pouuoit ignorer les Loix, pour auoir suffisamment frequenté & couru toutes Vniuersitez, voire iusqu'au fin fonds des gregues des supposts de la faculté d'icelles. *Tertiò*, que les Moipions predecesseurs du demandeur, auoyent esté mis en ce monde inferieur pour Estoilles fixes, & les Poux pour errantes, afin que ce petit monde corporel fust basty sur le modelle du spirituel, & que partant l'ordre de nature seroit renuersé, si le Pou estoit maintenu en cette vsurpation. D'anantage, que, *conditio quæ non est ex essentia contractus, reddit contractum nullum*. Et encor que le bail fust yalable, son basage

aage le releuoit de ce qu'il pourroit auoir faict ou contracté à son prejudice, *vt iura*, introduicts en faueur des mineurs le tesmoignent. Pour ces causes & autres, concludoit à ce que le deffendeur fust condamné à vuidier la place, reparer les forfaicts sur icelle, & aux dommages & interests, avec defences de plus entreprendre sur ladicte partie, ny de chasser és Garennes qui en dépendent, sur peine de passer sous la rigueur de l'ongle.

A ces obiections, le deffendeur, le bonnet sur l'oreille, & les griffes esparpillées, opposoit vne charretée de defences, lesquelles pour éuiter prolixité, seront reduictes en petit volume, afin qu'à courtte oreille arriue petit discours. En premier lieu, il mettoit en auant pour defences, que le Morpion, casannier de sa nature, ayant vn voyage à faire en Barbarie, pour se rafraischir & prendre de l'air en son Chasteau de la Moustache, situé prez l'emboucheure de la machouiere: Il se feroit embarqué au port de Souffle au cul, apres auoir baillé la terre dont
il

il s'agit, à tiltre au deffendeur. Auquel ledit sieur Morpion en auroit par mesme moyen transferé la propriété, si dans le temps prefix il n'estoit de retour. Le terme donc expiré, le deffendeur s'en estoit rendu possesseur à iuste tiltre. En second lieu, que luy & ses alliez auoyent de tout temps esté en pleine liberté de se promener par les chausses & par tout ce qui en depend, & que partant ayant esté troublé par le demandeur, il auoit eu iuste occasion de se r'emparer de l'heritage, comme seigneur feodal, & duquel le Morpion releue. Arrestoit d'ailleurs que les iniures vomies contre sa sincerité retomboyent sur le demandeur, lequel estoit tellement taché du vice de gourmandise, qu'il ne vouloit iamais lascher prise, qu'il ne sentist les griffes de la mort. Tiercemét, que la troisieme raison du morpion estoit erronee, & se destruisoit elle mesme: Car supposé, disoit-il, que ie sois Estaille errante, il est necessaire qu'en fin ie me repose: Car *fit motus à termino à quo terminum ad quem*, où est le repos, ce qu'il auoit fait:

Consentant le temps de son erreur arriué, de quitter la place, y estant forcé par le sort & le destin, & non par partie aduerse.

Quartò, que la minorité du Morpion ne pouuoit empescher la validité du contract, veu que la communauté des pucés y estoit interuenüe, comme Tutrice & curatrice, ainsi qu'il est cotté en la Loy 4. *digest. de Introibus*, & Iustinian en ses Institutes, au tiltre de *Testamentaria tutela*, couchant pour les raisons & requestes, qu'il fut dit que *Qui tenet teneat, possessio valet*. Voila les plaidoyers des parties deduits de fil en aiguille, & clairs comme la matiere d'un foireux. En quelle posture estes-vous d'aduis que ie me mette pour terminer ce different? De quelle façon y procederay-je? Trouuerez-vous bon qu'il soit vuidé au sort des dez, comme faisoit Bridoye, ou auec les lettres anciennes, A. C. N. L. pratiquées par les Romains, ou bien que les parties tirent au sort des feues cōme faisoient les Spartains? Voulez vous que ce soit plus croteliquement, & a la moderne?

Le plus court festu choisira? Que i'en demande tout haut sous la Gallerie, comme d'un coup de partie? Trouverez vous meilleur que ce soit à *vi festuaria*, comme dit Aule Gelle, en ses *noctes attiques*: Sera-ce à coup de gourmandes? le déclareray-je par signes comme Triboulet à Panurge? voulez-vous que ce soit à qui mettra le plus près du but? ha que ie seray contrainct d'en dire ma ratelee, & d'en iuger parmy les tenebres, comme les Areopages. Ie dis donc apres avoir pourmené toutes sortes de considerations par les Galleries de mon intellect: & en forme d'arbitrage, que le lieu contentieux doit estre laissé libre au demandeur, pour y viure à l'accoustumee, sans que le defendeur le puisse trouble en la iouissance & perception des fruiets qui en dependent. Pourra neantmoins ledit defendeur, lors qu'il se voudra pourmener, on aller à la piccorée, librement passer sur les terres du demandeur, ny de ne les gaster en quel que sorte que ce soit. Et aussi ordonné que les parties se visiteront, comme bons amis, & Ser-

gneurs de terres confines, & prendront leur repas en mesme table. En cas de contrauention, & où le Pou ne voudroit sortir, permis au demandeur de le chasser hors de ses terres à coups de canonnades & petarades. Et outre, de lascher la bonde de ses escluses pour noyer le defendeur avec tous ses mauuais desseins, ou bien de faire vn tel massacre de luy & de ses adherans, que les Hospitaux s'en ressentent.

*A la loüange du Seigneur
Foüilletrou.*

QVe dois-ie dire de tes perfectiōs, Compere Foüilletrou? Certes, elles sont incomprehensibles, & dignes d'admiration, puis qu'elles ont sceu charmer, que dis-ie, forger le lien indissoluble qui nous garotte, lie, & enchaîne auiourd'huy d'vne estoicte, large, petite, courte, & grand' amitié. Or çà Messieurs, quel homme pensez-vous que soit le Cōpere Foüilletrou? le vous
le

le veux dire en vn quarteron de paroles, plus ou moins. Mais quoy? c'est vn Dedale duquel ie ne sortiray qu'auec vne peine indicible. Toutes-fois passons outre, Greffier, tournez le feuillet.

Primò, C'est vn Cheualier de table Ronde, accomply de toutes les qualitez qui peuvent faire mal au cœur à vne personne: Il est honnestè & gracieux comme vne demie liure de chandelle, sauoureux comme le pissas d'un vieillard quand il a mangé des asperges, propre comme vn tourné broche: Il est delectable comme vn estron sucré, liberal comme vn riche auare, sincere comme vn soldat chez la bonne femme en temps de guerre, plaisant comme vn gouteux, blanc comme vn Bourgeois d'Ethiopie, ciuilitéé comme vn paysant de montagne.

Que voulez-vous dauantage: le Compere Foüille-trou (à qui Dieu doit bone vie iusques à tant qu'il soit mort) est plus agteble à voir que vn teigneux sans bonnet: Il a les ioües rabondies cōme deux vessies de porceaux, son nez est composé d'un gros ceruelas, son

bonnet d'vne crouste de pasté de venaison : pour pendans d'oreilles, il porte deux grosses poires cuites, les dents sont fabriqués de pieds de mouton, sa barbe d'artichaux, son pourpoint de costelettes de mouton, chamarré de cardes d'artichaux & bordé de verius de grain, son haut de chausses à la cuisse de deux grosses citrouilles, enrichy de cloux de girofles, les esguillettes d'estomach de coq d'Inde, ferrees de canelle : son bas de chausses est d'un gras double de Milan, les coings bordezz à la moderne, de fine crotte de cheure : les souliers sont composez de deux pastez de godiveau, les roses de deux gros choux cabus, & ses iartiers de fine tripe de mouton.

Voila pas vn braue & galant homme ! ho, ho, ie l'aime aussi plus qu'un gueux ne fait son escuelle (quand elle est pleine, cela s'entend) qu'un Pelerin son bourdon, qu'un Aduocat ses Codes & Decretales, qu'un Menuisier son villebrequin, qu'un Cuisinier sa lardoire, qu'un Clerionnet les peris paites, & qu'un yurongne la bouteille.

le. J'auray tousiours memoire de luy
comme les Escolliers des coups de ver-
ges de leur Regens, l'honorant plus
que les escornifleurs ne font la Cui-
sine, & non sans cause: Car ce reuerend
pere en fausse de Fouilletrou est doué
d'un esprit infernal, d'un entende-
ment de vin aigre: son discours est
parfumé comme vn retraiet de Colle-
ge, son iugement transparent comme
vne lanterne sourde. Au reste, autant
curieux de se faire cōfite en vin, qu'em-
baumer pamy les viandes. En vn mot,
c'est le Fouilletrou des Fouilletrous,
vous le voyez ordinairement aussi
fluide de la bouche, qu'un foireux du
cul.

Au surplus, laissant a part toutes les
autres vertus de ce magnifique per-
sonnage, ie banderay l'arbaleste de mes
discours pour tirer au but de vostre cō-
tentement: vous conseillant de viure
le plus que vous pourrez, si vous ne
voulez mourir bien tost: honorer les
Medecins, en faueur de la Cristalline:
fuyr les putains, pour ne deuenir Che-
ualiers de Naples: donner largemet aux

Procureurs, afin qu'ils deffendent vostre cause : & faire conte du Compere Foüillette : Conclusion, deuenez gras pour bien remplir vostre pourpoint : mägez pour cest effect à trente-six dets, beuues du matin, pour eüiter la sincope.

Du Papier.

IE me presente à vous, non comme vn Cancre, le cul premier, mais le ventre farcy, & la teste releuee comme vn Cormorant d'Espagne : Ainsi faisoÿent les Arcopagites de la Chine, sur la matiere de *dragmatis amygdalis, & stercorib⁹*, pour faire bonne bouche apres la refecti^on. mais parlös de la curieuse recherche que l'antiquité Tropicque, qui tient que les filles d'Achelois faisoient le papier avec le cul : A l'imitation desquelles les hommes d'auourd'huy se seruēt du derriere de leur chemise pour faire du papier doré au Courtisans.

Qui voudra bourreler l'excellence du papier ? qui voudra, dis-ie, tenir la gloire

gloire de ceux qui en ont trouué l'in-
 uention, sans estre contraint de passer
 iugement de *tergere nates cum digitis*, &
 les lecher puis apres en forme de pom-
 mes cuites: venons au poinct. Qui est
 celuy qui ne releue de ses vtilitez? Qui
 ne l'admire à double ressort de besicles?
 Sans luy aurions nous la cognoissance
 de Perion de Gaule, de Jean de Paris,
 de Robert le Diable, des quatre fils Ay-
 mon, de l'Espiegle, & autres liures
 modernes, miraculeusement retrueuz
 parmy les ruines de Troyes? Sçau-
 rions nous que Mars & Venus ont a-
 pris aux gens d' guerre à battre la Dia-
 ne au poinct du iour sur le tambour
 de nature? Sçaurions nous la vengean-
 ce d'Apollon enuers Cassandra? Sçau-
 rions nous qu'Amour a penetre les En-
 fers, pour mettre en ruy le miserable
 Pluton.

Sans papier, les amoureux esloignez
 de leurs maistresses, ne pourroyent ex-
 primer leurs passios. Il n'y a rien que les
 amans caressent avec plus d'affection:
 que si quelque amoureux transi fait vo-
 ler vn polet vers sa maistresse, si tost

qu'elle l'aura veu, baillé, rebaisotté, elle le fera reposer entre ses rets. O dieux, quel amoureux n'est-il alors metamorphosé en poulet? que de coups de bec le beau vous en vient à la bouche pour le leur, le cœur vous en fait mal. Gardez le bandage de l'arbalète, baillez vos lances, ie vous en prie, vous blesseriez quelqu'un. Pourfuyons la louange du papier.

Il n'est pas iusques aux Secretaires de Saint Innocent, qui ne releuent de ses fonctions. *Ob arcana Veneris*. Mais que feroient sans luy les Historiographes, Poëtes, Orateurs & autres, gens de plume? que feroient-ils sans ce respectable papier, *campus sine gramine, caput sine crine*. Il me souvient que passant dernièrement par l'Vniuersité, vn Escolier casuellement relaxé du derriere eust parfumé le dedans de ses chausses sans le secours d'une missive, laquelle en forme d'aduis *Fapirica*, que le vulgaire appelle estron volant, deschargea le pauvre here de sa ventree plus copieuse que d'operation de cent bolus de casse. Voila pas vne belle

teatures, de Theatres d'Emphiteatres, erigez par l'antiquité, portent mon témoignage escrit en leurs poudreuses reliques. Athenes & Rome n'ont eu pendant le temps de leur prosperité, passe-temps plus recommandable que cestuy-cy, selon l'un des sept Sages de Grece representa luy-mesme la premiere Comedie qui fut iamais exposee en public, dont l'Auteur se nommoit Thespis. Du credit obtenu par ceux de nostre vacation, chez les plus renommez Monarques de la terre, un gros volume entier à peine suffisoit; on ne heurte autre pierre feuilletant les cayers. Au recit des exemples d'un Archilaus, d'un Marc Antoine, d'un Alexandre le grand, & de la plupart des Césars, tous grands amis de la Comedie.

Je ne diray point encor qu'anciennement elle tenoit le premier lieu apres la pieté, & que les ceremonies divines achevees, on exhiboit tels spectacles en public, come aux courses Olympiques, comme Auguste César apres la bataille d'Axia, comme Tibere & son successeur fit celebrer de leurs sa-

crez à la memoire : & qui fait encore pour nous , la Comedie ne se trouuera point censurée par aucune loy expresse des Chrestiens , où si elle l'est , nos plus saincts escrits le font. Au nombre desquels ie mettray la tragedie que S. Gregoire de Nazarenze composa sur vn subiect digne de la pieté. Saint Thomas d'Aquin approuue les Instruções , pourueu qu'ils ne soient scandaleux de paroles & d'actions.

Quant à l'infamie Comique , ie ne trouue rien de plus inuolte & déraisonnable. Nos Iurisconsults l'appellent Exace , qui ne signifie autre chose que mercenaire , à cause de l'argent que l'on exige des Spectateurs. Ceux à plus forte raison sont bien infames , qui tiennent vn breland , vn bordel , ou bien vne taverne , attirans par ce moyen la ieunesse à vne infinité de desbauches cent fois plus perilleuses , & de plus de frais , où Bacchus appelle les vns aux armes , ou le desespoir d'auoir perdu son argent enfante aux autres vne infinité d'execrables blasphemes , & cependant nos impudens.

pudens detracteurs n'en parlent point: telles gens sçauent bien comme il faut espuiser les meilleures bources de la France, sans controolle, & sans toute licence.

Il y a plus que les Comicques, à se qu'ils disent, estoient anciennement priuez du droit de Bourgeoisie Romaine: il y a bien icy de l'erreur au calcul, de l'equiuoque aux qualitez, & de la confusion parmy l'ignorance de ceux qui ne sçauent pas discerner les Comediens d'avec les Mimes, Pantomimes, Timeliques, & autres Triacleurs veritablement exclus de ce priuilege. Mais de dire qu'un Roscius, qui de son temps marchoit au pair avec les plus grands Seigneurs de Rome, que Ciceron mesme en vne sienne Oraison, defendit cōtre ceux de sa ville, n'ait ioüy d'un simple droit de Bourgeoisie: bon Dieu, quel apparent mensonge de l'inférer, ou plustost quelle lourde bestise de le croire!

Voicy encore vne autre iniure, dont nos ennemis font trophée, ou plustost resuscitent la Montaigne d'Esopé, que
qui

quiconque monte vne fois sur le Theatre, se rend indigne d'exercer la moindre Magistrature: calomnie repugnante à l'usage, iacoit que les Loix, à la verité, conseillent de laisser ceste profession, pour en embrasser vne plus serieuse: Mais veu la facilité qu'elles donnent quant & quant pour se releuer d'vne si legere cheute, tel obstacle ne vaut pas le parler, ioinct que nous voyons les enfans des meilleures maisons exercés en leur College à ce louable & vertueux passe-temps, pour se façonner la grace, dénouer la langue, & s'en seruir cōme d'un preparatif à chose meilleure. Aussi n'y a-t'il rien au monde de plus ressemblant au Barreau que le Theatre: la grace, les gestes, & l'assurance y sont également requis. Il faut venir à l'un & à l'autre, muni de ce que l'on doit dire.

Rest la dernière obiection de nos detracteurs, qui disent qu'encor de deux maux élisant le moindre, nos representations Tragiques & Comiques sembleroyent tolerables, mais qu'une farce garnie de mots de gueule gaste

tout, que d'une pluye contagieuse, elle pourrit nos plus belles fleurs Ah ! vraiment pource regard ie passe cōdamnation: Mais à qui en est la faute? à vne folle superstition populaire, qui croit que le reste ne vaudroit rien sans elle, & que l'on n'auroit pas du plaisir pour la moytié de son argent. Dès à présent nous y renonçons, & protestons de l'effeuiller en vne perpetuelle oubliance, si vous le voulez, elle ne nous sert que d'un faix insupportable & preiudiciable à la renommée: Encor que ie puisse dire avec verité que la plus chaste Comedie Italienne soit cent fois plus deprauee de paroles & d'actions, qu'aucune d'icelles, & que nostre partie nous soit beaucoup plus marastre qu'aux estrangers, par ce sinistre iugement.

Receuez donc nos raisons de bonne part, embrassez l'equitable party des Comediens, voyez le bon droit de leur cause, ne permettez point qu'ils soyent calomniez, & vous les obligerez à un perpetuel seruice.

Ala
Ala

A la louange des Poltrons.

Vue les Poltrons, si de ces tranche montaignes, qui d'une œillade furibonde, feroient trembler une armée d'anneçons. Quant à moy, ie fais plus d'estat d'un excellent Poltron, que cent mille Alexandres & autant de Césars, fussent-ils armez de pierre de taille.

Or m'estant proposé de l'estat Poltron, pour but à ce subiet. Ie vous diray qu'alors que ie vay poltronnisant, il me semble que j'ay desja obtenu une partie de cette fin desirée, en laquelle ie me delecte merueilleusement.

Mais dictes moy, ie vous prie, puis que cette matiere se presente maintenant à décider, si en la poltronnerie gist la vraye felicité mondaine, comment pourra aucun entierement iouyr de son Estat, veu que le grand Peripateticien assure que personne ne se peut dire parfaictement heureux en ce monde: Hé bonnes gens, celuy qui approche-

ra de plus prez le but de la poltronnerie, se pourra dire parfaitement heureux, & comme vray poltron, goustera & sauourera tous les contentemens qui se rencontrent en la vie humaine.

Je me doute bien que quelques Philosophes de la place aux veaux, avec certains argumens entrelardez de sophisterie, s'efforcent de troubler l'estat de la tranquillité poltronnesque. Mais ie voudrois biē sçauoir d'eux, au préalable que d'en discourir plus auant, si c'est chose bonne ou mauuaise d'auoir toutes ses commoditez. L'opinion de plusieurs grands personnages des siècles passez, est que quand nostre ame repose, elle s'acquiert de la prudence & de la sagesse tout ensemble. Et l'occasion pour laquelle la ieunesse en est despourueue, ne procede que du continuuel mouuement dont elle se traueille ordinairement. Ou au contraire, les hommes aagez sont tousiours sages & aduisez: Pourquoi? dira-t'on, pource qu'ils sont plus reposez.

On m'accordera donc, qu'estre assis

à son aise, n'aller qu'en Coche ou Litiere, dormir la grasse matinee, se faire dodeliner & mignarder: Bref, fuyr les incommoditez, n'est autre chose que vraye poltronnerie. Vous m'accorderez quant & quant que la poltronnerie est le fondement de la vraye sagesse.

Les Anciens faisoient tant d'estat de cette venerable poltronnerie, qu'Achilles, entre les autres, ayma mieux estre reputé excellent poltron, que vaillant Cappitaine, & de fait il employoit la pluspart des heures du iour à poltronner avec sa Briseis.

Certes, les poltrons ont la meilleure raison du monde, de n'entrer aux difficiles & perilleuses entreprises, pour la consideration d'une vaine gloire, qui n'est autre chose, que vent & fumee: & d'auantage de ne se rompre le cerueau à la lecture d'une infinité de liures, qui bien souuent font perdre la substance pour l'accident. Le bon-homme Aristote souloit dire, apres bon vin, bon cheual, *Negotium suspicimus, ut otium habeamus*: Comme il eust voulu dire, Tra-

Travaillons, travaillons enfans, afin de faire puis après les Poltrons à nostre aise. Boccace en son Decameron, quand il dit que la poltronnerie ne peut long temps durer sans argent. Or quiconque a de l'argent à souhait n'est-il pas content & sage? Celuy qui a toutes ses commoditez n'est-il pas Roy ou Prince? Mais que dis-je, vray Empereur des Poltron?

Pour ces raisons, ie dis que quiconque n'adore la poltronnerie, *Reus est mortis*, parce qu'il mesprise tous les plaisirs qui nous sont donnez en la vie. Et bien, Messieurs les Poltrons, ne chanterez-vous pas avec moy d'une voix organisée, Vive la poltronnerie?

Encor vn mot pour exemple: Vn grãd Capitaine, vn Prince, ou vn Gouverneur de Province, n'aura-t'il pas subiect de mesnager sa vie, pour le bien & utilité de ses suiets? Tout de mesme d'un bon Magistrat, d'un bon Iuge, ou d'un excellēt Orateur, sans lesquels vne Republique ne pourroit subsister. Ces creueurs de boudins des siecles passes, qui se sont par leur inuincible courage
acquis

acquis tant de Royaumes, n'ont ils pas en fin sacrifié à la poltronnerie, se retirans en des lieux plaisans & delectables, où ils finissoient heureusement leurs iours parmy les voluptez, vrayes compagnies de la poltronnerie. Les autres plus mal-aduisez ont laissé leurs gregues en quelque rencontre, bataille, ou duél, les autres se sont perdus par le desespoir. Mais vous, braues poltrôs, ie croy que vous n'en ferez pas ainsi: car si l'on vous donne sur vne iouë, ie vous conseille de tédre l'autre: Si vous offencez quelqu'un, pour cinq ou six coups de baston, vous en serez quittes: cela ne deschire point la casaque d'un gallant homme, on n'vse point de fil à recoudre les trous, c'est autant d'argent espargné.

Pour mon regard, i'attends en bonne deliberation l'Empereur des Poltrons, esperant qu'à son arriuee il defendra les canons, petards, harquebuses, pistolets, & autres tels bastons à feu, sans meimes en excepter les espées & poignards, puis que tels faras ne seruent qu'à la ruyne & destruction
de

de son Empire , reseruant neantmoins les Morions, Cuirasses, Brassars, & Gantelets , pour se gourmer à coups de poing. O belle & diuine Ordonnance ! le monde fourmillera d'hommes , si tu es vne fois obseruee.

Auparauant le Deluge , les hommes s'employent toute la iournee à poltroniser entre les iambes de leurs femmes, & à cette occasion ce siecle là s'appelloit l'age d'or & heureux. Et auourd'huy nos vains traualx , boutades , & rodomontades , font que le siecle où nous sommes s'appelle l'âge de fer, miserable & mal-heureux. Prenons donc la peine de deuenir bons poltrons, Messieurs, afin que cet aage doré puisse retourner à nous. Et pour ce que discourant plus long temps des poltrons , ie craindrois transgresser les loix de la poltronnerie: je finiray poltronnement, & vous baiseraï les mais en toute poltronnerie.

Voyage de Bruscamille.

C'Est vn OPORTET en grosse lettre: Il faut que ie fasse vn voyage en ce pays là, ie vay vous dire ce que c'est, Messieurs: Il y a enuiron deux ou trois mil ans, c'est du plus loing qu'il me souuient, qu'il s'esmeut vn debat entre Iupiter & Iunon, ceux qui ont fuëilleté les cahiers de ce grand Naso en ont veu quelque chose, ceste dispute estoit telle, à sçauoir des deux sexes, lequel auoit plus de contentement au ieu du bibloquet sans chandelle, prenez-le comme vous voudrez: l'un & l'autre soustenoit fort & ferme son opinion: Iupiter disoit que c'estoit l'homme; Iunon, que c'estoit la femme: l'un disoit que si, & l'autre que non: que falloit-il faire là? Il falloit necessairement vn tiers pour les accorder: ils s'aduiferent d'un nommé Tiresias, qui autre-fois auoit esté femme, & resolerent tous deux, que ce que cestuy en diroit

diroit, seroit tenu pour vray, comme ayant gousté de l'un & de l'autre, iceluy estant appelé pour resoudre ceste dispute, ayant ouy les deux parties, exclud & iugea, que sans doute la femme auoit beaucoup plus de delectation en telles affaires que l'homme. Or, bien que cette sentence fût fort contre l'unon, & qu'elle print vne grande vengeance de ce pauvre homme, toutes-fois il me semble aussi bien & iustement iugé, que ie me suis resolu d'escalader la voûte celeste, pour aller en personne prouuer & soustenir l'equite de son iugement. C'est le voyage que i'auois entrepris de faire, il est vn peu long & fascheux toutes-fois i'espere de vous reuoir bien tost, si le diable ne m'emporte en chemin *In primo ordine*, il me faut auoir de bons habits car ie passeray par la moyenne region, où se font les Metheores, passage assez dangereux, pource que les vents me souffleront au cul de tous costez : De là ie prendray la Lune aux dents en passant, & traüerferay les sept Planettes, le Soleil, Iupiter, Mars, &c. Je prendray ma volée

vers le Ciel cristallain , & passeray par le firmament , pour de là aller au giste en la maison Royale de Iupiter. Voila desia tout mon voyage fait , & si ie ne bouge de ma place: de vous parler des discours dont i'entretiendray ceux de ce pay là , & des viues raisons par lesquelles ie prouueray mon opinion touchant le iugement dont ie vous ay parlé, ce seroit chose superflüe & indecente à ma dignité pedantesque : car à la mode de nostre pays , il faut tousiours bien dire & trancher court, mais seulement en attendant que i'aye fait provision de viures pour mon voyage , car il n'y a point d'hostelleries en ces chemins là , s'il y a quelqu'un de vous autres qui aye dispute avec sa fême pour ce mesme subiect qu'il me l'enuoye, & croyez que ie la traitteray de telle façon, qu'elle sera contrainte de confesser qu'il n'y a homme qui puisse auoir tant de plaisir en vn iour, que ie luy en feray sentir en moins d'un quart d'heure , & si ie ne veux point faire de marché vous me payerez selon la besongne , & ie m'assüre que vous ne vous
en

en plaindrez point , voyant bien tost apres l'operation de mon premier appareil. Au reste ie vous dis à Dieu iusques à mon retour , & si ie ne reuiens bien tost , dites hardiment que ie me trouue bien là : aussi tost que ie seray reuenu ; ne faillez pas à me venir voir, & ie contenteray toutes mes rencontres, aduentures, occurrences, mon entrée dans les Cieux, & mon retour en la terre. I'oubliois à vous dire s'il y a quelques vns qui veulēt mander quelque chose au Manes de leurs bons amis de par de là, ie feray leur message : car ie verray tous les manans & habitans de ceste contree , & si ie leur en rapporteray certaines nouuelles. *Valete quoad rediero.*

Retour de Bruscamville.

R *Euiso patriam bis*, Orça, ne vous l'auois- ie pas bien dit , que ie serois bien tost de retour? il est vray que ie ne fay que d'arriuer : mais i'ay esté si fort

esmeu d'un desir de vous raconter mes aduantures, que ie n'ay pas eu patience d'attendre iusques à demain au matin, de mesme de manger vn morceau, mais ie m'estois bien saoulé deuant que partir O par quel bout commenceray-ie ? ie ne sçay : car i'ay veu tant & tant de merueilles, tant de richesses & magnificences, qu'il n'y a homme, quand il auroit autant de ceruelle comme il y a de puces au cul d'un chien, qui puisse seulement comprendre ou excogiter la moindre d'icelle: il vaut mieux marcher par ordre, & commenceray premiere-ment par ma superbe entree dans les Cieux, & combien de personnes furent enuoyez au deuant de moy pour cest effect. Comme donc il y auoit bien trois ou quatre lieuës iusques là où ie voulois aller, i'entés des nouuelles par certains espions que i'auois mis en campagne, que Iupiter auoit eu du vent de ma venue, & que pour ceste occasion il auoit assemblé le Conseil general de tous les Dieux, tant grands que petits, pour deliberer quel honneur l'on me feroit esgal à ma doctorelle dignité: il
fut

fut dit & arresté qu'en vne si heureuse
iournee, que Bruscamille quittoit la
terre pour aller visiter les Cieux, gene-
ralement tous les Dieux viendroyent
en la meilleure conche qu'il se pour-
roit faire au deuant de moy, que si ce
n'estoit en personne, qu'ils y enuoia-
sent pour le moins des gens à leur pla-
ce: Mais Iupiter mesme y voulut venir
en personne, ce qui fut executé: car le
lendemain comme i'estois en chemin
pour paracheuer mon voyage, ie les vis
venir à moy en l'ordre que voicy. Pre-
mierement marchoit ce Messager des
Dieux Mercure, qui avec son caducee
faisoit faire place, encores qu'il n'y eut
pas grand presse, puis apres Iupiter avec
sa grande barbe grise, qui estoit à che-
ual sur vn aigle son foudre en la main,
aussi tost qu'il m'aperçeut, commença
à m'embrasser bras dessus bras dessous
& me dit: O Seigneur Bruscamille,
vous soyez le bien venu, qu'il y a long-
temps que nous vous desirons de par
deçà: le pauvre hōme pleuroit de ioye.
Phœbus ny peut venir luy mesme, mais
en son lieu marchoyent apres Iupiter,

les neuf sœurs, les Muses de Parnasse, qui toutes ayans vn chapeau de fleurs sur la teste, marchoyent en ordre deux à deux les vnes iouient des instrumens, les autres chantoyent la Musique, les autres disoient des vers à ma louange, & toutes en passant deuant moy, me donerent chacun vn don, l'une la Poësie, l'autre la Musique l'autre la Philosophie, l'autre l'Astrologie, vn autre l'Eloquence, c'est dequoy ie suis deuenu si bon Orateur, voyez comme ie parle, il me sort autant de sentences dorees de la bouche, comme il vous sort de lieures du cul, en fin ie suis remply de perfections, que i'en ay depuis le cul iusques à la gorge. Apres cela marchoit ce grand Dieu Mars, avec vne compagnie de cent mil hommes de pied, tous bien montez, qui de son seul aspect & de sa posture faisoit tout trembler: il estoit monté sur vn grand estrier, bardé, enharnaché, caparaonné, d'or & d'argent, & pierrieres, de clinquans, en fin cela reluisoit comme les yeux d'un chat en plein minuiet ou plustost comme vne chandelle dans vn pot de fer:

Baccus

Baccus ne manqua point d'y venir, car ie suis vn de ses bons disciples, c'est vn gros garçon, sans cōparaïson, tout comme Iean Farine : il estoit sur vn magnifique char, tiré par quatre porcs d'Allemagne, il y auoit deux grosses endouïlles pour le moins de la longueur d'vne lance, qui seruoient d'essieu pour tenir les quatre roïes qui estoient cōposées de trois sortes de bois, de boudins, saucisses & ceruelas : il estoit honorablemēt assis sur vn gros tonneau, en sa dextre il auoit vn gobelet qui tenoit bien la valeur d'vne demy queuë ou plus : en la gauche vn gros iambon ou le lard y estoit de trois roïes despois, il marchoit apres vne infinité de petits dieutelets dont ie ne parleray point : car pensez-vous, il faudroit vn discours pour le moins de trois aulnes & demie de long, pour vous dire tout, tous en bon ordre, nous marchasmes vers le grand Palais de Iupiter, ô qu'il faisoit beau no^r voir? i'eusse voulu que vous eussiez esté là, l'on eust dit que c'estoit vn escadron de mouches à miel qui s'en alloient en leurs ruches, ie ne

vous diray avec quelle impetuosité l'artillerie donnoit car en auez entendu le bruit, ainsi donc tout chacun en son rang entraſmes dans le louure celeste: mais si tost que i'aperceu la splendeur, l'excellence de la magnificence de ceste riche maison Royale, ie fus tant rauy d'admiration que ie n'eusse sceu proferer vn seul mot, & ie croy que vous ne l'eussiez pas moins esté, car comment toutes les maisons sont couuertes de petits patez & de tartes en pommes, sans nous arrester: car s'il estoit temps de disner: nous alastmes droit à la grande salle, mais ie ne vous oserois dire son excellence: & combien elle estoit remplie de pierres precieuses, car ie croy qu'il ny a point assez de vinaigre dans Paris pour vous faire reuenir de la pasmoisson & rauissement auquel vous seriez escoutans telles choses: les tables furent dressees, chacun se sied à son rang, mais ie sçay bien que i'estois au haut bout, nous fumes seruis en premier mets de porages aux moules jaunes comme laiët, de patez de grenouilles & de champignons fri-

cassez,

cassez, au second d'escreuilles, tortuës, tripes de moluë & autre sortede poissō fort exquis : car il ny a gueres de chair en ce pays là, pource qu'il ny a point de prez pour nourrir les bœufs, veaux moutons, & autre sorte de pecore, ny de forest pour le gibier & toutes sortes de bestes sauvages, si bien qu'il n'y fait pas bon pour vous autres. Pour faire la bonne bouche, car *Finis coronat opus*, nous eusmes au dessert force naiffles su-crees, chastaignes bouluës, galettes salées, pommes cuites, poires moles, eschaudez secs, & de certain petit fruit rouge que l'on appelle des grateculs. Quant au boire ie m'en saoulay si fort de ce doux nectar, boisson des Dieux, que i'en auray la foire plus de quinze iours durant, Ganimede estoit là qui me seruoit à pleine rasse, tout le saoul: quand tout fut fait, les tables leuees, ie commence à faire ma harangue, comme vous sçavez qu'un homme comme moy parle bien, ie dis franchement ce qui m'auoit meu d'entreprédre vn si long voyage, & que c'estoit vrayement pour me plaindre, & deman-

der iustice de la rigoureuse & cruelle vengeance, dont auoit vsé Iunon enuers Thiresias, pour vn iugement qu'il auoit fait selon l'equité, & tout d'un train, ie commence par viues raisons à prouuer, & confirmer son iugement & que sans doute, les femmes aymoient beaucoup mieux & prenoient plus de plaisir au delice de l'amour que les hommes. Je voyois bien Iunon qui me regardoit de trauers, mais ie ne m'en souciois gueres, au reste mes raisons furēt trouuees bonnes, de toute l'assemblee & mes conclusions confirmees : il fut ordonné que pour recompenser ce pauvre Thiresias qui estoit deuenu aueugle par la vengeance de Iunon qui luy seroit donné vn don, à sçauoir qu'il deuineroit & prediroit les choses futures : voyla ce que i'ay fait pour luy cependant, & par ainsi les femmes ont perdu leur procez, mais elles retiennent tousiours les pieces par deuers elles. Pour faire fin ie voulus prendre congé de la compagnie leur obiectant que ie voulois venir au giste en ceste ville : mais ils s'efforcèrent tous de me rete-

nir

nir encore pour deux ou trois iours, ie leur dy que i'auois de grandes affaires qui requeroient ma presence par deçà, pource que l'on n'oseroit chier en ce pays-là: voyant qu'ils ne pouuoient rien gagner d'auantage sur moy, ils commencerent tous à faire mille regrets & lamentations pour mon depart & me donnerent de grands dons, si bien que ie suis reuenu plus riche que ie n'estois allé. C'est pourquoy ie m'en vais faire vne grande maison, s'il y a quelqu'un de vous autres qui vueille venir à mō seruice il n'à qu'à le dire, il sera bien payé. Au reste i'ay tant fait que ie suis reuenu sās fortune sain, sauf & gaillard iusqu'à la place ou ie suis, ce n'est pas tout, ie vous aduertis que i'ay tout plein mon haut de chausses & mes caneçons de recommandations & messages à faire de ceux de delà à ceux de deçà, quant à ceux qui voudront auoir nouuelle de leurs amis, ie m'en vay faire ouurir dès demain vn bureau general à tous venans, qui durera par l'espace de six semaines, & si ie ne demande rien pour le port: car il m'a esté payé de delà.

De la Colere.

CE seroit encores l'infamie d'une trop temeraire ambition que de s'ingerer de depeinde au naïf l'image de cette folle passio de colere, qui nous pousse entierement hors de nous mesmes, & qui cherchant le moyen de repousser le mal qui nous menace, ou qui desia s'est emparé de nous, fait bouillonner le sang en nostre cœur, & par sa maligne influence, leue les vapeurs de nostre esprit qui nous aueuglét & nous precipitent dans l'abisme de tout ce qui peut contenter l'effrené desir que nous auons de nous venger.

Ce seroit dis-ie, aspirer à l'impossible, que de pëser enclore dans la briefueté de ce discours vn monde infiny d'esclandres piteux, auxquels ceste pestilentieuse contagion (qui pour dire en vn mot, est vne courte rage & vn chemin à la manye) nous attire. Je me cōtenteray donc, me contenant dans les bornes

bornes du lanonisme, de vous dire que ce vice non moins detestable que difforme (i'entens parler de la cholere interne, couuerte, qui dure, & coniointe avec vne mauuaise affection : car pour les mouuemens de l'autre, nous n'en pouuons disposer) met l'esprit en piteux estat, puis qu'il cause vn tel desordre au dehors, comme de faire que les yeux deuiennent enflâbez, le regard furieux, l'oreille sourde, la bouche escumante, le cœur haletât, le poux fort esineu, les veines enflees, la voix begayante: bref, mettre tout le corps en feu & en fièvre.

Je vous laisse à penser quel tintamarre, quels cahos de confusions ce monstre prodigieux faict naistre dedans le cerueau ? Car pour enuahir l'Ame, & que la place luy demeure entiere, il en bannist la raison, capitale ennemie de ceste frenetique passion, puis apres la remplissant de feu, fumees, tenebres, bruit, la faict ressembler à vn Nauire, qui despourueu de gouuernail & de voyles, court fortune à la mercy des vagues, au milieu de la mer courroucée.

Que

Que diray-je de plus ? c'est celle qui se despice & s'éguise par l'opposition iuste, & par la cognoissance que l'on a de s'estre courroucé mal à propos, que dis-je ? inconsiderée & estourdie, nous precipite en de grands maux, en ceux mesmes que nous fuyons & procurons à autrui, ou le plus souuent en d'autres de pire condition. Si bien que ie la pourrois proprement comparer à ces grandes ruynes qui se brisent sur ce où elles tombent, car elle desire si violemment le mal d'autrui, qu'elle ne prend pas garde à éviter le sien propre, mais nous fait dire & faire choses formellement opposees à l'honneur & à la vertu.

C'est en quoy j'admire merueilleusement la sentence de ce grand Philosophe appelé Sage par l'Oracle d'Apollon, lequel asseuroit la fin de la cholere estre le commencement du repentir. Mais quelqu'un de la lye populaire s'esleuera contre moy, disant que ie veux faire accroire qu'il est iour en plein midy, comme si ces effects monstrueux de cette manie, (qui ne se trou-
uent

tient qu'aux esprits rebouchez & de basse estoffe) n'estoyent assez notoires par la multitude infinie d'exemples que ie passeray sous silence pour satisfaire à ma briefuete promise.

Je luy respons seulement en vn mot que d'autant plus les effets sont communs à vn chacun , d'autant plus le Theriaque de son remede est à rechercher , pour reprimer la malice de son mortel venin , & d'esteindre les flammes cuytantes de ce bouter-feu, & trouble-feste de nostre ame. Il luy faut donc couper chemin, & fermer toutes les aduenues aux assaux impetueux de cette tyrannique passion, ou pour mieux dire, il est requis vn endurcissement contre tout ce qui peut arriuer de sinistre: arrester & tenir son corps sans mouuement & agitation, laquelle eschauffant le sang & les humeurs, ne donne loisir au iugement de discerner le vray d'avec le faux.

Puis nous remettre deuant les yeux la messeice des actions & mouuemens de ceux qui sont en cholere.

Combien la douceur & la clemence
est

est agreable aux autres , & vtile à nous mesmes , & comme le vray Emant qui nous attire le cœur & la volonté des hommes , l'honneur & le respect que nous deuons porter à la prudence, avec vne esleuation de nostre ame à cette plus haute partie de l'air qui n'est iamais offusquee de nuages, ny agitee de tonnerre. Ainsi en vne serenité perpetuelle d'esprit ressembler à la plus haute des Planettes , qui se meut le plus lentement de toutes.

Voila , Messieurs , pour faire voir à l'œil & toucher au doigt l'impudente posture & fausse accusation de nos haineux , qui vexe de la sœur germane de la Cholere , osent effrontement vomir contre le Ciel ce blaspheme execrable , que nostre Theatre est le cloaque de toutes impudicitez , le receptacle de tous vices , & le rendez-vous de toutes personnes qui ont faict banqueroute à l'honneur : Le vous en laisse équitables arbitres , pour iuger à la suite de nos actions , comme nos actions ne sont moins fondees sur la baye de la Vertu , que l'interieur de
nos

nos ames porté d'un saint desir de payer les vœux de fidelité sur l'Autel sacré de vos merites.

De la Medecine.

*Animus meus, astantes otiosi,
Sollicitum rancis ut mare fertur aquis,
Inque patens aquor, frustrâ pugnante cerebro,
Fertur.*

MAis apres auoir Aleionisé ces bourasques , & l'auoir remis en premier calme , il m'a donné la licence d'estaminer, passer, & passer par le bulteau de preuoyance les fantastiques desseins, entre lesquels i'en ay tiré deux que i'ay mis à part comme fine farine, reiectant le reste comme son.

Le premier est , que ie desire estre Aduocat , i'ayme le son du Ducat plus que le sac , fut-il de fine toile de Hollande , mon inclination y est desia portee. I'ay leu à triples lunettes le tiltre de *Cuprecis* , & *doceo ancillam* , c'est vn bon

bon commencement , pourueu qu'on luy dōne pour escorte vn ouy assaison-
né d'vne fausse graue à l'Espagnole , &
vn non entrelardé d'vn refromgnemēt
& branlement de teste. La nature m'a
frabriquē d'vne argille si bien destrem-
pee, que pour quelque temps qu'il fasse,
ie n'ay iamais les mains gourdes (belle
commodité pour les Cliens) c'est pour-
quoy les Cuisiniers disent de moy que
ie suis fort propre à faire Gelce, tant en
Hyuer, qu'en Esté.

Et ce qui me rend d'autāt plus actif
à vouloir escalader cette profession,
c'est que ie ne vōy pas vn de ceux qui
la suiuent iouer de vielle aux portes
des cabarets, ny chanter de menus suf-
frages à Sainct Innocent , ils aiment
bien mieux chanter *In domibus suis , &
alibi consultando* , ceste agreable senten-
ce Despauterique , *Hic dat or* , laquelle
leur est inculquee *in matrice animi ab
eterno*. L'autre de mes desseins m'es-
peronne pour courir la lice , *in spatio-
sum, fertilem, & lucratiuum campum Me-
dicina* : l'ay des-ia pour cēt effect trou-
ué vn grand Mulet d'Austrasie disgra-
cié

cié d'une Mule à long poil & courte queue : C'est pourquoy elle court ordinairement à bride auallée apres les longues. Les Centuries de Nostradamus me déconseillent toutesfois de m'en servir , à cause que la planette de Venus menace la queue de quelques cirons de Naples , au quarantième an de son aage, & par consequent fantafque & subiet aux ruades , cause pourquoy les autres Mulets l'expulseront de leur ancienne congregation : mais ie prendray delay de douzaine , ou de quinzaine, comme vous voudrez, pour y penser.

La cognoissance des plantes , pour reuenir à la Medecine, m'est fort familiere : j'ayme la Mante , mais sur tout l'Orpin , la Consolide , grande , petite , & moyenne , avec le grate-cul , *ad excitandum stuporem clunium* : Quelqu'un me dira peut estre , que les Medecins sont subiects à porter le nez sur les ragousts de derriere , Hé pourquoy non ? puis que *ex re qualibet bonus odor lacri* , pourueu que ma bourse soit tousiours enceinte de Iacobus , & qu'elle

qu'elle serue d'Arsenal , non pour les mousquets encornez, mais pour les pistolets & pistoles , il ne m'importe : qu'en dites-vous , Messieurs , ne sont-ce pas de bonnes armes contre le mal des dents ?

Ces iours passez , *deambulant* par les villages , pour voir si la praticque y estoit bonne , & ie m'y pourrois accommoder à cette profession. Je me logeay chez vne ieune vesue , laquelle trauailliee d'une maladie naturelle, depuis la mort de son feu mary , fut par moy saignée faite de Chirurgien, *inter crura* : la punaise ayant senty l'effect de ma lancette, & apres auoir ietté quelques profonds souspirs , tesmoins du recouurement de sa santé , me disoit , Ne rengainez pas si tost vostre lancette , Monsieur le Medecin , hé ! tirez m'en d'auantage, ie vous en prie, car ie suis assez forte & robuste , considerez mon naturel , ie n'en mourray pas : A demain, à demain, luy dis-je alors , c'est assez pour ce coup, il n'y a si bonne lancette qui n'en fust émouffée , on vous ouurira vne autre fois la

veine,

veine, si le catz le requiert, ie veux dire le cas.

Quelques parens de la suppliante en ayant eu aduis, firent dessein entr'eux de me donner le Moine pour mon salaire : Mais mon Genie me conseilla sur l'heure d'escarpiner à double semelle : ce ne fut pas toutes-fois sans estre poursuiuy de ces ennemis de nature, qui galopoyent apres moy comme les Leuriers apres le Lieure, crians tous d'une voix, Prenez le, prenez le, nous luy voulons donner de l'argent, & moy de courir plus fort de peur d'en prendre & d'estre pris, si bien qu'apres plusieurs viruoustes & destours, ie les perdis de veüe, & dès l'heure ie me ressolus de quitter là la Medecine, avec tous ses Recipez Decipez : & la Jurisprudence avec tous ses Codes & Decretales, me contenant de ma premiere profession libre, & exempte de toute sollicitude.

Des

De Receptes.

QV'on ne m'en parle point , ie suis le fleau de la sterilité ; iamais ie n'embrasseray le party des femmes steriles , ie suiuray l'opinion des Anciens Philosophes , desquels ie represente la viue image. Quoy ? n'est-il pas escrit que les Lacedemoniens chassoyent les steriles du Temple ? Pour le regard d'Aristote , il en fait vn ample discours à bastons rompus. Il y a de plusieurs sortes de femmes, les vnes pour estre trop maigres , ou trop grasses , ne sont propres à la generation , les autres sont si lubriques , qu'elles brulent la semence par vne trop grande chaleur ; les autres si froides , qu'elles la suffoquent par vne trop grande humidité.

Si la faute procede de vous Messieurs, ie suis icy enuoyé de la part de la bõne Dame Iunon , Deesse tutelaire de ceux qui sont accrochez sous les loix du Mariage, pour vous y apporter tout le remede

mede que vous scauriez pas desirer; car depuis hier au soir, sans compter les mois, les semaines, & les iours, i'ay trouué en certains liures. rongez des vers, & imprimez enuiron cent ans auparavant la creation du monde, des Receptes tres rares & tres singulieres pour cét effect.

• *Primò*; deux dragmes de ius de gygot, mortifié dans les vertebres, trois onces de testicules de Cigale, i'entends de celles qui chantent en Hyuer, trois scrupules de langue, du continuel mouuement; trois liures de lard de fourmis, meslé avec des œufs de Phenix, quatre dragmes d'huyle de cademat, trois onces de viedazeries meslees avec paroles hors de propos, & de tout cela, *fiat potio, & capiatur per horas duas, antequam gallus cantet.* Et si vostre femme n'est enceinte; appelez moy menteur, & dites qu'il n'en est rien.

Et si vous desirez que l'enfant soit masle, il vous faut prendre la matrice d'un lieure, & le dissoudre avec certain tourdion de fesses dans le mortier féminin, avec le pilon de Nature, sans

doute l'enfant fortira armé de pied en cap , avec deux recors ou tesmoins instrumentaires, portans la baguette, afin de faire place à ceux qui le suyuront à la piste.

Si d'auenture cetté corde rompoit, & que mes receptes n'ayét tel effet que vo^r desirez,prenez moy à ieun la quintessence d'vn poulmon de puce, demie aulne de queüe de grenouille:car à tout prendre il y auroit de l'excez,deux rognós de poux,trois œufs de cheure destrempez avec du laiët de poulle , sans oublier la prunelle d'vn œil de taupe, lauee à l'ombre d'vn romarin , puis reduis tout en poudre. Vous m'oublierez aussi à prédre le son d'vne Cloche de Conuent , le coup du batant, & broyer le tout dans vne pantoufle, avec vn pilon en taille douce:c'est vn remede fort souuerain pour engendrer des chimeres & des idces en peu de temps.

Ne pensez pas que ces Receptes soyent semblables à celles d'vn ras de Charlatans qui tirent la quintessence de vos bources : car i'en ay faiët vne tant admirable & superlifique experience

rience, que i'en ay fait auorter vn cir-
ron, & esterner vne puce, l'ayant par-
ticulierement pratquee à l'endroit d'v-
ne certaine femme de ceste Ville, qui a
depuis autant engendré d'enfans mas-
les comme il y a de iours en l'An, ie
vous baise l'estrier du costé du pied
gauche.

Des Chastrez Serieux.

NE plus ne moins que le bigarre-
ment de diuerses fleurs nous rend
vn pré plus gay & agreable, quand le
retour du Printemps semble auoir r'a-
ieuny le Ciel & la terre, ou comme du
concert de plusieurs voix resulte cer-
taine harmonie qui contéte mieux l'o-
reille que l'accent d'vne seule, quelque
excellente qu'elle fut, induits de ces
exemples, nous inferons Messieurs à la
sourcilleuse grauité des Prologues pre-
cedens. Le facecieux discours empor-
tant quand & soy la protection des
mortels ennemis des Dames. On les

nomme chastrez en bon François.

Bien pour mon regard i'enuie plus leur bien heureuse condition, que ie ne la desire par effect. O Cieux ! par quel bout commenceray-ie leurs loüanges ? Loüanges infinies & plus innombrables que les flots d'une mer agitée : Sera-ce par les beaux priuileges desquels Nature recompense leur perte ? ouy, Apres nous pincerons les autres cordes de ce Luth.

Premierement il trompent la plus furieuse passion des hommes, & le contrepoids d'une maudite sensualité n'empesche plus leur esprit de s'esleuer au Ciel, la premiere origine. Pour seconde commodité ils sont assurez de mourir yniques en leur espece, cōme le Phenix. Tiercement, pourueu qu'ils soyent esmaculez deuant la puberté, ils ne leur couste iamais rien en Barbiers, leurs voix demeure saine & entiere pour la Musicque, ils ne sont presque plus subiects à une infinité de maladies qui chastiet une luxure immoderee. Il est vray qu'ils sont en dāger de perdre leur procez, ayans perdu les meilleures piēces
du

du sac , que rarement on les croit en iugement faute de tesmoins & qu'on leur demande souuent quelle heure il est.

Mais ce ne sont que petits nuages aussi tost dissipez par le Soleil de leur felicité: car en récompense ils sont commis par les plus puissants Monarques à la garde d'un ferrail, aprochans des Dames en toute asseurance , & se repaisissent de la veüe, s'ils ne peuuent mieux. Combié y en a-il de la compagnie qui voudroyent ressembler au Prestre de Cibelle , afin de pouoir habiter avec ce monde de beauté , & viure entre elles par le moyen des regards ainsi que faict ce miracle indient de la fleur des espiceries, & de la rosee?

Il y a plus , les Eunuques ont iadis possédé la premiere place d'honneur chez les Rois , tesmoin Putiphar , & ont emporté la Palme d'une vraye fidelité , comme Porus à l'endroit de Neron. Ouy, mais repliquent les femmes en elles mesmes, si chacun estoit chastré, que deuiendroit le monde? vrayement pour leur respect ie ne le voudrois pas.

ce qui sied bien à l'un ne sied pas bien à tous. Mais ie conclus que chacun se doit contenter de sa condition, que l'un & l'autre pesez dans vne iuste balance, leur comparaïson se trouueroit sans cōparaïson, s'entend que tout le bon heur pancheroit du costé de nos cliens, auxquels & à toute la compagnie ie souhaite les ans de Nestor, & les richesses de Midas, & ses oreilles à ceux qui n'en ont point. Pour moy ie me retire soubz mon estendart, pour faire place à nos premiers combatans, apres leur auoit donné le signe de la bataille.

Les bonnes mœurs des Femmes.

LA Prudēte est celle qui a le dedans de la main velu.

La hardie est celle qui attend deux hommes dans vn trou.

La coïiarde est celle qui met la queue entre les iambes.

La honteuse, est celle qui couure ses yeux de sa chemise.

La Pareilleuse , est celle qui le laisse-
roit plustost pourrir que l'oster.

La Peureuse, est celle qui ne se veut
coucher sans hommes.

La despitueuse , est celle qui pour vn
coup en rend deux.

La bonne Chrestienne , est celle qui
ne s'ose coucher sans Prestre.

La debonnaire, est celle qui leue vne
jambe quand on leue l'autre.

La desgoutee, est celle qui n'en veut
point sans fausse.

La Iuste , est celle qui ne demande
que le droict.

L'orgueilleuse est celle qui ne fait
conte que des grands.

La huguenotte est celle qui ayme la
chair en tout temps.

La Papiste est celle qui manie sou-
uent l'asperges.

La spirituelle est celle qui a l'engin
capable de grande chose.

La foible est celle qu'on ne scauroit
si peu toucher qu'elle ne tombe à la
renuerse.

La bonne mesnagere est celle qui
met chacun en besongne.

La diligente est celle qui à plustost fait deux fois que l'autre vne.

La curieuse est celle qui veut sçauoir ce que chacun sçait faire.

La liberalle est celle qui ne refuse rien, de ce qu'on luy demande.

La charitable est celle qui loge volontiers les aueugles.

La morfondue est celle qui ayme d'estre bien couuerte.

La Pelerine est celle qui ayme à plâter le bourdon.

L'affamee est celle qui ayme d'estre auitaillee.

La friande est celle qui ayme les choses delicates.

De sorte que toutes visent à vn mesme but, respirent vne mesme chose.

Des Puces.

F*Ecundi Calices quem non fecere disertum.* Qui ne soit facond, disert & copieux en caquetoire, quand le timbre capital est encensé de la douce liqueur

queur dionisiaque, c'est le vray anthou-
siasme de poësie, l'éguillon de sagesse,
le restaurateur de la brayette, le réveil-
lematin du temple de Bacchus, bref la
vraye sentinelle de verité.

Cela est autant veritable que la veri-
té mesme; car ayant copieusement trin-
qué à la grimouche, & haussé le conde
à la Flamande, j'ay esclarci mon esprit
de quelques dubitations qui le ren-
doyent heretique en diuerses opinions
riolee & piolee comme la chandelle
des Rois, *In varias distractus partes erat
animus.*

Mais il est maintenant rassis comme
vn pain cuit de trois semaines, l'arsenal
de son iugement est ouuert, il est assis
dessus l'escabelle de ses ratiocinations,
voyant euidentement, & aussi bien que
le plus clair-voyant des quinze vingts
par les lumineuses lumieres de son in-
tellect, *aut hoc, aut illud.*

Que sert de déguiser la matiere, &
vous cacher plus long-temps l'effet de
cette agreable potion, plus qu'elle a au-
jourd'huy rendu mon iugement capa-
ble d'apointer vn argument de haure

game, interuenu entre deux puces que, i'ay subtilement gripees. *In necessus thoracis mei?* Qui faisoient Carefme prenant sur mes espaules aux dépens de ma chair tendre & delicate, comme le probosce d'un Elephant.

Transcat, leur different estoit tel, combien qu'ils fussent *eiusdem generis & qualitatis*, Que l'une d'icelles pour auoir esté esleuee sous la queue de mon chien, & par consequent nourrie du nectar de son derriere, se disoit de meilleure maison que la partie aduerse qui auoit pris naissance dans l'oreille de mon chat, & apres leur auoir donné licence de parler; Car les petites bestes parlent auourd'hui aussi bien que les grandes. La puce canique m'a faict vne petite harangue trouffee comme vn pet doctoral & si artistement prononcee, qu'il sembloit que Quintilien eust plustost appris d'elle, que elle de Quintilien : & ce qui la rédoit plus admirable, est cōbien qu'elle fust infiniment longue, elle ne contenoit neantmoins que trois mots, & chaque mot vne syllabe d'un pied & demy seulement, sauf l'erreur du calcul.

La puce de mon chat , apres m'auoir faict vne reuerence a trois estages à faict son Oraison , *In genere iudiciali*, Commencant comme Ciceron contre Catilina , *Quousque tandem?* Vn sourd eust pris vn singulier plaisir à les ouyr s'entre inuectiuer , la Puce du chien montrant les dents à celle du chat , ose tu , disoit elle, avec vne mine refrongnee , te parangonner à moy qui prens ma scaturigine de ceste Puce qui demeurera tousiours avec le chien de Cyrus , & n'abandonna iamais la platte forme de ses fesses iusque à la mort.

D'auantage ie suis le reueillementin du chien de la maison , s'il dort ie fais la sentinelle pour l'esueille au premier bruit : au contraire , toy nichee dans l'oreille du chat ne sert à autre chose qu'à estre complice & aderante à toutes ces meschancetez & friandises. Si tu l'esueille c'est pour luy faire commettre quelque larcin & l'enuoyer à la cuisine pour visiter le garde-manger , & attraper au giste quelque souris mal versee aux ruses de la guerre.

Appone frenum lingua , Dit la Puce du Chat, ie descens de la premiere Puce , & celle qui m'a donné la vie à tousiours tenu bõne compagnie à Diane tandis qu'elle fut chaste en Egypte, pour s'exempter de la colere de Thiphénb, & depuis elle a esleu son domicile dans le calleçon du Iunor. Viença adioustoit la Puce du chat à celle du chien nes-tu pas vne vraye maquerele, quand hebergée au lit de la seruante & en cabaudee dans son tertre mouffu, quelque gros valet en chair , & en os, luy vient apprendre à former ses lettres, cela ne se peut passer sans offencer son maistre , & cependant tu ne l'aduertis pas de cette conionction de fesses : cache toy vilaine, disoit-elle en outre, on a monstré ta mere enchainée sur le Põr neuf, j'ay ouy crier des charlatans, qui veut voir vne puce subtilement enchainée pour deux liards. Ma race à esté tousiours de condition libre, finalement à voir faire ces deux nobles puces, vous les eussiez comparees à deux muets, qui se piquent de paroles & d'iniures atroces. Mais pour y donner ordre , & de crainte

crainte qu'elles ne se portent sur le pré pour terminer leurs differens, ie les vay trouver, vous montrant pour ce faire le talon de mes pantouffles, *Vsque ad renisum.*

En faueur des gros Nez.

Messieurs, *Dum grauioribus curis detentus*, ie m'amusois à vous embrocher quelque viande d'appetit, *mibi renunciatum est*, du Concile national des gros Nez, conuoquez & assemblez pour les affaires de leur anarchie: Lesquels se sont tellement fouruoyez de leur deuoir, qu'ils ont oublié d'y mettre le mien en lettre rouge, côme principale feste du Calendrier, *O tempora, O mores*, mon nez si bien pourfilé, si bien graué à l'authentique, n'auoit peu trouuer place en cette assemblée, *quos ego, sed motos praestat componere fluctus*. Puisque la charité nous enioint d'aimer nos ennemis, ie veux & comme si i'estois député des estats de Messieurs les gros Nez

Nez , vous chanter aujourdhuy les loüanges d'iceux.

Je dis donc en premier lieu qu'il est necessaire que le nez comme estant le vray ravelin de cette citadelle soit fait à plein fonds , pour sôstenir les canonades , si d'aventure en quelques compagnies de peteurs, la ville *obsidione teneretur* , & non pas semblable à ces petits nez treffle, faits en pied de pot, lesquels ne sont pas capables de pouvoir resister aux assauts & camisades de petarades de cét infame Archer du derriere , qui tous les iours ne vise à autre but , & n'en demande que la ruine. Mais dites-moy, ie vous prie, *Nonne experientia patet?* Que ces petits auortons de nez ne sont que des sentines & cloaques d'ordure , puans & infets en tout genre de putrefaction, où au cōtraire le nez faits sur le modelle du mien, sont les alambics & tuyaux par où se vuide tout ce qui pourroit *mentis animaeque functiones impedire.*

Praterea , si vous considerez de prez le Cathalogue des Empereurs Romains , vous trouuerez qu'ils ont esté
tous

tous fort bien pourueus de nez. Numa second Roy des Romains , *Sesquipedalem nasum habebat* : Cause pourquoy il fut surnommé *Pompilus*, comme qui diroit gros nez de Pompette. Lycurgue & Solon grands législateurs en auoient vne tres-bonne fourniture, *Si Plutarcho fides sit adhibenda* : Et n'y a iamais eu en Italie Roy qui ait manqué de nez , que Tarquin le superbe , aussi *vrbe & regno pulsus fuit, scilicet* , qu'à cette occasion il fut dépoüillé de sa Royauté , & chassé de sa ville.

Prenez-vous tous par le nez , Messieurs , pour voir si vous auez part en ces louanges , & si vous estes propres à estre Empereurs, montons plus haut, & nous trouuerons *louem caterosque deos*, allant & venant par vne chaine dor, comme dit Homere au douzième liure de son Iliade, auoir esté aussi bien fournis de nez que moy. Et que la raison pourquoy Vulcan fut expulsé du Ciel, fut à cause qu'il estoit trop court de iambes & de nez. Je diray bié plus, que Proserpine ne peut sortir des Enfers pour r'entrer au Ciel , à cause que Plu-
ton

ton luy auoit mangé vn petit bout de son nez en le baisant, *vt notauit Virgilius*, en ses *Æneides*, où il est escrit que les Camus n'auoyent point de place dans le Ciel, & que la difference des Dieux & demy-Dieu se remarquoit au nez, ô bien heureux sont donc ceux qui ont demy pied de nez.

Le Nez simbolise avec la prudence: & de faict ie tiens que ceux qui ont le nez faict à grand ressort sont ordinairement les plus sages & aduisez; *unde Vlisses Nasutus dicitur*. Outre le Prouerbe si commun de dire, C'est vn Niais, il n'a point de nez: *contra verò*, C'est vn fin matois, il a le nez long, il sent de loing. Vne autre raison encore fort preignante, pourquoy les Nez Aquilins sont tant estimez: Pource que Iupiter se fist porter par l'Aigle, qu'il choisit sur tous autres oyseaux, à cause de son gros bec. Voicy l'arriere garde de nos preuues, & la conclusion de nostre discours.

Au temps de Saturne, la coustume estoit telle, que les filles recherchoient les ieunes hommes en mariage, & celle

le estoit tenuë pour la plus fine & accorte qui se couploit avec vn mary. pourueu d'un nez à double estage.

Aussi est-ce par maniere de dire le vray moule de la braguette, & de faict l'on tient pour maxime vulgaire, que *Ad formam nasi cognoscitur ad te leuani.* Ne mesprisez d'oc point les gros nez, Messieurs, au contraire faites enfler les vostres, s'ils ne sont assez gros & grands: consideré mesmes que les Camus ont fort peu de sentiment.

*Prologue à Monseigneur
le Prince.*

C'Est vne foible excuse, Monseigneur, de dire que ie n'y pensois pas, elle repugne à la sagesse, & par consequent sympathise à la folie. Ceux qui se presentent mal purifiez deuant les Dieux reçoient vn salaire condigne à leur temerere impieté: Au lieu de se reconcilier, ils agrauent la haine celeste.

Il faut venir les mains leues à la solémité d'un tel Sacrifice que celuy qui nous appelle aujourdhuy deuant l'un des plus grands Princes des Chrestiens, que l'illustre sang de la Trimouille a produit aux lys & fleurons de la France. Et si la verité peut estouffer ce soupçon de flatterie deuant le Phenix des vertus. Mais le moyen de n'estre point surpris en de telles occurrences, quel panchratiste (mot pedantesque significatif) ou luiteur vsté aux cinq exercices ne succomberoit ? la loy n'oblige personne à plus que son pouuoir, les rayons neantmoins de ce soleil accompagné de tant de diuinitez, demande quelque hōmage aprochant de la dignité du suiet. Ce qui ne se peut, si mesme Apollō ne prenoit sa Harpe pour celebrer la victoire de ses braues ayeuls. Si ces paroles animees d'Homere ne nous reuenoyēt en la bouche, pour forger vne illiade nouvelle de raretez & de perfections, tant s'en faut qu'ainsi soit, éloignez du but de nos vœux en diametre éblouys d'une viue clarté des astres de l'Europe assemblee, la crainte nous estoupe ce
canal

canal de la voix , le respect nous charme d'un venerable silence , & ne nous permet de dire autre chose , sinon que reduits à petit nombre en cette profession comique, la qualité ne nous fit jamais peur. Que si le trepié Delphien se disputoit , quelques vns des nostres le pourroyét esperer. Que seruent tant de discours, si Cadme se fit naistre vne armee avec des os semez par terre, la presence d'un si grand Prince, si fauorable aux Muses, & si fauory d'elles , animeroit les rochers d'Amphon, feroit sourdre un Parnasse , non pas d'un coup de pied , mais d'un doux & liberal rayon de sa lumiere. Targué donc du bouclier de cet inuincible Ajax , l'escarmouche de quelques enfans perdus qui se sont exposez à la iuste censure, ny ceux qui pourroyent venir , apuyez d'une feminine effronterie, tels petits obstacles ne nous éguisent que la pointe de l'appetit, ne nous seruent, dis-je, que de mire pour fraper au but de la perfection , & leur insuffisance confrontee prouuera que cette superbe montagne auortant d'une miserable souris, rien ne nous est

impossible sous l'auspice fortuné d'un si genereux Prince.

*Harangue funebre en faueur du
bonnet de lean Farine.*

C'Est aujourd'huy que tu dois recevoir le dernier honneur de tes obseques, & funerailles, Bonnet d'importance : tu seras icy planté comme trophée à la posterité des bonnets, auxquels sera permis d'imiter tes hauts faicts, & non pas de les égaler : mais avant que de te servir le dernier plat de mon mestier, ie te prie de ne t'estomaquer si tu manques de sepulture, tu n'es pas plus grand que Pompee, & ta suffisance n'est pas de meilleur qualibre que celle d'Alexandre le Grand. Ces grands capitaines, comme plusieurs autres Anciens, n'ont eu que le ciel pour drap mortuaire, & le matelas ordinaire du chié, pour fosse ou tombeau, tu n'as iamaïs redouté les canonnades, ny mille autres incom

commoditez par où vne infinité de bō-
nêts de bonne maison ont passé, qui se
riois hardiment de tout le monde, com-
me chacun se gosloit impunément de
toy, qui recelois plus de science sous ta
rotondité, que n'en contenoit la cuue
de Diogenes, ou le mortier où fut pilé
Anaxercus, qui contenoit plus de fata-
lité, que les vers Sibilins, ce qui a causé
que tandis que ce grand esprit bonne-
tique a animé ta carcasse, tu as honora-
blement entretenu ta famille en bon-
net noble de plus de quinze races, sans
iamais auoir fait banqueroute, comme
font vn tas de safranniers, qui te veu-
lent esgaler. Bonnet qui a seruy à tant
de bons offices, alambic de doctrine,
qui rendois ton maistre par vne antipe-
ristase facecieux à double rebras, tel-
lement qu'il faisoit rire sous ta faueur
les Asnes à gorge déployee, ainsi que
vous en pouuez estre tesmoins, Mes-
sieurs : qui de son seul ris barbinesque
ruinoit de fonds en comble la melā-
cholie, sans faire aucunes parties chez
les Apoticairez. Bonnet qui fus vn Au-
guste en bon-heur, vn Alexandre en
vaillan

vaillance, plus grand magicien que les Docteurs de College, & puis que tu auois le pouuoir de charmer les plus subtiles oreilles, en transformant ton maistre tantost en vn seuerre Caton, & tantost en vn railleur Democrite: Bonnet qui le rendois le plus digne porteur de bonnets, qui fut iamais bonneté, tant actiuellement que passiuement: nay, comme ie sçay par tradition, sous l'Astre du Caducee de Mercure, de qui la haute extremité estoit composee du bonnet dont tu as tiré ton origine.

Quoy donc? si d'un courage franc, & autant librement qu'aucun bonnet pourroit faire, tu t'es déuoué pour toute la generalité des bonnets, comme firent les vieux Decies Romains, si pour retirer les estats bonnetiques du barathre de leur ruine, tu t'es par maniere de dire, precipité tout armé de rouge, comme fit le Cheualier Curse, pour le salut des Senateurs, si pour entretenir la splendeur de bonnets, tant au masculin qu'au feminin, tu n'as redouté aucune charge, pourueu qu'elle ne desfrogeast à ta Noblesse: Qu'elle louange sera aujour

iourd'huy digne de ton excellence ? Bonnet qui en ta couleur ressemble à celuy que nature nous a donné pour allumer le feu des Vestales. Bonnet en fin qui pour falaire de tes seruices passez , & pour les obligations dont la Republique se sent chargee enuers toy, doit tenir rang parmy les sept merueilles, faire la huiſtiesme d'icelles , & rendre ton maistre quant & quant le huiſtiesme des Sages, & afin qu'aux chāps Elisees , où les bonnets nobles conuoquent l'assemblee generale où tu dois presider , tu n'accuses ton maistre d'ingratitude , ie te voüe en son nom ce discours funebre, au lieu de Mausolee, ou d'autre plus riche monument , & d'autant aussi que tu as tousiours seruy de Diomedé à cét Vlyſſe , que i'ayme de tout mon cœur : ie te garderay l'amour qu'Artemise garda à son espoux, afin que comme de ton viuant tu as seruy de Pylade à vn Oreste, apres la mort tu luy serues de bouclier contre les armes de la necessité. *Valeté.*

De L'honneur.

M*Oro ultima linea rerum* : Ces mots
 estonnent ma Seigneurie, me ré-
 dent tout triste & pensif, me font cou-
 rir naufrage dans l'Ocean de mes lar-
 mes : Bref, me font vn broze pour ser-
 uir de medale entre les celebres anti-
 quitez de Grece & d'Italie , mots fas-
 cheux & importûs, tant vous estes im-
 portuns, tant vous estes importuns, tant
 vous estes d'amere digestion , de ruer,
 massacrer, & écraser ce qui nous couste
 si cher, falloit-il pas reserver l'honneur
 des personnes illustres & splendides?
 i'entrerois presque en cholere, & armé
 comme vn herisson, i'oserois entrer en
 lice cōtre la mort qui fauche impitoya-
 ble l'honneur d'un Cesar, d'un Themi-
 stocle, d'un Scipion, d'un Hannibal, &
 d'un Friquemouche Prince de sa cabale.
 Je ne puis proferer ces mots sans passio
 voyant que la mort s'ingere de glanner
 de mes trophées , mon honneur est vn
 hon

honneur tout autre que tous les autres honneurs, d'autant qu'il penetre tous mes habits pour se mettre en veüe, & rire d'autrui comme Democrite, mon honneur est maternel, palpable & tangible, & qui engendre des enfans semblables à luy-mesme: voyez le, contemplez le, espluchez toutes les qualitez du seigneur de Frippemouche, vous n'y remarquerez rien autre chose qu'honneur; qui me fait porter ce chapeau scientifique, modèle sur celuy du Pasteur d'Amphrisique, que l'honneur qui donne grace à la circonference, amplitude, & largeur de ma robbe: & que l'honneur qui donne la terreur à ce poignard qui fut iadis compagnon de l'espee de ce braue Amadis de Gaule, que l'honneur? Qui donne targue à mon marcher graue & superbe, apporté de Tripoly dans vne escarcelle de natte, que l'honneur? Non, non, ie suis tout honneur, modèle de l'honneur, & défenseur de l'honneur: le dispose de l'honneur ainsi comme vn gueux de ses brèves, ie le debite au plus offrant & dernier encherisseur, mon honneur, dis-je

destruit le scrupule, suit les apetits hōnestes, suplee, esbranle, l'inegalité, fait florir la franchise abhorre la dissimulation, bref, lasche le frein à la conscience des ames gentilles & deliees. Seroit-ce pas chose plus que ridicule, d'opposer vn certain honneur masqué & superstitieux à la force d'vn hōneste vouloir? seroit-ce pas estre esclaue de soy-mesme, que pouuoir & ne vouloir: seroit-ce pas par maniere de dire, violer les droits de la nature, & estre meurtrier de soy-mesme? *Omnia bene considerata vel omnibus bene consideratis.*

Qu'est-ce qu'honneur? c'est vn *nihil* entre les Latins & vn rien entre les François. Helas! mes bons amis, le vray honneur d'aujourd'huy est habillé de iaune, & de blanc, c'est celuy la qui remplit les cuisines, fournit les greniers & les caues, c'est honneur entretient le fol & le sage sous vne mesme marque, fait dire aux Vestales de Numa Pompilius, *bonum quodcumque sumendum*. Pour moy ie suis deliberé d'aller chercher honneur ailleurs qu'en ce pays, monter sur mer dans vn berceau de parchemin
brulé,

brulé, pour faire voile en vn pays qui n'ait point de nom & pour cause, prendre pour enseignes, banderolles & goufanons de iaulne & de blanc, c'est à dire celuy qui ouure les portes, rompt les murailles, crochete le cadenas des filles, bref, qui avec le blanc son suppost fait d'estrange merueilles, & à mon retour, chargé de ceste marchandise comme d'vistres à l'escaille ie feray ma maison: Ce sera lors que les paticiers, rotisseurs & cabaretiers sentiront la fumee des largeesses: ce sera lors dis-ie que les pauvres affamez suiuan les enfans de Parnasse sauoureront l'odeur des saulpiquets de la seconde table. Mais la stupidité de leur naturel, n'estât pas accoustumée à ceste fumee honorifique, il faut craindre qu'ils ne s'estranglent de l'honneur comme viande impropre à l'indisposition de leurs estomachs. Baste, c'est assez parlé de l'honneur. C'est pourquoy en concludant qu'entre tous les honneurs, celuy de la femme est de moindre durée, parce qu'il est assis pres de la mort.

Des Naueaux, & des Choux.

SI i'estois aussi menteur que Pline, ie
 vous ferois accroire que la vertu est
 vne mitaine, & que la sagesse se trouue
 aux Maillorques dans vn Anchois de
 cinquantes coudees, mais i'ayme mieux
 voguer sur la mer de verité pour dé-
 couvrir le port de vostre iouialle deuo-
 tion. Arriere donc, chatemites & songe
 creux, portez vostre chagrin à la lessive
 & vous purgez de cette infection. C'est
 aux surintendans de la réiouiſſance, du
 plaisir, de la volupté, des delices & du
 passe-temps, que ma farine s'adresse.
 Mais quelle matiere doctorale & dro-
 lissime humera, ie dis animera ma phar-
 se, & l'oreille & la bourrachie *mollifi-
 cant merdam*, propre pour les malades.
 Les choux & les naueaux sont plus de
 requestes, ils font la soupe grasse & es-
 paisse, leur decoction délasche & apaise
 les coliques venteuses, qui venans à s'e-
 xalter par la porte de derriere, estou-
 pent

pent les sentimens d'une vapeur panchaïque. Les naueaux sont chers des Dames, ils rendent le teint frais, réueillent les esprits vitaux, & font bander les rhresors de la venerable braguette, leur substance est saoureuse & enflatiue, & fait porter aux Nymphes d'Homere manteaux plissez à l'hidropique. Tout beau, *hic & hac & hoc nimis*: la corneille d'Apollon fut punie pour auoir dit la verité. Mettons la pour vn temps dans vn balon de Venise, elle ne sera non plus veuë que le vent: c'est donc de Choux & de raues, que j'embarraisse le chariot de mon discours, afin de deduire par le menu, leurs tenans & aboutifans, proprietez, nature, vertus, facultez, conditions & autres vtilitez égarees de la regle, *Carbasus hic aut hac grossus*. Excusez-moy, c'est vn pourceau en François. Il y a aussi grande difference entre vn verat & vne raue, comme entre vne raue & vn Choux, & entre vne harquebuse & vn chaussepied. Mais passons outre, l'on dit que les femmes aiment les choux, à cause de leur acrimonie & que meslez avec farine d'y-

urongne, ie dy d'iurage, ils prouoquent leurs ans, leurs iours & leurs mois pris en forme de suppositoire. C'est d'Androgine que ie parle, corps composé de deux culs & quatre fesses pour l'entretien de nostre humanité. Galien parlant des choux, tient qu'ils sont tres-vtiles pour ceux qui sont subiects aux tremblemens & conuulsions, c'est pourquoy ie conseille aux petits garçons d'en prendre tous les matins vn scrupule pour euitier aux tremblemens de fesses quād Monsieur du Verger les menace, & aux ieunes mariez pour n'apprehender la besongne qui se presente la premiere nuit des nopces.

Que dirons nous d'auantage de cette plante, fait elle pas au vent ce que la femme fait à l'hōme? Car cōme la femme courageuse & infatigable, enerue & affoiblit les pauvres gens, les choux pareillement dissout & consomme les fumees ventueuses & ventueuses, tellement qu'il demeure comme la femme, maistré de la place auec gain de la victoire. Pompholgot l'asne ie dis l'Astre des medecins en les discours de sa chai-

re percee excepté les choux de la regle heteroclitique. *Barbara multa manent non flexa*, les laisse en leur-plein & entier effect, avec leurs cas, nombres, genres & declinations, non pour autres raisons pour estre tres-necessaires & secourables aux soldats, sodrilles, pionniers & gouiarts, lesquels au fort de leurs fatigues & calamitez n'ont autre recours qu'aux tiges & testes de ce simple medecinal, les desguisant tantost en salmigondis, les vns à la Bohemienne, ceux cy en capilotade, & les autres entre deux cendres, qui leur cause puis apres tant de soufflets en leurs chausses, que c'est merueille de leur santé. L'histoire de Triquedondaine, notte expressement en sa marge, qu'un certain bas Breton de Dannemarc, passant pres de l'Isle Sabelique, renommee pour l'abondance des choux, fut tellement pressé du derriere, qu'il fut contrainct de l'ascher l'esguillette, & ce pauvre here ignorant la reuerence deuë à ce simple, en prend vne fuëille, & sans autre ceremonie en fait vn cataplasme pour le mal des dents, sur cela pris sur le fait

fut conduit chez le Iuge , *A quo* qui le condamna sur le champ , & sans autre forme de procez à aualler la fuëille sans macher. Pantoufle pere des quatre fils Aymon , recitant le stratagemme des Pigmees contre les gruës , dit qu'ayant mangé vn peu de Choux bouïillis, ils se jettent plus courageusement en la meslee, faisant vne telle escopeterie du derriere, que l'air reste infecté de ces laxations ventuositez , à la confusion de leurs pauvres aduersaires. Ceux qui ne le voudront croire y portent leurs nez, s'ils ont du sentiment ils le recognoistront pour vray. Quant au naueau il a cette faculté de remplir les vaisseaux spermatiques , garentir les ieunes filles de plusieurs maux comme de battemēt de cœur , euanoüissement , chagrin , pleurs , appetits desreiglez , couleur passe , frissons, vomissemens de bouche & non de cul , & bref, d'vne infinité d'autres accidents qui peuuent arriuer à l'infinité de ce sexe , sçauoir maintenant s'il y a plus de Choux en Egypte que de raues Limosin, s'il se fait autant de fusees à la Rochelle que de petards

à

à Angoulême. Je m'en rapporte aux
Medecins & Apoticairez du pays qui
employent tout leur sens pour digerer
cette matiere & la rediger au repertoire
de leurs decipez, ie dis receipez pous-
sez d'une curiosité merdicante. C'est
assez discouru, cuidant semer des choux
ie planterois des raues, pour finir ie
diray:

Que la raue & le choux vous peu-
vent profiter, car le choux fait vessir
& la raue petet.

Des Barbes.

A Puyé sur le chapiteau de la baze
du pied destal de la plate forme
du pilotis de ma suffisance, poussé di-
re, du plein fond du direct & diametral
de ma capacité, ie me présente à vous
Auditores altissimi, ie dis, *literatissimi*,
pour vous enrichir d'une matiere uni-
que & releuee entre toutes les ma-
tieres, & dont le nom & la forme ont
esté tissus sur les mestiers nobles pre-

stantifiques de barbarie. Barbe la vraye
marque de l'homme. Barbe priuilegiee
de l'homme, Barbe *Huius saculi gloria*, ou
pour mieux dire le siecle de la Gloire,
quel discours assez doux? qu'elle lan-
gue assez delicate? qu'elle voix assez
tonnante? quel estomac assez fort? quel
esprit assez spirituel te pourra precon-
iser & publier tes loüanges dans la pla-
nette de Saturne? si ce n'est le bien dis-
nant, ie veux dire le bien disant. Tri-
boüillet donne la voix superbement
rogue & roguement superbe, va du pair
avec celle des Rossignols de maresca-
ges. Ie iure par le rauissémēt de Proser-
pine, & par le cliquetis des machoüe-
res d'un Comedien de Carefme, que la
Barbe est le Faisan de la gloire, la faul-
ce de la Vertu, & le restorent de la Sa-
gesse. La Barbe est la splendeur & sert
de lustre aux plus grands, & sans icelle
les fiefs terres & seigneuries tombe-
roient deplorablement en quenouille,
quelques limas baueux se glissant sur la
fleur de mon auant propos, l'entachera
de la baue, & contrefaisant le Senèque,
me proposera qu'il appartient au Phi-
loso

lofophes d'efcrire de la Philofophie, aux Medecins de la Medecine, aux Sauetiers (vulgairement appelez Orfeures en cuir) de ce qui depende de l'honorable fauaterie, & par cōfequent aux Barbiers de la Barberie, & que n'eftant point Barbier ie me deurois defifter de ceste matiere : mais ie fouftiés le gros pource à la ceinture qu'un marchand meflé, & qui a trafiqué en toutes fciences, par toutes les angles & cantons de la terre, peut librement dire fon opinion fur les chofes les plus occultes & cachees. Faisons donc cōme les nouveaux mariez, venons aux prises, & recuëillons de cette luite les drapeaux du triomphe des Barbares. *Primo loco*, qu'est-ce que Barbe? c'est poil, qu'est-ce poil? c'est Barbe procedant d'une temperature chaude & humide, de mefme qu'un eftion fleury, lequel semble par fa blancheur vifqueufe aspirer à l'honneur de la Barbe. Quelle differēce y a t'il entre la barbe & les cheueux? par le masque de mon derrière, ie verifieray que les cheueux font dit quasi à chef velu, n'ayant au-

tre siege que celuy de la teste : venez-ça, pour vous faire voir à l'œil de ceste distinction vn homme parleroit-il pas improprement s'il disoit, ma femme à des cheueux au bas du nombril, & de la Barbe en la teste ? Est-il pas plus à propos & selon Demosthene, & autres Rhetoriciens, de proposer que la Barbe vient aux femmes sur l'os pubis, & les cheueux sur l'oreille & pericrane de la teste. Plusieurs parlans de la Barbe, disant qu'elle fut ordonnee à l'homme par prerogative, & que la femme jalouse d'un tel benefice apres vne importune demande, fut renuoyee par Iupiter à la fontaine de Iouence, les autres que les femmes s'appuyans sur ceste sentence, *In medio consistit virtus*, disent tout ainsi que les assiegez d'une ville pour resister aux canonnades, opposent à leur furie, force ballons de laine, de bourre & autres choses molles, que les femmes à leur imitation recognoissans que le fort de batterie d'amour se feroit sur le deuant, ont voulu remparer ceste partie spongieuse de mesmes estofes. O serenissime Barbe,

be,

be , que seroit l'homme sans toy , vn ours sans poil , vne oüitre sans escaille & vn corps sans chaleur. Aussi anciennement celuy qui viuoit sans Barbe estoit appellé Eunuque, ennemy des Dames & gardien de leur honneur. Ie vous dōne à penser quel desplaisir d'aller au puis sans cable, à la caue sans fosset, à la dance sans trepigner & bricoler du cul? Par Zoile c'est grande pitié de faire naufrage à l'entree du port. Tournons le fuëillet , pour voir la legēde des barbes , & les diuerses formes qu'on leur donne. Ie vous saluē donc Barbe à la Courtisanne , à la Sauoyarde , à l'Espagnolle , à la Bougrine , à la Suisse, à la Turquie , & à la Fantasque , l'une pour l'autre , sans diuision ny discussion , &c. voyez ie vous prie , ce qu'on en dit au chapitre premier des barbes.

Barbus embrennez-vous la barbe,

Barbe n'est rien qu'un excrement,

Mettez-y merde de rhubarbe,

Barbe n'à point de sentiment.

Que chacun la fasse à sa guise , en coüanne de lard, à la pedantesque , en

Sena

Sénateur, en queue de canard, en de-
 uant de sabot, en garde de poignard,
 en espouffette, en queue de merlus,
 bref selon son humeur, le Barbier au-
 ra bien plus d'honneur que celui qui
 la porte. Si vous prenez garde à la
 mienne, c'est la vraie modestie, hum-
 ble & basse, crainte de la nation mor-
 pionnesque, ferme preuve de mon
 courage tres releué, pour monstret
 que toutes les cōceptions du Seigneur
 Frippe-mouche sôt autres & de diffici-
 le approche: si vous la faites longue en
 l'ame de pertuisanne, pour vous preua-
 loir de quelque doctrine, comme an-
 ciennement ces vieux Robin, ie veux
 dire Romains. Ie diray avec Ronfard,
 & pour finir mon discours, que

*Si porter grand' barbe au menton
 Nous fait Philosophe paroistre,
 Vn Bouc en barbe pourroit estre.
 Par ce moyen quelque Platon.*

En faueur de la Scene.

Messieurs, vous n'ignorez pas l'vtilité & profit que rapporte en vne Ville le Theatre tragicque : Car outre la cognoissance qu'il nous donne des choses passees , il fait mieux gouster la propriété aux prosperes , & peut encor moderer la tristesse des affligez. Bien diray-ie que ceux qui visitent le docte Theatre François, là où aucune faquinerie ne se doit exercer parmy les differens effects de son Poëme , peuuent par plusieurs effects estranges, voire presque incroyables, se résoudre à leur aduerse ou prospere fortune: Car outre ce que l'vsage est vne seconde nature , le bien ne se peut parfaictement gouster sans la cognoissance des maux, lesquels il nous faut recognoistre, non pas pour les suyure, mais bien pour les éuiter, & ne les trouuer fascheux ou estranges quand ils arriuent. Or Messieurs nous estans disposez pour vous traicter de
quel

quelque matiere que l'antiquité sem-
bloit auoir enseuelie, mais principa-
lement pour nostre deffense, & pour
fermer la bouche à quelques audacieux,
qui pensans tout sçauoir, ne redoutent
blasmer le parfait des perfections, &
voiler leur ignorance d'une imaginee
science. Leurs yeux ne voyent que la
fange de ce monde, leurs oreilles bou-
chees ne leur permettent d'ouïr l'ar-
monie que font les Deitez sur ce no-
ble mont de Parnasse. C'est vn mont,
dis-je, lequel ne peut receuoir que la
perfection mesme, & duquel l'entree
est fascheuse, ennuyeuse, & inacces-
sible, qui ne demande que la modestie,
prudence, sagesse, sçauoir & travail,
pour eschelon de son habitacle. Mais ie
croy qu'un tas de ces medifans sont as-
fourdis du carrillon de la Cuisine, fai-
sant de leur ventre plusieurs marmites,
au lieu d'un vaisseau de sobriete. Qu'el-
les viennent donc, ces guespes ennu-
yeuses, qui enrichies par dehors de bet-
tes peintures, ne cachent au dedans que
mortelles & sublimes poisons. Ils trou-
ueront en ce nom le Theatre l'erreur de
leur

leur inconstance, ou pour mieux dire, verront avec les yeux de l'esprit combien leur nature est corrompue & ce que le ciel leur auoit donné de plus beau, rauy & obscurcy, où leur enuie sera rabatuë, où ils verront renuerser les plus beaux bastions de leur folie, & s'il leur semble que ma capacité ne soit assez grande pour dompter ces Hydres, ie veux fureter iusques au centre de l'antiquité, pour trouuer preuue à mon dire, & rabatre l'orgueil de ceste mesdisance mesme. Or Messieurs, craignant que ie ne sois trop prolix, & fouler vos iugemens, ce n'a esté pour deffendre le droit de ceste barbe que i'entreprends de plaider ceste cause, ains de plusieurs graues & honorables personages, lesquels ont fait profession de nostre exercice: tesmoin Iules Cesar tenant son Elius, pour monstrier l'affection qu'il a iadis portée aux Comediens, Alphonse premier Roy d'Arragon, combien a-il aimé la Scene tragique? ainsi de Neron, qui ne dédaignoit de mōter sur les Theatres publics, pour représenter des ieux Olympiques: De
mesme

meſme faiſoit Octavius , ce tant gene-
reux guerrier, & tant d'autres, comme
Sophocles, Terence, Plutarque & Es-
chille : & pour ceux de noſtre temps,
Konſard, Garnier, Desportes, Rollant,
Briffet, Belleau, du Bellay, du Bar-
tas, Amadis, Iamin, la Peruſe, du Bre-
ton, & Mont-chreſtien, lesquelſ ont
autant acquis d'honneur & de reputa-
tion prez des Roys & des Princes,
qu'honorez d'auancemēt prez d'iceux.
Or puis que les paffeſ & les preſens
vont deffendant noſtre cauſe, Retirez-
vous ſacrileges ſcandaleux, fuyez de
ce lieu ſacré, allez eſprits farouches,
hommes ſatyriques, n'entrez dans ce
Temples, car vous y eſtes deſia aſſez
ſacrilegez: ſi d'auenture vous y venez,
les Muſes toutes puiffantes feroient
paroître vos actions autant eſloignees
de la Vertu, que les noſtres nous-eſle-
uent prez d'icelles. Or Meſſieurs, ie
vous ſupplie de ne preſter vos oreilles
au chant de ces Sirenes, de peur qu'el-
les ne fiſſent ſubmerger voſtre Nef,
laquelle eſt à bon port. Ie pourſuyurois
d'auantage à vous diſcourir, n'eſtoit
que

que mes compagnons m'incitent à me retirer, c'est pourquoy ie supplieray vos debonnairetez de nous prester vne heure de silence, nous tascherons de tout nostre pouuoir à vous contenter.

De la Constance.

COnsiderant que ce Siecle où nous sommes, l'inconstance est le Haire où surgissent plusieurs de nos actions, mesmes qu'il se void des plus subtils esprits la vouloir authoriser, foulans aux pieds ceste Constance que les loix diuines & humaines nous enseignes dès nostre naissance à reuerer & honorer. Je me suis présenté pour la deffendre, d'autant que c'est à vous, mes Dames, que l'on eslance les fleches de la mesdisance, tirees par les enfans de la legereté, c'est vous dis-ie, que l'on veut persuader sous vne fantasque imagination, voilee d'une fausse apparéce, à quitter le phare de la vertu.

& suiure l'estandart de l'inconstance. Nos parties contraires, pour authentifier leur malheureuse perfidie, ont recherché l'indigne protecteur de l'infidélité, fille de l'inconstance, mais pour effrayer ceste infidelle, & mesme combattre vn contraire par son contraire. Je propose vos vertus à l'ouuerture de mon dire, vertu, dis-je, qui vous represente le vray patron de la foy & de la loyauté que vous auez tousiours cherie, & la déloyauté abhorree, comme vraye nourrice du change, ne pouuant trouuer Tuteur plus propre pour leur scandaleux changement, qu'une vitieuse habitude que les apprend tousiours à mentir, tromper, & dissimuler: aussi nous qui auons voüé nos cœurs à l'autel de la fermeté, ne pouuons faire choix de Deesses plus dignes que vous, mes Dames, qui auez dans le sein vn cœur sans fard, miroir de la fermeté faisant par tout paroistre la mesme constance. C'est entre vous que ceste vertu se iette, pour fortifier contre les legeres ames qui l'attaquent, c'est de vous qu'elle attend faueur, car vous estes

sa pure essence, elle n'a estre parfait qu'en vous, & si elle se fait paroistre autre, ce n'est qu'en idee, ou bien quelque pourtrait sur vous, qui en estes le vray modelle. C'est trop offenser vne diuinité que de luy donner l'infidelité pour compagnie, poser son Throsne sur l'arene mouuante, & ne luy offrir que du vent. C'est trop blasphemer, de dire qu'avec vn Dieu, le mensonger doie naistre, & le publier auteur de toute perfidie : horrible sacrilege, de dérober aux Deitez la foy & la constance, mais effronterie trop effrontee, audace trop criminelle, de vouloir faire recognoistre tel crime pour vertu, & autorisé de la nature. Las ! amour, maistre du grand vniuers, qui dompte tout, & par qui ce grand tout dompté se conserue, c'est à toy que l'on s'adresse, ce sont autels que l'on prophane, autels sur lesquels les Anciens ont posé & l'honneur & la foy, que l'infidelité veut ruiner avec toy, sous couleur d'asseruir ta puissance. Toy, que les Romains logerent au Temple de la foy, fay voir par ma bouche,

che, que ces ames volages & pleines de fard, ne bruslerent iamaïs du sacré feu de ton brandon: vous ne me denierez plus en cela vostre aueu, que vos oüyes mes Dames, & ie croy bien que l'equite de ma cause ne sera sans estre assiste de vostre faueur, non pourtant que ie desire que l'interest que vous auez au party que ie soustiens, me serue d'auantage, & qu'en decidant ce different, comme iuges, vous vous souueniez que vous estes les parties les plus offencees: vne telle vertu que la vostre est tousiours recogneuë, pour faire esclatter son beau lustre, n'a besoin de mendier en iugement tous les iniques suffrages des passions humaines, tous les principes que l'on nous a proposez, vray articles de l'infidelité, non de foy, puis qu'ils sont pour nous rendre miserables sous le furieux & bouleuersant Empire d'Amour, au lieu de seruir à son establisement. Aussi n'y a t'il que les malheureux qui le suiuent, desesperez de contentement que nous promettent les douces faueurs. Ils sont dignes (comme prophanes)

nez) destre chassez loin des autels où les cœurs saintement embrasés brulent sans estre consummez au milieu de leur constante flamme. Vostre calme audience , mes Dames , me fera presumer rien ne vous estre tant odieux que les legeres vagues de ces Amoureux pleins de vent , qui sans arrest , portez çà & là , ne s'aiment pas eux-mesmes. Et par mesme moyen , m'aduoierez-vous que la Constance ne s'esgare iamais tant soit peu des actes vertueux. Aussi n'y a-t'il vertu qui n'emprunte son estre d'elle, comme de la souueraine des autres : Par elle seule elles sont définies , & tout ce qu'on dit vertu n'est rien , si la fermeté ne l'accompagne. Pour vn seul don les Princes ne sont pas iugez liberaux, vn coup de pistolet donné bien à propos n'honore pas le soldat du tiltre de vaillant , vn tourment enduré n'est pas suffisant pour couronner de patience , vn arrest equitable-seul est trop foible tesmoin de la Iustice d'un Iuge. Il faut que sans varier , qu'il les continuë tousiours semblables , car les
actions

actions vertueuses sont telles , qu'elles multiplient par la perseuerance, qui faisant naistre l'habitude en nous, y fait ensemble naistre la vertu : grande vertu , qui seule nous rend capables des autres , laquelle seule fait esclatter son beau lustre, pour faire admirer la Constance de sa Diuinité , qualité que ce grand moteur de toutes choses crees, Dieu souuerain arbitre du monde a posé pour baze de sa perfection , conseruans tousiours son pouuoir autant inuiolable , que son vouloir est infiny. Pour nous apprendre, que le Rocher de la Constance est le degré lequel nous esleue le plus haut , & plus qu'aucun nous fait participer à la diuinité. Vne cause de si grand prix que cestuy-cy, traittant de vostre tant reuerée Constance, mes Dames, ne se peut esplucher de si prez : C'est pourquoy ie differe à vne autre fois la suite de ce mien prologue, là où ie feray voir & confesser à ces amoureux pleins d'incōstance, que la Constance n'a point d'habitable plus seur, qu'au chaste feminin Ce qui se fera moyennant la bonne assistance que
nous

nous esperons de vous, c'est pourquoy
ie vous supplie de nous prester vn aussi
bon silence, que nous desirons vous
contenter.

*En faueur des priuileges de
Cornoüaille.*

B On iour & bon soir, c'est pour tout
le iour, disent les trenchecibo'es
de Paris, hola bonnes gens emplumés
à la Mosaique, escoutez pacifiquement,
& vous tenez fermes de peur de tom-
ber. Sçachez donc qu'apres auoir quit-
té les Instituts de Theophraste, les Alā-
bics de Paracelse, les monstres & pro-
diges d'Ambroise Paré, les figures dou-
ces d'Ouide, il parut à mes yeux vne
estrange metamorphose, & quelle par-
aduins ? ce fut vn bœuf trauerfant vn
bras de mer chargé d'vne ieune pucel-
le, qui sembloit inuoyer a son secours
le Ciel & la terre, laquelle saisissant son
aïssieur par les cornes, crioit à haute

voix, viue la corne, viue la corne. Moy qui mytologise sur vne obscurité, comme vn Portugais sur les merluches de terre neufue, ie m'escrie à gorge desployee *Latandum est*. A l'instant vne petite maquerelle de chauue souris m'ayant enuironné les oreilles par ie ne sçay quel charme, me fit naistre le desir & l'enuie de descouurir le secret sous l'escorce de ceste metamorphose? Et que vouloit signifier ce bœuf tant ioliment & amoureuxmēt embouqueté & couronné de fleurs. Et apres plusieurs recherches, ie trouue *Cum magno sudore*, au ratelier de ma Minerue que Iupiter desireux d'enrichir les hommes du benefice, *de becco cornuto*, auoit emprunté ceste figure, & que la drolesse Europe estoit rauie pour esteindre l'ardeur de sa brayette. Ce qui me fist deslors conclurre contre les hommes, qu'ils ne doivent s'offencer du tiltre de Cornardise, puis que Iupiter a esté le premier Cornard. Passons outre, & dressons l'eschelle de la raison iusqu'au ciel, pour y trouuer le frontispice des cornes parmi les douze Signes, le Soleil par ses rayons

rayons ſemble dire aux humains, Voy-
la mes cornes , la Lune à ſon cours &
decours ſe glorifie de ſes cornes, les en-
fans de Themis portent des cornes, au-
cuns *Viſibilium & inuiſibilium*, la pluſpart
des Cadrupedes portent cornes. Pluton
enrichit ſon Sceptre de deux cornes,
Neptune de trois , & ſ'il faut croire les
Peintres, & les Diables portēt des cor-
nes auſſi. Si donc les cornes ſont ſi cō-
munes, pourquoy les hommes n'en au-
ront-ils pas à vil pris & ſans débourcer
finance, deſſier ny ouurir autre bource
que celle que la nature à dōné à leurs
femmes? Quel plus riche Diadème peut
donc auoir l'homme que les cornes?
puis quē Iupiter les à portees ? Qui
fait admirer le Cerf que la corne , le
bœuf , le Rhinocerot , le cheureul , &
par conſequent l'homme Cocu que la
corne? Ouurons les yeux & les oreilles
pour voir & entēdre les animaux qua-
drupedes, crier *alta voce*, Iupiter des cor-
nes , & les hommes qui ont enuie de
profiter par le moyen du benefice de la
corne , ne crieront ils pas auſſi a gorge
deſployee. Iupiter des cornes. Ceſte im-

portunité suffira pour mettre en banque le benefice des cornes. Quelque Aristarque mesprisant ceste confrairie satirique proposera en faueur des bestes, Messieurs, que les cornes leur sont naturelles & par consequent honorables, mais que celles des hommes engendrees accidentellement par vn trop frequent mouuement croupionnaire doiuent estre tenuë pour infames & vituperables. Je respondray en deux mots, que bestes ne sont pas plus cherement vëduës pour leurs cornes (bien que naturelles) mais que celles des hommes, encores qu'inuisibles & accidentelles, les honorent quelquefois de plusieurs belles prerogatiues, leur accroist la bource, & leur sert de bouchier contre les assauts de la necessité, l'or & l'argent sont l'honneur de ce siecle. Parlons avec raison & sans passion, qu'estoit la corne d'Almathee? contenoit-elle pas tout ce que l'homme pouuoit souhaitter? s'il est ainsi, d'où nous viennent toutes sortes de fruiëts? de la Corne, toutes sortes de grains nourriciers, de la corne, toute espece de monnoye,

noye, de la corne, toutes sortes de cy-marres, robbes, pourpoints & cottillons? de la corne, toutes sortes de viande, vins frians & delicats, de la corne: heureux vraiment & plus qu'heureux, celuy qui possede ceste belle corne. D'avantage Pan iadis tant reueré en l'Arcadie, portoit-il pas des cornes? que nous ont voulu signifier les Anciens par sa figure? rien autre chose que le monde, qu'ainsi ne soit, Pan est vn vocable Grec qui signifie tout: adioustez à ce tout, la teste & vous trouuerez en bon François, le tout est cornu, *Valete.*

Pour Pastorales.

EN tout temps, & en tous lieux, afin de fleuer nostre entendement à la contemplation des choses diuines, & disposer nostre volonté à les aymer. Nous auons eu des tableaux & des figures tailles à nostre fantasie, & conformes à nos sens lesquels corporels & terrestres, ne peuent agir que par vn

moyen de leur qualibre, mais comme le desir de gloire fit faire des traicts de peinture admirables à Protogenes & à Appelles à l'enuy l'un de l'autre, ainsi l'emulation de gloire & la ialousie de grauer à qui mieux mieux, leur renom au temple de memoire, à comme contraint & forcé vn nombre infiny de peuple, à nous peindre naïfvement sous figures ænigmatiques toutesfois, & sous le signe de tres belles emblemes, le pouuoir d'une infinité de dieux, si nous auons quelque creance aux escrits de Varron, tant respecté de l'antiquité. Mais comme la subtilité d'Anthée se dissipe par le moindre des forces d'Hercules, ne plus ne moins aussi que la generosité d'Alexandre obscurcit de ses rais tout ce que le temps pouuoit auoir donné de lustre à la valeur des braues Capitaines qui l'auoiēt precedé. Ainsi les Egyptiens ont triomphé & merité le Laurier par dessus toutes les autres nations pour auoir (par le moyen de leurs hieroglifes) descouuert ce que ces essences diuines imaginees, auoiēt de plus pur & particulier ie m'en rapporte

rapporte à vostre curiosité, laquelle vous ayant faict jetter l'œil sur les cahiers de ceste prophane antiquité, vous a quant & quāt donné l'inteligēce de ces secrets. Ceste curieuse lecture, de laquelle vōtre esprit se repaist, ainsi cōme les oiseaux de Paradis se nourrissent de rosee, vous a faict voir que ce Cupidon qui auoit dérobé à Apelles tout ce que l'art pouuoit cōmuniquer à la peinture, auoit la teste dās le Ciel, & les pieds en terre, tenant d'une main vn chapelet & vn bouquet de festus, & de l'autre vne troupe menüe de ces hostes qu'Horace faict mener à Prothée dans le premier de ses Odes. Je ne veux pas vous dire que tout cela signifioit que l'Amour ayant marié Iupiter à Rhée, Peleus à Thetis, Hercules à Iole, & bref mille autres diuinitez avec celles qui n'auoient rien de plus diuin que nous, il s'ingeroit de commander aux mortels & aux immortels à baguette. Je veux pourtant en faueur de nos Bergers, estaller ces Fleurettes que l'Amour tient en sa dextre, afin que vous en ayez l'odeur:

car il apert par vn bon nōbre d'exemples, que l'amour se delecte plus à manier la Houlette que le Sceptre, à logger aux rustiques logettes des Bergers qu'aux superbes Palais des Roys, & se couvrir le chef d'un chapeau de fleurs, que d'entourner son front d'une Couronne ou d'un thiare : & bref, assiseoir sur les gerbes & sur les gazons, prez le gazoüillis d'un oyseau, que de s'esleuer sur un throsne richement élabouré. Je diray encor' qu'il faict plus d'estime de la Rethorique champestre, que d'un langage flateur & courtisan, tenant pour maxime que le cœur d'un amy est plus requis que la langue, & vn visage naturel plus à priser, que celui qui est remply de fard. Si cela vous sēble quelque paradoxe, ou que vous feigniez n'estre pas assez éclaircis, pourquoy l'amour se ioüe ainsi parmy nous, & se plaist tant à la diuersité, & particulièrement à la conseruation des Bergers, qu'il chérit comme i'ay predit plus que celle des Princes & grands Seigneurs. Je vous demanderay pourquoy l'on faict tant d'estime de ce

Phaëton

Phaëton gravé dans vne bague, avec le Chariot, les quatre cheuaux d'Apollon, & tout l'attirail necessaire, veu la petitesse de l'ouurage, qui contenoit toutes choses. Pourquoy ce Nauire garny de toutes les vstensiles, qu'on pouuoit cacher sous les aisles d'vne mouche, estoit plus estimé que le grand Colosse de Rhodes? Et comme vous me respondrez qu'un esprit monstre d'autant plus sa subtilité, que l'ouurage qu'il entreprend se trouue petit & racourcy. Ainsi ie vous repliqueray que la puissance d'Amour paroist beaucoup plus, & avec vn lustre plus esclattant en la personne des Bergers, qu'en celle des grands, attendu qu'estans nez petits, d'vne terre grossiere & massiue, il trouue de grâdes difficultez à les percer de ses fleches: mais vne fois atteints, l'Amour est eternal entr'eux; & ne ressemblent en rien à ces cœurs enflammez & doüilletez, qui se plaignent d'Amour auparauant qu'il les ayt blessez. C'est assez discoursu sur ce subject, tout ce qui reste seruira pour vous prier d'écouter nos Bergers, avec

vostre patience accoustumée : Et en recompense (outre qu'ils vous feront voir qu'esleuez grossierement & saisis d'Amour, ils ont Cupidon au cœur, Minerue à la teste, & Python sur la langue) vous les obligerez à vn service perpetuel.

Des estranges effects de l'Amour.

L'On dit qu'Hasdrupal ayāt la mort entre les dents, & la rage au cœur, pour n'auoir abbaissé la grandeur des Romains, voyant les siens desia disposez au preparatif de sa pompe funebre, fist iurer à son fils Annibal qu'il poursuiuroit les iniustes desseins que sa perfidie auoit braffez contre l'estat de ceste fameuse Republique. C'est vne chose estrange, que depuis que l'amour blesse quelque ame desia cauterisee, vous voyez aussi-tost naistre la trahison, la perfidie, & tout ce que la malice de l'entendement humain peut excogiter de pernicieux : Je suis pour-
tant

tant d'aduis de l'abaisser autant que ie l'ay cy-deuant esleuée, luy accourcir le bras, rongner les aïles de la presumption, soustenant contre luy-mesme, qu'il luy est impossible cacher la sincerité d'un homme, lequel muni d'un martial courage, ne marche sous autre drapeau que celuy de la fidelité. Il faut donc aller chercher l'infidelité parmi les femmes, c'est là qu'elle faict sa principale demeure, & pour preuve, les Poëtes n'ont point dépeint les Syrenes antiques sous le visage d'une femme, & de la queue d'un poisson, ne luy ont point mis les doux accens d'un Orphée en bouche, pour attirer les passans, & un miroir en main, que pour môstrer que les femmes sont les vrayes instrumens de la perfidie lubrique, faciles au change, propres à decenir par leurs paroles sucrées les plus deliez & rusez. Comme aussi ils n'ont point manqué de subject, quand malgré les enchantemens de ces diuines musiciennes, ils font parfaire à Vlysse le cours de son voyage, monstrant que les appas d'une inconstante femme

ne doyuent pas auengler la prudence d'un homme qui a la discretion pour hostesse, & la sagesse pour fidelle amie: Mais comme les saisons ne s'entre-
ressemblent pas, les complexions des hommes sont diuerfes, les vns franchissent fort bien ces destroits, les autres plus effeminez, se laissent empes-
trer d'une telle sorte, qu'ils y laissent & la vie & l'honneur. Ainsi Armide transmuua les Cheualiers en diuerfes formes, & ne peut toutesfois empes-
cher que d'autres plus genereux & subtils ne luy rauissent son Renault d'entre ses bras. Mais quoy, Samson au sein de sa Dalide se trouue reduict à la mercy des Philistins: Hercule au giron de sa Lydienne se laisseroit vaincre à Pigmée, tant la Nature a donné d'apas, d'amorce & de filets à ce sexe: voire tant de ruses & d'al-
lechemens, que c'est vne grande prudence que de les euitier. Que si le cœur respondoit à l'ornement du corps, & à la beauté du visage, on pourroit priser les chaines qui nous tiendroyent attachez à leur amour: Mais comme
le

le serpent se cache sous l'herbe, & que le Scorpion dort sous toute pierre, l'on ne doit que peu souuent se fier à l'amour des femmes. Car apres auoir enyuré quelque Alexandre en vaillance, & quelque Paris en beauté, sous ombre d'une simple importunité ou d'une parole ioyeulement folastre, quitterôt ce Mars pour embrasser quelque Vulcan. C'est pourquoy il me semble que la comparaison de l'esprit de l'homme à vne table raze où l'on peint & efface ce que l'on veut, où à vn pot nouuellement faict, que l'on rompt, & rebastit presque en vn mesme instant, n'est pas sans sujet. Ce discours n'est pour vostre regard mes Dames, qui estes autant accomplies, que eelle pour qui ie parle, specialement estoit encliné au vice, & à la meschanceté : Sçachant que nature & la main de ce souverain Moteur, s'est d'autant delectée à la perfection de vostre ame comme à embellir vostre corps, lequel parfaitement accompli me fait imaginer par l'exterieur, que ce qui est caché sous ceste escorce & simple apparence est
quel

quelque chose de plus releué par dessus la perfection qui s'y remaque. Je vous en dirois d'avantage, mais ie craindroys de vous ennuyer : c'est pourquoy ie finiray avec vne humble priere que ie fais à la compagnie, d'avoir le recit de nostre Tragedie pour agreable, escoutez les Acteurs & vostre patience ne fera point trompée.

F I N.



AVANT-PROPOS
sur les Tetins.

*Tetins de laiët, & de basme,
Tetin qui mon cœur enflame,
le te consacre mes vœux:
Ta vœüe qui me recrée,
Me fait songer en idée,
Au centre ou i'ay pris mes feux.*



TABLE DES OEUVRES DE BRUSCAMBILLE.

H Arangue de Midas.	page 5
Seconde harangue de Midas.	
page.	18
Prologue facétieux.	34
Autre Prologue facétieux.	40
Prologue de la fortune.	46
Prologue sur un plaidoyer.	55
Sur un autre plaidoyer.	60
Galimatias.	64
Prologue de l'impatience.	68
D'un Pedan & d'une Haran- gere.	73
	Gali

T A B L E.

<i>Galimatias.</i>	78
<i>Paradoxe.</i>	83
<i>Autre Paradoxe.</i>	88
<i>Paradoxe d'un pet.</i>	92
<i>Autre sur le mesme.</i>	97
<i>Qu'un pet est une chose bonne.</i>	

101

<i>Autre Paradoxe.</i>	106
<i>Prologue du mensonge.</i>	110
<i>Prologue de la verité.</i>	119
<i>Prologue du silence.</i>	126
<i>Prologue sur un habit.</i>	131
<i>Contre les temeraires.</i>	136
<i>Contre l'Avarice.</i>	146
<i>Des Escoliers de Tholose.</i>	151
<i>Prologue d'un bonnet.</i>	158
<i>De la calomnie.</i>	162
<i>Prologue en faueur de l'Asne.</i>	168
<i>Plusieurs Galimatias.</i>	175
<i>Prolo</i>	

T A B L E

Prologue sur un chapeau.	195
Prologue en forme de discours.	199
Prologue des fols.	205
Prologue des parties naturelles des hommes & des femmes.	211
Des cocus & des cornes.	214
Prologue de l'estuy du Cul.	222
Prologue du priué.	227
Prologue du Cul.	230
De la pauureté.	234
Prologue de l'amitié.	241
Premiere Imagination.	247
Des Pytagoriens.	254
De l'yurongnerie.	261
Creation des Femmes.	270
En faueur des Dames.	275
En faueur des chastrez.	283
Des galeux.	290
Des allumettes.	295
	De

T A B L E.

<i>De Conculcauimus.</i>	302
<i>Du loisir.</i>	307
<i>Accidens Comique.</i>	313
<i>De la Mexique.</i>	319
<i>Des cinq cens.</i>	324
<i>De la folie en general.</i>	329
<i>De la nuit.</i>	336
<i>De la misere de l'Homme.</i>	353
<i>De l'excellence de l'Homme.</i>	359
<i>Procez du Pou & du Morpion.</i>	367
<i>Du Sieur Foüille trou.</i>	374
<i>Du Papier.</i>	378
<i>De la Comedie.</i>	383
<i>Des Poltrons.</i>	390
<i>Voyage & retour de Bruscam- bille.</i>	396
<i>De la colere.</i>	408
<i>De la Medecine.</i>	413
	Des

T A B L E.

<i>Des Receptes.</i>	418
<i>Des chaſtrez ſerieux.</i>	421
<i>Les bonnes mœurs des Femmes.</i>	
424	
<i>Des Puces.</i>	426
<i>Des gros Nez.</i>	431
<i>Prologue à Monſieur le Prince.</i>	
435	
<i>Discours funebre du Bonnet de Jean Farine.</i>	438
<i>De l'honneur.</i>	442
<i>Des Naueaux & des Choux.</i>	446
<i>Des Barbes.</i>	451
<i>De la Scene.</i>	457
<i>De la Conſtance.</i>	461
<i>Privilege de Cornoüaille.</i>	467
<i>Pour Paſtoralles.</i>	471
<i>Des Eſtranges effets de l'Amour.</i>	
476	

F I N.











2553-172



